

JOHN CARTER BROWN
LIBRARY

Purchased from the
Trust Fund of
Lathrop Colgate Harper
LITT. D.



IOANNIS MEVRSI
RERVM
BELGICARVM
Libri Quatuor.

In Quibus

FERDINANDI ALBANI

Sexennium, belli Belgici principium.

ADDITVR

QVINTVS, seorsim antea excusus, in quo
INDVCIARVM Historia; &
eiusdem belli finis.



LVGDVNI BATAVORVM
Apud LVDOVICVM ELZEVIIVM.
Anno cIdIdcXiv.

REV. M. V. R. A. J.

REV. M. V. R. A. J.

REV. M. V. R. A. J.

REV. M. V. R. A. J.

REV. M. V. R. A. J.

REV. M. V. R. A. J.

REV. M. V. R. A. J.

REV. M. V. R. A. J.

REV. M. V. R. A. J.



REV. M. V. R. A. J.

REV. M. V. R. A. J.

RPJCB

ILLVSTRISSIMIS

ORDINIBVS

HOLLANDIÆ

WESTFISIÆQ.

FORTVNÆ

AC

LIBERTATIS

BELGII

FOEDERATI

ASSERTORIBVS

PROPVGNATORIBVSQ.

PRIMIS,

PIIS,

FELICIBVS,

INVICTIS,

HOC

HISTORIÆ

MÆ

MONVMENTVM

QVALECVNQVE

I. MEVRSIVS

DEDICO

CONSECRQ.

EPISTOLA

Illustrissimi Domini,

P Rincipia belli vestri Belgici, quæ
literarum monumento consecra-
ui, Vobis offero. Audeo dicere,
victurum Opus; ob rerum illa-
rum, quas complectitur, digni-
tatem. Nunquam Fama loqui
desinet, quæ Europâ non contenta, etiam Asiam
Africamq; peruagata est, & illic quoque nomen
vestrum inclytum reddidit. Igitur ut istius belli
nullo tempore memoria unquam oblitterabitur, ita
erunt, qui legere illud, & principia ac causas sci-
re, semper cupient. Vobis autem offerre visum,
quia debebam. Vestra enim in hoc Opere inuicta
virtus commemoratur; vestrum illud robur ani-
mi admirabile potissimam Historiæ partem im-
plet. Atque hic Posteritas leget, Vos pro libertate
publicâ, quam Philippus, ille Regum potentissi-
mus, oppressum ibat, contra priuilegia populi, con-
tra fidem à se datam, maximo animo arma sump-
sisse; nec præclara audendi signum, quod secuti sta-
tim Zelandi, primos tollere dubitasse. Scilicet ita
olim

DEDICATORIA.

olim etiam aduersus Romanos, cum indigna cogere vellent, Cl. Ciuili duce, opponere Vosmet ausi estis: & quos orbis vniuersus extimescebat, qui contemnere auderetis, soli Vos sane exstitistis. Ex eo tempore tot iam seculis quasi eneruata virtus parum ab inertia aberat; certe sic existimabant Principes vestri, qui quantumuis, per tot priuilegia adstricti, precarium tantum aliquo modo imperium habebant; nimiam tamen mox potentiam dubiam Vobis libertatem priscam fecerant: Philippus vero etiam nullam facere voluit. Huc cum eum liberae potestatis cupido, proprius dominantium affectus, incitaret, maiestate sua tantum indignum ratum, regnandi legem a subiecto populo accipere; pulchra occasio visa fuit, inuadere tempus per dissidia religionis turbulentum. Sed consilium hoc contra cecidit, quam sperarat: quippe veterem principatum, quem munire destinabat, magnam partem plane euertit. Itaque nunc prouinciae ceterae, quae se iugo subduxerunt, Vobis libertatem debent; quam asserere, nisi vestro exemplo fortes, nunquam sane ausa essent. ac praeterea semel ausa non tueri se potuissent, nisi Vos protexissetis. Neque inficias ulla ibit, animam suam in vestram versari; & prouin-

)(ij ciam

EPIST. DEDICAT.

ciam hanc, quam tenetis, Reip. fœderatæ cor esse. Quinimò illa ut libertatem, ita magnitudinem suam, ad quam hodie peruenisse eam constat, magnâ ex parte Vobis debet. Quod Europa eius fœdera passim amplectitur, æstimatq̃, Asia amicitiam colit, Africa etiam auxilium petijt, quæ Invidia negare possit, vestrum beneficium esse? In partem gloriæ ceteræ quidem provinciæ veniunt, quæ, pro viribus quæq̃ suis, strenuè etiam adiuvæunt; verum tamen primas hîc Vobis deberi, illa ipsæ non inuitæ profitentur. Magni magnitudine istâ, ac fortunâ,


Illustrissimi Domini,

quam supremum Numen Veneror uti Vobis sempiternam, Vos autem communi Patriæ, ac Reip. adeo univærsæ, florentes atque incolumes servet. Lugduni Batavorum. Kal. Iul. clc lccxiv.

ERRATA.

Antequam operis huius lectionem incipias, rogatum te volo, candide Lector, uti paucula hæc errata emendare ne pigeat.

Pag. 2. lin. 23. transposita verba sunt. Rescribe. Oudevvatram, & Bommenedam. in Zelandiâ Zirizeam. in Brab.
Pag. 4. lin. 1. his. scribe. hîc. p. 18. l. 22. vicena c l o. scribe. tricena c l o. p. 31. l. 11. experfurus. scribe. experturus. p. 36. l. 1. mali. scribe. malè. p. 120. l. 9. possunt. scribe. possent. p. 244. l. 4. darte. scribe. parte. Si quæ alia tibi occurrerent, ea pro candore tuo ipse corriges.




I O A N N I S M E V R S I

R E R V M

B E L G I C A R V M

Liber Primus.



EUROPAE pars non contemnen-
da Belgium nostrum est; quod va-
rijs olim Principibus subditum,
matrimonijs mox coniunctum,
obtigit felicissimæ per tria secula
domui Austriacæ, sed quæ ad for-
tunæ culmen peruenisse sub Caro-
lo V videri potest. Ille, siue ætate fractus, siue reg-
nandi, aduersante iam fortuna, etiam satur, cum
exuere potentiam vellet, diuidere instituit: & Im-
perium, cuius successio, ob dubia Septemuirorum
studia, minus certa videbatur, in fratrem suum
Ferdinandum; Hispanias, cæteraque item regna, Bel-
giumque, ceu certissimam hereditatem, in Philippum
filium transtulit. Sed consilij eius postea pœnitentia
ipsum incescit. Nam penitus cum attenderet, ob-
noxium magnitudini suæ Imperium videbat, & arca-
na quadam necessitate obstrictum sibi Germaniæ
A statum,

statum, ne aliunde Cæsarem legeret, quam è sua domo, cuius ipse tunc temporis caput, & post eum futurus filius. Hoc ergo modo Philippum principem Belgium accepit, & cum eo grauissimas turbas, per quas sub legatis pluribus variè affectum. Causæ erant, & mutata maiorum religio, & ad opprimendam istâ imminuta priuilegia. Quippe res illa animos populi, cætera placidos, neque temere moueri faciles, incitauit. itaque initio, reuerens principis, iniuriam ipsi repræsentat, & vim item deprecatur, supplicatque, uti ne vexari sese tam indigne, neue opprimi præter ius aut fas permetteret. Verum ubi reiectis precibus, nihil omnino tyrannis remitteret, post spem exhaustam profligatâ patientiâ iram accendit desperatio; armaque sumpta, extrema vitæ, ac publicæ libertatis tutela. Arduum sane id bellum fuit, & cui par vix sanè dixerim an priora secula viderint; nec fidem adeo habitura posteritas erit; etiam cum in monumenta fide optima relatum leget. Ac profectò, si fateri verum volumus, quis aut arma animosius intulit? aut constanter vnquam pertulit? aut aduersa fortius excepit. Videte in Hannonia Montes; in Hollandia Harlemum, Alcmariam, Leidam, Oudewatram; in Zelandia Zirizeam, & Bommenedam; in Brabantia Traiectum ad Mosam, & Antuerpiam; in Flandria Slusam, & illam, quæ exempla omnia superat, Ostêdam. Omnes hæ pro libertate fortia quæuis sunt perpeffæ; & fecere etiam multæ.

multæ. Sed hæc partium virtus fuit; nunc Remp. vniuersam inspiciamus. Romanum militem Veij x. Numantia xiv. Italia sola 15 annos est remorata. Fœderatorum vero arma nullæ vrbes semestri ultra sustinuerunt; & vii prouinciarum libertas annis xxxi v vindicata. Roma Africæ, quod miserat bellum, animosè reposuit, & Carthaginem extirpauit. Sic Hispaniæ Fœderati, Gadesque diripiunt. nec hoc contenti, arma sua vltèrius nauigare iubent, Indiasque adeo ipsas petunt, Philippi ærarium; & Regem ante id tempus inuictum, Europæ vniuersæ terribilem, ad pacem offerendam impellunt. Sed rei initia proponamus.

CVm è Belgio discederet Philippus, Margaretam Parmensem prouincijs imposuit, mulierem, rerum imperitam, sed quæ in administranda Rep. Antonij Perenotti Cardinalis Granuellani consilijs vteretur. Obtinuerat id a rege homo solerter ambitiosus, vt penes ipsum, sine inuidia, rerum omnium summa esset. sed dum immoderatè potentiam habet, turbata valde quiete publica, & exasperatis procerum ac populi animis, vt offensæ se subtraheret, in Sequanos abiit, moxque amota Parmensis cum Ferdinando Aluaresio Albano præfecturam mutauit. Sub discessum regis erat in limite miles Hispanus, quem remoueri Ordines petebant; & rex promiserat, sed de in-

A ij stinctu

stinctū Granuellani arbitratus, certum his sine illo principatum non fore, diu restitit. tandem, cum instare magis magisque ordines videret, inuitus acquieuit. atque hæc prima eius offensa. Absente rege, agitur ut maiorum religio salua esset: eoque Inquisitio requirebatur, & plures episcopi. Hoc consilium Belgij pacem, & Philippi in prouincijs illis imperium, penè evertit. Magnam hinc operam dedit Franciscus Sonnius, Theologus Louaniensis, qui Romam profectus Pontifici exposuit, *quæ Belgij magnitudo esset, quæ populi frequentia, atque opes. in summâ libertate magnam esse religionis negligentiam, unde hæreticorum potissimum incrementum; cui occurrî à sede Romanâ necessario deberet.* Et orator non indifertus in pietatis negotio facile causam obtinuit. Itaque cum episcopi hætenus tantum quatuor essent, Cameracensis, Atrebatensis, Tornacensis, & Ultraiectinus, augere numerum placuit, & quatuordecim alios adijcere, quorum electio ad regem, confirmatio ad Pontificem pertineret. His destinatæ vrbes maximæ. Machlinia, Antuerpia, Silua ducis, Ganduum, Brugæ, Ypera, Audomaropolis, Ruremunda, Dauentria, Harlemum, Middelburgum, Leouardia, Groninga, ac Namurcum. Quin etiam III archiepiscopatus constituti; Ultraiectum, Cameracum, & Machlinia; cum iniuriâ manifestâ archiepiscoporum Coloniensis ac Rhemensis: nam ad illum Ultraiectum, ad istum Cameracum pertinebat. Ultraiecto autem subiectæ

subiectæ Dauentria, Harlemum, Middelburgum, Leouardia, & Groninga: Cameraco Atrebatum, Audomaropolis, Tornacum, & Namurcum: Machliniæ, Antuerpia, Silua ducis, Ruremunda, Gandauum, Brugæ, & Ypera. Atque hæc postrema, Granuellano assignata, prima dignitate esset. Hinc populi querelæ, & optimatum, collegiorum quoque, ac monasteriorum. & pars priuilegia libertatemque concuti, pars sacerdotia in alios transferri, indignabantur. inde sequitur capitale crimen, nobilium supplicatio; & veri præludium, imaginarium bellum. Quamobrè cum, ingrauescente tumultu, impar sedando fœmina videretur, remouere à Republ. placuit. Ac quidem seriò deliberat Philippus, consiliumque Madriti primum, dein Segouiæ etiam habet, duplici consultantium adfectu; *utrum veniâ, an vindictâ vteretur.* Ruisius Gomesius Silua, Suaresius Figueroa Ferianus, & Bernardinus Fresneda, clementiam suadebant, ac *concedendam Belgis delicti pœnitentiam.* contra Ferdinandus Aluaresius Albanus, Spinosa Cardinalis, & Inquisitionis præses, *coërceri rebellionem, & in auctores animaduerti* volebant. His Philippus rex accedit, & proximo vere bellum pronuntiat, exercitumque decernit, à seducendum. Tenax illi offensæ animus; & occasio videbatur, *obnoxia iam prouinciarum libertate, munire principatum, per tot priuilegia hætenus precarium.* itaque offensam non vltra clam habet, & pœnæ

initium à Montinio facit, ac Bergensi, qui anno præterito oratum missi ad mitiganda de inquisitione edicta, in hoc tempus dilati, in custodiam abducuntur. ubi Bergensis, iniuriæ impatiens, mœrore animi dubium, an veneno, decessit. Montinius postea extra Segouiam productus, securi percutitur; vir magni animi, & affectus in Remp. Bona vtriusque fisco addicta, nec maiorum profuit religio, quam tuebantur. & Bergensis, ut regem placaret, per literas vxori mandauerat, quicunque pueri in sua ditione a sectarijs lustrati essent, hos ut denuo lustrari iuberet. pro Montinio, quæ aduentabat, Philippi sponsa, Anna Austriaca, deprecatura dicebatur. sed illi ne gratiam hanc faceret inuitus, maturato supplicio, intercessionem exclusit. Iam Philippus in Belgium iturus de via deliberat. *Oceanum ingredi exiguo nauigio, præter dignitatem; cum magna classe, longi apparatus videbatur. & periculum in Hollandia aut Zelandia timebatur, ob Auriacum illic præsidem, in turbatis prouincijs fidei si non ambiguum, tamen suspectum. per mediterraneum mare, longa via erat, & magnæ impensæ; & ut per Italiam iter non difficile, ita per Germaniam, propter principes Protestantes, per quorum terras transeundum, non satis tutum.* quapropter per Sabaudiam, Burgundiam, ac Lotharingiam ire placuit. hæc breuior via, & periculo vacua, etsi non molestia: cui minuendæ, quia, anno inclinante, per aspera montium impeditus in Sabaudia transitus, a rege Galliarum petitus

titus commeatus, vt ad forum Iulium copias expone-
re, ac per Prouinciam, agrumque Lugdunensem, vbi
cœlum clementius, traducere in Burgundiam liceret.
cumque is excusaret, frequentes illic Protestantes esse,
nec tutum ideo militum transitum, tandem decretum
est, per Sabaudiam iter facere. sed quia in ea commea-
tus inopia, ad ducem amicum, Philibertum Ema-
nuelem, Ioannem Cunigam amandat, & Franciscū
Ibarram, vt venturo exercitui iste transitum, hic an-
nonam procuraret. eadem de causa ad Lotharingiæ
ducem Antonius Mendosa mittitur. ac rata sane lega-
tio fuit. His peractis, cum in procinctu rex staret, alij,
potestatis auidi, suadere *ne iret. castigandos esse Belgas,*
ipsum natura nimis benignum: insuper, spectare pœnas, prin-
cipi indecorum. igitur mutare sententiam Philippus, &
legatum destinare, cum exercitu, ac plena potestate.
inter hæc dispicit, cui negotium id committat. & hi
Carolus filium suadent, cuius reuerentiâ, ceu legiti-
mi principis, facile Belgæ ad obsequium redirent. alij
Medinacœlium proponunt; alij Albanum, militiæ
clarum: cuius virtutem, coërcendis perduellibus ne-
cessariam, magis extollere, qui remotum ab aula æmu-
lum cupiebant. & obtinuit horum sententia, indig-
nante vehementer Carolo, qui benignè in Belgiū affe-
ctus, tranquillari illud, quam castigari malebat. Mox
euocatæ Neapoli, Sicilia, Sardiniaque, legiones vetera-
næ, & duplicatæ leues armaturæ, additæque ex Hispa-
nis tur-

cIo. Io. nis turmæ duæ, Lopesij Sapatæ, & Sanchij Auilæ.
 LXVII. equitum sclopetariorum item 11, Petri Montani, &
 Consalui Monteri. in Sueuia, & comitatu Tirolensi,
 Albericus Lodronius peditum Germanicorum habi-
 to delectu, signa x 1 1, è militibus c c c singula, con-
 scribit. Hoc apparatu, mense Maio, anno cIo. Io.
 LXVII. L x v 1 1. cum filio utroque, Friderico, ac Ferdinando,
 Barcinone soluit Albanus; & febris pariter atque ar-
 thritide correptus, curandæ valetudini, Nicæ cum
 1 v triremibus subsistit, cæteram classem Genuam præ-
 mittit. inde subsequitur, viribus refectis; & septimo
 die, quam discesserat ex Hispaniâ, Genuam appellit.
 ibi vexilla tironum selecta 1 v veteranis miscuit, in Bel-
 gium ituris; & Alexandriam profectus, Gabrielem
 Cueuam Alburquercium, Mediolanensis ducatus præ-
 fidem, obuium habuit. mox ad Pontificem ablegat
 Mendozam, renouando consilio, quod se auctore cum
 reginâ ante biennium Baionæ habitum. deinde, mili-
 tem lustraturus, Ambrosij fanum contendit. id pro-
 uinciæ subalpinæ est oppidum, prope montem Ceni-
 sium, quo Ibarra aduectâ annonâ exercitum omnem
 conuenire iusserat. Erant in eo sub signis x L 1 x pedi-
 tum Hispanorum paullò minus nouena cIo. quorum
 primi ductores, Alphonsus Vlloa, Iulianus Romerus,
 Sanchius Lodonius, & Consaluus Braccamontius.
 & Vlloa quidem signa x 1 x. reliqui x quisque duce-
 bant. his additi in fronte sclopetarij maiores x v, in-
 gens

gens pugnae momentum, ut usu compertum. equites Hispani, Itali, Epirotæ, in xii turmis, c l o c c. Lustrato exercitu, & à morbo recreatus, Astam venit, atque inde Poërinum. ubi habito cum Sabaudo colloquio, Ambrosij fanum, quo militem præmiserat, cōtendit. moxque Cenisio monte & Alpibus superatis, Monflorium venit, in Burgundiæ limite. Exercitum omnem trifariam diuiserat. primum agmen ipse ducebat, medium filius Ferdinandus, vltimum autem marchio Cetonæ, Chiapinus Vitellius, vir belli egregius. In itinere magnæ molestiæ, per loca abrupta, & arduas conualles, quas Arua scindit, streperum flumen, per confraga saxa in Isaram illabens, ubi ponte iungitur. ad hæc alia quoq; difficultas obiecta; quippe sterili loco, sine quiete continuanda diu itinera, militem fatigabant, fame morituro, si eodem hospitio plus die egisset. Dum ita per Allobroges iter facit, vehementer sibi timere Heluetij, maximè vicini Geneuenses, qui ad foederatos, pari metu consternatos, auxilium oraturos mittunt; item in Heduos ad Condæum, communi periculo ut arma capefferet, atque opem ferret. sed hunc metum Albanus ipse statim exemit, cum, nusquam moratus, in Belgium festinat. Dum in Burgundiâ est, adiungere se copijs sclopetarij c, cataphracti c c c c, à Philippo conscribi iussi. ijs præerant, comitatus præses Vergius, & nobilitatis principes, Cheuereaulxius, Mommartinus, &

c l o. l o.
LXVII.

c10. 10.
LXVII.

Clarouallius. Monflorio digressus, duodecimo die Fontenaium attigit, Lotharingæ oppidum, in limite positum. inde cum villam Theodonis venisset, in principatu Lutzemburgensi, à Parmensi missi Barlamontius, & Noircarmius, mandatorum à rege exemplar petunt. eo exhibito, cum tranquilla omnia in Belgio esse illi referrent, equitatum Germanicum, in limite præstolantem, auctoramento soluit. Obuium illic Egmondanum habet, qui dicis ergo aduentum gratulatur. hunc ut minus venientem vidit, ad præsentes conuersus, clarâ voce; en hæreticum, inquit, magnum! audiebat elogium Egmondanus, animumque turbatum vix composuit, cum blandè exceptus ambiguum dictum benignè interpretatur. Londronij legionem Antuerpiam præmittit, & Belgarum xvi signa vrbe excedere iubet. Bruxellas, salutandæ Parmensi, Ibarram destinat. eumque subsecutus cum cætero milite xi Kal. Septembris illuc venit. ibi legionibus præsidia distribuit. Sardõam Auguiano, Neapolitanam Gandauo, Langobardicam Liræ, Ferdinandum filium cum quàm maximo equitatu Diestæ imponit; solam Siculam sibi reseruat, & per metatores hospitia assignat. tum Parmensem magno comitatu in palatio salutat, ac mandata regis explicat; quibus illi & armorum summa, & religionis arbitrium, ius deniq; omne in magistratus vel castigandos,

dos, vel mutandos, præterea vitæ ac necis suprema potestas committebatur. sola rerum ciuiliū administratio Parmensi relinquebatur. &, ne quid controuerti posset, in dubijs negotijs, vni ipsi interpretandi ius dabatur. post hæc à rege literas profert, quibus scribebat, iussa Albano etiam quædam secreta dedisse, in tempore reuelanda. hæc quæ essent, cum interrogaret; renidens ille, oblitum se dicere: sed mox, cū occasio foret, in memoriam reuocanda. satis contemptim responsum videbatur, sed prudens fœmina offensam dissimulat, tempusque operitur, quo, comite impetrato, prouinciâ decedat. calumniæ de eâ apud regem fuerant, *conniuentiâ suâ, & lenitate muliebri, fouisse turbas, seueriter compescendas.* has absentiâ refellere statuebat, &, tam dispari successore sæpius desideranda, in meliore Belgarum affectu solatium ponebat. Protinus iussa exequitur Albanus, & anni superioris libello pro rege respondet; tum Caroli, & Philippi, de religione inquirendâ edicta reponit; deque ordinum conuentu spem conturbat. prouincijs, quæ rex mandasset, per literas denuntiat. simul ad obsequium hortatur, pacemq;, & veterem sacrorum cultum. etiam diploma regium, auctoritatis firmitamentum, typis vulgat. Arcanum mandatum erat, punire procures fidei incertos. hoc, cum Parmensi ingratum sciret, clam habere Philippus iusserat.

cl. 15.
EXVII.

& colloquio satis id compertum, cum asseueraret, *si clementer haberentur, constantes obsequij omnes fore. experiundo didicisse, Belgarum ingenia impelli non posse. si blandè agat, fide inter se certaturos; si vim intendat, pro libertate quiduis ausuros.* sed ille institutum nihilominus vrget, ac vrbanò magistratui claues adimit. indignantibus cunctis minui ius suum, Gandauenses, quibus plus animi, per Egmondanum, prouinciæ præsidem, de iniuriâ conqueri ausi, responsum accipiunt; *continerent sese: ipsum, quod regi expediret, consulturum esse.* Ordinatis rebus, de inquisitione edicta restituit. hinc Ordinum loco xii viros rebus iudicandis instituit, qui sub ipso præside, imminutâ curiarum auctoritate, & Senatus Belgici supremi, contra prouinciarum priuilegia, de perduellibus, acturbatæ religionis reis, cum plenâ potestate cognoscerent. huic Senatui destinati initio promiscuè prouinciales, & extranei; Arenbergius, Barlamontius, ac Noircarmius; Hadrianus Marius, Gelriæ cancellarius; Artesiæ præses, Ioannes Porta, Iacobus Hesselius, Ioannes Vergas, Ludouicus Delrio, Belinus Biesius, Ioannes Bosius, cognitor regius; & Iacobus Torræus, qui ab actis esset. Albani vicem præsidis partes Vergas sustineret, propudium hominis, & vti fama erat, ob vim illatam virgini propinquæ, Hispaniâ exul. cuius sæuitiam ipsi quoque Hispani testati, dignum Belgij carcinomate cultrum dicebant. Primo trimestri comparere ipse

ipse Albanus, ac pro libidine solus ius dicere; senatui ^{cl. 15. 157}
 cætero tantum consulendi potestas esse. eâque iniuriâ ^{LXVII.}
 mox commeatum petere nonnulli; alij tyrannidem
 detestati, sponte suâ emanere. itaque ex x i i v i x i i i re-
 perti, qui damnatorum sententijs subscriberent, Ver-
 gas, Delrio, ac Torræus: tam insigni omnium odio,
 vt hi T V R B A R V M, illi S A N G V I N I S S E N A T V M
 appellarent. cumque principio decretum esset, non
 alijs litem intentare, quam nobilibus fœderatis, ab-
 sentibus, ac profugis, concionatoribus quoque, con-
 sistorianis, quos vocabant, iconomachis, & perduel-
 libus; alia his capita adiecerunt, quibus obnoxij qui-
 cunque tenerentur, ij regis maiestatem læsisse, bonis-
 que omnibus excidisse iudicarentur: tam latâ quidem
 interpretatione, vt nemo non crimini propinquus vi-
 deretur. Hic Senatus, istâ auctoritate munitus, decre-
 ta Hispanica exequi paullatim cœpit. Auriacus, Eg-
 mondanus, Hornanus, Hochstratenus, Bergensis, &
 Montignius, animum regis offenderant maximè; nec
 pœna amplius differenda. quamobrem negotium si-
 mulare Albanus, ac Bruxellas proceres euocare, de
 summâ rerum consulturus. conuentum indicit ad v
 Eid. Septembris in domo Culemburgicâ, quam, oc-
 cupato à Parmensi palatio, ipse infederat. vbi conue-
 nissent, Senatum ignarum armis obsidet, & de arce
 Antuerpiæ imponendâ consultans, cum diem exe-
 misset, sub vesperam demum consilium dimittit. in-

clo. 15.
LXVII.

ter exeundum, ut minore tumultu res gereretur, seorsim emissos, Egmondanum Sanchius Auila; Hornanum Hieronymus Salinas comprehendit. Egmondanus, animi egregius, cum gladium ponere iuberetur, quo tam fortiter aliquoties pro rege usus, nequicquam ordinis sui ius obtestans, ægrè discinxit. Hornanus autem, circumstantes de eo percunctatus, cum nemo responderet, sublatis cœlum versus oculis, altè suspirans; *nimirum*, inquit, *æquum erat, ut cuius me consilijs permisi, eius quoque fortunam sequerer.* Id verò, prouidus futuri Auriacus, in supremo Willebroci colloquio, vates nimium verus, euenturum utrique prædixerat. quippe ominatus erat, ipsum Egmondanum pontis vicem futurum, per quem Hispanus, libertatem pessum daturus, in Belgium transiret. sed vir diligens retinendæ dignitatis, & grauem sine eâ vitam habiturus, dum aliter saluam non fore existimat, fato quodam in exitium trahitur. Captiuus appositus miles Hispanus. Re patratâ, per Barlamontium, & Mansveldium Parmensi nuntiat, *hoc fuisse in regis literis intellectu obscurum, quod explicari tunc haud consultum. factum, ut, si turbaretur, deriuatâ in se inuidiâ, ab odio populi, quem ipsi regendum rex commiserat, & periculo immunem præstaret.* Animum foeminæ, cum ingenio sexus sui, tum potentiâ imminutâ, satis irritabilem, pupugit eiusmodi excusatio, quâ illudens in dubium traheret tot rebus gestis perspectam fidem;

dem ; & , prouinciâ decedere iussæ , tanquam ad-
huc gubernatrici insultaret. Nec his contenta Al-
bani ira , vltra pergit. Moxque Ioannes Casembro-
tius Backerselius , vt consiliorum , ita fortunæ pars
herilis , carceri mancipatur. & Lodronius Anto-
nio Straleno , consuli Antuerpiano , opibus ac gra-
tiâ inter suos insigni , in viâ Machliniensi manum
inijcit ; bona in commentarium referri , ædesque
obsignari mandat. præter hos capti plures alij , lo-
co & sorte dispares. Carolus Mansfeldius , qui
cum foederatis principio fuerat , siue exemplis terri-
tus , siue innuenti clanculum patri obsecutus , ex au-
lâ se subtrahit , non tutum ratus , aut regis gratiam ,
aut præfecti seuerissimi amicitiam experiri. Hoch-
stratenum casus seruauit. nam in aulam cum pro-
ficisceretur , Albani iussu consilia collaturus , læ-
so forte per viam crure , emanendi causam inue-
nit. Ingens terror Belgas inuasit , vtque innocen-
tiam tutam haberent , hi trans mare in Britanniam ,
illi in finitimam Galliam , ac Germaniam , isti ad vr-
bes Anfiaticas passim diffugiunt. Captiuos procures
sub custodiâ III c I O militum Gandauum mittit ,
in arce asseruandos ; iussu prius Egmondano tesse-
ram à præfecto reposcere , & Alphonso Vlloræ tra-
dere , qui cum præsidio illic esset. nobilitas reliqua ,
pars Viluordix , pars Bruxellis in carcere habita.
postea

clo. lo.
LXVII.

postea Antuerpiam veniens Albanus, in suburbio Kiliano, meridiem versus, diruto muro, ac turre vetustâ, portâ Cronenburgicâ, arcem ordinat, arduo opere, & impensa quaterdecies centum clo florenorum. è quibus cccc clo Antuerpiensibus imperata, ex centesima, vicesima, & decima recipienda. præponitur fabricæ Paciottus; simili in Taurinis opere artis clarus. operæ ii clo laborem continuantes breui tempore ad finem perducunt. propugnacula v circumposita, ac priori Albanus à se dvcis, secundo FERDINANDI, tertio TOLETANI, quarto ALBAE nomen imponit. quintum in artificis memoriam, PACIOTTVM vocat. inde cum cccc equitibus ipse ingressus, opus inspicit, ac præsidium Gabrieli Serbellono mandat; tormenta que bellica vrbi erepta illic collocat: magistratum denique lectos, & cætera præsidio necessaria, curare iubet. in vrbe cum legione Germanicâ Lodronium relinquit. eo factò Bruxellas repetit. Interim, commotâ denuò Galliâ, Carolus rex auxilia ab Albano poscebat, ex fœdere debita, quod Baionæ cum reginâ clam contraxerat. Legatur fano Quinctini præfectus, cum tribus alijs è primariâ nobilitate. nec irrita legatio fuit. quin Albanus, ceu rebus iam in Belgio pacatis, ipsum seducem vltro offerre. sed suspectus Gallis tam obuius fauor, & in regni penetralia talem venire, exploratio verius, quàm auxilium putabatur. quamobrem gratijs actis respondent,

dent, tutius alium copias auxiliares ducturum; ut enim ipse
 adsit, & Belgium deserat, neutri regum expedire. tum
 Arenbergium designat cum equitibus c l o l o; pe-
 ditibus c l o c l o, Hispanis ac Belgis, qui, declinan-
 dæ Albani sæuitiæ, in militiam sese dederant. Iam re-
 bus in Belgio constitutis, adfuturus Philippus crede-
 batur: ac initio ita statuerat; sed turbæ in aulâ, ac reg-
 no, retinuerunt. Carolus filius, veluti rerum nouarum
 studio, in custodiam datus, vxorq̃ue Elizabetha acci-
 tâ morte è viuis sublata. tum in Bæticâ compescendi
 motus Maurorum. Albanus vbi comperisset, pluri-
 mos Belgas in Galliam profugos contra regem arma
 induisse, edicto eos, mense Septembri promulgato,
 reuocare conatur. moxq̃ue Octobri proximo iterat,
*vetans quemquam patriâ excedere, aut extraneo principi mi-
 litare. si qui negligerent, ijs extremum crucis supplicium, &
 bona publicanda denuntiat.* in præsentis passim sæuitum,
 & breui tempore carnificis manu interfecti amplius
 c l o l o c c c. Hâc re, qui vltro solum verterant, se
 beatos existimare; exiliumque, ac paupertatem, gra-
 uiore aliorum miseriâ, multò libentius tolerare. x i v
 Kal. Ianuarias regius cognitor, Ioannes Bosius, pub-
 licè in iudicium vocat Gulielmum Auriacum, Lu-
 douicum Nassouium, Antonium Lalanium Hoch-
 stratenum, Gulielmum Bergensem, Florentium Pal-
 lantium Culemburgensem, Henricum Brederodium,
 aliosq̃ue: intraq̃ue proximas v i septimanas adesse

C

Bruxel-

c l o. l o.
LXVII.

CLIO IO.
EXVII.

Bruxellis iubet. Auriaco beneficia commemorat, & honores à Carolo ac Philippo collatos; tum, obiectâ ingratitudine, non vno crimine perduellionis reum agit. Höchstreateni, & cæterorum, eadem ferè accusatio. Parmensis, impetrato commeatu, ordines Belgij scriptis v. Eid. Decembres literis valere iubet; *in regem fidem, in ipsos affectum*, seriò testata. simul hortatur, *uti maiorum religionem, & regis sui cultum*, porrò constanter tuerentur. Animo angi ob biennij præteriti turbas, quas tamen ipsa Dei gratiâ, & fidei subditorum operâ, dispositis per oppida obnoxia præsidijs, composuisset. nec restare aliud quicquam, quàm *ut*, malis pœnâ compressis, rex de cæteris pro arbitrio constitueret. huc consilia sua contulisse. sperare autem, eam curam adhibiturum, qua priscam felicitatem provincijs reduceret. optare item, quam coram illis potestatem accepisset, ibi quoque deponere posset. sed mandato expresso prohiberi, & nolle regem, nisi se præsentem, conuentum haberi. Non multo post in Italiam discedit, prosequente aliquousque Albano. Desiderium sui in animis Belgarum fœmina reliquit, potentia præ successore moderata. rex prouinciæ benè administratæ gratias agit, & aureorum vicena CLIO, atque annua vicena mercedem decernit. alij quadragena memorant. Captiui procures, mox aucti, angere omnes; & exempla tam illustria nemini veniæ spem permittere. Sabina Bauara, Egmondani vxor, adeò violento casu consternata, dato Nicolao Landæ negotio, liberare virum custodiâ

stodiâ nititur. conatus irrita, saltem *ut aurei velleris* c. 15. 15.
equitem, aut Brabantiae terra baronem, haberi supplicat. LXVII.
 itaque pluribus libellis agit, *ut collegis, pro ordinis iure,*
iudicandus permitteretur. id usitatum semper fuisse, & No-
uocaſtello, Montage, Romonio, Gruythuſio, Raueſteinio,
Haultbordino, alijsque factum: quos perduellionis itidem reos
à principibus secundum ordinis sui statuta habitos. nec quen-
quam unquam aliter acceptum, nisi prius, de principis &
collegij ſententiâ, ordine motum. quo si excidiſſet, tum ei, per
Brabantiae priuilegia, regis iuramento firmata, quæ reum pro-
uinciâ exportari prohibent, dandum iudicem ordinarium. Fœ-
minæ principi, pro marito rectè supplicanti, distin-
ctione superbâ Albanus illuſit; & regem ſegregans,
pro Belgij domino, non velleris præſide, de cauſâ cogniturum
reſpondet. porrò Landam abſtinere iubet. Hic Sabi-
na, de liburnicis paratis famâ; metuens, ne è Braban-
tiâ pridem auectum mox quoque in Hiſpaniam trans-
ferrent, prouinciæ Ordines enixè orare, darent operam,
ne quid præter ius faſque pateretur. illi rati tam æqua po-
ſtulantem deſeri non oportere, apud Albanum inter-
cedunt, ne migraret leges populi, aut datam à rege fidem
violaret. iſque reſpondet, ex æquo & bono rem curatu-
rum; nec in nomina tam illuſtria, fideique in regem & meri-
torum antè præclara, temerè quicquam commiſſurum. ea-
dem anniti, cum Hornani matre, apud Cæſarem, Im-
perij principes, cæterosque eius ordinis equites, in
Hiſpaniâ, Italiâ, Germaniâ, & alibi. interim cuſtodia

c15.15. nihilò liberior. & i v Eid. Nouembris, iussu Albani,
 LXVII. Vergas, Delrio, Pratiusq; Hornanum adeunt, ac re-
 sponderi sine exceptione ad interrogata postulant. si
 detrectet, ceu in contumacem actum iri. ea res quatri-
 duum exemit. dein anno c15 15 LXVIII ad diem i v
 LXVIII. Eid. Ianuarij, coram Francisco Montefio, & Antonio
 Auilâ, LXIII accusationis capita Pratius tradit, quibus
 intra v diem respondere deberet. idem Egmondano
 factum. Auriacus, futuri prudens, Dillemburgum in
 Germaniam euaserat. Hochstratenus in Vbijs erat.
 vterque scripto crimen remouent. *fidei semper in regem
 certos componendis turbis omnia tentasse. falsò in ipsos culpam
 verti, quam Inquisitioni iure imputarent. illum Hispano-
 rum astum esse, qui libidine dominandi antiqua regionum iura
 conuellere annisi, ansam quererent sumendis armis, & oppri-
 mende per vim libertati. ideò creatos novos episcopos, & pro-
 mulgatum concilium Tridentinum, impulsore maximè Gran-
 uellano, qui Belgij procerum infestus hostis, prosapia obscu-
 rus, illustrissimum quemq; potentia supergressus, eaque ambi-
 tiosè usus, remp. omnem peruertisset. non iudicium declinare,
 si idoneum, & secundum ordinis equestris statuta, daretur.*
 Aliorum alibi, in eodem reatu, par respõsum. Interim
 Auriaci filium inuadunt, Philippum Buranum, misso
 Verga, qui Louanio eum abduceret, vbi studiorum
 causa agebat. nec vel ætatis innocentia, vel implorata
 à Rectore Academiæ priuilegia, vix tredecenni pro-
 fuerunt. passim etiam in vincula coniecti prouincia-
 rum

rum urbiumq; aduocati, & syndici. omnes crudelissi- c. 10. 103.
LXVIII.
mè habiti. inter cæteros Iacobus Endius, Holladiæ ad-
uocatus, sæuienti Albano miserrimè obiectus. virum
gratiæ & fidei inter suos insignem, Bosuuius, absente
Auriaco prouinciæ præses, ad cœnam vocauerat, eâq;
finitâ abiturum, apud se detinuit. inde domum eius
Sandium mittit, ipsi ab epistolis, vnaque Gulielmum
Berendrechtum, actuarij curiæ adiuuam, qui scripta
schediaque eius omnia in indicem referrent. tum
noctu per prætorem, additâ aliquot militum custodiâ,
Bruxellas captiuum mittit. illic, confectus mœrore,
anno post in carcere perijt. innocentiam viri Ordines
tueri annisi erant, Antuerpiamque, vbi tunc cum Se-
nato suo esse Albanus, miserant è primariâ nobilitate
Assendelfium, ac Mathenesium, & aliquot primarum
urbium consules; additusq; Ioannes Tresslongus, vir
forensis eloquētiae clarus, primusq; postea in supremo
Holladiæ senatu præses. is acrius bonam causam age-
bat; ac libera oratio penè exitium patrono attulit. nam
totum diem in cubiculo domus asseruatus, nemine ad
colloquiū admissio, cum silentij iuramēto vix dimitti-
tur; tanto cæterorū metu ne prehenderetur, vt mutatis
statim hospitij, re infectâ, vrbe excederent. Sub hoc tē-
pus rex Philippus, de re Belgij animi incertus, ad Inqui-
sitores totâ defert, ex eorum sententiâ deinde acturus.
ijq; xiv Kal. Martias respōdent; *Belgas omnes, cuiuscunq;
ordinis aut loci, diuinae pariter ac humane maiestatis reos esse.*

clo. Io.
LXVIII.

solos excipi, qui in probationibus indicarentur. hos apertè Dei, ecclesiae, & regis sui reuerentiam exuisse; illos, cum reprimere sectas turbasque debuissent, per initia exiguas, tolerando vires addidisse. eidem culpæ nobilitatem affinem videri, quæ, quietis publicæ pretextu, populum per libellos supplices concitasset. ratum regi hoc consilium. igitur per literas III Kal. Albano imperat, vt in sectarios ac perduelles è S. Inquisitionis præscripto quæstionem habeat. isque, ne deinceps, quorundam mollitie, in sententijs ferendis fluctuaretur, abrupti rigoris iudices delegat; qui ex consilij, quod SANGVINIS appellatum diximus, præcepto, de noxiorum pœnis arbitrarentur. horum licentia cum in innocentissimos quosque grassaretur, neque sanctione tam laxâ quisquam omninò eximius haberetur, metuere sanè vehementer, qui dignitate, aut opibus, præcellerent. nemo non suum periculum putare. & metum augere quotidiana miserrorum spectacula, graua in præsentis supplicia, bonaque absentium publicata. Tam inclementi rigore passim plurimi patriâ exacti. parsque in Flandriâ occidentali siluis sese abdidere, vnde factâ manu erumpentes, in sacerdotes monachosque noctu irruunt, comprehensis bona eripiunt, & eâ, quam passi erant, immanitate, nares auresq; foedè obtruncant. quibus coërcendis missus miles cum frustra esset, vicatim rusticos Albanus sui quemque curionis curam gerere, ac bona erepta, à iudice æstimanda, restituere edicto

eto iubet. deinceps verò pro vitâ eorum, ac facultati-
bus cauere, nullo priuilegiorum obtentu. Auriacus, cIo. Io.
LXVIII.
intellectis Albani consilijs, tam iniquè se ac filium
diuexari indignatus, apud Cæsarem, Electores, nec
non reliquos Imperij principes, de iniuriâ ac vi con-
queritur, & intercedi apud Philippum orat. at is li-
teris & legato Cæsaris respondet; *rerum Belgica-
rum negotium Albano abs se creditum esse. huic se Au-
riacus sisteret, benignè audiendus. sed illum sæuitiæ fa-
ma deterruit. quamobrem ad Imperij proceres,
& propinquos, conuersus offensam iterum repræ-
sentat. se defensione prohiberi, bonisque euertere. filium in
Hispaniam abductum, conculcatis Brabantia, & Academia
Louaniensis, priuilegijs. tum priuatæ iniuriæ publicam
addit. antiquam Belgij libertatem oppressum iri. passim ar-
cibus, locisque munitis, Hispanos imponi, Belgij & Germa-
niæ hostes. alibi arces nouas fieri. infelices Belgas dum, tuen-
dæ libertati, Inquisitionem auertere nituntur, in ærumnas
grauiores incidisse. nec Belgij tantum periculum uerti, sed
illo subactò, in proximam solo & culpâ Germaniam iram His-
pani transferendam esse. itaque in communi causâ operam
conferrent, hominibusque præter fas oppressis auxilia decer-
rent, multò maximum libertatis suæ firmamentum. eâ ora-
tione flexi nonnulli, quos genus aut religio iungebat,
militem promittunt. interim, innocentia testandæ,
apologiam edit. Sub hoc tempus nobiles aliquot sæ-
uitiam Albani vlcisci statuunt. quadragesima erat, &
anni*

elo. lo.
EXVIII.

anni tempus pietatem suadebat. ad eamque exercendam Groenendalium, in nemore Sonio monasterium, proficisci cogitabat. id gnarum alijs, occasionem consilio dedit. Risoirius & Carlous, è gente vander-Notiâ fratres, duces se præbent. Carlous, ut periculum temporis euaderet, in monasterium illud se abdiderat. parati pedites circiter lō. equites plus minus lō cc. plerique in castello Ohanio occultati. & patrata res erat, nisi è militibus quidam insidias prodidisset. is Licquij pridem domesticus ad ipsum defert, ille porrò ad Albanum. qui propositum pietatis exercitium, quia non crederet, vix differre persuadetur. è coniuratis vnus, de cohorte Egmondani miles, quæstionem fortiter excepit, nec consciorum quenquam prodidit. Ineunte quadragesimâ eorum supplicia, qui concionibus interfuerant, Albanus destinat; itaque passim per vrbes ablegat, qui noctu oppressos in vincula abripiât. sed plurimi, vel suo metu, vel monitu amicorum, mutatis locis periculum euasere. & è prætoribus ipsis nonnulli, manifestâ mandati iniquitate, officium detrectabant. inter alios Leidæ Ioannes Berendrechtus erat. aduentabat in urbem Arnoldus Sasboutius, ciues aliquot lxxx comprehensurus. ac perfecisset, nisi vir animi mitis, homines simplices, publicatis à Parmensi literis, & regis clementiâ fretos, circumueniri indignum ratus, fugam monitis, aut latebras suasisset. alibi tamen non
fine

sine effectu imperium fuit; & oppressi multi non vno
 mortis genere perierunt. Ultraiectinis porro instat,
 vt concilij Tridentini decreta recipiant. missique præ-
 ses Machliniensis, & decanus Bruxellensis, cum loci
 Archiepiscopo negotium adiuturi. sed ecclesiasticus
 ordo hîc discrimen aliquod facere. *fidei quidem catholi-
 ca professionem, errorum reformationem, cetera omnia liben-
 ter admittere: at quæ de extraordinariâ iuris dictione capita
 essent, & quedam alia ambigui sensus, ea nullo modo posse.
 ante biennium factam esse à Parmensi interpretationem, hâc
 se usus.* cumq; vrgeret Archiepiscopus, deprecatum
 Bruxellas mittunt, quibus seuerè Albanus respondet,
*omninò gerendum morem esse, idque ita regem velle. nam quæ
 nuper à Parmensi concessa dicerent, ea iniquam temporis con-
 ditionem extorsisse.* ad responsum literas addit; & archi-
 episcopum mandata exequi, clerum ilicò parere iu-
 bet. In Germaniâ Auriacus amicos & exercitum pa-
 rare, cum foederatis clam consilia sua habere, & vix
 exspectante Albano pluribus simul locis impressio-
 nem moliri. à profugis quoque in Angliâ, Cliuiâ, &
 alibi dispersis, opem ac pecuniam rogare. Ludouico
 fratri, & Gulielmo Bergensi affini mandata dare, pro-
 uiderent ne quid resp. detrimenti caperet. Theodorus
 Sonoius cum fiduciarijs literis ad foederatos contem-
 dit, rogatum singulos, vt loco præscripto ad xiv Kal.
 Maij adesse velint. & stitere se nonnulli; alijs ancipitis
 consilij euentum opperiri placuit, pro fortunâ ani-

D

mum

cIo. Io.
LXVIII.

clo. lo.
lxviii.

mum habituris. dum hæc fiunt, Ludouicus Nassouius apud Embdanos hoc agit, vt militem collectum nauigio imponere illic liceret. sed illos, etsi fauentes clanculum, palàm difficiles Albani respectus reddidit. Est in propinquo Wedda castellum. hoc statuerat occupare, & inde in agrum Groningensem, reliquamq; Frisiam, & Hollandiam Borealem, copias mittere. id consilium vbi per Embdanos impeditum, nihilo tamen segnius rem gerit, & confestim ad Wesalienses Sonoium mittit, ipsis sponsores arma quàm plurima paraturum. nec cessare Gulielmus Bergensis, qui, collecto passim milite, Crispinum Zeltbrugium in Gelriam mittit, agrumq; Zutphaniensem. atque is Herenbergam capit, & præsidium à Megensi impositum expellit. sed festinato ab Albano auxilio, ne hostis, debellari per initia facilis, morâ sese communiret, misso cum legione Longobardicâ Sanchio Lodonio, tueri locum non potuit. In Gubernis quoque copiae conuenerant. iamque erant clo clo. sed sine armis. hæc cum incremento expectabantur; sed in alieno solo temerè securi præter spem oppressi fuerunt. Conuentum Albanus intellexerat, quem statim perturbandum ratus, Sanchium Lodonium cum v signis legionis suæ Namurcum proficisci iubet: eiusque copijs Sanchius Auila, Nicolaus Basta, & Petrus Montanus, suas iungerent. ac Auila quidem stipatoribus præfectus, Basta equites Epiro-

Epirotas, Montanus sclopetarios ducebat. hi viâ de- cIo. Io.
LXVIII.
 flectere iussi, Traiectum Mosæ iter faciunt. ibique
 viæ fessi, cum se paullum recreassent, ex Eberstenij
 legione i v Germanorum signa adsciscunt. cum his
 Ruremondam mouent, ad Ruræ & Mosæ confluen-
 tes, in Cliuæ Gelriæque finibus, oppidum muni-
 tum. id dolo pridem fœderati, atque apertâ vi aggressi,
 frustra fuerant. itaque suburbio direpto, ac templo,
 retro cedentes, ponte tumultuario Rurâ transmissio,
 per Wassenburgum Herculeum versus viam habe-
 bant. Auila gnarus vbi agerent, cum equitatu properè
 insequitur, Lodonium cum peditatu subsequi iubet.
 Hic coacti pugnam capeffere fœderati, aciem ordinât:
 sed homines nō benè armis instructi, & subito Hispa-
 norum aduentu consternati, cum magnâ clade pedem
 referunt, ac Dalemum vicinum se recipiunt. idq; mox
 v i i Kal. Maij, auctis per Lodronium copijs, impetu
 facto expugnatur. capiuntur signa v i i. trucidantur
 cIo cc. Villerius & Dueus capti Bruxellas abducun-
 tur. ex Hispanis vix XL desiderati. Franciscus Verga,
 operæ in eo conflictu egregius, vulneratur. Lodo-
 nius, re præclarè gestâ, cum v signis Ruremondam
 venit, ibique captiuis aliquot laqueo gulam fregit.
 inde per pestem digressus, Venlonæ ac Grauiæ mili-
 tem imponit. signa alia v, Viluordâ & Tornaco missa,
 per vicina loca distribuit. Ad nuntium cladis, miles,
 qui circa Bergensem, dilabi. & Wefalienses, metu
 D ij perculsi,

CL. CL.
LXVIII.

perculsi, concessa prius viris Io arma abnuere. eaque res irritum conatus Sonoium fecit. inde, cum rumor increbesceret, nouas in Gelriâ copias cogi, Albani iussu profecti contra eos Megensis, prouinciæ præses, & Andreas Salazarius, arcis Panormitanæ in Siciliâ præfectus. Consalius Braccamontius è suâ legione signa v i i i Siluâ ducis aduocata, & reliquum Alde-
nardæ præsidium, adiungit. Cæsar Aualus, marchio-
nis Piscariæ frater, cum tribus equitum turmis, ad Grauiam itidem adesse iubetur. quam in Gelriæ Cli-
uiæq; collimitio positam mutato loco foederati cum occupassent, mox rursus metu obsidionis deserue-
runt. Artesiæ limitem ex Atrebatibus, Flandriâ, atque Angliâ adiacente coactus miles infestabat, non ob-
scuro Condæi consilio. Duces bello admodum clari, Cocauillius, Valens, & Amandus. id Albanus indig-
natus, per Philippi oratorem apud regem de vi ex-
postulat; qui Condæum per literas scitatus, an, pace constitutâ, talis militiæ ipse Cocauillio auctor; cum is negaret, Cossæum mittit, equitum tribunum, vt la-
trocinia coërceret. nec segnis ille cum Picardiæ proxi-
mæ præsidij negotium suscipit; & Cocauillum ad Valerijfanum assequitur. Erant sub signis eius pedites non plus Io c, equites cc. hos cum duce in vibem compulso obsidione cingit, & deiecto per tormenta muro, dum ruinam muniunt, admissis ex aliâ parte Cossæanis, deserere stationem, & se in vicinas ædes recipere

recipere cogitur; vbi cum Amando ac Valente captus, cIo. Io.
LXVIII.
Lutetiamq; abductus, cum infelicis militiae socijs capitis damnatur. Inter hæc plurimæ Albano molestiæ. ac sub nundinas Francofurtenses Fridericus Palatinus aureorum centum quinquaginta clo, militum in Belgio stipendijs destinata, Manhemij detinet, vbi in Rhenum Nicer illabatur. ob id factum regis sui nomine conqueri Albanus, & mercatores Itali plures, commendatitijs ab Emanuele Sabauda adiuti. Allegare Palatinus, ante annos 1 x Imperij decretum, *ne qua pecunia Germaniâ exportaretur. insuper fraudem vectigali factam.* tandem, Cæsare etiam implorato, prius merces, mox pecunia quoque dimittitur. eam rem magna clades excepit. Ludouicus Nassouius, infelici initio, contra fortunam animum firmans, collectis copijs Frisiæ incumbit. in promptu ipsi equites pauci; pedites instar v i i c I o. titulus armorum, *patriæ, & conscientiarum, libertas*: vexillaq; inscripta, *AUT RECUPERARE, AUT MORI.* Weddam, Arenbergij arcem, situ ac munitione peridoneam, per delectos capit. militem omnem Groningam conuenire iusserat. illic, & vicinis locis, aliquot dies commoratus, Damum, Ommelandiæ oppidulum, contendit: vbi copias iunxit frater Adolphus. inde, vocatis prouinciæ ordinibus, per Tiallingum Eijsingam jureconsultum, arma ac pecuniam postulat, subsidia belli, si benignè dare recusent, per vim impetranda.

D iij

cum

cIo. Io.
EXVIII.

cum moram rogarent, & consulendo Groesbequio tempus, qui per Arenbergij absentiam pro præsidente esse, ut studia obstringeret, haud grauati indulgit. In metu erant, ne subsidiorum faciles, in prouinciâ vndique apertâ, & prædæ obnoxia, iram regis concitarent. ideo consulentibus responsum datur, ne quid temerè paciscerentur. at pecuniam, in tam manifesto discrimine, damno auertendo concederent: eò magis, quia impediendi nulla potestas. quippe paucis ante diebus Groesbequius Witteverum, ad primum à Damo lapidem situm, cum cccc festinanter profectus, militem necdum auctoratum, & inermem magnâ parte, opprimi facilem arbitratus, omnia contrâ expertus fuerat. Interim Nassouius, allatâ pecuniâ, copias auctorauit; & per Groesbequium monitus Albanus, Arenbergium mittit, prouinciæ præsidem, recens aduenam, pace in Galliâ constitutâ. addit Braccamontium, & Sardoam legionem, cum Germanorum iv signis, ac alâ equitum Curtij Martinengi. his accedere Carolus Brimeus Megensis iussus, qui equites Hispanos & Epirotas cccc, pedites cIoIo. ducebat. Arenbergius per Hollandiam iter maturat, & signis Belgarum v aduocatis Groningam, inde Witteverum contendit, v tormentis bellica minora secum trahens. vixq; aduenerat, cum Nassouius, gnarus Megensis absentiam haud exiguum victoriæ momentum, antequam iungeret, hostem inuadit.

Loco

Loco idoneo cIo sclopetarios disposuerat, per quos acriter velitatū, donec nox insecuta dirimeret. tū Weddam versus castra mouet. ac postridiè fugam eum agitare ratus Hispanus, ne elaberetur, nullā ducis prudentiā retineri potuit; tanto persequendi ardore, vt in cunctantem conuitia iacerēt, sectarium interdum dictitantes, & regi suo parum fidum. ille loci peritus, expectare Megensem suadebat, vix diei itinere separatum: cuius si vires suis adiungerent, sine discrimine victoriā fore. sed consilij, quā animi, meliorem impetus militis in præceptis abripuit. itaq; insequitur, prælij aleam experisurus. cū Winschotam venisset, proximum Damopagum, eminus aciem benè ordinatā, & pugnare certam, prope Heiligerleum offendit. paribus vtrinque animis pugna committitur; sed Nassouius explorato, penes Arenbergium vix ccc Martinengiequites esse, Germanos e aduersum mittit. ex insidijs sclopetarij ccc clatus inuadunt, atque dissipatis ordinibus in fugam vertunt. multos prælium, plures loci paludes hausere. Arenbergius fortiter pugnans gloriosè occubuit; & cum eo ex Hispanis viri illustres, Aluarus Oforius, Ioannes Peresius à Soto, Petrus Caprarius, ordinumque ductores vii. è gregarijs cIo Io c. desiderati. qui euaserant, Heiligerleum se recipiunt. id in propinquo monasterium, dum expugnatur, Adolphus Nassouius, inter primos animosè régerens, occiditur. posteam cladem, direptis castris, ingens victori præda

cIo. Io.
LXVIII.

clō. Io.
EXVIII.

præda celsit. & Arenbergio Heiligerflei, Adolpho Nassouio Weddæ funus factum. Illa strages Groningensium animos perculit; & magistratus, turbarum metu, in S. Walburgis æde arma ponere ciues iubet. ac postridiè Megensis adest, cum Chiapino Vitellio, adducens equitum turmas v, peditum signa v i i i. adhæc in vrbe i v erant, præsidio relicta. itaque satis tuti iam oppidani videbantur. Nassouius gnarus recentem hostium consternationem egregiam rei gerendæ occasionem, vt victoriâ vteretur, non cunctanter copias Groningam ducit, & cœnobio proximo militem immittit. illic dum leuiter interdum pugnatur, equo suffosso, in extremum discrimen Martinengus venit. Megensis ictu sclopeti faucius, eo ex vulnere postea obiit. quam cladem vlturi sui, expugnato mox cœnobio, præsidium omne contrucidant. Arenbergij cæde, & exercitus strage, asperior Albanus, ocius Namurcum Hispanos ferè omnes, Traiectum Mosæ c l o c l o pedites, equites l o, proficisci iubet. Maximiliano Hennino Bossuio, Hollandiæ præsidi, aliorum locorum tutelam mandat. inde ad pœnas animum vertit. ob religionem Belgio profugos edicto reuocat; ac non redeuntes, grauiorum metu, perpetuo exilio, bonaq; eorum fisco addicit. cumque novos motus audiret, & quotidie maiores timeret, ne qui porrò quicquam auderent, supplicijs detertere animum induxit. Igitur extremo Maio, Gulielmo
Auriaco,

Auriaco, Ludouico Nassouio, Antonio Lalanio Hoch-
 stratenno, Florentio Pallantio Culemburgenfi, Guliel-
 mo Bergenfi, & Henrico Brederodio, qui citati nō ad-
 essent, exilium indicit. & Bruxellis dirutas ædes Cu-
 lemburgenfis solo æquat. nam illic congregati proce-
 res, de libertate defendendâ consilia ceperant, & libel-
 lum porrecturi Parmensi inde processerant. Igitur pœ-
 nam meruisse visæ. in areâ columna ingens marmo-
 rea posita, quæ quadruplici inscriptione facti causam
 testaretur. Hæc post annos aliquot comminuta, tam
 manifesto Albani odio, vt abducta quisque frustra, ali-
 quod præclaræ operæ testimonium, ostentaret. Kal. Iu-
 nijs in captiuos gladium expedit, eoque Bruxellis per-
 cussi x v i i i è primariâ nobilitate viri, Gisbertus &
 Theodorus Batemburgici, fratres; Petrus Andelotus,
 Philippus Wingelenus, Maximilianus Cocus, Phi-
 lippus Triestius, Ioannes Bloisius Tresslongus,
 Bartholomæus Vallæus, Arturus Batsonus, Harman-
 nus Galama, Siffridus Beiema, Iacobus Ilpendamus,
 Firminus Peletarius, Constantinus Bruxellus, Ioannes
 Rumaltius, Ludouicus Carlerius, Petrus Waterlezius
 Altzius, & Philippus frater. atque ex his Batenburgi-
 cus vterque, Andelotus, & Cocus, qui generis digni-
 tate cæteros antecellerent, extra portam Scarenbergen-
 sem, contra hierocomij sacellum, sine oculis bini tu-
 mulati. reliquorum corpora palis fixa, & suspensa su-
 pra capita. cum producerentur, ne vel iustâ querelâ, vel
 E gene-

c. 15. 12.
LXVIII.

CL. IO.
LXVIII.

generoso alloquio, spectantis populi misericordiam, aut virtutem, atque Albani odium excitarent, pulsata magno strepitu tympana audiri quenquam prohibebant; intermissa, si quis silentium, aut fidem maiorum polliceretur. denique, turbis inhibendis, circumposita morientibus Hispanorum signa 1 x. Postridiè eo ipso in loco simili supplicio affecti Villerius, & Dueus, infelici ad Dalemū pugnā capti. prætor etiam Anguiani, Quinctinus Benedictus, ac Cornelius Menius, eloquentiæ in concionibus claræ. Tot nobilium mortes proceribus prælusere. 111 Non. Egmundanus Hornanusq; curru Gandauo aduehūtur, illuc antea, sub diuersâ custodiâ, in carcerem missi. captiuos equitum turma 1, peditum signa x ducebant. in aduectos sententiâ mortis postridiè fertur. crimen vtriq; par intentatum. *fidei suæ negligentes interturbasse; cū Auriaco, ac cæteris proceribus, fœderi subscripsisse. libertatis tutelâ prætextu S. Inquisitioni restituisse, nobilitatis seditiosæ patronos fuisse. provinciâ non rectè administrasse; audaciamq; sectariorū, magno religionis Catholice detrimento, impiè dissimulasse. Causâ exitij maturandi, odium maximè in Egmundanū, ut dignitate & meritis parem, ita grauem; tum quia nutantē clade nuperâ Frisiam confirmare, armisque Nassouij omnibus copijs quamprimum occurrere oporteret. inde metus, ne oppressa per vim provincia, abducto milite, per absentiam tumultuaretur, & effracto carceretantis belli ducibus vteretur. quamobrem illis sublatis, tum se securum, ac cæteris*

cæteris omnibus terribilem fore. Venire in urbē iussus erat Martinus Riethouius, Iprensis episcopus; isq; auditâ Albani sententiâ, cum supplex deprecari vellet, indignâter reiectus, mortem Egmundano nuntiare iubetur. igitur inuitus, frustra tentatâ clemētia, sub noctem mediam tam tristē nuntium captiuo defert. qui initio attonitus, interrogare, *an nulla gratiæ spes restaret.* cum negaret Riethouius, operamq; nequicquam impēsam referret; *ideò venisse, vt morituro extremum pietatis officium præstaret; ergo, inquit, gratias Deo, & Albano, quod eiusmodi mortis conciliator mihi obtigerit.* tum animum obfirmans; *atqui nec iam me nocentem putabā, aut tant opere offensum regem.* cui quando ita videtur, *vnū oro, vt, me vitâ & bonis exuto, iram finiat: vxorem autem, & innoxiam liberorum ætatem, miseretur.* inde ad regē, & Albanum, literas scribit; enixè petēs, *pro meritis omnibus, vt innocentia suorū parceretur. se in regē fidei certum, & obsequij, semper vixisse. quicquid contra factū videretur, id à necessitate expressum. virtutē satis olim probasse, à quâ si nuper aliquantum deflexisset, iniuriâ temporis, non malitiam suam fuisse. quando tamen ita existimaret, mortis legem patienter accipere; idq; extremū egregiæ voluntatis testimoniū haberet.* Cum scripisset, obsignatas Riethouio tradidit, additis precibus, vt rectè curaret; quod ille non grauatè recepit. inde consilium petenti, quod mox in pegmate sequeretur, idē suadet, sermone ad populum abstinere. neq; enim à multis intellectū iri, ob frequentiam circumstantium Hispanorum: & verendū esse, ne

E ij quis

cIo. Io.
LXVIII.

cIs. Is.
LXVIII.

quis verba non benè excepta mali interpretaretur. inter has curas noctem egit. Postero die, qui peruigilium Pentecostes, à Iuliano Romero, & Francisco Salinâ, ad supplicium producit. Euntem comitabatur, is quem dixi, Martinus Riethouius, pio alloquio solaturus. erat in foro exstructum pegma, iniecto nigro panno velatum; & in eo puluilli serici nigri 11. & spicula totidem. item abacus, in quo posita crux argentea. subter quæsitore Spellæus, cum lictore, quem fama erat à pedibus fuisse. circum xix Hispanorum signa stabant, ne quid populus benignior turbaret. adhæc III alibi disposita. vnum omnes vrbis plateas, reliqua 11 palatium seruabant. sub meridiem in pegma ascendens, & inambulans paululum, *utinam*, inquit, *pro rege meo, & rep. mortem hanc oppetere liceret*; tum Romero interrogato, an spes nulla gratiæ esset; cum is negaret, dentibus frendens, proiecto in terram indignanter pallio togâq; , post pauca cum Riethouio verba, in genua procumbit, crucemq; argenteam, quæ in manibus, subinde veneratus, fortiter lictorem excipit. abscisso capite, pannus trunco, & effuso sanguini, inijcitur. tum productus item Hornanus, multiplicem Dei offensam fassus, ac benè astanti coronæ precatus, cum in regem peccasse, quo rogabatur modo, constanter negaret, in puluillum subiectum itidem inclinatus, gladio percutitur. capita vtriusque, per horas 11 spiculis impacta, triste populo spectaculum præbuerunt.

tum

tum oculis plumbeis condere corpora ministris permissum. & solenni pompâ illud ad Claræ, hoc ad Gudelæ fanum deponitur. Postea Sottegemum, suum in Flandriâ oppidum, Egmondani; Campiniam Brabantiae Hornani auehitur. Vidit supplicia hæc, uti fertur, capto loci alicuius secreto, Mondolcetus, qui tunc regis Galliarum negotia illic procurabat; & regi illicò nuntiū misit: *eius se spectasse necē, cuius virtute bis concussa Gallia vniuersa cōtremuisset.* nimirū clades innuebat, prius ad Quintini fanum, inde ad Greuelingam acceptas. Insignia luctus, more in magnatum funeribus vſitato, pro foribus aulæ domestici statuerant; sed ea Albani iussu amota, nec miseris palam lugere licuit. Ingenti mœrore perfusa ciuitas, & pleriq; detestari abruptum rigorem; omnes infelicem procerum sortem commiserari. quin nonnulli tincta effuso sanguine sudaria, odij & vindiçtæ olim irritamentum, asseruare. maxime omnium dolere miles ereptum sibi Egmondanum, virum animi excellentem, & clarissimum belli ducem. quin & populi pars magna, ad occisi loculum effusa, dum in Claræ fano esset, cum lacrymis oscula certatim dabat. Interim in Frisiâ gnauus operæ Ludouicus Nassouius, indiesque famâ victoriæ auctæ copiæ. iamq; cum equitatu Germanico Iustus Schouwenburgicus accesserat. quo rerum statu Groningani Ioachimum Panserum legere signum subsidiarium iubent: sed id mox Bartholemæus Entesius Hareni oppressum

eIo.Io.
LXVIII.

pressum noctu aggressus, captis plurimis, aut interfectis, dissipauit. In Germaniâ ab Auriaco, & Hochstratenno, item laboratum. sed ijs varia impedimenta. & Sonnius, Ioanne Basio ac Reinero Cantio adiutantibus, etsi viâ ab Erico Brunsvicēsi obsessâ, Nassouij ad Groningam copijs clo ccc sclopos curat. inde Franciscum quoque Boshusium, qui cum viii nauibus in Amasiâ flumine cōmeatum prohibebat, in fugâ propellit. dum hæc fiunt, ne morâ Nassouius robur cōtraheret, Albanus ipse in Frisiam proficisci statuit, ac Chiapinū Vitellium cum x cohortibus præmittit, prælio abstinere iussum. addit Germanos clo Io, qui sub Erico Brunsvicensi Dauentriam cōuenerant, & vi alias duce Roblesio: item militē ab Hiergio lectum. mox ipse secuturus Hispanorū xvii signa legionis Neapolitanæ Gandauo aduocat, relictis tantum arcis præsidio ii vexillis. alia xx è Siculâ, & Longobardicâ, Bruxellis ac Traiecto Mosæ Siluam ducis ire iubet. & Noircarmius, acceptâ leuis armaturæ præfecturâ, equites clo in Burgundiâ pararet. Croius, ac Blondus, curato Valentinianis præsidio, in Hannoniâ & Atrebatibus peditem recenserent. Cressonerius Machliniâ, vbi publicum prouinciarum armamentariū, tormēta bellica xvii submitteret. inde Siluam ducis iturus, eò consiliarios omnes, de Frisæ auxilijs cōsilia daturus, adesse iubet. nam quāuis huius belli gloriâ sibi destinaret, tamen, ceu variè impeditus, quo minus ire ipsi liceret, voluntatem dissimulabat; ut
vel

vel vano rumore negligētiorem hostem, ceu ab futuro
ab exercitu imperatore, facilius vinceret: vel, vt per ad-
uersa rerū apud regem maius operæ pretiū faceret. itaq;
Bruxellis v Kal. Quinctiles profectus, cum postridiē
Antuerpiam venisset, v i vrbi signa ex Lodronij legio-
ne, arcu ii sub Serbellono imponit. inde Siluam cum
vniuersā manu cōtendit. Hic cum nuntium accepisset,
de expugnata per Bergensem Herenbergā, Lodonium
mittit. isq; cum equitum Epirotarū alā i, & cataphra-
ctis L, ac machinis v profectus, locum à præfidiarijs
desertum recipit. tum Ibarram Dauentriam ire iubet,
curandæ annonæ, & nauigijs conquirendis, ad trans-
mittēdum peditatum, qui Iselā, Mosā, Vahali, & Rhe-
no distinebatur. quæ res, etsi auctis aquis imbriū fre-
quentiā, feliciter festinata. Igitur tandem Dauentriam
venit, obuius equitum c c c Germanicorum ductore,
Ioanne Bernardo. ibi Lopesio Acunæ mādāt, ex Hispa-
nico leuis armaturæ equite alam conscriberet. Baptista
Mōtanus, Aurelius Panormitanus, & Georgius Macu-
cas, tantundē facerent ex Italis, atq; Epirotis, qui pridē
in Galliā exauctorati. postridiē Couerdiā mouet, inde
Groningam. apud Couerdiā eum Vitellius cū equitatu
Brūsuicano excepit, & mox in itinere Megēsis. Gronin-
gā aduenit pridē Id. Quinctiles. cū Priore Melitēsi. Id
gnarus Nassouius Geringā versus, ad Amasiam flu-
men, castra mouet, locum metatus aduehendo è Frisia
Orientali com meatui satis oportunum. illic opperiri
hostem

cIo. Io.
LXVIII.

hostem certus, aditus omnes properè munit: ac parte ab vnâ fossâ ingenti, ab alterâ se Amasiâ tuebatur. & in viâ passim emissaria pontesq; disiecerat, vt impeditior hostis sequeretur. Interim cum nauibus captis Delfsiliam Sonoius appellit; & intellecto, Groninga digressum Nassouium ad Gemingam castra posuisse, cum Cnocum venisset, non procul Embdâ; neque maiores naues flumen ferret, lembo vectus ad eum properat: iussusque annonam procurare, ocius perfecit. ac dum hoc agit, ab Vnico Manningâ, præfecto Embdano, per Gulielmum Niueldium Arentsbergium monetur, vti sub arcis vrbisq; mœnia naues duceret, suâ operâ tutam illic stationem habituras; oblatoque opportunè beneficio vsus, minoribus Gemingam missis, maiores illic reponit. Albanus pleno ad prælium impetu ferebatur; ac quamuis impediret, abruptis vbique pontibus, & restagnantibus aquis, difficilis via, tamen x i i i Kal. Sext. Nassouium assecutus est. Mane erat, & multâ nebula obscurus aër, quam mox clarior sol discussit. atque explorato per Sanchium Auilam, quo loco res esset, ipsum, ac Monterum, cum sclopetarijs aliquot pugnam tentaturos mittit; quibus reliqua acies succederet, ita distincta, vt in fronte Hispani essent, inde Germani, post hos Belgæ, quos sequebantur c c c cataphracti, & Ioannis Bernardi ala i. omnes agmine quadrato singulatim incedentes alter alterum sequebantur. nam & angustum iter esse, & ple-

& plerumque aquâmersum, per quam miles umbilico tenus interdum ambularet. erat canalis, in Amasiam se exonerans, ponte stratus. hunc deijcere, atque aggere effosso aquas immittere, Nassouiani moliebantur. quos Auila, Salazarius, Verga, Mendosa, alijq; nobiles fortiter aggressi, opus inceptû deferere coactos, intra castra compulerunt. in hoc ingens pugnae momentum erat; quamobrem Nassouius, recuperandum ratus, illicò sclopetariorum ^{clo. clo.} ^{LXVIII.} ^{ij} submittit. ^{ij} sociorum turpem fugam correcturi acrem denuò pugnam instituunt; sed animo meliore, quàm fortunâ. nam Hispani, initio pauci, occupatum locum acriter defendentes, mox per auxilia auctis animis, hostem fatiscentem in fugam vertunt. illo conflictu Gabriel Manrices Oforius cecidit. Iulianus Romerus, & Sanchius Lodonius, qui in primâ acie, victis instant. quos sequuti sclopetarij ^{clo} ^{cc}, sub Roderico Sapatâ, & Didaco Caruaiali. Nassouij copiae in agmina ⁱⁱ diuisae erant. ac dexterum quidem latus eques, sinistrum Amasia flumen claudebat. frons obuersa hosti erat; & ante eam tormenta disposita. his explosis, cum ad manus veniretur, Hispanorum paucitate audentiores Nassouiani, extra fossam temerè proruunt. sed repulsi à Lopesio Figueroâ, suo pauore reliquos percellunt. ac trepidantibus cum equitatu Aualus incumbit; Mendosa, & Mediulla, cum sclopetarijs. inde totas copias inducit Albanus, turbatosq; iam ordines penitus profligat.

CL. IS.
LXVIII.

fligat. reliquiæ prælij Aualo mandatæ, & Martinengo; qui fugientes ad I v vsque milliaria persecuti. hâc in pugnâ Nassouium destituit suorum virtus, qui in ipso principio refractarij incondito clamore stipendium postulabant, nihil salutaribus ducis monitis, nihil proprio periculo moti. ipse certè, animi egregius, vt cæterorum socordiam excitaret, pugnæ exemplum alacriter dabat; & omnia militis munia capeffens, incumbentem hostem aliquandiu sustinuit. sed cum frustra victoriam tentari, tam obstinatâ suorum ignauia, seque cum paucis in acie restare animaduerneret, explosis supremum suâ manu machinis omnibus, non tam victus, quam desertus, pugnâ excessit; paruoque nauigio in proximam Frisiam orientalem euasit. Iustus Schouwenburgicus initio prælij, vbi turbare militem animaduertit, cum pleroque equitatu se subduxerat. Tam turpis omnium ignauia erat, vt armis abiectis pars pecudum more trucidarentur, pars in proximo flumine mergerentur. A meridie in vespere continuata cædes; & vix nocte dirempta, postridiè renouatur. viæ cadaueribus & armis oppletæ. In quodam Amasiæ æstuario insula erat, in quam se Germani aliquot receperant. hos Figueroa, Hiergius, & Roblesius, ad interneccionem cædunt. Vniuersim instar VII C I O periere. capta item signa xx. & impedimenta omnia, etiam Hochstrateni, qui biduò ante, ad Auriacum profectus, à castris abierat. ex Hispanis

Hispanis vix LXXX desiderati. Geminga, ac pagi ^{clo. clo.}
 Reidani, miserè direpti. abacta pecorum aliquot ^{LXVIII.}
 rustici passim crudeliter vexati; foeminae, ac virgines,
 ad libidinem habitae. cuius rei Albanus ut inuidiam
 amoueret, legionem obnoxiam auctoramento soluit.
 Frisiae orientalis comes, Embdaniq; , valdè anxij, ne
 persequendorum hostium obtentu inuaderentur, per
 oppositum Amasiae aggerem subditos cum armis dis-
 ponunt. vrbisq; praefectus, qui non ita pridem nauium
 tutelam in se receperat, per aduersa fidei negligens,
 Sonoium, ac nauarchos caeteros ad se vocatos, toruum
 obtuens acriter increpat; ipsos pariter, nauesque rap-
 tas, ac Nassouium, ærumnarum causam praebere.
 & mox, securior Albani discessu, abire iussis, damnum
 alibi acceptum obijciens, naues praedamque omnem
 detinuit. Victor Albanus, ceu hostem fugientem inse-
 cuturus, transmittere Amasiam in animo habebat. sed
 nauium egenus, relictis antea Groningæ pontibus, qui
 per aquosa loca aduehi tempestiuè non poterant; tum
 etiam crebris nuntijs monitus, cum ingentibus copijs
 aduentare Auriacū, mutatâ sententiâ, retro pedem Delf-
 filiam flexit. vbi cognito loci ingenio, portū maris op-
 portunum ratus, urbem condere omninò cōstituit; eò
 magis, ut Embdanorum, qui sectarijs palam fauere,
 cōmercia diuerteret. itaq; statim fossâ murisq; designa-
 tis, urbem futuram Marsburgum appellat, & per Ioan-
 nem Cniuium, Groningensem episcopū, templo locum

c15. 15.
LXVIII.

consecrari curat. His peractis Groningam tendit, ubi conuocatos prouinciæ Ordines aduentum suum præstolari iubet. ac felicitis apud Geringam pugnae nuntium Philippo regi Andream Salazarium, Pontifici Carolum Merlum mittit. Ioanni Hoio, episcopo Monasteriensi, per literas victoriam denuntiat; simul de Frisiæ orientalis comite, atque Embdanis, grauiiter cōqueritur, qui Nassouio com meatum procuraissent. Cum Groningam aduenisset, Ommeladiæ ordinibus, ac senatui urbano significat, *inobedientiā ipsorum, sectarum introductione, concionibus publicis, ac sacrorum contemptu, lesam regem.* adhuc nobilium multos, tam in vrbe quam per prouinciā, contra religionem Catholicā, regiamq; maiestatem, fœdera cum Nassouio agitaſſe. quin etiam arma cum perduellibus cæteris communia habuisse. quam in rem cum ree pecunie vim ingentem, Arenbergius vitam, ipse laboris tantum, ac molestiæ, impendisset; bono iure, seu bello subactis, priuilegia adumi posse. quamobrem statuſſe, ne negligentia malum inualesceret, maturè occurrere; idque sibi negotium dedisse. idcirco velle, vti Ioannem Cnium, pridem à rege & pontifice destinatum, præfulem acciperent. placuisse insuper, noua de causā religionis edicta promulgare, ac remp. denuò ordinare, bonorumque salutem & securitatem arce communire. de cætero autem Megensi, qui Arenbergio in præfecturā successor datus, & sacrorum antistiti Cniuo, morem gererent. Ad hæc omnes, ius in armis dicentem veriti, consternati animis silentium tenuerunt. & arcem quidem Vitellius,

Vitellius, & Paciottus, Antuerpiensi similem, sed am-
bitu minore, statim delineant, quamvis in annum
proximum dilatam. Cumq; intellexissent, Delfsiliam
in urbem commutatum iri, multis precibus, Megen-
sisque intercessione, ac Albernosij, qui Albano ab epi-
stolis, gratia apud illum insignis, vix impetrarunt, ut
cōsiliū magis ipsis, quā Embdanis, noxium omit-
teret. id tamen placuit, ut propugnaculum à Nassouio
inchoatum perficeretur, ac, destinato urbi nomine,
Marsburgum diceretur; quod obtinuit, quam diu po-
titus Hispanus præsidium illic tenuit. Hisce rebus ex-
acto biduo, per Amstelodamum & Ultraiectum rur-
sum in Brabantiam iter maturat. Ac Amstelodami
quidem in tribunos, & ductores legionis Sardoæ, Arē-
bergianæ cladis pridem auctores, animadvertit. Ultra-
iecti dum moratur, aduenit filius Fridericus Toleta-
nus, pedites cIo cIo Io adducens, & stipendium in
aliquot menses; quo mox peditatui præfecto, lustrato-
que exercitu, peditum xxx cIo, equitum vi sub signis
comperit. & collaudatâ magistratus fide, ut terrorem
populo inijceret, Diemenam, prædiuitem matronam,
annosq; LXXXIV natam, quia hospitium concionato-
ri præbuisset, gladio percussit. quæ in pegma ad sup-
plicium producta, prætorem interrogat, *ecquis venia
locus esset*; illo negante, satis aperto auaritiæ conuitio,
video, inquit, *quid rei geratur. nimirum pinguis vitulus est,
ideò mactari eum oportet.* inde ad carnificem versa, tan-

cl. lo.
LXVIII.

quam in ætatem iocata, cui reuerentia aut venia debebatur, virilis animi fœmina quærit; *an benè gladium acuisset, nam lentam sibi cervicem esse.* Ut primum Bruxellas redijt, de Straleni, ac Backerselij, causâ cognoscere aggressus, ex senatus sui sententiâ vtrunque supplicio affecit. ac Stralenum, ob egregia pridem merita, veniâ dignum ipsi iudices pronuntiauerant. sed apud immitis animi virum, quem proprium in Belgas odium, regiâ voluntate munitum, crudelem fecerat, nulla meritorum ratio fuit. additur pœnæ Alfonsus Lous, Hornano ab epistolis, & consiliorum omnium particeps. deinde edicto interdicit, *ne quis cum profugis, ac proscriptis, pecuniam, aut literas commutaret; in quibus si quid regem spectaret, aut publicum bonum, infamiam mortis, & bonorum publicationem, pœnam fore.* *sin minus* *verò, tum de causâ iudici arbitrandum.* item profugos, ac perduelles, quicumque sciret, *ijs aut manum ipse inijceret, aut nomina ad magistratum deferret.* nobiles quoque, qui fœderi subscripserant, anno LXVI, passim in prouinciâ latitantes, dolo aggressus ut proderentur, gratiam facti publicis literis denuntiauit: quibus tamen, per tot sæuitiæ exempla, nemo temerè credendum putauit. contra multi, quibus vindex patriæ libertatis animus, varijs scriptis, ac libellis, odium populi aduersus eum concitârunt. inter cætera clam vulgata capita XVIII, in schedis Vergæ præsidis reperta, quolibet criminum species complexa, tam immani rerum interpreta-

pretatione, vt Belgarum nemo ferè extra noxam esset. alia xiii à Granuellano prolata, in quibus consilia, de constituendo Hispani per Belgium dominatu. sed huic licentiæ edicto occurrit, animum benignum, & bonam fidem, specioso elogio apud populum testatus. Interim Auriacus, collectis in Germaniâ copijs ingentibus, amicorū operâ, oratores ad Maximilianum Cæsarem mittit, qui excusarent, eò rerum necessitate compulsum; rogarentque, vt *Austriacæ familie dignitate princeps, commiserari potius, quam irasci, vellet; atque afflicto grauitè Belgio succurreret, unde ipse quoq; genus ducebat. florentes olim prouincias, tranquillâq; ordinum moderatione, Hispanorum aduentu valdè turbatas. Inquisitionis nomine procures pariter atque opulentos pessimè vexatos; neque vllum scuitia, libidini, aut auaritiæ modum factum. sæpius supplices semper reiectos, deprecatoribus aut delusis, aut occisis. hâc de causâ, cum frustra apud regem preces tentarentur, versâ in iram desperatione, arma sumpsisse, extremam vitæ, ac libertatis, tutelam. quæ deponere paratus esset, simul vim atq; oppressionem Hispanus omitteret. oratum etiam demissè velle, vt pro miseris apud Philippum patruelem intercedens, vnâ eâ ratione tranquillari Belgij turbas posse ostenderet, si remoto milite extraneo, & grauissimo Inquisitionis metu, libertas publica restitueretur. Auriaci preces non neglexit prudens ac benignus princeps; & ceu vniuersi id Imperij negotiū esset, quamprimum cum Philippo agendum decreuit. vtq; legatio momentum aliquod ex personæ dignitate accipe-*

cIo. Io.
LXVIII.

cIo. Io.
LXVIII.

acciperet, Carolo fratri, priuatis de rebus in Hispaniam proficiscenti, negotium commendat. qui non illibenter suscepit, siue naturâ pacis amâs, siue quod, distracto per Belgij motus patrie, aduersus Turcam minus præsidij Imperio futurum præuideret. itaque in Hispaniam profectus, cum id negotium seriò ageret, respondet Philippus; *integrum non esse, ut Albanus, aut Hispanicus miles reuocaretur. cepisse consilium id præter fœderatorum principum sententiam; cuius ne tam citò pœnitentiam ostendat, fame interesse.* annoque sequenti, ut inuidiam amoueret, quam grauissimam apud Imperij ordines cōtraxerat, scripto publico facti rationes proposuit. Ludouicus Nassouius, post pugnam Gemingensem, collecto vndecunque milite, ad Auriacum fratrem concessit. qui, etsi turbatis recenti clade consilijs, copias coactas sedulò mouere, quas Belgio liberando ducebat. ad harum stipendium ecclesiæ Belgicæ reformatæ, procurante Marco Perezio, ccc cIo dalerorum polliciti erant, exhibenda cum primùm exercitum collegisset. extremo Iulio, cum iam in procinctu esset, libello edito, belli contra Albanum suscepti causas exponit. *gloriam Dei, ac commodum regis propositum esse; item Caesaris, filiorumque, qui Philippo sanguine proximi: nihil aliud abs se agitari, quàm ut immaniter saeuientem Albanum innocentis populi, & per vim oppressi, ceruicibus depelleret. ad tam præclarum institutum omnes rogare, uti fauorem atque auxilium conferrent.* in castris eius Germanorum peditum signa

XLIV erant; quibus ductores, Nicolaus Hadstadius ^{cIo. Io.}
 Alsatus, vir antiquâ nobilitate, & belli clarus: Vitus ^{LXVIII}
 Schonerus, Balthasarus Wolfius. equitum autem
 VII CIO, sub Hassiæ tribuno Friderico Rollenhausse-
 no, militiæ in Galliâ actæ egregio; Theodoro Schom-
 bergio, Iusto Schouwenburgico, Alberto Nassouio,
 Burchardo Barbio, Othone Malsburgio, Hermanno
 Rudesalio, & Adamo Welfio. xvi Gallorum turmis,
 & sclopetarijs CIO CIO præerant Franciscus Hange-
 stus Ienlisius, Ludouicus Lanoius Moruillierius, Io-
 annes Raguerius Sternæus, Arcturus Valdræus Mo-
 uius, Anglurius Autricurtius, & Rantius. peditatum
 Poietus ducebat. ex Belgis aderant, Nassouium secuti,
 Antonius Lalanius Hochstratenus, Batemburgicus,
 cuius fratres pridem Bruxellis gladio percussi, War-
 rouxius, Risoirius, Carlous, Hamelius, Boxtelius,
 Lonneruallius, Ohanius, Opdamius, Sonoius, alij. mox
 etiam Gulielmus Lumæus Marcanus accessit, cum
 instructo equitatu; qui affectu in Egmondanum, Hor-
 nanumque, comam se non positurum iurauerat, nisi
 vindicatâ vtriusque morte. tormenta illi bellica x.
 campestria vi. maiora iv. vexilla quorundam in-
 scripta erant; PRO LEGE, REGE, ET GREGE. alijs
 effigies pelecani erat, sanguine suo pullos nutrientis.
 nonnulli in galeis rosas ferebant, vetus Britannorum
 insigne, ceu reginæ Elizabethæ auxilium testati. Cum
 his copijs sub initium Septembris, cælo pluuio, expe-
 G ditionem

cIo. Io.
EXVIIII.

ditionem capeffit; habitoque ad Romersdorffiam in
Treueris delectu, Rhenum traiciens, Viti fanum, suæ
ditionis pagum, deuenit. ibiq; subsistens, à Cliuensi
commeatum petit. quo negato, Nassouius frater A-
renbergam capit, & præfidiū Hispanicum obtruncat.
tum Eppenam etiam, Duram inter & Agrippinam; ar-
cem item Carpensam, Hormesonam, Withemumq;
atq; in Rheno naues xviii cum mercibus Italicis, quas
mox institores redemere. Aquisgrano pecuniam im-
perat, cæsæq; ad Noitemum aliquot cohortes. Ad ha-
rum rerum nuntium Albanus, tam variâ expeditione
consiliorum incertus, cum hærentem illic videret, ac
modò in Galliam iturum putaret, modò Belgio, aut
agro Luxemburgensi imminere, ne quid Sequani pa-
teretur, etsi ex fœdere ad eorum tutelam Heluetij tene-
retur, præfidi Vergio curatâ per nummularios pecuniâ,
si vsus foret, postridiè Noircarmium, ac Mondrago-
nium, cum copijs omnibus ad suppetias adesse iubet.
tum Roblesium cum suâ legione submittit. Antonio
Berrio, Didaci Caruaialis signifero, cū Hispanis L, ar-
cem Limburgensem mādāt. ipse munitis ad Traiectū
Mosæ castris defensionē parat, ac flumen ponte sternit,
facilius excursurus quocunq;, & itinera vel obsessurus,
vel vastaturus. utq; fluminis transitu prohiberet, vado-
fis locis passim murices disperferat. In castris pedi-
tum xvi cIo habebat. ex his Belgarum signa xv,
Hispanorum xl. Philippus Lanoius Bellouacus vi
ducebar;

ducebat; Carolus Arfillius, & Iacobus Briacus, ille ^{cl. Io.} Landrecij, iste Marienburgi præfectus, singuli v. Hier- ^{LXVIII.}gius x. Mondragonius v. totidē Roblesius, cui etiam destinatum Ruremundę præsidium. xx Germanorum Albertus Lodronius, & Philippus Ebersteinus. adhęc fossorū ingens manus, è propinquis Eburonibus: item tormenta, naues, commeatus. Auriacus omnibus modis in præliū pertrahere Albanum nitebatur: sed prudens belli imperator, cunctando frangere hostē certus, dubiam aleam detrectare. Sciebat enim, tam varium militem, sine stipendio, non diu concordem, aut obsequentē fore. dein timebat, ne miles Germanicus, eiusdem cū hoste religionis sectator, aut in prælio deferreret, aut eo abstineret. nec in ipsis proceribus Belgicis plus fiduciæ, qui metu magis, quam adfectu, obsequētes, victore Auriaco, facilē in partes eius transitori timebantur. ijs de causis cunctante Albano, quod præuiderat, seditio militum in Auriaci exercitu orta, graui eum periculo inuoluit. quippe, dum pacare laborat, ad latus gladij capulus decutitur: Malsburgius, alijque, à tumultuantibus occiduntur. composito tumultu, versus Eburones castra mouet; & à Leodien-sibus auxilium sperans, Laurentij & Margaretæ suburbia, pontemque Afrodium occupat. sed pridem Albanus, agri vastitiē interminatus, oppidanos, satis cæteroquin pronos, deterruerat. ac quamuis pars adiutū vellent, tamen metu, & Groesbequij episcopi operâ, ad

G ij securi-

cIs. Is.
LXVIII.

securitatem vr̄bis signis vi conscriptis, conatus oppressus est. Igitur hâc spe cum excidisset, huc illuc exercitum circumductans, vt incertum Albanum teneret, tandem Non. Octobris ad Stochemum, non longe Masecâ, Mosæ appropinquans vadum tentat, atque à muricibus iniectis purgat. inde equitem densatum, agmine vsque ad ripam aduersam continuato, in flumine consistere iubet. quo commento impedito eius impetu, cum inferius iugiter defluens decresceret, ac pediti peruium esse inciperet, exercitum vniuersum transmisit, obstupescente rem inopinatam Albano, adeoque trepidante, vt quidam existiment, si è vestigio rectâ in eum copias duxisset, hostem imparatum, metuque consternatum, oppressurum omninò fuisse. atque ipse quoque recenti terrore vtendum censebat. sed fessus miles, & traiecto flumine madens, pugnam detrectare. hunc reiectum mox in hostē frustra duxit, qui intrâ castra militem continens, morâ, quàm pugnâ, vincere malebat: certus fore, vt per imminentem hiemem, sine commeatu, & stipendio, eius copiae vltro dissiparentur. tum tubicinem ad Traiectinos mittit, quem Albanus comprehensum, ne qua consilia oppidani clâm miscerent, in furcam egit. Postquam aliquoties velitatum, nec ad pugnam prouocari Albanus posset, exiguo commeatu, in Tungros mouet, Eburo-num oppidum satis munitum; vbi exclusus, fanum Trudonis retrogreditur, insequente semper Albano, & postre-

& postremum agmen vexante. hic pugnatum acrius cIo. Io.
LXVIII.
fuit, atque egregium virtutis specimen Marcus Tole-
tanus dedit. inde Thenas contendit, ab Hiergio occu-
patas, quem Albanus noctu præmiserat, ut vel labo-
rantem Brabantiam tutaretur, vel nutantem in officio
containeret. ipse Albanus in propinquo castra munit.
quatrIduo post prope Tilmontium diuisas copias
Auriacus partem ultra flumen ire iubet, partem ad
collem occupandum mittit. quem dum communire
festinat, Albanus per suos interturbans eum extor-
quet. quocirca relicto ad dextram Tilmontio, propter
amnem Geteram, in Brabantia & Eburonum colli-
mitio, iter faciens traijcere exercitum instituit. id ubi
Albano exploratum, Fridericum Toletanum, ac Chia-
pinum Vitellium, cum I V C I O sclopetarijs, & equi-
tum aliquot turmis, in transeuntem impetum facere
iubet: ipse cum cætero exercitu subsequitur. cumque
angustum iter esset, siluisque obseffum, Montesdoca
& Salinas cum sclopetarijs I O angustias occupant;
Fridericus & Chiapinus cum aliquot Hispanorum,
Gallorum, Belgarumque signis, & nonnullo equitatu,
siluas circumiectas insident. sed eo die, decliui sole,
etsi urgente prælium Hocstrateno, res dilata est ob vi-
cinam noctem; quam exercitus vterque, exiguo tan-
tum colle disiunctus, in statione egit. postridiè ince-
dere agmen Auriacus iubet: atque Albanus, quò ten-
deret ignarus, ordinatâ ocus acie, levis armaturæ mi-

cIo. Io.
LXVIII.

litem præmittit, quem Fridericus filius cum omni peditatu subsequebatur. in extremo agmine Germanicorum equitum turmas vi locat. inde armaturæ leues colle occupato, vnde in hostē despectus, captoq; signo, pugnam inchoant. ac præmissis reliquis copijs, cum Germanicus eques appropinquaret, visum Cheuereaulxio sclopetariorū equitum duci, vt, quamuis absente adhuc peditatu, in postremum agmen inuaderet, facili victoriā, postquam hostis amne Geterā separatus. sed vtile consilium imperitiā loci differens Albanus, dum exploratorem mittit, egregia occasio pœnè elabitur. itaque Auila, & Braccamontius, cum cIo cc delectis angustias occupare, Gaspar Roblesius cū legione Belgicā hostē adoriri iubetur. Acri aliquamdiu pugna, tandem victor Albanus euadit, exiguā suorum clade. ex Auriaci copijs supra cIo cIo ceciderunt. Lonerualius captus postea Bruxellis gladio percutitur. Post hāc cladem auxilijs Gallicis Auriacus se Iodoniæ iungit. ea erant cIo cIo cIo pedites, Io equites. quibus copijs nō ei vires, sed annonæ penuria aucta. ac cum his facto per agrum Luxemburgensem itinere, Andagiensi monasterio direpto, & incenso Huberti fano, vrbibus passim aduersis, castra indies mutans, frustra occasionem prælij quæsiuit. itaq; commeatus egens, & stipendij, cum ex ccc dalerorum cIo vix xii accepisset, exorto tertium in Galliā bello ciuili, adiungere se Condæo statuit. maximè Gallorū instinctu. id dū prosequitur,

sequitur, ac Quesnæum iam venisset, agro Camera-
 censi imminens, subsequente Albano, in eum conuer-
 sus, deletis x Germanorum signis, viii Hispanorum,
 & levis armaturæ turmis iii, non exiguam stragem
 edidit. inque eo conflictu Rodericus Lopeſius, San-
 chius Auila, & Franciscus Toletanus, vulnerati.
 Cæſar Aualus cæſus. inde arcem Cameracensem ag-
 gressus est, quàm egregiè, etſi conſternatis oppidanis,
 Mollinius defendit. In Galliæ limite Coſſæus erat, cū
 ſclopetarijs c l o c l o, & peditibus c l o c l o c c. ac
 quamuis rex negotium dedisset, vti Auriacum Galliâ
 arceret, tamè is ſupra Quinctini fanum, Somonâ trās-
 miſſo, Sueſſiones venit; & per Fanellium Serium ad-
 uentus cauſam regi ſignificat. qui nuntium anteuer-
 tēs per Caſparum Schombergium legatū ſcitatur, *quâ
 de cauſâ cū tantis copijs in Galliam adueniſſet. mirari vehemē-
 ter, pro veteri militiæ more, non præmiſſum ſecialem. quod ſi in
 Germaniâ tranſitum peteret, quemadmodū rumor erat, non ne-
 gaturū, modo ne ſe pro hoſte gerat. ad hanc legationē pridie
 Non. Decembris Auriacus reſpōdet; conſilij ſui certū pri-
 dem regem feciſſe. nec adeò vecordem, aut rerum imperitū eſſe,
 vt cum rege tam potente armis experiri velit. quin immò quan-
 taſcunq; duceret copias, ſi ita videretur, pro ipſo militaturus;
 cui honorem, & obſequium, humiliter offerret. ſed eorū, qui pu-
 ram religionē amplexi, inſeſtis plurimis, in præſenti exitio ver-
 ſarentur, periculo ſuccurrere neceſſarium putaffe. quamobrem
 orare, vt pro dignâ ſuo ſaſtigio clementiâ, hominum miſertus,
 quibus*

c l o. l o.
 l x v i i i.

cIo. Io.
LXVIII.

quibus Dei gloria, vite tranquillitas, & fidele in regem obsequium, inprimis cara, promulgata semel edicta violari ne permetteret. Rex Schombergio in mandatis dederat, quo libentius copias Auriacus reduceret, ut stipendium militi promitteret. isque dum in eo est, exploratis ductorum animis, cum quibus illi notitia intercedere, propositâ rerum difficultate, clanculum plurimos ad defectionem sollicitat. itaque paulatim ad expeditionem segnior miles, & aperta mox querela, malè duci se infestâ anni tempestate, sine stipendio, aduersus regem, quem nulla iniuria obnoxium reddiderat. cumq; Auriacus instaret, ut Condæo se adiungere maturarent, fidenter pernegabant, & contra Albanum duntaxat factum auctoramentum obtendebant. prætereâ cur se, nullâ omnino spe stipendij, perditum irent. quod cum representare non posset, aliquot iam mensibus debitum, saltem patriam redderet, è quâ eduxerat. vnum id facile, rege nondum laceffito. Hoc dissidio concitato Schombergius recedit. at Auriacus grauius aliquod discrimen metuens, si persisteret, concedendum tumultui ratus, in Germaniam iter vertit. exauctoratisque ibi copijs, coactâ è supellectile pecuniâ, ut prompta in posterum studia haberet, pro trimestri militiâ equiti soluit. in reliquum stipendium principatum Arausiensem oppignerat, intra proximos XII annos liberandum. inde se Wolfgango Bauaro Bipontino, in Galliam eunti, cum c l o c c equitibus iungit. Exauctoratos magnam partem aspera anni hiems confecit.

confecit. reliqui aut Bipontino nomen dederunt, aut in Galliam retrogressi regi militarunt. Hic belli exitus dupliciter Auriaco infelix fuit. nam & Angliæ regina, Caleti recuperandi occasionem rata, consilia cum eo communicare, & operâ vti constituerat. sed dum famulus legati, qui in aulâ regis commorabatur, literas ad ipsum Cardinali Lotharingo prodit, isque responsum contrarium reddit, commutandâ scriptione elapsum tempus hoc consilium penitus euertit. Igitur pulso hoste securus Albanus, in hiberna militem dimittit. Romeri legio Bruxellis datur, & Machliniæ: Lodronij Antuerpiæ, & Valentinianis. Alfonsus Vlloa Grauiam, Bertinium, Siluam Ducis, & Traiectû Mofæ accipit. Groningæ Caspar Roblesius Billius, Dauentriæ Mondragonius imponitur: Bommeliæ, Ultraiecto, & Gorcomio, Sanchius Lodonius. Tum ex arce Cameracensi, quò insecutus Auriacum erat, x Kal. Decembris Bruxellas literas ad Senatum mittit, rei quæ gestæ seriem, ac successum, exponit. dein regi quoque, & cæteris principibus. Belgis suis passim per vrbes supplicationes decernit, occulto plurimorum dolore, etsi palam lætitiâ ostentarent. Item decursus ludicrus ordinatur; atque in eo Haurechius crure grauitè fauciatus. Vbi hæc procerum populi quæ voluptati dedit, tum ad se ornandum animum conuertit. igitur tot victorijs clarus, gloriæ suæ apud posteros monumentum, per Iacobum Longelingum in arce Antuerpiensi

c13. 13.
LXVIII.

e Ib. Ib.
LXVIII.

piensi statuam ponit, è tormentis pridem ad Gemin-
gam captis. ea formâ ac staturâ ipsum referre, nudo
capite. cæterum corpus armis indutum. sub pedibus
calcabatur homo gemino capite, manibus quatuor; in
quarum primâ fax accêsa, in secundâ malleus fractus;
tertia clauam nodosam, quarta securim tenebat. è col-
lo eius appensa bulga, è quâ serpentes proserpebant.
subter larua conspiciebatur, ad cuius aures mendico-
rum gemina paropsis. inde inscriptum, I V N G E L I N-
S I O P V S E X A E R E C A P T I V O. inferius paullò, in
laminâ topopho innixâ. FERDINANDO ALVAREZ
A TOLEDO ALBAE DVC. PHILIPPI III HISP.
APVD BELGAS PRAEFEC. QVOD EXSTINCTA
SEDITIONE REBELLIB. PVLSIS RELIGIO-
NE PROCVRATA IVSTITIA CVLTA PRO-
VINCIAE PACEM FIRMARIT REGIS OPTI-
MI MINISTRO FIDELISS. POSITVM. Vniuersi
operis altitudo pedes xv. Ab vnâ parte ara erat, inscrip-
ta: DEO PATRVN NOSTRORVM. atque in basi.
PIETAS. vtrinqve, tanquam belli spolia, variæ ar-
morum species cingebant. ab alterâ opilio spectaba-
tur, ad pascua gregem educens, quem lupi ac leones
fugerent. item aurora noctis tenebras dispellens, cum
inscriptione Græcâ. ΑΛΕΞΙΚΑΚΟΣ ΗΩΣ. Huius sta-
tuæ ingens inuidia apud plurimos fuit, etiam Hispa-
nos, qui regi potius debitam dicere, cuius armis, ac
stipendio, omnia gesta. & coniecturæ de ea variæ, pro
ingenio

ingenio cuiusque, aut adfectu. ac effigiem bicipitem ^{cl. I. I.}
subiectam, alij Egmondanum Hornanumq; , nuper ^{LXVIII.}
interfectos, interpretari. alij Gulielmum Auriacum, ac
Ludouicum Nassouium, fratres, Belgio exactos. erant
qui ordines Belgij putabant, in nobilitatem & plebem
distinctos; quos imminutâ libertate conculcabat. Ar-
scotanus, vir liberrime in aulâ vrbانيتatis, & gratiosæ,
cum Albano eam aliquando spectans, ac rogatus quid
videretur, per risum illuisse dicitur: *eorum vultus, quos*
calcaret, iræ manifestos, si resurgerent, vindictam minari.
Idque dictum oraculi instar multis habere visum fuit.
& postea Antuerpienses, recuperatâ libertate, tam in-
signe opus confregerunt. alij memorant à successore,
Ludouico Requesensio, magno ordinis Alcantarensis
magistro, tolli iussu. Sub id tempus Haurechius,
suo vulnere, aut veneno in vinum iniecto, diem obiit
iii Eid. Decembres; dolente Auriaco, rebus afflictis
eripi virum, animi & consilij insignem.


1845
1846
1847
1848
1849
1850
1851
1852
1853
1854
1855
1856
1857
1858
1859
1860
1861
1862
1863
1864
1865
1866
1867
1868
1869
1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

IOANNIS MEVRSI

RERVM

BELGICARVM

LIBER II.



Vm nouo anno, postquam Auriacus in Germaniam recesserat, ceu clo. 108
LXIX
tranquilliore imperio vsurus Albanus, nunc id tempus existimabat, cum obsequij faciliores Belgas habiturus esset. itaque passim exploratum mittit, si qui cum eo consilia contulissent, aut turbis se immiscuissent. tum etiam, vt in officio subditos retineret, de varijs passim arcibus agitatur. & Amstelodamenses, non ferre id commerciorum rationem questi, florenorum c c c l o immunitatem redemerunt. Groningæ quoque, & Flissingæ, opus interceptum. alibi perfectum. inde episcopos, dato singulis administrandæ dioceseos præscripto, sedibus nouis imponere aggressus est. Caroli Brimæi Megensis operâ, qui Arenbergio in Frisiâ successerat, curiâ adiutante, etsi Ordinibus repugnantibus, Cuneum Petri Leouardiæ constituit. qui vel odio populi ingratus, vel impar dignitati, mox ludibrium publi-

H iij

cum

c15.15. cum fuit. plus molestiæ Ioanni Cniuo Groningæ ob-
 LXIX. tigit. sed is prudens, & potestatis exercendæ modicus,
 gratiam sibi conciliauit. monasteria II, Witteverum &
 Adewartum, maximè aduersa habuit. atque illud qui-
 dem mox minacibus Pontificis & Albani literis cessit,
 in B. Mariæ cathedralem ecclesiam versum. istud verò
 fortius restitit, opulentum admodum, neque impen-
 sæ parcum. cumque luxum monachorum episcopus
 argueret, necessario corrigendum; & hoc potissimum
 telo pugnaret, ipsorum abbatisq; Clarocampij roga-
 tu, iniuriæ propulsandæ, è Burgundiâ Morimontius
 venit, supremus ordinis Cisterciensis inspector, vir au-
 thoritatis primarię, & virtutis, ac doctrinæ, clarus. isq;
 vt præterita corrigeret, amoto abbate Arnoldo Laur-
 zio, Arnoldum Kemningum, Muntij ad Amasiam
 abbatem, administrum ordinat, qui mox quoque de-
 functo successit. inde, adiuuantibus prouinciæ Ord-
 nibus, acriter se Cniuo opponit. tandemq; id effecit, vt
 assignatis florenorū VI c10 annuis, cōtendere porrò
 desisteret. Nec hic desijt cura Albani, & postquam de
 episcopis egisset, concilij Tridentini decreta ubiq; pro-
 mulgare instituit; & quanquam interdum obiecta dif-
 ficultas, imminutis alibi prouinciarum, urbium, aut
 monasteriorum priuilegijs; nemo tamen, metu ne à
 maiorū religione descuiſſe videretur, opponere se au-
 sus fuit. varia deinde edicta facit, vrbesque præcipuas
 priuilegia omnia sua consilio sanguinario exhibere iu-
 bet.

bet. tum interdicit, ne quis Belga in extraneâ Academiâ, præ- c. 10. 10.
ter Romanam, aut professionem, aut studia exerceret; præterea LXIX.
actuarij, notarij, aut tabelliones, de rebus turbas præteritis spe-
ctantibus acta publica nulla conscriberet. qui negligeret, is exi-
lio perpetuo, & bonorū publicatione mulctaretur. uxores etiâ,
quæ ad maritos profugos conceperant, ne redirent, aut pœna
subiacerent, in eos pridem constitutæ, qui consilia miscuissent
cum perduellibus, aut eorum necessitati subuenissent. copias
item nullus conscriberet, nisi regis aut suo permissu, & nec
nomen miles daret, nisi inspectis mandati literis. tum ad
supplicia conuersus, passim captiuos, aquâ, igne, cru-
ce, aut gladio, variè puniendos tradit. tam ingenti
populi terrore, vt dilapsis ferè omnibus exiguo tem-
pore vastum penè ac desertum Belgium fieret; & opifi-
cia, antea frequentissima, aliò transferrentur. è profu-
gis plurimos Britannia excepit, ob communem sacro-
rum cultum, libertatemq; cōscientiarum, gratum ho-
spitium: & Oceano interiecto, ac prono Elizabethæ fa-
uore, tutū aduersus vim Albani perfugium. hiq; cum
magnâ Belgij iacturâ in Anglos hospites varium lanæ
tractandæ artificiū transtulerunt, tanto numero, vt in-
frequētes admodū vrbes, & tantū non collapsas, restau-
rarēt. in quibus Noruica, Sanduica, Colchestria, Maid-
scona, Hamptona, & aliæ. sic ducētis ante annis, nimia
inundatione in eandē insulam compulsi, incolas, agri
tantūm & pecoris gnaros, pannorum texturam docue-
rūt. Porro Albanus huc illuc delegatos mittit, qui reos
absen-

clō. lo.
LXIX.

absentes ad supplicium poscerent, & auxilium à magistratu requirerent. idque nonnulli, offensæ timidi, præstiterunt. alij, quibus paulo plus cordis, priuilegiarum obtentu, difficiles se præbuere. Inter cæteros id mandati Arnoldus Sasboutius, curiæ Hollandicæ senator ordinarius, accepit. ac cum exequi Leidæ vellet, re in senatu deliberatâ, magistratus abnuuit, indecorum arbitratus, alieni iudicij ministrum videri. idque Sasboutio repræsentans priuilegia bina ostendit, capitali sententiæ alibi latæ, & bonorum publicationi contraria: vnum Gulielmi Hollandiæ comitis, anno clō CCC. xv datum: alterum Ioannis Brabantia Ducis, anno clō CCCC. xviii. prius illud *soli iudici urbano in ciues suos sententiæ ferendæ ius* permittit: alterum statuit, *ne quis ciuis, vel grauissimi criminis reus, plus florenis LX mulctaretur.* insuper consuetudinem valdè veterem allegare, *ne quem, licet criminis manifestum, morte afficerent; nisi extra vincula & tormenta reum confitentem haberent.* igitur sic Sasboutium dimittunt. Albanus tamen, nullo priuilegiarum respectu, in captiuos quosq; grassari; adeò contra ius fasq; nitens, vt vel defensione permissâ, vel iudice ordinario, multi causam obtenturi fuerint. Vnum memoriæ posteritatis est tradendum. quidam Bruxellis in vincula coniectus propter commune temporis crimen, indictâ causâ, nec sententiâ iudicis damnatus, iuris contemptu, an errore, cum cæteris ad supplicium producit. aliquanto post, cum disqui-

disquireretur crimen, ac sistendus reus foret, non dun-
 taxat interfectum, sed quoq; nulli culpe affinem com-
 periuntur. hancque ob rem percussis iudicibus, ut ani-
 mum firmaret Vergas, *vix esse*, inquit, *cur magnopere*
angerentur; viri innocentiam animæ eius profuturam. Gro-
 ningæ, post debellatum in Frisiâ Nassouium, i v Ger-
 manorum signa in præsidio à discedente Albano posi-
 ta. ea cum se superbè gererent, ad querelam magistra-
 tus mense Februario Billius permutare iussus, v i alia
 Gallorum introducit, minus quidem populo inuisa,
 sed quæ grauius tamen incumberent, imperatis in sep-
 timanam c l o c c florenis, quorum tamen necessita-
 tem mox Ommelandiæ Ordinibus imposuit. cōsules
 quoque, ac cæterum senatum, magistratu abire prohi-
 bitum, totos v i i i annos continuauit; fabis nigris al-
 bisque ereptis, quibus in electione solenni utebantur.
 Postea in Frisiâ occidentalem mittitur Carolus
 Quarræus, curiæ Brabanticæ assessor, de turbis proxi-
 mis quæsiturus, & in obnoxios animaduersurus. ibiq;
 dato regio cognitori negotio, Groningam profectus,
 Albani mandatum magistratui exponit, dari sibi col-
 legam postulans, ne quid imprudens in priuilegia loci
 committeret, aut ipsi se despectos putarent. Destinatur
 munus consuli Ioachimo Vbbenæ, satis præter animi
 sententiam, tam præsentis ciuium odio. & initio, cum
 aliquot operis, Ioannes Barnenda, vrbs fabricensis
 comprehenditur. qui pridem templum Franciscano-
 I rum

c l o. l o.
 l x i x.

CLV. LV.
LXIX.

rum magistratus iussu purgaturus, collisarum imaginum reliquias sustulerat. id crimen capitale erat, quod etsi publicâ auctoritate commissum, tamen à ministris sumendū supplicium videbatur, declinante inuidiam magistratu, qui industriè futuri cautus, mercedis causam in rationibus publicis dissimulare questorē iusserat. id Barnenda ubi cōpertum habet, effracto carcere, cum duobus obiecti criminis socijs, periculū euadit. alij, variè diuexati, & per tormēta culpam falsi, gladio feriuntur. eâ re ingens populi odium magistratus excitauit, indignantibus cunctis, quod sua imperia, & ciuium obsequiū, iniquè punitum iret. & auxere viduarum ac pupillorū assidua lamenta; quibus minuēdis, ceu commiseratus, ex ærario publico alimenta miseris clam assignat. Quarræus, diligens mandatorum, pro fugis diem dicere pergit, & nisi intra III septimanas præsentes se Albano excusent, vitâ bonisque exuendos denūtiat. inter hos plurimi è primariâ loci nobilitate. iiq; ad rei actæ nuntium priuilegijs se tueri conati, quæ extra pomerium, aut territorium, euocare quemquam prohibebant, per literas magistratum exhortâtur, operam apud Albanum daret, vt eorum ratio haberetur. sed cum ille offensæ metu, segnius publicæ libertatis causam ageret, per libellum ab Albano patriæ leges, iudicemq; ordinarium, supplices petunt. à quo responsum, nisi præsentibus ius non dicturum: si emanerent, ceu contumaces, ad causam dicendam postea non admissum

missum iri. iterumq; citati, vbi nemo compareret, ipsi ^{clō. 12.}
 perduelliū instar pœnæ capitali, bona fisco addicuntur. ^{LXIX.}
 igitur vim manifestā ad Cæsarem, & Germaniæ prin-
 cipes, deferre placuit; quādo vetus Imperij membrum
 prouincia esset, eiusq; tutelæ adhuc nuper à Carolo V
 cōmendata, anno seculi XLVIII. sed hoc quoq; consiliū
 nō successit. Postquā Quarreus discessisset, statim Ro-
 blesius ad arcē instaurandā animum vertit; quæ supe-
 riore anno à Vitellio & Paciotto ita designata, vt è pro-
 pugnaculis v in finitimos Tubantes III, in urbē II ob-
 uerterentur. circū fossa c pedes lata duceretur. rursus
 autē, impensæ defectu, opus intermissum. Hoc in Bel-
 gio rerū statu, Bipontino in Galliā paranti, cum vtroq;
 fratre, Ludouico & Henrico, comitē se Auriacus iūgit.
 idq; gnarus Albanus, vt regis animū magis obstringe-
 ret, suppetias ei Petrum Ernestum Mansfeldiū mittit,
 & cum eo equites clō clō, peditum signa xxv. Sub idē
 tempus, III Eid. Febr. egregio inter tot probra iustitiæ
 exemplo, Ioannem Grouelsium Spellæum, præcipuum
 rerum criminalium ministrum, concussionū reum, in
 furcā egit. cui aliquando extrema cōminanti, Gemma
 Frisius infelicem vitæ exitum prædixerat. Pontifex Ro-
 manus, Pius V, virtutis collaudandæ, Albano ense
 inauratum, & galerū gemmis ornatum, rituq; solenni
 cōsecratum mittit, non nisi ab episcopi cuiusdā manu,
 post peractos sacrorum ritus, accipiendum. adferebat
 munus tam insigne Carolus Ebulus Neapolitanus,

e 15. 15. oblatumque exquisitâ cæremoniâ in manum tradidit
 LXIX. Archiepiscopus Machliniensis. ac honorum læta Al-
 banus ludis spectaculisq; publicis est testatus. Non ita
 pridem, firmâ, vt videbatur, Belgij pace, ab Angliâ tur-
 bas Elizabetha dederat. naus è Cantabriâ veniens, &
 minores aliæ i v, pretiosas merces, ac pecuniam ingen-
 tem vehebant. cumque Galli piratæ persequerentur,
 in Angliæ portus confugerunt. & neque illic tuti nau-
 tæ, incumbentibus Gallis, & discessum obseruanti-
 bus, legato Hispanico, Gerardo Espesio, periculum
 suum exponunt. isque statim reginam accedens rem
 narrare; *in illis nauibus exercitus Belgici stipendium esse, Al-
 bano tunc perneceßarium. Et orare, in suis portubus pericu-
 lum prohiberet; deinde Antuerpiam vsque commeatum daret,
 vel saltem vectoribus arma permetteret.* nec grauatè, prin-
 ceptis æquitatis & amicitiae tuendæ constans, postulata
 concedere. sed dum Albano nuntium mandat, tardio-
 re responso, à Cardinali Castellionæo edocta, ad mer-
 catores quosdam Genuenses, non ad Philippum, pe-
 cuniam istam pertinere; cui Albanus soluendis stipen-
 dijs manum iniicere statuisset, ipsa præuertit, suosque
 in vsus educere è nauibus iubet, ac Londinum in æra-
 rium deferre. ea summa c c aureorum c l 5 excedere
 credebatur, cistis l i x inclusa. Vbi factum Espesius le-
 gatus intellexit, grauiter de iniuriâ conquestus, à reginâ
 responsum refert; *in Philippi fratris gratiam factum, vt
 Gallorum imminentium rapinam prohiberet. quando autem*
 comper-

compertum haberet, mercatorum potius Genuensium, quàm ^{CLXIX.}
regis sui pecuniam esse, extenuato per id tempus ærario, cum
bonâ dominorum gratiâ honestâ usurâ mutuam sumere decre-
uisse. idque ius principibus usitatum. ita dimissus, ocius
rem Albano nuntiat. is iræ præceps, ut excelsa pariter
ac prospera fortuna offensæ plerunque facilis est, non
dissimulandam regis sui iniuriam ratus, neque Ordi-
nes consulens, nec periculum attendens commercio-
rum, sine quibus opes Belgij non constarent, compre-
henfos per prouincias mercatores Anglos in domo
publicâ Antuerpiæ sub custodiâ habet, bona describit,
& mox hastæ subijcit. idem in Hispaniâ decretum. vi-
cissim in Angliâ Elizabetha, ut indemnes suos face-
ret, Belgas quoscunque retinere, bonaq; sequestrare
permittit. & tum iustam facti causam scripto palam
testatur; cui Espesius, perstrictum se in eo sentiēs, aliud
opponit. inde in Hispaniam legatum mittit, qui de
Albani iniuriâ conqueratur. causam non esse, cur in Bel-
gio regni sui mercatores cum facultatibus attinerentur. se qui-
dem id pecuniæ fecisse, quam Hispanicæ naues aduexerant, in
suos portus à piratis Gallis actæ. eam autem Genuensibus, ad
quos pertinere existimabat, post aliquot menses cum usurâ
reddituram. nam ut in ullam regis pecuniam manus inijceret,
id nunquam in mentem venisse; & legato quoque eius, ut
æquum erat, declarasse. adeo tamen humanitatis, aut veteris
amicitiæ, oblitum Albanum, ut Anglos suos tam proteruè
inuaderet. porro, si rex pecuniam exhiberi omninò vellet,

I iij quamuis

c15.15. *quamvis Genuensium propriam, facturam quàm primùm, dum*
 LXIX. *suos modo in Belgio subiectos, bonis omnibus restitutis, Alba-*
nus dimittat; &, integro utrinque commercio, amicitiam de-
inceps rectius colat. Ut regem offenderet, nunquam sibi consi-
lium fuisse. interea Albanus erroris poenitens, cum trās-
latis Hamburgum cōmercijs, nihil Anglis, plurimum
Belgis noceri videret, ad reginam Christophorum As-
sonuillium mittit, quem illa sine mandato regis ad-
mittere nolens, neq; ut legatum habens, contemptim
ad Senatum reiecit. cumq; indignum id is censeret, ir-
ritus legationis domum redijt. eā re irritatior Albanus,
pridiē Kal. Apriles edicit, ne quisquam, donec aliter
caueatur, vlla cum Anglis commercia habeat: naues
quoque, nisi armatae, Oceano abstinerent. in delin-
quentes poena adijcitur, publicatio bonorum. &, ut
ratum edictum foret, delatores constituti, quibus prē-
mium bonorum publicatorum dimidium foret. sed
munus odiosum, prāter exules Anglos, nemo ferē sus-
cipere voluit. inter hos erat Ioannes Storius iurecon-
sultus, sub Mariā Inquisitoris officio functus, homo
egenus, & ob mutatam religionem odio in suos prā-
ceps. datusque vicarius Gulielmus Parkerus, qui mox
certā gratiā spe dominum prodidit. quippe in nauem
introducūm, mercibus Anglicanis onustam, dum ex-
plorat, nullo fraudis alicuius metu, magister navis
Cornelius Eickenus, egregio pro patriā facinore, expā-
sis velis in Angliam auctum reginæ sistit; vbi fractā
 laqueo

laqueo gulâ, ceu coniuratus patriæ hostis, pro præmio
infamiam mortis retulit. Albanus xiiii Kal. Maias cō.
uocatos Bruxellas Ordines hâc oratione cōpellat. *nesciū*
ulli, ideò se à rege missum, vt prouinciarum motum compone-
ret, ac quietem deinceps certam constitueret. hâc de causâ, simul
remp. attigisset, in auctores turbarū inquisitos animaduertisse.
id autem maturius factum voluisse, vt regi suo satisfaceret, &
gratiam cæteris conciliaret, quorum simplicitatem illi circumue-
issent. sed præclarum hoc consilium homines seditiosos pertur-
basse, quorum arma vt propulsaret, maximam anni partem sub
bellibus egisse. quando verò consideraret, plurimum illos in mu-
ratâ religione momenti posuisse, quam plerunq; ingens populi
insolentia, & magistratuum contemptus sequeretur; ideoque
contra leges, per quas antea resp. trāquilla, nefaria consilia agi-
tasse; nihil ipsum prius habuisse, quam vt ex mandato regis red-
ditâ quamprimum antiquâ religione, leges quoq; ac statuta re-
stitueret. idq; etiâ præstitisse, ab episcopis, & cæteris sacrorum
presulibus, adiutum egregiè. quam in rem cum rex impensæ nul-
li parcus ararium grauitè attriuiisset, deinceps provide rent,
ne paci publicæ ipsi deessent, ac subsidia necessaria decerne-
rent. multa cohortibus ordinarijs, & reliquo militi, stipendia
restare. locorum communitiones, militarem annonam, & tor-
menta bellica, magnâ pecuniæ vim exigere. plurimum esse quod
mercatoribus deberetur. nihil in casum præsto esse. perpendis-
se diligenter, quibus subsidijs vsa quondam resp. fuisset; nec
iustus quicquam aut conuenientius deprehendisse, quàm quod
rex suo in has prouincias aduentu proposuisset. id quia
haud

cId. Id.
LXIX.

CL. I.
LXIX.

haud intellectum minus processisset, nunc operam dedisse, ne quis veluti ambiguum nimis, aut obscurum, detrectare meritò posset. quamobrem placere, ut rerum mobilia, quotiescunque venum irent, decimam; quæ soli essent, vicesimam penderent: utraque autem indistinctè semel centesimam exhiberent. Et quò singula commodè fierent modum præscripsit. Ea petitio Ordinibus permolesta accidit: & graue alijs diuitias suas, alijs probrosum videbatur paupertatem profiteri. vniuersis inuisa exactio. tamen centesimam à plerisq; metus expressit, quam mox Gelri Frisijq; redemerunt. in decimâ & vicesimâ cur minus acquirerent, causas libello comprehensas repræsentarunt. ac communis ferè omnium querela fuit, commercia interuerti, potissimum reip. neruum. seorsim etiam Brabanti, Hollandi, Zelandiq; , sibi grauissimam decimam questi, cum propter halecum reliquamq; piscium capturam; tum propter salem, vinum, panniq; texturam, Et merces Balthico mari aduehi solitas. quin tributum potius annuum peteret, quamuis supra veterem modum, pro fide in regem, Et obsequio, libentius soluendum. ad vicesimam quod attineret, eam planè ferri non posse. quippe vsu sæpè futurum, ut ob eundem agrum, domumve, intra annum vertentem sexies centesima solueretur. harum rationum Albanus, animi obstinatus, nullam admittens, decimam & vicesimam vrgeri non destitit. non certum sibi remp. pessundare, sed felicitatem eius firmam ac stabilem reddere. igitur concedere, ut onera sua per libellos testentur, benignè deinde arbitranda. in præsens verò velle regem,

regem, uti postulata concedant: si recusent, aut cunctentur, aliud quicquam tentaturum. nihil esse cur ita graue existimarent. in Hispaniâ usitatum, ubi una sua Alba instar L aureorum CLO annua redderet. Prouincialium causam prudenti moderatione Viglius præses ita tuebatur, ut nec se obnixè viro propositi rigido opponeret; considerandum diuersum regionum statum. Hispaniam latè diffusam, agriculturâ, & soli feracitate, æstimari: in limite nullos vicinos; montibus tantum, & mari, terminari. Belgium contra angustum esse, pannificioq; ac commercijs, censeri: deinde pluribus populis circumfundi, ad quos ea, si tributis onerentur, commigrarent. id prudenter valde Philippum Burgundum, Belgicæ felicitatis auctorem, præuidisse. eoque diligenter cauisse, ut portoria ac tributa leuia essent, vilisque annona. mercatoribus etiam peregrinis hâc de causâ priuilegia indulsisse. nunc si contra ipse nitatur, arceri peregrinos, expelli indigenas, ac commercia planè interuerti. quod si exstruere arces vellet, ærarij rationem haberet: nequetam nouas fieri necessarium: quàm, quæ olim in limite fuissent, reparari. nunquam tributa prouinciales continuasse; tantum rogas, quas appellabant, dedisse, quales vel requirerent principes, vel facultates suæ ferrent. quibus in pace, nimiam exactione, nulla ad belli casum subsidia relinqui, omninò non expedire. si subuentum agricolis vellet, propterea ne mercatores opprimeret. porrò de redditibus Albæ, ut longè maximis, ita plurimum gratulari. ita Ordines, amplius deliberaturi, in suas quisque prouincias recedunt. interim datis ad præsides literis instare proposito singulos

c15. 15. gulos iubet. *se quidem eâ moderatione vsurum, quâ in ob-*
 LXIX. *iectis difficultatibus par esset. id in suâ manu situm. Et vel*
omnia intermittere posse, si ratio commerciorum flagitaret.
nonnullis quoque interminari, nisi concederent, cum
adhibiturum. atq; hoc omninò regi videri. motibus nuperis ob-
noxios esse, hancque culpam prompto nunc obsequio luendam.
 Hannonios, Atrebates, ac Namurcenses, eius noxę im-
 munes, vt exemplum ipsi cæteris darent, blanditijs, &
 promissis ingentibus, impellere clam tentauit. reliquis
 præsidiorum metum iniecit. iccirco territi nonnulli, vt
 iram eius, & imminem tot militum insolentiam,
 euaderent, quibus animus per stipendia debita ferox, &
 occasio prædæ quærebatur, eâ lege tributum promittunt,
 si cæteræ quoq; prouinciæ exhibeant. orant præterea,
vt expensis querelæ momentis, clementer statuatur, quod publi-
cè vtile sit futurum. Hollandiæ nobilitas, & vrbs prima-
 ria Dordracum, prima cōsenserat, ad quā mox reliquæ
 ciuitates accesserunt. tantum Amstelodamum recusare
 initio, & causas seorsim allegare; subscripturum nihilo-
 minus, si ab alijs acquiesceretur. plus difficultatis apud
 Ultraiectinos fuit. ij Albano responsum mittunt; serio
omnia petitionis suæ membra examinasse, nec modum inuenire
potuisse, quo satisfacerent. exiguam admodum prouinciam esse,
è quâ, ubi se quàm latissimè porrigit, duabus horis exire li-
ceat. mediam partem ingenio loci sterilem valdè, alteram
vix cum magnâ impensâ fructum ferre. proximis XL annis,
quibus in Caroli Caesaris potestatem cesseret, præter alia quoq;
 tributa,

tributa, æs alienum ad C florenorum clō contraxisse, cuius ^{clō. lō.} ^{LXIX.} usura etiamnum premerent. insuper præteritis turbis valdè afflictos in tutelam cogere militem debuisse, cuius stipendio exhaustum ærarium. inde desertam ciuibus urbem, & commercia imminuta, ne in pace quidem frequentia. agrum etiam subiectum, in transitum copiarum apertum, amicisq; pariter & hostibus expositum, fortunis plurimos euertisse. huc accedere maxima agricultura incommoda, exesa passim à muribus sata, aut aggeribus ruptis mersa: item pecoris mortalitatem. nunc si tributum intolerabile porrò flagitet, publicam paupertatem fore. olim regem Philippum, florentissimâ adhuc provinciâ, cum centesimam rebus soli, mercibus quinquagesimam indixisset, intellectâ territorij angustia, & tributî ordinarij gravitate, tantum XXVIII florenorum clō in proximū octennium distributa imperasse. ac sperare, tam laudabile indulgentiæ exemplum hoc quoq; tempore sibi propositurum. quia tamen, adfectu in Belgium, eius trāquillitatem, ac religionē auitam, maximis impensis conseruasset, ut ingens beneficium agnoscere viderentur, LXXII florenorum clō in sexennium proximū offerre, eâ cōditione, ut XII iam expensa ei summæ deducerentur; & intra id tempus tributî ceteri immunes forent. Præterea etiam, si aggeres alibi tempestas disijceret, tum illius anni portio in sequentem prorogaretur. non contento his conditionibus Albano, iterum oratum ablegat. magno turbas proximas stetisse, & ad C florenorum clō expensa, ut obsequiū fidemq; in regē tueri liceret: quam ut porrò testarentur, concedere paratos, quantū nulli principum suorum vnquā fecissent. ea propter,

cIo. Io. præter XII illa cIo quæ soluiſſent, alia adhuc c offerre, sex-
 LXIX. ennio proximo perſoluenda. ſed cum vir propoſiti rigidus,
 ne ſic quidem placatus, niſi parerent, datam à rege pote-
 ſtatem, & arma non obſcurè minaretur, tertium depre-
 catores mittunt. eam ſibi ſpem fuiſſe, vt honeſtam orationem
 obtinerent, præſertim tam ingenti pecuniâ, quam obſequij in re-
 gem proni, nunquam antea conceſſam, in ſummâ ærarij neceſſi-
 tate decreuiſſent. ſupra illam nihil poſſe. ſeorſim etiam
 quinque collegiorum præſules repræſentabant, ſuorum
 bona, ſine ſummi pontificis conſenſu, ſub laicorum commercio
 neutiquam comprehendì. & in cænæ domini bullâ, eos qui tri-
 buta permittunt, non minus quàm ipſos exactores, uſu ſacro-
 rum prohiberi. item proximo cum Carolo V tractatu, quando
 ius in illum rerum temporalium transferretur, à tributis gra-
 uioribus expreſſo pacto immunes habitos. nequaquam ignaros,
 à pontifice regi conceſſum, vt ſuarum ditionum eccleſiis dimi-
 diam bonorum partem imperaret. quæ res cum grauius multò
 ipſos, quàm ſecularium quenquam premeret, manifeſtam in-
 iuriam enixè deprecari. ægerrimè exceptionem Albanus
 tulit, & bullæ eius allegationem, quam de oppreſſori-
 bus loqui inquiebat, non de veris eccleſiæ patronis, in-
 ter quos locum ſibi minimè poſtremum deberi. inde
 accito Antuerpiâ typographo, cum Senatu permitten-
 te excuſam intelligeret, grauiter illi ſuccenſere. moxque
 certior, factum negligetiâ Torræi: prius eum aliquam-
 diu publico, deinde in annum munere ſemouit. Vt
 autem Ultraiectinos cogeret, quorum exemplo alij
 quoque

quoque iam recusabant, legionem illuc Longobardi-
cam mittit, in quâ x Hispanorum signa; quibus pro-
miscuè, nullo ordinis ullius respectu, hospitia sua ciues
præberent. neque excusaretur quisquam, præter episco-
pum, templi Martiniani Decanum, & Wyckerflotium.
ad D. Mariam Canonicum, cuius frater regi à cubicu-
lo erat. Eorum effrenis insolentia eò grauior ciuib; in-
cubuit, quia, si non Albani mandatum, certè destina-
tio fuerat; idque illis minimè ambiguum flagitiorum
impunitas magis prodidit. sed immitte consilium con-
stanti patientiâ fregerunt; & extremo Nouembri, cum
præsidij angustiam ipse miles quereretur, signa ii A-
mersfortiam translata. quia verò grauem omnibus
decimam & vicesimam videret, vt inuisa nomina mu-
taret, differre propositum velle ostendit, si earum vicem
vniuersim in annos singulos vi sequentes vices cen-
tena c l o promitterent, initio facto à die x Kal. Sep-
tembris, quo decima ac vicesima concessæ fuissent. in-
super, quâdo tantilla pecunia vix sumptibus suffectu-
ra videretur, elapso sexennio, alterâ centesimâ ærario
subuenirent. huic rei deliberandæ mensem dedit. &
initio æquior quibusdam visa fuit, sed expediendi ta-
men ratio, graui pridem ære alieno, difficilis censeba-
tur. alij opinari, *temerè plenum consensum dici, quamdiu*
Ultraiectini detrectarent; cum non aliter promississent, quàm si
omnes pariter acquiescerent. erant etiam qui *leuiorem deci-*
mam & vicesimam existimarent, *per tot profugos, & dissi-*

CLIO. IO.
LXIX.

dium Anglicanum, detritis vehementer commercijs. nonnulli priuatim amplius rato exigi abs se querebantur. nam olim institutum, vt pecunia à principibus rogatae Flandriae trientem, Brabantia quadrantem solueret. Hollandia Flandrici tributum quadrantem; Artesia, Hannonia, ac caeterae prouinciae sextantem singulae penderent. quibus temporibus bellum contra Galliam gestum, placuisse, vt limitaneae tributum expertes haberentur: nunc pacatis valde iniquum, vt Flandriae trientis necessitas, Brabantiae quadrantis maneat. rectius tributum omnibus legitimum distinctum iri. contra Artesij, Hannonij, Insulani, Duaceni, Orchienenses, ac Namurcenses contendebant, à vetere instituto non recedendum. His dissidijs difficilior rerum status, ac prouinciarum diuersa studia nouas postea turbas dederunt. quin, augente indies Albani odio, plurimi mutationem optabant; etiam illi, quibus cordi religio maiorum. publica passim querela erat, & perpetuae seruitutis metus. ac persuadere sibi plerique, post decennium bonis omnibus euolutos, nondum tamen à tributum grauissimi onere liberos fore. angebat magis, quod, suspectam cuiusque conscientiam, curas, nusquam profiteri ausi, animo occultare cogeantur; quippe empti delatores, qui hominum se colloquijs inferentes, innoxia saepe verba proderent. In tam iustam populi querelam, aut occultam indignationem, deploratas Belgij res ad Auriacum defert quidam, qui alijs ab Hollandiae Ordinibus Bruxellas legatis collega datus, cum domum caeteri reuerteretur, simulato Antuerpiae & alibi negotio, clam Dillemburgum diu noctuque iter

ter festinat; ibiq; Auriacū allocutus, iniquam Albani
pertinaciam, & Belgarum communē offensam, multis
exponit. inde biduo quā venerat discedens, suosque
quātocius subsecutus, non multò tardius in Hollandiā
redit. atq; ex eo tempore crebra illi cū Svetano ac Cal-
lagio cōsilia, & occulta nonnunquā in Albinianis, vbi
ædes Callagius habebat, colloquia fuerunt. ex orientis
dissidij famā ingēs profugis spes affulsit, breui fore, vt
mutatis rebus patriæ ac bonis redderetur. Auriacus ve-
rò noua de Belgio liberando cōsilia agitans, omnia re-
rum momenta expendit, prioris propositi fortunā cor-
recturus. & vt certior successus esset, cunctandum ali-
quantisper ratus, interim Lancelotum Brederodiū, Al-
bertum Egmōdum, Adrianum Menningū, Barthole-
mæum Entesiū, Embisium, Ruichaueriū, aliosq; naues
bellicas parare iubet; classē que vniuersam Adrianus
Bergesius Olhanus duceret. qui dum mare passim in-
festat, tēpestare in Fleuum actus, adueniētes è Daniā ac
Sueciā prius LX naues, mox alias XL aggressus expugna-
uit, mercibusque direptis terrore ingenti commercia
cōcussit. eadem alijs quoq; mandata. insuper ipse, nul-
lius laboris parcus, passim omnes, quos causæ suæ fa-
uere crederet, orat atq; obsecrat, *oppressam grauitē liber-
tatem prouinciarū vtine desererent.* per literas quoq; vbiuis
locorū profugos hortatur, *vt tam egregiam voluntatem pe-
cunia adiuuarent, sine qua frustra quicquā tentari, nec patriā li-
berari posse.* In hoc proposito præclarā illi operam naua-
bant

cIo. Io.
LXIX.

cIo. Io.
L X I X.

bāt Didericus Sonoius, Albertus Vchtenbroucquius, Adrianus Svetanus, Iacobus Wessenbecius, Ioannes Bafius, Reinerus Cantius, alijque. quin vt tutò literas mutarent, inuentæ arcanorum notæ, quæ neque interceptæ confilia proderent. Elizabetha Angliæ regina Henricus Philippi dicebatur. Daniæ rex, Petrus Petri, Na- uarræ, Antonius Jacobi. Ferdinandus Albanus, Paulus Alblasius. Gulielmus Auriacus, Martinus Gulielmi. Megensis, Vultur. Didericus Sonoius, Daniel Santenus; aut, Nathanaël Calcariensis. Albertus Vchtenbrouc- quius, Adolphus Sonnius. Drunæus, Gerardus Traiecti- nus. Dein vrbibus quoque, ac prouincijs, nouata no- mina; & appellata Hollandia, Æs. Enchusa, Triton. Horna, Pollux. Medemlacum, Castor. Alcmaria, Pluto. Amstelodamum, Saturnus. Edamum, Hercules. Mo- nachodamum, Rhadamanthus. Brila, Vulcanus. Ager Vornensis, Æacus. Delphi, Apollo. Haga, Iupiter. Leida, Mercurius. Woerda, Satyrus. Dordracum, Ia- nus. Gouda, Mars. Roterodamum, Æolus. Delfsha- uia, Achelous. Muda, Phæbus. Fleuus, Titan. Texela, Boreas. Ultraiectum, Proserpina. Durostadium, The- tis. Gelria, Chalybs. Transiselania, Stannum. Bomme- lia, Ida. Dauentria, Venus. Zutphania, Ariadne. Cam- pi, Iuno. Zwolla, Pallas. Arnhemium, Io. Nouioma- gum, Ino. Groninga, Astræa. Embda, Brunsvicum. Hamburgum, Hedelburgum. Dillemburgum, Dan- tiscum. Wefalia, Hafnia. Ad hæc xii Zodiaci signa totidem

otidem anni menses erant; dies *gradus* nuncupaban- ^{cIo. Io.}
 ur. Albanus interea grauitè Ultraiectinis succensens, ^{LXIX.}
 quorum pertinaciã prouincijs alijs exemplo esse æger-
 imè ferebat, cum insolenti valdè præsidio assensum
 extorquere frustra sperasset, medio Decembri ad cau-
 sam dicendam coram Senatu adesse iubet. id cum con-
 stanter aliquoties fecissent, multorum precibus, qui
 gratiã in aulã, & auctoritate valebant, offensam miti-
 gare conati sunt. insuper ad c illa cIo quæ obtule-
 rant, alia L adiecerunt. sed ille neque sic placatus, sine
 exceptione parere iussos, *etiam ante actorum veniam sup-
 plices postulare voluit, ac suæ gratiæ arbitrium expectare.
 liter non ius remissurum, aut præsidia deducturum.* quod
 ubi intellectum, etsi haud occultâ iudicum iniquita-
 te, patientiæ obstinati iure porrò experiri, nec integrâ
 conscientiã infamiam tantam in se suosque admitte-
 re statuerunt. In cæteris prouincijs id effecerat, vt è
 vicies centenis cIo, in biennium proximum tribuen-
 dis, singulæ partem ratam promitterent. paucis ali-
 quot permissa redemptio, quæ pridem sub Philippi
 dominatum venerant. ac Gelria quidem quingenta
 quinquaginta cIo, Frisij cxxviii. Transiselani, &
 Tubantes, xciv. Groningenses Lx, in certos annos
 distincta penderent. Langanis decem cIo dalero-
 rum imperata. per hæc annus expirauit. Indies verò ^{cIo. Io.}
 crescente in Albanū odio, vix ultra obscurus adfectus ^{LXX.}
 erat; & clam agitari plurima, mox per occasionem pa-
 lam

cI. I.
LXX.

lam tentanda. sed Auriacus explorato, per ærarij inopiam pridem se consilij frustra fuisse; nonnullos etiam parum fidei constantes, qui simul in Belgium cum exercitu aduenisset, vrbes se aliquot tradituros, aut auxilio adfuturos promiserant; incerta casuum iterum experiri haud consultum putans, symbolam prius ubiq; rogauit, mensibus singulis & septimanis colligendam, etiam in ipsis Albani prouinciis, vbi terrore cuncta oppleta. A Sonoio iussi hanc operam concionatores quidam præstare, qui per Hollandiam agrumque Traiectinum ignoti versabantur, atque occultis apud religionis suæ socios domicilijs vsi, magnam pecuniæ vim corradebant. quippe in communi negotio, quod recuperandæ cōscientiarum libertati institutum, non alij magis efficaces: cum homines fortasse non indiferti, si non eloquentiâ, tamen pietate facile animos commouerent. & fuerunt, qui non pecuniam, sed seipsos, ac sanguinem suum Auriaco offerret. Idem mandatum Leide acceperat Petrus Adrianus Weruius, & cum eo Georgius Epo, qui cum in suâ vrbe, tum Dordraci, Roterodami, Delphis, Hagæ, atq; alibi, non contemnendam symbolam impetrârunt. In Frisiâ è selectâ nobilitate, Petrus & Asinga Ripperdæ, ac Pompeius Vfkensius, ad diē Kal. Febr. Sonoio nuntiât, *nulli se antea fœderi obnoxios, neq; vt essent quenquâ petiisse: nihilominus tamen bonis exutos, ceu noxæ communes. itaq; patriæ & libertatis ergo, ad vim propulsandam, Auriaco deinceps auxilia ferre*

erre certos. quæ etsi nulla tunc ipsis in promptu, in proximam cIo. Io.
men Pentecosten sclopos trecentos parare velle. Interim ad LXX.
 mp. ordinandam Albanus fertur. ac Dordraci mo-
 etæ præfectum, aliumq; adulterandæ administrum,
 carcerem conijcit. & illi quidem pœna capitalis in-
 cta, huic ob imprudentiam ætatis, multorû interuen-
 , gratia facta. vtq; porro fraudẽ prohiberet, Id. Martijs
 dicto cauet, ne argentæ monetæ cuiuscunque vñus sit,
 si quæ Philippo auctore cusa, aut signata. Res utilissi-
 a publicè visa, magis priuatim ipsi quæstiosa. Inde
 religionẽ animum aduertens, libris vetitis abstinere
 bet, & Theologis Academiæ Louaniensis dat nego-
 ù, vt notatis auctorû locis, quæ maiorû pietatem læ-
 erent, indicẽ conficerent, editum postea hâc cautione,
 e quis in eo quicquã, sine præfecti, aut senatus aucto-
 rate mutaret. Additur curæ isti Arias Montanus, vir e-
 regiâ literarû famâ, qui, mandatâ à Philippo Biblio-
 um editione, recēs ex Hispania aduenerat. Tum typo-
 graphis quoq; & ludi literarij magistris, leges p̄scribit.
 ameraci & Machliniæ synodos habet, in quibus epi-
 opi multa decreuere, secundû concilij Tridẽtini statu-
 , à quibus discedere quenquã fas non esset. item de iu-
 cijs criminalibus multa constituit, in speciẽ non ini-
 ua, quæ nullo priuilegiorum, legû, immunitatum, aut
 consuetudinû respectu, tantisper obseruarentur, donec
 e ijs scripto repræsentatis plenius cognouisset. formu-
 m quoq; sacramenti proponit, ijs sequẽdam, qui ad

c 15. 15.
LXX.

iudicum officium, aut aliud aliquod munus publicum promouerentur. Per hoc tempus cum Spiræ Nemetum comitia Maximilianus haberet, profugi Belgæ, communicato cum Auriaco cōsilio, de vi & oppressione Albani conquerentes, Cæsarem atque Imperij principes supplices orant, vt suo nomine apud Philippum intercederent. idem Culemburgensis, Bergensis, Horana, & Batemburgicus fecerunt, debitum Imperij clientibus patrocinium implorantes. & fauentes sanè è principibus multos habuerunt, qui causam adiutare, & orare Cæsarem, *quando pars Imperij Belgium esset, misertus ærumnarum, pacem religionis, quâ Germania frueretur, ipsis quoque procuraret. iam semel apud Philippum egisse, nec tam laudabile propositum defereret. pergeret pacis studium præ se ferre, ac regi persuaderet, ne in fidei negotio vim conscientijs ullam faceret, aut vitâ ac fortunis subditos supplices euerteret.* Et inclinabat in rem æquam Maximilianus, cum legati Albani, & reliqui Catholicæ religionis principes, optimum Cæsarem in contraria impellerent. *licere regi in rebelles pro arbitrio animadvertere, neque hanc curam ad Imperium pertinere.* In Ultraiectinos tunc lata sententia, quâ suffragij ius in comitijs postea nullum clero permissum, aut nobilitati. magistratui urbano, alijsq; ciuitatibus tertij ordinis, etiam priuilegia omnia adempta. ijque hoc quasi fulmine percussi ad regem prouocant, quæ res Albani iram accendit. Igitur in Hispaniam deprecatum mittunt Gulielmum Veu-
selium,

selium, ad D. Petri templum Decanum, antiquâ pietate, & præstanti eruditione virum; quamuis periculosa legatio crederetur, tam recenti Montinij, Bergensis, aliorumque exitio. isque cordatè iniuriam, ab Albano factam, regi supplex repræsentat. sed Albanus, contemptâ prouocatione, per literas Ultraiectinis nuntiat, *et si post sententiam latam omnium illic munerum penes regem potestas esset, tamen singulis magistratum prorogare, donec aliter factò opus videretur. interim prouiderent, ne quid in iure dicendo, aut ciuibus regendis, Resp. detrimenti caperet.* tum prouinciæ quoque præsidem, ac senatum, comitia deinceps vlla habere, aut ordinum munere defungi vetat; Franciscum Bothium, ærarij quæstorem, rationes publicas Bruxellas transmittere, pecunias verò fisci quæstori tradere iubet. huius quoque rei certiores regem faciunt, & quoscunque fauentes sibi in aulâ eius existimabant. interim, quia intolerandâ Hispanici præsidij ferociâ vexabantur, omnibus modis satisfacere Albano, & iram viri placare student. sed illi rei Florentius Thinnius ter ablegatus re infectâ domum redijt. & obtulerant, si comitia pristina permitteret, ac præsidium euocaret, florenorum CLXXX M. Rex Philippus, pontificis consensu, & Albani ac senatus consilio, anno superiore Madriti diploma dederat xvi Kal. Decembres, quo barbarum veniam Belgis promittebat, sed tam latâ exceptione, vt paucorum beneficiû videretur. id hætenus dilatum nunc Antuerpię

L iij pro-

cIo. Io.
LXX.

promulgat, xvi Kal. Sextileis. In foro maximo ante curiam theatrum ligneum erectum erat, aliquāto sublimius, panno oppansum. in summo solium magnificè instratum, quo regis locus repræsentabatur. in hoc confedit, fastu hæctenus legatorum nulli v̄sitato. ad vtrumq; latus, depressiore paulo sedili, fœminæ duæ Antuerpianæ, præstati formâ: quod populo indicium, placatū iam esse regis animum, ipsumq; in posterū clemēter habendum. prodeuntē ad gradus vsq; stipatores deducebant; forum miles obsidebat. ita cum magno armorum terrore pacē pronuntiat, & delictorum gratiam minus acceptam, quia paucis vtilē, omnibus dubiam. quamobrem rari cōfidere ausi domū redierunt, homines nullius ferē loci, quos & fortunæ suæ tenuitas, & numeri infrequentia, illæsos præstitit. Mēse Augusto Anna Austriaca Philippi matrimonio destinata in Belgium venit. proficiscentem fratrum minimi Albertus ac Wenceslaus, & selecta nobilitas comitabatur. Deducendam Cæsar dederat Ioanni Hoio, episcopo Monasteriensi, & Borussici ordinis præfecto. Sub aduentum profugi Belgæ Emericâ exacti, vbi tunc Arscotanus ac Noircarmius erant, honoris ergo obuiam missi. & Auriaco per literas Sonoius significabat, modò voluntatis suæ gnarum, facile iter in aggere Bergēsi impediturum fuisse. cū Nouiomagum regina appulisset, solenni ritu in Albani manum tradebatur. illic Gelriæ, Hollandiæ, Ultraiecti, Frisiæ, Transiselandiæ, Gronin-

Groningæ, Ommelandiæ, ac Tubantum legatos ob-
uios habet. qui matrimonium nouę nuptę gratulati, e-
gregia quoq; munera obtulerunt. inde Albano dedu-
cente Antuerpiam abiit; vbi regio planè apparatu ex-
cepta, à cæteris Belgij sui prouincijs, vltra Mosam &
Scaldim positis, vota iidem ac munera accepit. hinc
in Zelandiam profecta classem Flissingæ conscendit,
ducente Maximiliano Bosiuio, maris præfecto. In
Hispaniam eunti comites ab Albano dati, Ferdinan-
dus Toletanus filius, Rodericus Toletanus, & Chri-
stophorus Mondragonius, cum legione suâ eam ob
causam Dauentriam euocatus. Ipse Albanus, cum &
antea successorem sibi à Philippo dari postulasset, hoc
maximè tempore illud agebat, vt nouam dominam
ad regem maritum deducere liceret. sed obtinere com-
meatum non potuit. Dum hæc fiunt, sedulò Auriacus
de restituendo Belgio agitare. pridem naues plurimæ
eius iussu mare commercijs infestum reddebant. nunc
de vrbibus quoque capiendis cura erat. itaque clancu-
lum per Sonoium Enchusam ad deditionē sollicitat:
isq; penè rem perfecerat, occupatis ciuiū plurimorū
animis, cum tamen obortū aliquod ex improviso im-
pedimentū, summo, quod admireris, cōsiliij secreto, in
sesquiannū differre coëgit. Interim in Hollādiâ Septen-
trionali, duorū maximè cōcionatorum operâ, per plu-
rimos pagos symbolę institutæ, & cōuenticula itē cre-
bra, nullo Albani metu, habita. Illi ad populū cōmeare
frecuen-

c15. 15.

L X X.

c19.15.
LXX.

frequenter, & periculi vices alternare: literas etiam ferre ac referre, quæ interceptæ ne consiliorum arcana proderent, de frumento tantum, aut simili commercio, agere videbantur. id verò commercium vrbes erant, Horna, Enchusa, aut Medemlacum. pariter in australi Hollandiâ de Dordraco occupando, Brilâ, Roterodamo, ac Delphis agitatum. in Transiselaniâ, de Dauentriâ, Campis, ac Swollâ. Sed hæc consilia impedita, aut non tentata, irritò in hunc annum conatu fuere. Quia autem naues bellicæ insolentius piraticam exercebant, vt belli sui infamiæ occurreret, dato illis præfecto Lumbresio, edictis pluribus licentiam adstringit. inter cætera, laudabili virtutis exemplo, *procul ambitione & auaritiâ, boni tantum publici curam habere iubet; nec militem legere, nisi famæ integrum, & crimini, aut licitori, non obnoxium.* tum concionatorem singulis item nauibus imponit, qui pietatem, & sacras preces, exerceret. Non multò post, diuersis temporibus, naues circiter L variè onustas inuaferunt. Ductores dati, Lancelotus Brederodius, Adrianus Menningus, alijq;. Valentinianis III Germanorum c10 in præsidio agere, & stipendium diu debitum per seditionem flagitantes, Lodronio, ac ductorum nonnullis, vincula iniicere. eamque rem indignatus Albanus, stipendij parte per legatum, & veniâ datâ, in auctores clam inquiri. mox Antuerpiam in spem reliqui euocatos, cum haud longè ab vrbe abessent, immissis Hispanis, separata seditionis capita

capita ante arcem gladij aut laquei poenâ affecit; reli- ^{clō. lō.}
 uos omnes exauctoratos, sine stipendio ac commea- ^{LXX.}
 i, Belgio excedere iussit. hoc gestum mense Septem-
 ri. Nouembri proximo, grauissimâ tempestate rup-
 s aggeribus, plurimum passim per Belgium aquarum
 xundauit, multiplici hominum ac pecoris strage.
 uersa passim templa, domusq;, & ager penè vniuersæ
 risiæ, vix vrbibus saluis, quæ aquis vndique circum-
 effæ. tristis rerum facies erat, & pluribus interceptis,
 nonnullos ædium quarundam tecta, aliaque fastigia,
 ut trabes innatantes seruârunt. In tam magnâ cala-
 mitate egregium pietatis specimen Caspar Roblesius
 illius dedit, prouinciæ præfectus, qui Groningæ tunc
 rat. quippe præclaro in miseros affectu, hic illic na-
 antibus, aut excelsa quæque complexis, nauigia sub-
 misit, quibus à morte præsentissima tristissimas flut-
 tuum reliquias reduceret. insuper reip. misertus, quæ
 aggeribus aut cataractis reparandis satis premeretur,
 anni sequentis tributum remisit. & homo Lusitanus
 am insigni beneficio animos omnium sibi obstrin-
 xit, antea odio gentis inuisus. Vix æstimari clades pos-
 sit, & periere in solâ Frisiâ hominum ferè xx clō. nec
 communis Flandria fuit. Greuelinga, Dunkerka, Neo-
 portum, Ostenda, Watervlietum, pagi que alij plures
 experti. concussæ vehementer Brugæ. euerfa cataracta
 Gandensis, quæ Sassa vocatur; & Gandauum ipsum
 usq;, ad Cæsaris portam, aqua excurrit. Minus periculi

M

Braban-

c15. 15.
LXX.

Brabantia habuit, si Antuerpiam excipias, & pagos aliquot Scaldi vicinos. In Zelandiâ, præter reliquam pecorum & aggerum cladem, hominum c15 c15 c15 absorpta. Grauiissimè verò Hollâdia quoq; laborauit. Dordraci, ac Roterodami, alijsq; in vrbibus, ad tertium pedem aqua plateas supergressa est. ad Papendrechtum, & in insula Crimpenfi, septem locis disiectus agger incredibile quantum hominum pecorumque abripuerit. Pagos mari adiacentes eadem procella inuasit, ac potissimum Sceuelingam, vbi euerse ædes CXXVIII. naues in littore stabulantes statione eiectæ per vicos ceu Oceano vectæ ferebantur. & ingressa templum aqua, plus tertium pedem alta, in ipso sacrario grauem è ferro cistam subuertit. Immane damnum Amstelodamum etiam accepit, & qui Mudam ducit agger tredecies perforatus. Partem cladis provincia Vltraiectina sensit, & Hollandia Borealis, insulæq; adiacentes. Zypæ è CIV ædibus vix quicquam superfuit. Caninam siluam, miraculum loci, rupto exteriore aggere, periclitatè vix immanis interior moles seruauit. Luctuosus certè Belgio casus, & qui, præter cæteram iacturam, hominum plus centum c15 absorpsit. Hispani iustæ sanctorum iræ rem imputare, quorum imagines Belgæ violassent. ipsi Belgæ simplicius iudicare, nec eos vindictæ cupidos arbitrari: nulli tamen dubium, irati ob peccata Dei indicium fuisse. Multum ea res Auriaci consilia perturbauit. quippe de Enchu-

Enchusâ, & alijs Hollandiæ vrbibus capiendis cogi-
 abat; iamque in Amasiâ flumine naues copiæque pa-
 atæ, & in Angliâ item Lumbresius classem instrue-
 bat. sed quia tempestas aliquot naues valdè afflix-
 at, & egressæ ripas aquæ incertum nautis alueum
 ecerant, dilatum necessariò propositum. mox aliud
 quoque impedimentum obiectum. Ioannes Basius,
 qui literas ad senatum, & mandata allaturus expecta-
 batur, vix iv Non. Decembris Embdam venit. quo
 tempore Euro flante obortum gelu intensum fuit. &
 Lancelotus Brederodius, qui negotio in se recepto cum
 quibusdam nauibus præcesserat, Texelam insulam oc-
 cupaturus, eiectâ ex imo mari glacie, irritus profectio-
 nis ægrè redijt. Entesius, Mentheda, & Ruichauerius,
 quo euasissent, aliquamdiu ignoratum. ac Ruichaue-
 rius in Fleuum delatus, naues quinq; obuias inuadēs,
 redemptionē vectoribus imperauit. Hinc Embdani,
 ceu damno suæ ditioni illato, offensam prætendēs, na-
 ues xi detinuit, ac cū ijs nobiles Frisios, Mepsiū, & len-
 semam, abbatemq; Heumelium, quē è Frisiâ captum
 abduxerant. insuper Theodoro Bremano vincula inij-
 cit, & arctam nauibus custodiam apponit. Hoc rei
 euentu, vt impensæ minuerentur, retentis nauibus mi-
 item dimittere placuit; sed non spem occupandæ En-
 chusæ, quæ in occasionem dilata. Adhuc arcana confi-
 lia erant, nec ad Albanum quicquam emanauerat, eo-
 que enixius occultata, ne ille aliquâ suspicione intereâ

c15.15.
LXX.

præsidium imponeret, ac spem successus omnem eriperet. Embdani factum Sonoius Auriaco per literas exponit; interimque ex Haio & Vnico Mannings fratribus, vno Embdæ, altero Nordæ præfectis, rem à Cæsare mandatam intelligit, & dilaturum etiam Embdanum fuisse, nisi per Monasteriensem episcopum certò comperisset, eas Albanum inuasurum, aut gelu impeditas exusturum fuisse. ideò præuertendum putasse, quùm primum saluâ nominis estimatione posse videretur: maximè si proximo circulatorum conuentu rata Auriaci mandata haberentur. grauer conquestum Albanum, quod piratis fauisset. & septem libellos accepisse, quibus parare responsum deberet. insuper, non obseruatam vsquequaque militiæ disciplinam, & nullâ ductorum reuerentiâ in amicos pariter atque inimicos incursum. id autem Basij potissimum culpâ euenisse, à quo auctorati promiscuè, in paucas saepe septimanas, homines per egestatem flagitiosi, quique arma in prædam verterent. cumque de illato damno sacri Imperij subditi conquerentes restitui sibi bona sua postularent, hos feroci responso dimissos; illos, ne responderet, latebrâ elusos. Mense Decembri Hermannus Ruterus, pridem institor boarius, insigni vir audaciâ, solis tribus comitatus, Louestenium, ditionis Cliuiensis arcem, prope Gorcomium in insulâ Bommeliensi sitam, ad Mosæ & Vahalidis confluens, sub vesperam habitu Franciscano ingressus capit, ac præfecto cæso aliquamdiu tenuit, dum speratum à Bergensi auxilium adesset, quod gelu impeditum. interim cum xxiv commilitonibus

nibus locum munit. Ad rei nuntium missus à Rode-
rico Toletano Siluâ Ducis Laurentius Perea cum sclo-
petarijs CL, & hastatis x. isque vbi ad arcem aduenis-
set deditione postulatâ, cum negaret Ruterus, adductis
tormentis vim tentare. Suorum virtutem egregiâ ora-
tione Ruterus accenderat, certumque omnibus extre-
ma pati; & honestam potius in armis mortem, quam
infamem lictoris manum experiri. Primo aduentu,
cum nullæ pro muro excubiæ agerentur, petitis è loco
vicino scalis duplice, quæ interiacet, fossâ clanculum
superatâ, præsidarios intrâ arcem Hispani compule-
rant. inde impetu factò comminus vtrinque pugna-
tum est. tandem ex alterâ parte per scalas appositas in
arcem irrupere, obuium quemque obtruncantes. Ru-
terus se in conclaue recipere, sparso in aditu puluere
tormentario, ac romphæâ diu multumq; pugnans ir-
ruentes sustinere, vt viri fortitudinem ipse hostis mi-
raretur. ad extremum, editâ ingenti strage, vulneribus
obrutus, iniecto in puluerem igne ambustis oppug-
natoribus, gloriosâ morte occumbit. mortui caput
Siluam allatum patibulo affixum fuit. è socijs xvi
capti Antuerpiam abducuntur; moxq; ex ijs xv suspen-
si, ii in rotâ excarnificati. Consilium Ruteri erat Gor-
comium etiam, ac Worcomium, fluminaque occupa-
re. & coniurarant ciuium nonnulli, qui valdè angi ne
proderentur. sed morte Ruteri, apud quem nulla char-
tarum indicia deprehensa, res occultata. Adiuuerat ne-

cIo. Io.
LXX.

gotium inter primos Hadrianus Houelius, vir consularis, tunc in Cliuiam profugus, & Vchtenbroucquo, Wessenbecio, Sonoio, Cantio, alijsq;, arcanorum particeps. Circa id tempus res ridicula planè accidit, in quâ Albanus animi moderati signū dedit. Louanij quidam declamator cum Albani laudes, ceu ob Belgas, Germanos, Italos, Gallos, atq; Mauros debellatos, putidè satis ad auditorum nauseam diceret, ijq; hominem ingratae eloquentiae incondito strepitu interpellassent: quia res cum contumeliâ Albani coniuncta videbatur, Academiae professores anxij, ut offensam atque iram declinarēt, Elbertum Leoninum, & Ioannem Wamesium, primi loci ac nominis iureconsultos, ad eum mittunt. qui cum factum pluribus verbis anxie excusare niterentur, edito ab astantibus strepitu vicissim turbati, ab Albano dimissi fuerunt. nec vllâ ultra irâ contumeliam ille vindicauit.

cIo. Io.
LXXI.

Anno sequente, explorato quid Sonoius & Godefridus Haestrechtius molirentur, apud Cliuiensem eiusque senatum per literas queritur, *homines noxios, & turbarum contra regem per Belgium irritamenta, in suâ ditione tolerari.* Megensis quoq;, Gelriae praeses, senatui nuntiat, *captiuos aliquot per tormenta fassos, Sonoium ac Drunium Herëbergæ & Vlsta expugnationem adiutasse. illum verò etiam pecunias bello contra regem gerendo colligere. quamobrè rogare, uti poenâ crimen compescerent; aut, si negligant, se quod factò opus curaturum.* Hâc de causâ veritus Cliuiensis, ne Emericae, vbi agebat Sonoius,

noius, inuadendæ consiliū Albanus caperet, Stephanū ^{c. 15. 13.}
 Stenium, vrbis prætorē, capere Sonoium ac Drunium ^{L X X.}
 iubet. isq; noctu postrid. Eid. Febr. quinq; lictoribus
 comitatus rē aggressus, neutrum in ædibus cōprehen-
 dit. Sonoius à Mariâ Malseniâ vxore monitus, vt pei-
 culū euitaret, vrbe aliquantis per eman sit: grauitè apud
 Cācellarium, Gulielmum Leium, aulæ præfectum, &
 Ioannem Laurimannū conquestus, *se indigenā, & eque-
 stri dignitate virū, nulla principis sui offensā, præter ius fasq;
 temerè opprimi. permittendum omninò fuisse, vt beneficio anni
 isto seculo decimi iuxta alios frueretur: hanc verò tam iustam
 querelā ad ordinem equestrem comitijs proximis deferre sta-
 tuisse.* Intercedere etiā Hermannus Nuenarius, & literas
 cum ad senatū vniuersum, tum ad Cancellariū, & non-
 nullos senatorū seorsim scribere; quibus effectum, ne
 quid ad tempus in Sonoium sequius tētaretur. Mense
 Martio naues grandiores xxx, quarum viii comnea-
 tum à Ludouico Nassouio impetrauerant, pirate inua-
 dunt. In Flandriā Miegenus & Blommartus per Pe-
 trum Ryckium clam officia sua deferūt, copijs in agro
 Aldenardensi comparandis auctoramētum postulan-
 tes. *inagnam in promptu prædam esse, tantā opulentissimarum
 abbatiarum aut monasteriorū per agros circumiectos frequen-
 tiā. Ronse S. Hermetis capulum c. florenorū c. 15 estimari. in
 propinquo ingens nemus, vbi occultari copiae possent, tū illic pa-
 rari faciles, tum Schorssse, Marce, Meldæ, Edichouij, Quar-
 montij, & Sulfecæ, quibus locis conciones clandestinæ habe-
 bantur.*

c 15. 15.
LXXI.

bantur. his accessuros quoque alios, qui Gandavi, Tornaci, & Aldenardæ clam patriæ libertatem agitarent. sed hic conatus, & si dato ab Auriaco auctoramento, sine successu postea evanuit. Petrus Arlerius itidem secretò, iussu Auriaci, de Camporum, Dauentriæ, Swollæ, Zutphanie, aliarumque urbium deditioe cum ciuibz earum agere: quæ non ita difficilis foret, ipso mox cum magno exercitu aduenturo. atque vt is consilia eò dirigere posset certiore euentu, pecuniam, aut obsides darent. Sonoius & Vchtenbroucquius Ultraiectinorum animos tentant, admonentque. considerarent grauissimas arumnas suas, quas iugo excusso cum libertate commutarent. id præstare, quàm tam duræ seruituti sese ac posteritatem obnoxiam habere. ab Albano nil aliud agi tam immuni tributorum indictione, quàm vt omnibus in extremam egestatem deiectis, resurgendi postea potestatem adimeret. in procinctu Auriacum esse, qui Hispanis urbem arcemque eripere velit, & rationem pridem ostenderit, libenter obsequuturus, si quid rectius aut facilius ipsi excogitassent. Eiusdem mandato Nicolaus Camerlinus in Hollandiam profectus Iacobum Duenuordium Warmondanum, Othonem Egmondum Kenenburgium, Benthusium, aliosque è nobilitate pariter ac ciues rogat, in suâ idem prouinciâ facerent, vbi cum exercitu Auriacus adesset. Hæc consilia, non sine ingenti periculo agitata, ita tamen clam Albanum fuerunt, vt postea egregio euentu imprudentem oppresserint. sed Ultraiectinis, arce munitissi-
mâ,

na, & præsidio valido infessis, audacia defuit. omnia ^{CLV. LV.}
extrema patiebantur, concussiones, contumelias, stu- ^{LXXI.}
ra, latrocinia. quoduis flagitium impune erat. sæpius
apud Albanum questi, cum nihil agerent, tum ad re-
gem ecclesiastici querelam deferunt, utque semel tan-
tum liberentur supplicant. sed ab eo ad Albanum re-
ehti, frustra se esse animaduertunt. iam xx totos men-
es quiduis passi, nec spes vlla miseris reliqua, cum ec-
ce Deus è machinâ subito casu oppressos liberat. Auge-
ri indies naues bellicæ Auriaci, & infesto mari ingen-
tem sæpe prædam abducere. eam ob causam metuens
Albanus, ne aliquem in littore locum occuparent, co-
hortes aliquot desinente Martio Leidam & Alcma-
riam ire iubet. moxque reliquas postridiè Non. Maij
euocatas Delphis imponit. & quia nauibus bellum
inceptari, ipse suas quoque opponit. Ex his vnam e-
gregiè armatam Sigebertus Frâciscus Medemlacenus,
& Eligius Rudanus, Auriaco tradunt. qui explorato,
augeri quotidie Belgarum in Albanum odia, iterum
cum illo experiri statuit, postulato ab omnibus per
Imperium amicis auxilio, & varijs nauibus auctoratis,
quarum classe satis instructâ laudabile quoddam faci-
nus edere potuisset, si, quod enixè operam dabat, impe-
ria eius valuissent. sed homines odio & licentiâ effe-
rati, leges & ductores contemnere, ac veterem disci-
plinam conculcare. eoq; effectum, ut quiuis dignior
corruptæ adeò militiæ præfecturam aspernaretur.

N

Sperans

et 15. 15.
LXXI.

Sperans autem, si beneficio cuiusquam principis liberum alibi portum impetraret, in quo restaurare naues liceret, tunc rem naualem se ordinaturum, conuiuere, & poenam differre coactus fuit. Etiam à principibus quibusdam per legatos aduersus vim Albani auxilia petijt. in Galliâ fratre Ludouico Nassouio vsus est. in Daniam & Sueciam Didericum Sonoium, Hermannum Merium, & Ioannem Clusium misit, uentitos tamen Daniæ regem quicquam rogare, nisi id legato Gallico, Carolo Danzæo, videretur. hique cum Hafniam viii Kal. Iunias appulissent, ut iussi erant, Danzeum cōsulunt. isq; edocet, *nihil à Dano expectandum, qui Petro Oeckfio ab arcanis vteretur. nec spem esse, qui militi extraneo, iam intra regnū agenti, commeatum negaret, cū aliunde aduenienti concessurū, maximè cum pridem, firmandæ veteri amicitie, ab Hispano legatus adfuisset. quin etiā armare naues, quæ aduersus piratas suum mare, cuius fines quàm latissimè extenderet, tutarētur.* quamobrem auctor ipsis esse, uti discessum maturarent. quē adiutās naui Rupellanae eos imposuit. auctiq; in Sueciam, Stocholmium, ubi aula regis, postridiè Kal. Iunias venerūt. cumq; ab vrbe rex abesset, vnaque cum eo Pontus Gardius, cum quo consilia cōmunicare iussi erant, Sonnebenum, Gardij pagum, quò vocatum ad epulum regem post biduum adfore intellexerāt, abierunt. ubi quid venissent effatos, ceu minus idoneo epuli tempore, Stocholmiū rursū, quo rex breui reuersurus, discedere suadet. solū Clusiū
apud

apud se retinet. i v Eid. missus à Gardio Ioannes Moinius ipsis nuntiat, *certum de legatione regem, sed decernere nihil posse, nisi gnarum quo loco res Moscoviae essent: & bellum illa, an pacem agitare. ab eâ sua consilia pendere, nec militem aliâs necessarium dimitti integrum. Difficile insuper, annonam navibus procurare. cum fratre Carolo tamen conferre, eiusq; affectum clam explorare velle. & quando nuper ab Hispaniae rege atq; Albano legatus amicitiam orasset, tutius fratri persuasurum, ut Auriaci causa negotium totum in se reciperet.* Pro hoc beneficio prolixè Gardio gratias agere Moinium rogant; & nonnulla, vtiliter apud regem dissimulanda, suggerunt. ac si palam Auriacum iuvare anceps putaret, quod periculi minus haberet, fratre Carolo, aut alijs vteretur. ad hæc literas ad Gardium addunt. Interim cum Sonnebeno Gardius rediisset, nec diligenter satis rem curasset, per Moinium conqueruntur. illudi sibi, frustra que tempus eximi in negotio tanti momenti, & maturando. id postquam ei relatum, ut culpam amoveret, x v Kal. Iulias Swertzium eos ad regem abduxit. illic admissos rex interrogare, clam an palàm audiri vellent. cumque clam malle respondissent, iusso secedere comitatu, præter Mareschallum & Gardium, literas ab Auriaco exhibent. quas cum legi orarent, rex respondit, *se legationis testimonium agnoscere, iamque ante edoctum, ab Auriaco oratores advenire.* tum Latine allocutus, si quid vellent, paucis enuntiare iubet.

c15.15.
LXXI.

itaque datâ fandi potestate supplices exponunt; *Maie-*
statis suæ virtutem effecisse, vt rem æquissimam, & orbi
Christiano utilem, Auriaci mandato orare auderent. non du-
bium esse, quin de Albani, primi antea Maurorum inquisito-
ris, in Belgas crudelitate audiisset. aduenisse cum magnis co-
pjis Hispanorum, & militum exoticorum, quibus oppressas
Belgij prouincias tam grauitè vexaret, vt nullum scuitiæ
genus esset, quod non passim intentasset, nullo populi aut pro-
cerum discrimine. tyrannidi autem, vt tantò licentius grassa-
retur, violatæ religionis culpam prætexere. atque hoc crimine
regi suo imponere. quin etiam, firmandæ tam iniquæ domina-
tioni, in urbium plerisque præsidia aut arces posuisse; contra
Belgij iura ac priuilegia, quæ rex à maioribus tradita sacra-
mento confirmasset. Igitur coactum summâ necessitate opti-
imum principem, quando tentatus sæpius Philippi animus nul-
lum rationi aut precibus locum faceret, occurrere Albano, &
restaurandæ libertati, arma aduersus tyrannum sumere. quan-
do autem M. suæ erga remp. Christianam affectus & cura in
aperto essent, eamque ob causam facilem afflictis ac benignum
fore considerent, supplicatum ipsi venisse, ne desereret tam
iustam piamq; causam, quæ ad omnes orbis Christiani princi-
pes pertineret. quippe Albanum, subactò Belgio, cætera
quoque, quamuis longè dissita regna, eodem religionis prætex-
tu, inuasurum. idque ex fœdere Baionensi anni LXII satis
manifestum esse. Ad hæc verba rex respondet, & amare se
Auriacum, & Belgij calamitatem deplorare. Existimasse au-
tem, Hispaniarum regem, principum aliorum monitu, clemen-
tius

ius acturum fuisse. quod quando aliter evenisset, cum Carolo ^{clō. 15.}
fratre deliberaturum, sine quo decernere nihil posset: ac re- ^{LXXI.}
sponsum intra octiduum Stocholmum missurum. Interim, si
ta videretur, ipsi ad Carolum proficiscerentur, & cum eo con-
silia conferrent; nec id sibi ingratum fore. illis dicentibus,
hoc quoque Auriaci mandatum esse, atque ad ipsum
iteras ferre, rex argumentum interrogare; cumq; re-
ponderent, commendatitias tantum esse, honestè di-
missos è familiâ suâ nobilem, arcisque præfectum, co-
mitari iubet. iamque in procinctu erant, cum per au-
æ præfectum mandat, si quid ultra iussi essent, ipsi expo-
nerent: aut, si mallent, per literas significarent, quo rectius ne-
gotio animum adverteret. igitur ad regem scribunt, cum
antea legationem summatim tantum narrassent, id nunc plu-
ribus facere certos. ac denuò submissè regem orare, si palam
ipse auxilia mittere inconsultum putaret, Carolo fratri partes
traderet, qui illustri virtutis exemplo egregiam famam in pri-
mâ ætate ad externos transmitteret. idem proximis Gallie bel-
lis quosdam Germania principes fecisse. quod si neque hoc ex-
pedire regni sui rebus videretur, hominibus extraneis, quorum
certa fides, consilium permitteret, à quibus naues impetrarent.
tum militem quoque peregrinum, & portum Elsburgensem
concederet. x Kal. iulij Novicopium ad Carolum vene-
runt, ac postridiè ad eum admissi, eadem, quâ apud
regem fratrem, oratione utuntur. notam orbi Albani ty-
rannidem, cui obijcere se Auriacus pararet. sed tam egregie vo-
luntati impari potestate, auxilia ab ipso oratum misisse, quem

CLIO. IO.
LXXI.

benè sibi velle, & reip. Christiana ex animo studere confidebat. Collaudabat orationem Carolus, & gratum sibi esse Auriaci iudicium. iam diu Albani superbiam ac ferociam famâ accepisse, & Belgij ærumnas commiseratum. quas si quid leuare posset, cum rege fratre consulturum, ad quem iter instituebat. Cum recelsissent, eo ipso die redire iussi, ac mādāta plenius referre, postridiē apud Carolum verbis pluribus legationem repetunt. ac seorsim plus horis duabus Sonoius cum eo colloquium habuit. Cum Stockholmium venissent, Carolum illic exspectaturi, Gardium iterum, & Carolum Mornæum Varennum accedunt; quibus ante discessum, datis ab Auriaco literis, negotium commendauerant. ibi cum Mornæus diceret, constare sibi voluntatem, nec bono publico quicquam anteferre; Gardius interpellauit, vidisse capita quæ misissent, & multum de ijs cum rege sermonem fuisse, cui naues concedere visum non esset, ob Eriti prædecessoris æs alienum, quod in regni perniciem contractum. Deinde & si Scotis naues in solutum daret, è vestigio alios quoque debitum flagituros. atq; hunc contrahendi modū cum sue M. contemptu esse coniunctum. tamen naues permissurum, si de pecuniā in diē certum representandā mercatores cauerent. ad commeatum quod attineret, eum curare minimè posse. ita pridem, cum in Prutenos duæ mitterentur, penuriā reuerti coactas. quod portum Elsbürgensem peterent, eum bonā fide promittere. postridiē reuersis, nō se propositum mutare Mornæus affirmat, & adfuisse ductores Scotos, qui rogarent, efficeret apud regem, vt stipendiū

ij reliqua, LXX dalerorum cld, persoluerentur: respon- cld. Id.
LXXI.
 disse autem, percontaturum ipsos, si naues tres quatuorve rex
 aret, an, quod Scotis placuisset, transferri in se illas vellet.
 Biduo post nuntiare Gardius, nolle regem ipsis naues dare,
 elle Scotis. Igitur cum illis primum agerent. ac nisi inter se con-
 enirent, ne eos quidem etiam accepturos. dicente Sonoio, in
 lieno territorio, sine principis voluntate, legere militem non li-
 ere, eoq; prius veniam à rege impetrandam; respondere ille,
 anc eius voluntatem esse, vt cum Scotis transigerent. Itaque
 um ijs actū, vt si tres quatuorve naues bello instructæ
 n portu Elsburgensi sisterentur, has acciperent eo
 retio, quod Stocholmij à delectis vtrinque arbitris
 estimaretur, Auriaco deinceps militaturi. & equites
 o c, pedites c c c c imponerent. ac illis quidem,
 qui plerique è nobilitate, etsi pedestri militiâ, equestre
 amen i x in mensem dalerorum stipendium daretur:
 tidem peditum ductori, eiusque optioni. quippe tale à
 Sueco habuisse. & singulis trimestribus exhiberetur,
 um primum urbem aliquam, aut portum occupas-
 ent. sed post colloquia pluscule, cum promissis mul-
 plicibus variè res protracta fuisset, tandem Erbo-
 illius, aulæ Caroli præfectus, & Lubbertus Co-
 melius consiliarius, x i i i Kal. Augusti, Caroli no-
 mine denuntiant; dolere ipsi, quod destinata Auria-
 o. auxilia negare cogeretur. perturbatas res Livonie,
 quibus succurrendum. imminere etiam cum Polonia rege bel-
 um. quibus de causis naues militemve auxiliarem dare
 non

c 15. 15.
LXXI.

non posse. Ad verba sua Caroli etiam literas adiungunt, quibus se ille apud Auriacum excusare. Postero die ad Petrum Brahæum Wifsinxburgium, & Nicolaum Guldensternium cancellarium, vocati accedunt. ibiq; segregato comitatu, Wifsinxburgius illis exponit. *accepisse nuper regem de afflicto Belgij statu, cui subleuando suspensæ ab Auriaco petite. nec alienum ab his animum. sed tam bonam voluntatem antiquum cum Hispaniarum rege fœdus impedire, quod necdum sibi violandum putaret. huc accedere ingruens bellum, per quod iusta excusatio. cætera benignè erga Auriacum affectum esse.* Sic dimissi, de portu tamen Elsburgensi cum seriò laborarent, eius vsus per tempestatem, aut aliam quamuis causam honestam, vix permisus. In discessu Clusium illic reliquerunt, cum thalassiarchi vicario acturum, qui per Iohannem Coloniæ centurionem Auriaco fidem atq; obsidium obtulerat. ita irrita legatio fuit. Nec cessare tamen Auriacus, & auxilia vbique sollicitare. ac sanè nonnulli, Albani odio, si exercitum ad vrbes adduceret, vt facilior expugnatio ipsi esset, ædibus suis ignem se iniecturos promiserant. Gulielmum Blosium Tresslongum, qui post prælium ad Gemingam in Edsardi Embdani familiam se dederat, duas naues armare iussit. isque petito ab Edsardo commeatu, Embdam profectus, & ab Anglo quodam nauem instructam v c 15 florenis mercatus, cum misso in Angliam Robollo, qui inde abduceret, ipse Embdæ rebus ordinandis hæreret, magistra-

magistratum urbanum per literas Edsardus compre- ^{c15. 15.}
 hendere hominem iubet. qui ocius obsequens in ^{LXXI.}
 vincula coniectum Lerortium mittit. ibi xiv septima-
 nis arcto admodum carcere detentus, spondente Aga-
 thâ Beningâ Oplewertîâ, iniussu Edsardi Embdâ nō
 exiturum, vix dimissus, post alias totidem septimanas,
 iniuriam & vim fieri testatus, quia causa non iudicare-
 tur, clam discessit. Ante urbem aliquot Auriaci naues
 erant. has maris præfectus Boshusius inuadit: & urba-
 ni Lumæum quoque eiecerunt. Ultraiectini, etsi euo-
 cato præsidio, metuebant tamen ne sub hiemen, pro-
 fligatis Auriaci nauibus, reduceretur; quod futurum
 rumor ferebat. hanc ob causam, vt periculum anteuer-
 terent, quando occlusæ Albani aures, per Veuselum
 nuper in Hispaniam profectum, id ne fieret supplices
 à rege petunt. *obsequio in ipsum, & patrem Carolum, gra-
 tiam faceret, cuius exstarent præclara exempla. ac pridem
 Megensem cum vniuersâ legione tutelæ causâ vltro in urbem
 recepisse. postea Albanum Longobardicam imposuisse. cuius
 licentia ac superbia omninò summa, quam flagitiorum impuni-
 tas etiam auxisset. impensa in hanc CC florenorum CIO;
 adeoque ararium attriuisse, vt cætero tributo par non esset.
 Præterea in vrbe longè à limite remotâ, & quam arx munita
 satis in officio contineret, præter præsidium ordinarium aliud
 nullum opus esse. itaque ne innoxiam ipsorum fidem grauius
 premeret. Et rex iustis precibus motus Albano man-
 dat, ne subditos suos sine iustâ causâ præsidio vexaret, maximè*
 O *Ultraie-*

c15.15. *Vltraiectinos, quibus ea res pernicioſa. id pergratum ſibi fore.*
 LXXI. *ſi neceſſitas tamen exigeret, negotium omne præſentis ipſius arbitrio permittere. Ante biennium pro imperatâ decimâ & viceſimâ vices centena florenorum c15 in annos duos obtinuerat. id tempus cum nunc ferè elapſum, conſilia priora reuocare ad animum ſtatuit. Explorata quidem illi Belgarum odia, ſed vir rigidus, & offenſæ, dum metueretur, ſecurus, propoſitum vrget, recuſandi audaciam tot iam arcibus & præſidijs ſatis coërcitam arbitratus. Igitur pridie Kal. Sextileis idem edictum, ſed in ſpeciem moderatius, denuò proponit. id cum ſummâ querelâ exceptum; quam annonæ rerumq; omnium maxima caritas exaggerabat. & quo tempore vitam tolerare perdifficile erat, tributa intendi, iniquiſſimum videbatur. Exiſtimarant decimæ loco vices illa centena c15 ſuffectura. ſed dicere Albanus, id in Hiſpaniâ aliter acceptum; magis que regi conceſſam ſemel decimam placere. Hic cum Viglius, Schetus, alijs que reponerent, non abſolutè ab Ordinibus conſenſum: in ſuper periculum eſſe, ne hâc ratione ſecundæ centeſimæ quadragies centena c15 amitteret, ſtomachatus verum illos dicere negauit; iterato aliquoties iuramento, inuitis omnibus exacturum. conſiliarios, qui populum contra concitarent, aut defenderent, inſtar perduellium eſſe. intereſſe regis, ne, noxi principibus exemplo, illuſiſſe populus maiſtati ſuæ, & per ludibrium mutaſſe promiſſa cognosceretur. daturum conſilio ſanguinis negotium, ut ceteri de perduellibus cognosceret. magnam omnibus*

omnibus, ac potissimum Flandria Ordinibus, qui Auriaco ^{clo. Ia.}
aut Egmondano non minus peccauerant, factam gratiam. pla- ^{LXXI.}
cando regi decimam fuisse, quam promississent. longè maio-
rem pecuniae summam conquisitum, si, quod iure optimo
posset, bona cuiusque sub hastam misisset. Plurimum ea res
Hollandiae Ordines anxios habuit, & indictis Hagæ
comitijs deliberarunt, quo pacto Albanum à propo-
sito diuertere possent. Amstelodamenses, admittere
promulgationem primò dubios, tamen Albani me-
tus impulit. nihilominus referri per apparitorem cu-
rant; edictum publicè vniuersis, sibi priuatim maxime graue.
ex quo in postremam indictionem consensissent, damna plurima
terrâ mariq; à præiatoribus & piratis, tū ab aquis anno su-
periore mense Nouembri accepisse. prætereà extraneos quoq;
principes naues mercesq; variè detinuisse. ad has clades accede-
re rerū caritatem, & reliquū æris alieni, adhuc pendendum, vt
ab arce & milite Hispano liberā commercijs urbem præstarēt.
præter hæc si decimā & vicesimam etiam exigere pergat, ciui-
tatem suā saluam amplius esse nō posse. quam obrem promulga-
tionem aliā lege admittere non posse, quàm ante biennium cum
cæteris Hollandia Ordinibus fecissent. Id Albanū offendit,
& ad prouinciæ curiā in ius vocatos aliquot florenorū
clo mulctari voluit. Egerunt causam Ioannes Tresslon-
gus, & Nicolaus Diertius, vterq; celebri tunc in foro
facundiā: sed per iudices metu obnoxios secundum
Albanum lis pronuntiata, & reis xxv florenorum clo
mulcta indicta. à quā sententiā cum ad senatum

¶ 15. 15.
LXXI.

Machliniensem prouocarent, isque ad Albanum eos reijceret, consultum non rati, eundem actorem & iudicem experiri, negotium intermisere. sed tam rigidam Albani voluntatem obortæ statim turbæ mutarunt, aut impedierunt. Cæterarum prouinciarum eadem querela erat. & per legatos deprecari singulæ, *ne propositum exequeretur. quod si faceret, breui temp. nullam habiturum. potius aliud tributum imperaret, minus publicè perniciosum.* & exceptione uti nonnulli, *non aliter se indiotioni acquiescere, quàm si communis consensus foret. nunc quando Ultraiectini recusarent, nec se teneri.* Vrgere nihilominus edictum Albanus, & succensere vehementer Ultraiectinis, cum quod nouo tributo se opposuissent, tum quod de sententiâ latâ ad regem prouocassent; & de ipso, pariter ac præsidio Hispanico, conqueri apud eum ausi fuissent. Prætereà soli etiam legatos ad hæc comitia mittere neglexerant; quod grauitè interpretari, ceu exemplo audaciam aliorum excitassent: cum tamen illi consilia nusquam contulissent, & aliam prouinciæ suæ rationem crederent, quæ nuper sponte in Caroli V potestatem certis conditionibus venisset. itaque sine regiarum literarum respectu, quibus parcere illis iubebatur, quamuis nullo circa urbem hoste, & infesto per Auriaci naues littore Hollandico, Harlemo, Delphis, Leidâ, Brilâque euocatos Hispanos Ultraiectum commeare iubet. Erant vniuersim signa viii. sex priora è legione Ferdinandi Toletani, septimum

mum Consalui Braccamontij, octauum Roderici To- c. 15. 15.
LXXI.
 letani. Hæc per literas ad diem v Kal. Nouembris re-
 cipere in urbem, & ciues profugos reuocare præcipit.
 itaque redit antiquum præsidium x i v Kal. Decem-
 breis. Binis literis deprecati, responsum accipiunt; *im-*
peratam militi modestiam, quam si migret, in promptu pœnam
fore. etsi tamen ille non minori licentiâ postea grassa-
 tus. Queri Ultraiectini, & ærarij publici, & ciuium suo-
 rum egestatem, neque exhaustos suppeditare necessaria posse.
 Deinde per iniquum, quatuor pridem urbium præsidia, quarum
 aliqua magnitudine pares opibus superarent, uni suæ per vim
 imponi. Sed obstinato consilij Albano, cum nihil nisi
 perniciem manifestam expectarent, iterum frustra
 apud regem conqueruntur. mansitque ad i i i Non.
 Aprileis anni sequentis, cum Brilæ recuperandæ emit-
 teretur. Auriacus ubique suppetias rogare, & firmatâ
 in Galliâ pace, Colinium maris præfectum, cum pro-
 ceribus religioni reformatæ addictis, fratris Ludouici
 operâ, in suas partes pertrahere. quin eò ventum est, vt
 ad regis quoque conscientiam res deferretur, non in-
 uiti, vt præ se ferebat. iamque, ceu vetere gentis odio,
 honestus belli prætextus querebatur; & iusta satis cau-
 sa videbatur, vel recuperatio urbium Belgicarum, quas
 olim Galli tenuissent: vel contumelia nuper facta in
 morte sororis, quam Philippus veneno procurasse cer-
 tis testibus ferebatur. Ludouicus Nassouius, vt rem
 promoueret, quæ, parum tutâ literarum fide, nisi coram
 O iij rege

c15.15.
LXXI.

rege agi non poterat, quasi in Belgium iter adornaret, mutatâ veste, cum Francisco Lanouio, Carolo Tulinio, Ioanne Hangeſto, in aulam venit. Erat tunc rex Luminij in Briâ, venationibus intentus. hîc cum eo de bello Belgico totos v i dies priuatim occultis colloquijs differit. eius gerendi vtilitatem, ac necessitatem, deinde etiam rationem ostendit. ac placere oratio regi; sed quando inconsulto Colinio, quem belliducem destinabat, statuere nihil posset, *maturare reditum* iubet, ac Colinio suadere, vt ad se accederet. tum Auriaco literis valdè benignis mandat: *legeret militem quemcumq; in Germaniâ posset, nec quicquam Belgio liberando necessarium omitteret.*

IOANNIS

IOANNIS MEYRSI

R. E R V M

BELGICARVM

LIBER III.

NEVNTE anno à Daniæ rege ad Edsardum Embdanum legatus venit Pontus Gardius, cuius supra mentionem fecimus, xvi equitum & iii rhedarum comitatu. Is Edsardus Sueciæ regis sororem duxerat; & sponsale pactum erat, ut Embdanus comitatus ipsi cederet. sed id compositum inter fratres videbatur, quo facilius regaliū nuptiarum honore alter potiretur: quandoquidem illis celebratis ius suum Ioannes in fratrem transferre nollet. Hæc initio legationis causa putabatur. cū verò tres amplius septimanas apud Episcopum Monasteriensem moraretur, & Saxonix Electorem, quem vnum opinio erat impedijſſe, ne Auriaco ab rege Sueciæ, ac fratre Carolo, auxilia vlla submitterentur, graui suspitione aduentus hominis laborauit, cuius versutum valdè ingenium compertum haberent. tum etiā, quando per Belgium in Galliam iturus ferebatur, ipso

cIo. Io.
LXXII.

615.15.
LXXII.

ipso rem hanc adiuuante, metus erat, ne in transitu Auriaci consilia, & legationem nuperam, nimis maturè Albano aperiret. Igitur diu, quidnam agitare, anxie exploratū; sed cognosci nihil aliud potuit, quàm quod palam fama ferret. Ultraiectinos præsidium reuocatum nihilò, quàm pridem, insolentius affligebat; & nec magistratui parcebat. Ioannis Tatij Amerongij consulis filius in ipsâ excubiarum statione grauer vulneratus: ipse domi suæ penè occisus, cum vbique periculum timeret, apud cæterum magistratum causam testatus, vt saluti consuleret, vrbe exiuit. Hæc incommoda cum minuere Albanus deberet, augere insuper, & tot iniurijs nouam aliam grauissimam addere, priuilegia vrbis & statuta postulando, archetypa omnia per præsidem exhibere iussis. id, quia iniquissimum foret, cum negassent, iterum iussi descripta offerunt. quæ cum præses recusaret, literas ad Albanum mittunt, per quas factum excusarent. His Albanus irritatior, omninò mandata exequi iubet: & nisi parerent, militem præsidarium adhiberet. tribuno etiam Hispanico mandat, adiuuaret præsidem, si vsu veniret. cumque etiam sic obluētarentur, ad terrorem congregari miles cæpit. iamque vim tentasset, nisi delinito præside in diem posterum res dilata fuisset. tunc cum vincula cunctis parata, & inuitis extorquenda omnia intelligerent; metuentesq; ne insolens miles, cui iam ferè x i x mensium stipendium deberetur,

tur, vrbis diripiendæ occasionem inuaderet, ægrè tandem minis armisq; coacti cesserunt. Tam egregia tamen nonnullorum constantia fuit, vt extrema omnia pati, quam iniquissimo imperio obsequi mallent. inter plures Henricus Valckenarius fuit, cuius ea sæpe vox audita; *vitam potius, si obnoxiam regi putarent, quam privilegia sua amitterent.* Instrumenta omnia in arce Vredenburgæ reposita, in Ludouici Requesensij aduētum, qui Albano datus successor, asseruata. is que regis iussu reddidit. Per cæteras prouincias decima ac vicesima non minore seueritate exigebantur. & quanquam variè Ordines deprecari, difficultatem publicam quiritantes, ac vices centena Gld annua continuanda offerre, nihilque tamen obtinerent, nonnulli ad regem ipsum oratores mittere; quos Albanus, ne auderent proficisci, capitis supplicio detertere conatus fuit. cumque in vrbe Bruxellensi, quam ipse cum tot Hispanis insideret, promptissimum per arma obsequium speraret, præsentissimo tamen periculo odium eius, amorque libertatis, præualuere. Igitur quicumque panem aut cereuisiam coquerent, clausis officinis, ab opere cessare. Ianij quoque macello abstinere, nec alij institores merces vllas venum dare. quamobrem coërcendis vim adhibere statuit, ac noctu præcipuos tumultus auctores è foribus ædium, aut fenestris, quemque suspendere. iussusq; lictor cum laqueis xvii, & scalis decempedalibus, præsto esse. Et iam in armis miles erat, ac

e 13. 13.

Lxxii.

c15.15.
LXXII.

Fridericus Toletanus Viglium accesserat, pronuntia-
tam in reos mortis sententiam relaturus; cum ecce de
Brilâ captâ nuntius admodum inexpectatus, eoque
magis animum percellens, cruentum consilium mu-
tare coëgit. Vt increbuit rei fama, inuisus antehac
Albanus, nunc contemni etiam cæpit. iamque verba
passim libera magis palàm audiri. Id Auriaco non
ignarum, qui clam copijs contractis inopinatò inua-
dere moliebatur. neque armorum apparatus Albanum
latuit, sed ille securus negligere hostem, tanquam semel
debellatum; & si resurgeret, opprimi facilem. Ac para-
tæ Auriaco quidem copię idoneæ, sed adhuc stipen-
dium deerat. nam pecuniæ quas collegerat, etsi mag-
næ, ægrè recensendo militi, & auctorando, sufficie-
bant. nec reliquum quicquam futurum erat ad cæ-
teram militiam. huic difficultati à rege Galliarum
subuentum, à quo, bello Belgico maturando, c c au-
reorum c l o mutuo primùm, mox dono accepit.
Gulielmus Tresslongus iussu Auriaci nauem vnam
sibi instruxerat, quam Fleuo egressus i v Eid. Febr. in
insulam Texelam ducere statuerat: sed gelu obortum
ad Wieringam in Martium proximum stare coëgit.
id vbi Bossuuius rescivit, Auriaci loco ab Albano
Hollandiæ præses datus, Ioannem Rollium cum sig-
nis i v nauem expugnare misit. isque adeò impro-
uisus superuenit, ut Tresslongum, qui cum maiore mi-
litum parte in insulam exscenderat, ferè interciperet.
sed

sed euasere tamen omnes, præter vnum, qui suâ ^{c. 15. 16.}
 sponte ad hostem dilapsus. inde nauem aggressus de- ^{LXXIIII.}
 di postulat. sed Tresslongus, vir animi militaris,
 impetum facientes fortiter reppulit. longè hostis
 numero superabat, & obsessa glacie naus tantum
 non captiua tenebatur. sed illo acri tormentorum
 explosione reiecto, hâc apertâ, vno tantum suo-
 rum amisso, integram istam in mare, ac vicinam
 Angliam, eduxit. quo tempore collecta ibi socio-
 rum multitudo in Albani gratiam à reginâ Elizabe-
 thâ insulâ prohibetur. Inde maior illi spiritus, itaque
 ad euertendam Belgij libertatem animum firmat, ne
 vlla deinceps priuilegia aut iura obtendere posset. &
 egregiè pacem munijse arbitrabatur, cum ecce arma
 sumuntur, totos x x x i v annos continuanda. quip-
 pe bellum, hætenus vix anxijis miserorum votis, &
 consilijs metu occultis duntaxat agitatum, robustâ au-
 daciâ palam cœptum est. ac cæteris prouincijs liber-
 tatis vindicandæ, excusso iugo, prima signum Hollan-
 dia sustulit. causa rei maturius tentandæ Elizabe-
 thæ edictum. nam vbi perfugium denegatum est,
 in virtutem desperatio vertit. Primi libertatis patriæ
 vindices sub Lumæo fuerunt; is, quem dixi, Gu-
 lielmus Tresslongus, Bartholemæus Entesius Menthed-
 da, Iacobus Cabeliauius, Gulielmus Grauius, Nico-
 laus Ruichauerius, Marinus Brantius, Omius Hed-
 dingus, alijque. hi in nauibus x l interdicto littore

c13. 13.
LXXII.

soluētes in Texelam iter dirigebant, xiv aut xv Albani liburnicas illic profligaturæ. Et in viâ ii ex Hispaniâ aduentantes intercipiunt. alij Hollandiam borealem, & Enchusam cogitabant; aut vbicunque exscendere commodum. sed vento aduerso in Mosam acti, vbi iunctis Rheni aquis Oceano incidit, in ipso ostio Kal. Aprilibus contra Brilam classem applicant. Mirati primo aspectu oppidani mercatores esse credebant, contrario vento illuc compulso. nulla cogitatio erat bellum aduehi. Maselantflusâ, qui pagus Brilæ oppositus flumine interluitur, Ioannes Petrus Coppestocus in urbem aduersam mercatores aliquot ducens, conspectâ nauium multitudine, id quod erat ratus, socijs desertis, rectâ in classem nauigium vertit; ibique de Tresslongo sciscitatus, in aspectum adductus, aduentum gratulatur. is Lumæo hominem sistit, commendatque, ceu rebus suis perquàm vtilem. itaque ad Brilanos mittitur; annulumque Tresslongus addit, satis notum à patre Casparo, qui præturam oppidi & insulæ pridem gesserat. Aduenienti porta recluditur, & ad curiam contendentem circumfusus populus comitatur, cupidus scire quid nuntiaret. inter eundem variè habent, pro ingenio quisque suo. pars benignè alloquuntur, pars conuitia homini dicunt. in curiam, & cæterum magistratum cum venisset, à Lumæo & Tresslongo nuntiat, *binos extra urbem ad colloquium destinent, idque innoxium ipsis fore. nam ideo venisse, ut graui-*
ter

ter oppressos à decimâ pendendâ liberarent. simul, vt fides
 verbis esset, notum omnibus annulum ostendit. ac ro- c l o . l o .
L X X I I .
 gantibus copiarum modum, inconsultâ libertate in
 immensum extollens, esse plus minus v c l o dicit. eâ
 re consternatis cunctis, vix inuenti, qui in colloquium
 prodire auderent. quos Lumæus in Auriaci manus,
 regij per prouinciam præsidis, urbem seq; dedere iubet.
 tum deliberando duarum horarum tempus concedit,
 atq; ita illæsos, vti promissum erat, remittit. Tātus autē
 omnes metus inuaserat, vt properè cōuasatis rebus per
 portam australem tumultuariâ fugâ erumperent. in-
 terim è nauibus exscendere miles, & urbem accedere;
 quosq; in muris oppidanos conspicerent interrogare,
 utrū portas aperire, an vim expectare mallēt. Cunctā-
 ter respondere magistratus. quippe cū ciuium potiores
 dilaberentur, alijque recipere liberatores aduenas vel-
 lent, illorum metu, horum studio, ipse quoque im-
 pulsus diffugit; adeò vt vix vniuersim l remanerent.
 elapso deliberandi tempore cum adhuc tardarent, ve-
 ritus Lumæus ne se communirent, nihil morandum
 arbitratus, copias bifariam diuidit. ac Treslongus ad
 portam australem partem ducit, ibique Ioannem Du-
 uenuordium, ærarij quæstorem, è fugâ comprehen-
 sum retrahit, virumque à vi militum defendit. borea-
 lem Robollius exurit, & effringit. ac per hanc Lumæus
 ingreditur. Qui urbem occupauerāt c c l erant, cæteri
 classem seruabant. ciuium nulli vis illata, tantumque

clō. 15.
LXXII.

facrum ordinem inuadūt, odio quod calamitas temporis in animos hominū profugorū iniecerat. Postridiē in templis comminutæ, aut direptæ, imagines sanctorum, reliquaq; ornamenta. prædam omnē in naues imponunt, ceu discessuri. & visus Lumæus nihil aliud cōsiliij habuisse, quàm vt vrbe insulaq; direptis iterum abiret, nam Hispani impetum, mox adfuturi, tantillis copijs sustineri à se non posse. sed Tresslongo, ac centurionum nonnullis, quibus cognitum, locum bello inchoando opportunum, alia mens fuit. Igitur suadent, dandas ad Auriacum literas, & suppetias postulandas. tum de oppido defendēdo fœdus ineunt; & tormenta bellica è nauibus inferunt. Nullum loco præfidiū erat. duo antea Hispanorū signa fuerant, quæ æstate superiore cum alijs aliquot euocata Albanus Ultraiecto imposuerat, nullâ quidem necessitate, sed vt urbem contra decimam magno animo nitētem grauius vexaret. Gratus rei nuntius Bruxellanis, apud quos summâ tūc vi Albanus decimam exigere conabatur. iamq; turbantibus supplicia parabat, cum hic casus viri præcipitis impetum tardauit. itaque præsentem pœnam, dum differre cogitur, illi euadunt. Igitur Albanus, etsi oppiduli vnus iacturâ haud valdè moueri, gnarus tamen exigua quamuis principia, si neglexeris, incrementum, & robur sæpe magnum morâ accipere, Maximilianum Henninum Bossuuium; qui tunc præsidium Ultraiecti habebat, cum cohortibus Hispanicis x, quibus
Ferdin-

Ferdinandus Toletanus præerat, belli initia profligare iubet. Sic una Brila, tenue per id tempus oppidulum, duas Belgij maximas vrbes, Bruxellas & Ultraiectum, illas decimâ, hoc grauissimo Hispanorum præsidio liberat. ac Bruxellæ, vbi ipsa principis aula, & terroris domicilium, tam egregio libertatis præludio concussæ, faustum patriæ vindicandæ omen fuerunt. Ultraiectinis, quod variæ ac diuturnæ preces, item C L X X X M florenorum pollicitatio obtinere nequaquam potuerat, casus inexpectatus dedit. idque valdè opportunè. nam miles, qui X V I I I mensium stipendium flagitabat, clam creato nouo Electo, (ita vocant, quem in eiusmodi turbis ipsi sibi præficiunt.) tribuno ac centurionibus captis diripere urbem constituerant. id consilium eo ipso die detectum, quo Albani literæ, quæ migrare iuberent, afferuntur. quamobrem, vbi res comperta, nocte proximâ Electum futurum comprehendunt, moxque crimen confessum strangulant. inde sub diei auroram ante curiam corpus collocant, & Hispanicâ linguâ elogium addunt, quod mortis causam pronuntiaret. Mos verò Hispanis illâ nocte, quæ feriam quintam maioris hebdomadæ subsequitur, viciatim discursantes, multis ad cereos deducunt, nuda terga pietatis ergo flagellare; adeò vt perforata cute largus sæpe sanguis emanet. illud tempus ad inceptandum facinus designatum.

sed

c15. 15.
L X X II.

c15. 15. sed meridie, qui hanc noctem antecederet, exire ad Bri-
LXXII. lam recuperandam iussi, etsi coniuratione detectâ ni-
hil amplius ausuri viderentur, magno urbem metu li-
berârunt. x vniuersim cohortes erant. eæ cum Mase-
lantflusam ac Schiedamum peruenissent, flumē trans-
gressæ, nauibusq; in Bernissâ relictis, in insulam Vor-
nensem, vbi Brila sita, nullo resistente exscendunt. Lu-
mæani numero longè inferiores, cum aditum in insu-
lam prohibere non possunt, urbem tueri statuerunt.
quod vt facilius ipsis esset, ad portam australem igne
injecto suburbium exusserunt. Hispani rectâ Brilam
petiere, sed oppido appropinquâtes dispositus per ar-
busta suburbana miles sclopetis excepit: ac ciuiū qui-
dam in profluentem insiliens, noui agri emissario ef-
fractō, tantum aquarum intromisit, vt planitie deser-
tâ in aggerem editiorē recipere sese cogerentur. cumq;
nihilo segnius ad portam australem oppido incumbe-
rent, explosis intus crebris tormentis fortiter repulsi
discesserunt. Dum hæc geruntur, Tresslongus & Ro-
bollius clanculum egressi, naues Bernissæ relictas, qui-
bus in insulam Hispani transmiserant, partim incen-
dunt, partim perforatas submergunt, alias in flumen
propellunt. quod vbi Hispani rescire, cum immen-
sum aquæ crescerent, veriti, si manerent, ne per eas
pereundum ipsis foret, temerè se in fugam dedere. ac
pars nauibus adhuc reliquis in vltiorem Beierlan-
diam euasere; pars amotas, atque in aquis fluctuantes,
nando

nando conſectati. alios gurgēs lutumve hauſere. Ac
ſtragem ſanè magnam nullo negotio Lumæani edi-
diſſent, niſi ciuium, & profugorum ex agris hominū,
incertâ fide, egredi oppido inconſultum putaſſent.
Hâc victoriâ, vti aſſolet, animi illis, ex copiæ creuere.
itaque poſtridiè Paſchatis, habito inſulanorum cenſu,
fidem inter ſe obſtringunt, atque Auriaco, regio per
Hollandiam præſidi, ſacramento dicunt, in eius fide
atque obſequio oppidum inſulamq; ſtrenuè propug-
naturi. & prior quidem iurare Lumæus, quem mox
omnes ſunt ſecuti. tum lembos ad prædandum in-
ſtruere, quibus flumen percuſſarent, inſigni quotidie
prædâ. campanas etiam totâ inſulâ turribus detrahūt.
nec multo poſt aliquot monachos, ad ix vſque milia-
ria euagati, iuxta Worcomium comprehendunt. ac ſta-
tim viris innocentiffimis, homines arma & ſangu-
nem ſpirantes, impotenti Albani odio, indignâ contu-
meliâ ad mortem protractis, gulam frangūt. Vbi Bri-
lam captam Auriacus intellexit, eſi rem quàm maxi-
mè optaret, Lumæum tamen eo tempore iniuſſu ſuo
tentâſſe nolebat. nam que bello necdum inſtructus ve-
rebatur, ne prodita intempeſtiuè conſilia ſua Albani
ſocordiam excitarent. quia tamen loci ſumma vtilitas
erat, auxilia promittit, & alicunde etiam ab amicis pro-
curat. ac Lumæo, vnde quaque profugâ nobilitate
corrogatâ, copiæ indies augebantur; quibus Delfsha-
uiam, portu opportunam, in aduerſâ Moſæ ripâ capit,
nullo

^{et 15. 15.} nullo in habitatores delicto. Hispani autem, postquam
^{LXXII.} turpi adeò fugâ Brilam & insulam circumiectam de-
feruissent, festinato itinere confecti, dein ab aquis,
per quas euaserant, madidi, lutoque obruti, Dordra-
cum venere. sed negato in urbem introitu, Bossuuius
veritus, si è tractu illo discederet, ne vrbes vicinæ,
Albani odio, itidem deditionem facerent, Roterodamum contendit. sed illic quoque vix admissus,
circumuento per fraudem magistratu, præter fidem
per vim ingressus urbem occupauit. nam metuentes
oppidani, ne quid præter voluntatem paterentur, arma
sumpserant, vt copias aduentantes excluderent.
idgnarus Bossuuius, quia vi admitti posse desperabat,
ingenium ad dolum conuertit. itaque cum nobilibus
paucis intromissus petijt à magistratu, vt militibus
suis tantum transitum permitterent, aliò enim
ducere velle. at oppidani, rectè dolum suspicati, præter
urbem transire posse respondebant. tandem, vbi deliberatum,
id videtur, vt manipulatim transmitterentur. itaque
ingressò primo manipulo, cum occludi porta deberet,
reliqui omnes impetu factò irrupere. erant ad portam
exiguæ excubiæ, nec resistere satis validæ. in his
faber ferrarius quidam, vir manu promptus, quem
præ cæteris repugnantem stricto pugione Bossuuius
occidit. id quasi audendi signum esset, nobiles,
qui circa eum, ac milites alij, in excubitores versi
portam inuadunt, ac partem cadunt, partem extra
urbem

urbem propellunt. deinde in obuios quosque grassati, ^{cIo. Io.}
ciuium penè cccc interficiunt. sexum sequiorem pro ^{LXXII.}
libidine habent, tam nefariâ sanè licentiâ, quamdiu
urbem tenuerunt, vt felices ij putarentur, qui primo
impetu interfecti, nec ærumnas patriæ videre, nec ser-
uitutem viris grauissimam experiri cogerentur. Hoc
facinore Bossuuius, vir primariæ inter Belgas nobi-
litis, satis hætenus populo gratus, omnium odia
irritauit. Roterodamo sic potiti, paucis post diebus
Delfshauiam, paullò ante à Lumæanis captam, noctu
inuadunt, summâ in victos sæuitiâ. loco capto præ-
sidium imponunt, & Casparum Vream præfectum;
circumiectos quoque pagos depopulati. Exeunte Fe-
bruario, cum Ultraiectini de inexorabili Albani rigore
diu regem interpellassent, ad eundem reijciuntur, ex
æquo & bono ius dicturum. quod nisi fieret, tum de
singulis iterû monerent; operamq; daturum, ne quic-
quâ à ratione alienû paterentur. Sed displicuit respon-
sum, nullâ spe iuris obtinendi apud præfectû adeò of-
fensum, vt nemo causam oppressorû agere auderet. Ta-
mè anxij supra modum iterum in aulam mittunt, qui
negotiû cum quibusdam communicarent. in his Vi-
glius, vir multæ prudetiæ, ac moderationis, indicat da-
tum Albano successorem, Ludouicum Requesensium,
breuiq; ad futurum. quamobrem tantisper rem differ-
rent. Brilâ captâ, Flissingam Zelandiæ urbem arce
communire statuit, itaque euocatas è Brabantia

c15. 15. VIII Hispanorum cohortes sub Otorio Angelo mittit.
 LXXII. Iam fundamenta iacta erant, eâque re magis in se ci-
 uium animos concitauit. sed ille odia & querelas pa-
 riter spernens, maiore præsidio rem gesturus, cum tan-
 tum pauci illic Belgæ essent, metatorem misit, qui His-
 panis mox venturis hospitia curaret. id valde indig-
 nati ciues; & palam nonnulli dicere: *seruitutem longè pes-*
simam sibi parari. nec ulli Belgij urbi magis arcem, aut mi-
litem, grauem fore. Aduenerat paucis ante diebus Ioan-
 nes Cuyckius Herptenus; qui se passim ciuibus immi-
 scens, si qui rebus nouis studerent, eorum audaciam
 clam accendere, & ad libertatem vindicandam insti-
 gare; hortarique, *palàm edicerent, non se ultra Hispanum*
militem recepturos. præsto esse vindicem Auriacum, cum
magnis copijs, qui aduersus Albani tyrannidem Belgium asse-
reret. nec ingrata multis oratio, qui periculo exagger-
 rato viri conatum adiuuare. adeò vt tandem postridiè
 Non. Aprileis Belgæ præsidio expellerentur. cumque
 in portum eo ipso die Hispani adnauigarent, orto tu-
 multu, idem Cuyckius omnes hortari, *nunc virtutis*
sue meminissent. quod si Hispanos admitterent, de vitâ &
bonis omnibus actum cuncti scirent. eiecisse semel præsidium,
ac lesam hoc crimine maiestatem regis, nec gratiam sperari in
posterum posse. Egmondanum Hornanumque ob oculos pone-
 rent, *vt dignitatis ita meritorum claros: quorum quando ra-*
tio nulla habita fuisset, ne quid temerè sibi promitterent. Inter
 hæc verba quidam è turbâ potu largiore audacior, si
 quis

quis duos cereuisiæ cantharos præmium daret, in ad-
uentantes machinam aliquam è muris vrbis explosu-
rum se pollicitus, tribus à Cuyckio florenis acceptis,
rem perfecit. idque ita Hispanos perturbauit, vt ab-
ruptis retinaculis vela dantes Middelburgum protinus
naues dirigerent. Antonius Burgundus Capellus, pro-
uinciæ præses, vbi rem gestam intellexisset, Middelbur-
go illuc profectus, quâ erat auctoritate, comprimere
initia turbarum statuit. itaque conuocato ad curiam
populo, vir non indifertus, blandâ oratione demulcere
conabatur. *nihil ita præter spem ipsi accidisse, quàm hunc mo-
tum; cuius culpam pœnitentiâ eluere possent. quamobrem ad ob-
sequium redirent, facili adhuc apud benignum regem veniâ.
promittere etiam, id se effecturum, vt delictum Albanus dis-
simulet.* Et fortasse suadis verbis nonnullorum ani-
mos impulerat, quos post tumultus temeritatem regiæ
potestatis aspectus percellerat. sed immixtus turbæ
Cuyckius, ad astantes; egregium, inquit, oratorem, qui isto
verborum lenocinio hoc vnum agit, vt simplicitatem vestram
fallat. ita irritati cum interturbarent, impetrato iterum
silentio, prosequi orationem cæpit. *considerarent rem
præsentem. ingens nimium facinus esse, vrbe expellere missum
præsidium, & excludere. ignorare potentiam regis, cui, si ani-
mos obstinarent, resistere nullo modo possent. neque enim im-
pune laturos. deinde vires suas expenderent. nulla belli in-
strumenta, nullum militem, aut stipendia in promptu esse. ac,
si essent, incertam tamen belli aleam vrbes sæpe potentissimas,*

Q iij

& pro-

cl. Io.
LXXII.

& provincias euertisse. Plura conātem, iram vultu ostentantes, & verbis etiam interminati, illicò vrbe facessere iubent. Inde eiectis, qui nouam arcem moliebantur, initia inuisi operis, quod quartum iam pedem supra terram exstabat, protinus diruunt. Mox in urbem Paciottus venit, ratus Hispanos, qui præmissi ab Albano, ab oppidanis receptos esse. simul in terram egressus esset, nauem quā vehebatur inuadunt, ac diripiunt. id inopinatum hominem perculit, nam de rebus antea actis nil famā acceperat. inquirenti de Hispanis, nemo respondet. Dederat in mandatis Albanus, vt præsidio atque arcì præesset. dum autem priuatum eius instrumentum scrutantur, fertur inter schedarum occulta repertus index, qui designatas adhuc per Belgium cædes proderet. Eo rerum statu Cuyckium ad se magistratus vocat, & , quis modus asserendæ libertatis, consilium rogat. isq; auxilium à Lumæo petere auctor, ad ipsum missus cum Dordracum applicuisset, è vestigio per fidum quendam tabellariū, primò Wesaliam, inde Dillemburgum, deferēda ad Auriacum tam læta rerum principia curat. tum Brilam pergēs à Flissinganis literas Lumæo tradit. qui initio difficilior causabatur, *exiguas sibi copias esse: nouitium militem, qui indies afflueret, parum adhuc armis instructum.* sed cum Cuyckius responderet, *viros daret, ipsos arma curatores; submissurum, si vsus foret, auxilia promisit.* nec multo post Tresslongū mittit, qui tribus nauibus c. c. aliquot subuehebat, homines

homines templorum spolia indutos, & quibus casio- cIo. Io.
LXXII.
læ pro loriceis; aut similis sacrorum ornatus. quippe illa
temporis istius fortuna erat, vt homines magna pars
profani, impetu magis quàm consilio, religionis liberta-
tisq; restorationem per sacrilegia ac rapinas, conaren-
tur. sed diuinæ prouidentiae vlitatum, in illis rebus,
quas sine consilio homines gerunt, sua sæpè consilia
ostendere. Cum ad urbem accessissent, datis armis, ha-
bitoq; delectu, in præsidium recipiuntur. ac statim Tres-
longus Paciottum in furcā agit, & supplicij socios duos
Hispanos addit. Ægrè mortem Paciottus accipere, &
vitæ pretium ingens offerre. sed Tresslongus, morte fra-
tris asperior, quem Albanus anno cIo. Io. LXXII ca-
pitis supplicio affecerat, vt iniuriam vlcisceretur, nul-
lum gratiæ locum reliquit. & maximè le Albanum læ-
dere existimabat, si summū munitionum artificē, egre-
gium belli ministrum, etiā propinquo sanguinis nexu,
tempore tam alieno eriperet. Is ad mortem cum duce-
retur, furcæ ignominiam suppliciter deprecari *nobili se
pro sapia natum, itaq; gladij saltem honorē morituro permitte-
rent.* Claudius quidam, è ciuium numero, capti gladio
latus cinxerat. & cum è scalis tam anxie supplicē emi-
nus audiret, ratus hunc ab ipso repeti, homo fac-
tus; *at tu, domine,* (ita contemptim Hispanos Belgæ ap-
pellabāt) *secure,* inquit, *crucem ascende: ego illū rectè serua-
bo.* Suspensio cum detraheretur vestis, torques aureus sub-
ter occultatus decidit, quem Tresslongus à Roberto
Coco

c10. 10. LXXII. Coco Nerinio quæsitore redemit. Iam alea iacta quid-
 uis audendi pro libertate recuperandâ. itaque gnari
 non impune facinus fore, cuncta hosti excipiendo ne-
 cessaria parant. ociusque in Germaniam ad Auriacum,
 in Galliam ad Ludouicum Nassouium rerum gesta-
 rum nuntiû mittunt, & auxilia simul poscunt. interim
 festinatis operibus, quantum pote, sese muniunt. Mox
 Hieronymus Tserartsius, è familiâ Auriaci, eiusq; sta-
 buli præfectus, à Nassouio è Galliâ cum aliquot Gallo-
 rum copijs, Walacriæ præfutura, submittitur. & ab
 Angliâ miles aderat. Per hæc itaque adeò illis animus
 creuit, vt bellum exspectare istis viribus non contenti,
 plus auderent; ac vicinis, qui Albani partes sequerentur,
 ipsi inferrent. Ceperant Brilani piscatores quos-
 dam Verianos; hisque per literas libertatem sine pretio
 Cuyckius obtinuit; ac præterea com meatum Lumæus
 dedit liberè exercendæ capturæ. & beneficium id cæte-
 ris etiam piscatoribus indultum adeò omnium ani-
 mos flexit, vt exuto Albani obsequio in Auriaci fidem
 recipi optarent. quod vbi Tserartσιο & Cuyckio com-
 pertum, ambo Veriam, insulæ totius armamētarium,
 cum militibus LX postridiè Kal. Maij abeunt; ac, relicto
 ad portam comitatu, oppidum ingressi, à magistratu
 petunt, vti se vindici libertatis Auriaco dederent, & præ-
 sidium aliquod admitterent. illoq; negante cùm Tse-
 rartsius discessisset, Cuyckius in hospitio remanens, &
 conuocatis, quibus pridem libertatem impetrauerat,
 eâdem

eâdem vespere id effecit, vt horum operâ piscatores alij c 13. 12.
LXXII.
persuasi oppidum promitteret. nec res differtur. Postero die, adductâ ad terrorem cohorte, ipsi quoque armati, nequicquam resistente magistratu, deditiorem faciunt. rebusq; ex tempore ordinatis, cum præsidium non sufficeret, petiit ex Angliâ supplementum virorum cxxv, quos ecclesiæ illic Belgicæ stipendio Cuyckius legit. Fama rei Albanum perculit, etsi vir prudens, atque animi ingentis, metum dissimularet. quippe domi odia prouincialium nouerat; foris in Germaniâ Auriacus, in Galliâ Nassouius fœdera quotidie noua tractabant. vbiq; præludia magni motus. Itaque copias sedulò parare, quas conatibus tantis opponeret: & sollicitè explorare, quid Nassouius moliretur. Amstelodami, & Enchusæ, per Boshusium naues aliquot bello instruit, vt Mosâ flumine occupato & Lumæum coerceret, & nutantem Enchusam assereret. id oppidum in australis freti faucibus positum, vbi obiectam Frisiam habet, & in eâ Staueram, olim commercijs florentissimam, quâ naues Daniâ, & toto illo tractu aduectæ, transire debent; aditumque in fretum subiectum aperit; quia maximum belli momentum videretur, vario conatu, ac valdè oblucente magistratu, ægrè tandem pronis ciuium studijs Auriaco deditur, cuius iussu tradita Sonoio præfectura. isq; Bremâ Embdam profectus, festinatis diu noctuque itineribus Enchusam ingressus, magno per viâ prope
R Medem-

•Io. Io.
I XXII.

Medemlacum discrimine, ne à Gallis auxiliaribus interciperetur, statim rebus ordinādis animum appellit; & oppido quadrifariam tributo ex cubias disponit. tum ad Auriacum nuntium mittit, & suppetias poscit, quibus reliquum borealis Hollandiæ tractum, facili adhuc per initia successu, in tantâ animorum aut consternatione, aut fauore, ad partes traduceret. Inde rumor, hostem molas extra urbem incendere velle, ac prodicionem agitari. idcirco Ioannes Coltermannus, rem exploraturus, noctu emittitur; dumque inquit quid geratur, ab excubijs in brachio vulneratur. mox ubi tuta satis omnia, ad vrbes vicinas animum applicat, ac centuriones Cabeliauium, Ruichauerium, Robolliumq;, & ciues aliquot Medemlacum mittit, qui magistratui persuaderent, uti se Auriaco adiungeret. sed arcis præfectus, Cornelius Kifwicus, rem impediuit. paucis tamē post diebus urbem capiunt. cumq; in arcem ciues fugerent, illinc vim facturi, eam quoque oppugnaturi victores, vxores eorum liberosque in fronte contra collocant. quod ubi obsessis cōspectum, ut pignorum suorum periculo occurrerent, facta deditio. Deinde
III Eid. Iunias, etsi successu perdifficili, armatis contra se oppidanis, Hornam quoq; Sonoius capit: ac mox reliquas illic vrbes, Alcmariam, Edamū, Monachodammum, Purmerēdam. Tum præfecturas ordinare instituit; & Medemlacum Cabeliauiō, Hornam Iosuae Alueringo Hoffwvegio, Alcmariam Gulielmo Mostardo, Edamum

Edamū Gulielmo Grauiο decernit. ipse à Lazaro Mul-
lero tribuno adiutus, qui cū instructā legione aduene-
rat, quotidie cū hoste manum cōserere. quippe Boshu-
sius cum classe urbē infestabat, quamuis irritο conatu;
cum iii cohortes in Auriaci partes transirent. Per hoc
tempus Auriacus cū rege Carolo, & reformatę religio-
nis proceribus, per fratrem Nassouium fœdera inierat, de
propulsandā Hispanorū tyrannide. idq; Albanus non
ignarus, qui cætera cōtemneret, magnoperè verebatur.
& sedulò per exploratores cōsiliiorum arcana captabat.
ac quamuis de milite conscribēdo nulla publicè fama
esset, illud tamen vnū Nassouius agebat, vt Albani po-
tentiam frangeret, tanto quidem rei secreto, vt Montes
in Hannoniā prius cepisse, quàm Lutetiā discessisse
nuntiaretur. Impulerat Carolum, vt vulgo iactatum,
quod eā ratione in Belgium arma transferret, reg-
numque suum in pace tranquillum à belli incommo-
dis liberaret. tum etiam animum commouisse puta-
batur iniuria sorori Elizabethæ facta, quæ à Philippo,
cui nupserat, diu contumeliosè habita, tandem etiam
violentā morte sublata esset. augere offensam, quod
qui Gallos sub ductore Ribaldo militantes in ter-
rā Floridā, Americæ regione, interfecissent, faci-
nus suum impune haberent. Id verò actum erat, vt, si
benè consilia euenirent, victor Carolus armorum
pretium maximam Belgij partem acciperet, quā se
id cis Rhenum extenderet: Hollandia, Zelandia,
R ij Frisia,

cIs. Is
LXXII.

15. 15. Frisia, Ultraiectum, Auriaco cederent. in eam rem ipse
 1551. militem in Germaniâ legeret; Alenconius, regis Caroli
 fratrum minimus, cum Colinio archithalasso, ac de-
 lectâ suorum manu, è Galliâ impressionem faceret.
 hunc conatum classis quoque Broagij instructa sub
 Philippo Strossâ, & Polinio Gardâ, adiutura putaba-
 tur. item Florentiam in Hetruriam missus Ioannes
 Galeacius Fulgosius ad Cosmum Medicem, qui Senæ
 suæ ab Hispano metuens, per hanc occasionem distra-
 ctis eius armis securior futurus, c c aureorum c I o
 mutua daret. in Germaniâ profectus Caspar Schom-
 bergius, cum Imperij principibus ad vim pariter infe-
 rendam repellendamque fadus icerat, eâ lege, vt Ger-
 manicas copias Friderici Palatini Septemviri filius,
 Ioannes Casimirus, duceret: &, Christophorus natu
 minor honorarium, ordine suo & familiâ dignum, ac-
 ciperet. idem negotium tribunus equitum Momo-
 rantius in Angliâ apud reginam Elizabetham egerat;
 & decreta vtrunque auxilia, vel si religionis causâ arma
 sumerentur. Per hæc Nassouius confidentior, cum
 Lanouio & Ienlisio de Montibus opprimendis deli-
 berat. ea vrbs Hannoniæ prima, augustis ædibus, cu-
 riâ prouinciæ, & antiquâ arce insignis. mœnia solida
 è lapide quadrato, atque in illis turres crebræ, & pro-
 pugnacula. circum fossa triplex ambit. ab hâc initium
 audendi factum, vt quantum animi ad vindicandam
 libertatem adferret, illustri exemplo in ipso statim prin-
 cipio

cipio ostenderet; & de reliquo conatus egregij succes- ^{clo. 15.}
 su prouincialibus spem, aut coniecturam, daret. Et ^{LXXII.}
 accesserat pridem Antonius quidam Oliuarius, fecia-
 lis, pictorq; , qui impetratâ ab Albano veniâ, ceu res
 Gallicas exploraturus, animum eius sollicitauerat; asse-
 uerans, si cum copijs saltem exiguis ad urbem accede-
 ret, fore oppidanorum plus l c c, qui se adiungeret.
 Igitur cum equitibus leuis armaturæ l c, sclopetarijs
 clo, clam sub vesperam ad urbem venit, copijsque in
 siluâ vicinâ occultatis, duodecim aliquot selectos mi-
 lites, casum tentaturos, emittit: qui dissimulato habi-
 tu, ceu vinarij mercatores, idem diuersorium ingressi,
 inter cœnam hospitem rogant, quæ portæ aperiendæ
 hora. esse ipsis vini plurimum, ob solis æstus noctu
 aduehendum. atque is, ignarus doli, quartam dicit.
 attamen, si maturius vellent, aliquid custodi promit-
 terent, qui tempus non grauati preuenteret. ita summo
 mane hunc accedentes, cum ad spem pretij portam ma-
 turius aperuisset, hominem obtruncant, clauesque eri-
 piunt. inde urbem è vestigio cum equitibus l Nassio-
 uius inuadens, eos per vicos disponit, ac, sicubi ostia
 aut fenestras aperiri conspicerent, illuc sclopos explo-
 dere iubet. & vociferari interim, *ne timerent, aut hostile*
quicquam tentarent. adesse libertatis auctores, & Auriacum
in propinquo, qui decimæ tributum, grauissimasque Albani
exactiones auerteret. Id aliquot horis tam incondito cla-
 more actum, vt vel milleni in armis esse viderentur.

clo. clo. Vrbe captâ, dum sic domus obsidentur, neque reliquæ
 LXXII. copiae procederent, ocius se Nassouius proripit, cogni-
 turus quid morarentur. itaque per siluam oberrantes
 equites clo, qui singulos à tergo pedites veherent, in vr-
 bem ducit. inde curiâ occupatâ portas claudit, ac per
 vallum excubias statuit. tum magistratum conuoca-
 tum blandè affatur. *non hostem, sed amicum venisse: pro-*
inde illæsam urbem habituros. aduentare Auriacum fra-
trem, cuius nomine rem tam magnam inceptasset. nihil aliud
animo agitare, quàm ut florentissimum pridem Belgium con-
tra vim Albani adiuuaret. eâ oratione deliniti, se suaque
 omnes illi vltro permisere. Deinde incertis obse-
 quij ciuibus arma adimit; alios consueta artificia, aut
 commercia, exercere per tubicinem iubet: suos pro-
 teruè agere vetat. Inuenta ibi arma multa, & cætera
 belli instrumenta; ærarium ingens. sed, vt in vrbe
 limitaneâ, commeatus exiguus. gaza plurima, plu-
 rimum sacræ supellectilis, & ex auro argentove ima-
 gines sanctorum. quas vicinæ abbatix, & monaste-
 ria, famâ captæ per Lumæum Brilæ territa, ceu in lo-
 co maximè tuto asseruandas deposuerant. triduo post
 sclopetarij clo clo accessere, festinantem Nassouium
 subsecuti. mox Iunio mense, sub Lorgio Mongome-
 rio, equites clo cc. pedites clo ccc. Eodè tempore capta
 à Lanouio & Famarzio Valentiniana. sed quod in arce
 præsidium erat, validè repugnare. eique suppetias ferre
 iussus Ioannes Mendosa, leuis armaturæ præfectus,
 duas

duas equitum turmas, Aldenardâ euocatas, & quas ^{c. 10. 10.}
 Cheuereauxius colligebat copias, eò ducit. ac armato ^{LXXII.}
 properè tirone pridem conscripto, sumptis ex arma-
 mentario Tornacensi armis, in arcem ii Belgarum sig-
 na introducit. reliquos in aduerso colle ponit. utque
 maior oppidanis, qui aspicere inde poterant, numerus
 videretur, lixas ac calones miscet. tum, ceu Hispanicæ
 copiae essent, more gentis tympana pulsare iubet. eaq;
 res terrorem obsessis iniecit. quamobrem Famar-
 sius, digresso pridem Montes Lanouio, cum iustæ
 illi vires deessent, & oppidanorum studia deficerent,
 irruētibus præsidarijs, deferere urbem, & vi erumpere
 coactus fuit. ac fugam eius plebs consternata tam fre-
 quens sequebatur, ut in exitu, angustiam portæ, plurimi
 obtererentur. Albano grauis Montium iactura visa,
 propter ingens loci momentū. & magis turbabat tam
 inexpectata clades. quippe Nassouium non ita pri-
 dem Lutetiæ visum, ac pilæ lusu se oblectantem, per
 exploratores intellexerat. & nuntium cladis tam im-
 patienter accepit, ut detractum capiti pileum, iræ
 immodicus, conculcaret. Culpam rei in reginam ma-
 trem, Catharinam Mediceam, conferebat; stomacha-
 tus, *ab Etruscâ muliere se delusum, cuius lilia Florentina*
Hispanicis sentibus breui mutaret. Sed hanc offensam lanie-
 na Parisiensis mox placauit. Colinius hoc initium val-
 dè rebus gerendis opportunum ratus, urgere vehemen-
 ter regem; *inuaderet tam bonam occasionē, & bellum Hispano*
denun-

cIo. Io.
LXXII.

*denuntiaret. quod, quam diu occultum, minus strenuè gere-
retur; timentibus è nobilitate plerisque, ne per praeliorum in-
certa comprehensi pro latronibus transfugisque punirentur.*
His rationibus in speciem victus, cum rei spem ab initio fecisset, & ad occultanda consiliorum secreta planè necessariam putaret, nec indicere tamen bellum, aut Philippum regem laceffere, animus esset: ne recusatione suspectus affectum alienum proderet, quod inter offensam & suspicionem medium, eximere callidè tempus statuit. ac præ se ferre; *nihil isto bello gratius. tamen, declinandæ inuidiæ, cupere ut senatui probetur. quamobrem rogare, ut sententiam scripto complexus inquirendam ei proponeret, ne quid in tam graui negotio nimis precipitanter actum homines maligni suggillarent.* Ille igitur prolixas ad regem literas scribit, quibus consilij sui rationes exponit. easque rex collaudatas, ut nullâ fraudis suspitione cunctaretur, Ioanni Moruillerio, viro augusti collegij principi, quem Colinio aduersum sciret, seriò expendendas tradit. isque acceptas mense Iunio, cum ad castrum Bononiense rex venisset, tertio ab vrbe lapide, accuratâ oratione refutat. quâ disceptatione dum res protrahitur, commeantibus ad Colinium internuntijs, qui Castellione ad Loniam erat, de deletis Ienlisij copijs nuntius fertur. Id sibi acerbum rex egregiè simulare; & ad Claudium Mondulcetum, qui tunc res eius apud Albanum procurabat, statim scribere; *daret operam, ut capta eo praelio nobilitas Gallica dimitteretur:*
Colinium

Colinium autem, qui interim, etsi præter amicorum ^{c I. I.}
consilium, fiducia plenus in aulam venerat, in limite ^{LXXII.}
copias, quantas vellet, conscribere iubet. Nihil ultra
bellum Belgicum Carolus iuuit, perniciosâ Galliæ suæ
simulatione, magno antea studio incitatum. Albanus,
quamuis manifesto iam satis plerorumque in Auri-
cum fauore, rebus omnibus relictis, quamprimùm
Montes recuperare, & Nassouium opprimere statuit;
tam egregium belli ducem coërcere sibi maximè glo-
riosum, cæteris omnibus terribile ratus. Ac dum hæc
in Hannoniâ fiunt, in Hollandiâ multæ indies vrbes
desciscunt; & tantum nō sponte apertis portis Auriaci
nomine præsidia recipiunt. tam graui enim odio Al-
banus laborabat, etiam apud eos, quibus certum à
maiorum religione non discedere, vt decimæ causâ re-
rum nouarum occasionem optarent. Iam Hollandia
borealis, præter Amstelodamum, tota defecerat. in
australi prima Audeuwater, vrbs ad Iselam flumen sita,
ad Auriaci partes accessit. quam xiiii Kal. Iulias Adria-
nus Switenus cum exiguâ manu cepit. diesque paucos
commoratus, cum nouas sibi copias parasset, relicto
illic exiguo præsidio, cum L aut LX aliquot militibus
Goudam petit. ac per fautores portâ apertâ urbem in-
gressus, forum occupauit. oppidani excubias in curiâ
agebant; ex quibus cum vim tentandam quidam pu-
tans explodere in illos sclopum vellet, inhibentibus
alijs, statim citra vllum sanguinem facta deditio. Swi-

S

tenus

eIo. Io.
LXXII.

tenus ductor in primâ suorum acie versari, eumq; sequi Vtenengius, è nobilitate Ultraiectinâ iuuenis, & Wencesilaus Tzerclafius Hagiensis. Ducto circumcuriam agmine, cum initio vix sexageni essent, pronis in patriæ causam ciuibus, adeò statim auxit numerus, vt mox ferè I c c c essent. Conuocato magistratu, in Philippi regis, & Auriaci præsidis verba singulos iurare iubet. inde ad præfectum arcis, Cornelium Mylium, Gerardum Franciscû Kegelingum, & Cornelium Reinegomium, intimos viri amicos, mittit postulatum, vti ad vrbs securitatem ad xxv præsidarios, quos Albani mandato habebat, totidem alios à se acciperet; nisi faceret, alia necessariò ausurum. Is autem vbi captam urbem acceperat, famulum clam ex arce dimissum Ultraiectum properare iusserat, qui rem illic nuntiaret, & suppetias simul posceret. sed hunc oppidani retraxerunt. Igitur initio difficilior cunctando protrahere tempus nitebatur. at cum famulum interceptum, & vim parari intelligeret, quamquam inuitus, cōditionem accepit; placuitq;, vt liber omnibus accessus esset. mox cū plebs tumultuaretur, nec ultra ei præfecturam credi permetteret, ex arce in urbem commigravit. inde per ædes singulorum inuestigatum, quantum quisque annonæ haberet. cumq; vix in octiduum suffectura inueniretur, missi illicò mercatores, qui necessariam à Dordracenis pretio obtinerent. & illi, etsi adhuc Albani partes sequerentur, vicinę
vrbi

vrbi non grauatè subuenerunt. cumque Hispani, qui ^{c. 12. 13.}
Roterodami præsidium agere, Iselæ ostium obstruxis- ^{LXXII.}
sent, appositis ad securitatem liburnicis suis, Crimpe-
num vsq; frumenti plurimū nauigio deuexerunt. vnde
Goudani curribus impositū porro in urbem adduxe-
runt. Interim necessaria omnia Switenus curare, &
sacramento fidem oppidanorum obstringere, ac præ-
sidium loco ordinare. tum ductis Leidam copijs, cum
non ita pridem, misso a Sonoio Gulielmo Grauiio
Gaudauensi, hominem extraneum recipere magi-
stratus noluisse, operâ Pauli Busij syndici, aliorum-
que ciuium, statim admissus Ioannem Eilofium
Groningensem cum cohorte vrbi imponit. Dordra-
ceni, iam dudum affectus in Auriacum proni, quia
impetu quorundam præcipitata consilia infelicitè
cecidissent, palàm eius partes amplecti hætenus
distulerant. sed hoc rerum statu non vltra deserē-
dam remp. rati, aduocato Bartholemæo Entesio,
qui in propinquo sub Lumæi auspicijs cum belli-
cis aliquot nauibus agebat, vi i i Kal. Iulias Al-
banum hostem renuntiant. statimque ijs ab Auria-
co Maximilianus Hornanus Boxtelius, cui etiam
comitatus Burani, Leerdami, Bredæ, & Iselsteinij
cura commissa, præfectus destinatur. paullò post
Harlemum quoque ad partes venit, Gerardi Berkero-
dij, Ioannis Coltermanni, & Petri Kiesij insigni operâ.
illi enim cum mandata Auriaci ostendissent, restare

c15.15. initio magistratus, & deliberationem petere; quâ ne-
 lxxii. gatâ, cum ciuium studia animaduenterent, hisce legi-
 bus urbem dedunt, *ut sacramentum, Philippo olim &
 Auriaco præsidi datum, ne mutarent; magistratu, saltem ad
 Auriaci aduentum, nemo amoueretur. Albanus verò hostis
 publicus haberetur. cunctis vita ac facultates saluæ essent.
 clero, aut monasterijs, nulla vis fieret. milesque nullus, extra
 Ruichauerij cohortem, nisi arbitrio magistratus, urbi impone-
 retur.* Tam fausta fœderatorum initia Gorcomium
 auxit, & se quoq; vi Kal. Iulias dedidit. atque arce per
 vim expugnatâ, eius præfectum cum vxore ac filiâ cap-
 tum Brilam abduxerunt. inde, dilapso per meum
 præsidio, castrum Louesteinium capitur; & per noctē
 oppressa Liesueltia. tandem Schonhouia & Woerda
 quoque armis Lumæi cedunt. iamque Hollandia to-
 ta in Auriaci partes transierat, nec præter vnum Amste-
 lodamun quicquam restabat. id in Albani obsequio
 perstitit, ægrè auullum anno demum lxxviii. Dum
 hæc in Hollandiâ a Lumæo geruntur, Gulielmus Ber-
 gensis, Auriaci affinis, in proximâ Geliiâ sumptis ar-
 mis comitatum Zutphanensem inuadit. & cum pas-
 sim sine præsidio oppida essent, plurima cepit. inter
 hæc Zutphaniam ipsam, Dotecomium, & Dulbur-
 gum. in Velauia eius legatus, Zacharias Glisenber-
 gius, Hardervicum vii Eid. Iulias cepit. moxq; etiam
 Herenbergam, Hattemum, Elburgum. in Tubanti-
 bus Oldensaliam, Goriamque. Per hæc Bergensis, ubi
 lætum

latum consiliorum euentum, & propensa populi studia comperisset, occasione vtendum ratus, in ditione Transilelanâ Campos obsedit. eam in rem missa à Sonoio auxilia, & triremes vii. ciues nonnulli cum Andrea Arlerio pacti erant, urbem sese dedituros, simul cum copijs Auriacus adesset: & effectum horum operâ, vt deditio promissa fieret. Swolla, Hasseltum, & Stenwica, exemplum secutæ. etiam Gelmuda, ac Vollenhouia. arx Tautenburgum per centurionem à Sonoio missum capitur. mox, translatis in Ultraiectinam diocesin armis, Amersfortia occupatur; vnde excursionibus crebris totam ditionem infestârunt, sæpe ante ipsas Ultraiectinæ vrbis portas abductâ prædâ. Postquam autem pars magna Gelriæ etiam defecit, odio Albani, aut foederatorum armis; in Frisiam quoque occidentalem transitum est. ibi Doco Martina cum nobilitate profugâ de occupandâ Leouardiâ, prouinciæ metropoli, consilium ceperat. & mandatum id ab Auriaco acceptum exequi hætenus non potuerat. nunc autem opportunum ratus, à Sonoio, Hollandiæ borealis præfecto, cohortes i v aut v poscit. sed is, quia missis Bergenfi auxilijs, & varijs præfidijs, copias distraxerat, vnicam tantum Frisiorum cohortem Holzone Buma ductore submisit. Bergenfis autem Nederwormterium, Frisiæ agrique Groningensis præfectum, supplere defectum iussit. isque centurionibus aliquot constitutis breui cohortes tres quatuorve com-

S iij parauit;

c10. 10. parauit; ac cum ijs Cundertam aggressus, diffugien-
 LXXII. tibus Belgis, qui in præsidio, sine negotio occupauit.
 quo successu auctis animis in Frisiam perrexerunt.
 Hiergius, quem in Frisæ præfecturâ Megensi successo-
 rem Albanus dederat, Arnhemij in Gelriâ morabatur.
 & ab Auriaco, qui cum magno tunc exercitu aduene-
 rat, ac plurimas illic vrbes ceperat, obsessis vijs, præ-
 fecturâ excludebatur. quam obrem Casparum Roble-
 sium Billium Lusitanum, qui Groningam cum legio-
 ne Belgicâ tenebat, Leouardienses, vt prouinciæ labo-
 ranti succurreret, per literas euocârunt. isque cum ad-
 uenisset, in primis urbem communiuit, & mutato
 arcis præsidio, pro Germanis Gallos imposuit. in
 Harlingæ ac Staueræ arces è legione suâ lectos misit.
 Wilhusium venerat Adolphus Holsatus, qui Albani
 iussu militem auxiliarem collegerat; & stipendij ino-
 piâ cum vltius progredi non posset, destinatum
 sibi ab Albano pecuniam submitti postulabat. &
 quando, longo loci interuallo, consuli absens Alba-
 nus non posset, mora que longior periculum allatura
 videretur, è Megensis thesauro, qui in arce asserua-
 batur, mutua sumere 1 x florenorum c10 placuit, ex
 pecuniâ ab Albano assignatâ mox refundenda. sed
 cum illic vix v c10 reperirentur, quod reliquum,
 aliunde suffectum est. iam animi alieni signum Sne-
 ca dederat, atque timeri cœpit, ne in nouas partes in-
 clinaret. placuit ergo vt animos Billius exploraret,
 aliquid

aliquid fortasse auctoritate viri valiturâ. isque cum ^{c. 10. 10.} Petro Fritemâ, curiæ senatore, eò profectus intromitti ^{LXXII.} postulauit, hâc ex re de oppidanorum affectu coniecturam factururus. Et præmissus Fritema, vt euentum tentaret. ex quo cum adfuturum mox Billium intel- ligerent, clausis portis armati omnes in mœnia pro- rumpentes, saltem cum domesticis recipi postulâtem reiecerunt. quin auditæ voces quorundam, qui sclope- ta minarentur. Fritema vix blanditijs obtinuit vt di- mitteretur. Per id tempus ambiguâ etiam Bolsver- diæ fide, vt experiretur Billius, literis benignè scriptis quærit, *an non in tutelam vrbis aliquod præsidium cupe- rent.* sed illi eâdem humanitate viro respondent; *gra- tam sibi pro salute publicâ curam, ceterum præsidio opus non esse. datuos operam, ne quid detrimenti caperent.* hoc respon- so satis manifestus affectus. tum de Franekerâ etiam laboratum; sed neq; quemquam eò mittere, aut literas dare visum fuit, antequam ipsorum Leouardiensium studia cognoscerent. iccirco decretum, vt exquirerent, an in antiquâ erga regem fide oppidani perseuerarent. inde in vrbem annona plurima, & commeatus belli illatus: edictumque, vt quicquid in subiectis agris, aut monasterijs, abbatijsve, esculentum, id in vrbem com- portarent. & consulibus mandatum, vt si quos ciuium minus certâ fide existimarent, eorum nomina in indi- cem relata exhiberent. tum repetito sacramento arma omnibus imperata, additæque cohortes v Germa- norum.

clo. clo.
LXXII.

norum. quibus vt stipendium esset, senatorum collegio, & ditissimis aliquot prouinciæ nobilibus, vi florenorum clo indicta: eique continuando conscripti prouinciæ delegati indictionem recusârunt. *nimum haftenus impensæ fuisse; ac supra tributum ordinarium, pro quo obstricta regis ad prouinciam tutandam fides. extra ordinem v prius, mox vi etiam clo dedisse. inde honorarij vicem cxxviii clo. cumque publica necessitas allegaretur, nihil minus pernegârunt. neque enim in suâ potestate rem esse, plenis comitijs pertractandam. hoc tamen anniti velle, vt constitutâ prouinciæ quiete, in cohortium v stipendium, quas nunc parassent, xxiv clo curarentur.* Porro ciues l obsequij inuitos, aut incertos, eiecerunt; vltimum supplicium comminati, si postea præter curiæ voluntatem redire auderent. Snecani, legato excluso, certi offensæ, ne annona deesset laborârunt. itaque è vicinis abbatijs ac monasterijs vi abreptam in urbem transtulerunt. nec multò post à fœderatis præsidium admiserunt. & exemplum mox secuti Bolswerdiani Nederwormterium aduocârunt. tum Doccomium, auctis per hæc copijs, inuaserunt. Erant in præsidio vrbis Belgæ aliquot, & hostibus facilè superiores, nisi ciues conspirassent. ij fortiter repugnantes, è fenestris ædium suarum sclopis terga ferire aggressi, incusso metu, in fugam propulerunt. atq; ita in victoris potestatem vrbs venit. sed homines militia ignari, & qui per tumultum arma sumpserant, nec timere hostem

hostem didicerant, neglectis excubijs, mox iterum à victis per noctē oppressi, nullo adhuc victoriæ fructu, urbem amiserunt. ac interfecti ferè L. cæteros tenebræ eripuerunt. Victores irati recentem contumeliam rapinâ & incendio vindicârunt. &, quia munitionem adiuuare rustici pridem negassent, in pagos quoque proximos sæuierunt. Adiunxerant se fœderatis nobiles eius prouinciæ plurimi inter eos, Doco Martina, Sidius Botnia, Titius Hottinga, Siffidus Galama, Petrus Camminga, Augustinus Oetsma, alijque, quibus cognita locorum regio, & occulta ciuium multorum in nonnullis vrbibus studia. Eorum operâ ad australe fretum Stauera, Enchusam aduersam spectans, occupatur. sed arcem è legione Billij Belgæ tenuerunt. hanc obsidentes tormenta admouère, Snecâ, Bolswerdiâ, & Franekerâ aduecta. & auxilia à Sonoio missa. Dum ita arctè obsidentur, afflictâ valetudine Billius, conuocato ad se senatu, *momentum loci, & necessitatem obsessorum* repræsentat; simulque hortatur, *ne tam egregiam militum fortissimorum fidem, ac virtutem, desererent. sibi auxilia præsto esse. sed, educto per hanc rerum necessitatem præsidio, absente ipso operam darent, ne quod urbi incommo- dum ueniret. tum etiam docerent, quâ viâ tutissimè militem duceret.* Igitur placuit, vt copiae per legatum quidem Coudonam aut Bolcam nauigio subueherentur, ipse autem urbe ne exiret. id neque morbum eius ferre, nec ciuilibus prudentiæ legem. per belli incerta, si quid accidat aduersum, grauius

T multo

c 15. 15.

LXXII.

• 15. 15.
LXXII.

*multo periculum fore. in eius capite salutis publicæ summam
verti.* quamobrem missæ v cohortes Belgarum, 11
Germanorum, aduentu inexpectato adeò obseffores
terruerunt, vt metu longè maiores copias aduentasse
existimantes, turpi fugâ arcem simul vrbemque de-
fererent. Postea cum se iuxta Galedanum collegissent,
iterum irruentes hostes cæsis c L reliquos dissipârunt.
Coudomam autem, quò confugerant, populati, idem
Staueræ mox fecerunt; ac deinde igne iniecto exusse-
runt. machinas captiuas in arcem liberatam transtu-
lerunt. atque ita cum ingenti prædâ Leouardiam
læti redierunt. Interim Leouardienses maxima an-
nonæ caritas premere, coactis rusticis circumiectis
frumentum omne in foederatorum vrbes conuehere.
quamobrem Billius Franekeram inopinatò inuadere
statuit; aut, si consilium non successisset, Berlico-
mium, opportunum situ pagum, opere & præsidio
communire. inde Biltam copias ducere, & quicquid
illic frumenti esset, Leouardiam deuehendum curare.
Igitur noctu cum cohortibus v egressus, alias Har-
lingâ accedere iubet, statutâ horâ ab vnâ vrbis parte
arma concitaturus, vt, seductis illuc præsidiarijs, ab
alterâ facilior irruptio esset. sed, obseptis itineribus,
cum conatu excidissent, ad Angumam, Berlico-
mium, & Lidlumam castra metati, loca opere festi-
nato munierunt. vtque incommodum aliquod Fra-
nekeranis Billius daret, opplere fossam Snecanam
iussit.

iussit. Circa id tempus cum cohortibus VIII Germa- cIo. Iai
 nicis in Frisiam Iustus Schouwenburgicus venit, ab LXXII.
 Auriaco præses prouinciæ, ac Groningæ, agrique Gro-
 ningani destinatus. Posito verò Franekeræ domicilio,
 multa à Nedervormterio statuta immutauit. Deinde
 curiam iuri dicendo nouam instituit, ad quam Sne-
 ca, Bolsverdia, aliaque loca, quæ fœderatorum partes
 amplexa, pertinerent. Variè vtrinque velitatum est,
 & pagi aliquot, monasteriaque prædæ obnoxia, armis
 & flammâ deleta. Albano autem vndique nuntij
 minus grati perferuntur; quibus etsi angeretur, egre-
 giè tamen curas dissimulat. Vexabat animum suc-
 cessoris cogitatio, cui se, vt pridem iactauerat, tran-
 quillam prouinciam tradere posse desperabat. insu-
 per de Galliarum rege, ac reginâ matre querebatur,
 à quibus Nassouio clam auxilia destinata, aut permis-
 sa. neque aliunde magis sibi metuebat. itaque inpri-
 mis obsidere Montes statuit, antequàm plures copię
 accederent, aut Auriacus cum exercitu adueniret.
 tunc enim vires adhuc integras variè distractum iri.
 quamobrem conscriptis III legionibus Belgicis Fri-
 dericum Filium cum IVC IOPeditum, cccc equiti-
 bus, obsidioni inchoandæ præmittit; ipse, simul res
 alias ordinasset, cum copijs maioribus secuturus. &
 is Iulio desinente profectus, proximum vrbis monaste-
 rium Bethlehemum statim occupat, atq; aduersus vim
 communit. oppidani nihil territi urbem seque hosti

T ij exci-

c15.15. excipiendo parant. Premebat Albanum ærarij angustia. nam & plurimum Hispanis debebat, quorum iam militiâ vti cogebatur. & copijs insuper nouis opus: neque decimæ aut vicesimæ spes supererat. quam obrem, quod temporis ratio posceret, inuidiosum tributum differre statuit, dum qui in Hispaniam missi à prouinciarum Ordinibus in impetrandâ indulgentiâ laborarent. vtque animos adeò alienos demulceret, remittere decimam ac vicesimam velle edixit, dum modò alias pecuniæ colligendæ rationes ostenderent. idq; etiam Hollandiæ Ordinibus Bossum præsidentem proponere iussit. & seorsim ad eos quoque literas dedit, quibus in xviii Kal. Sext. comitia Hagæ habenda indiceret. Sed eo iam illic loco res erant, vt mandatum contemneretur. tamen in præscriptum diem Dordraci, in primariâ Hollandiæ vrbe, conuentum ordinant; vbi de rep. deinceps administrandâ decernerent. eius rei Auriacum certiores faciunt; & legatum, qui intersit, mitti postulant. vbi præscriptus dies illuxit, conuenire ad libertatem vindicandâ ex equestri ordine Iacobus Wingardus, & Arnoldus Duenuordius, Lumæi legatus. ex vrbibus delegatos miserunt Dordracum, Harlemum, Leida, Gouda, Gorcomium, Alcmaria, Oudewatera, Horna, Enchusa, Medemlacum, Edamum, & Monachodamum. reliquis voluntas, vel audacia, defuit. Interim in Hispania res decreta. & post longam supplicationem facta tandem indul-

indulgentia. Hopperusque conuocatis regis nomine ^{clo. lo.} hęc denuntiat; ita eum erga Belgium affectum, ^{LXXII.} ut nihil priuati commodi causā unquam tentauerit. sed hoc tantum voluisse, ut resp. illis quita, ac religio salua maneret. id sibi omninò persuadere, semper Ordines, fidei atque obsequij præclaros, in rebus omnibus, & consilijs, Dei gloriā, publicamq; utilitatem spectasse. quamquam autem in responso decimæ ac vicesimæ indulgentia claris verbis non exprimeretur, haud aliam tamen sententiam esse. inuolucro idē vsum, ut apud subditos ipsi maiestas, legato auctoritas integra esset. Post hęc verba, qui curandæ rei missi, pro affectu tam benigno magnas sese regi gratias agere dicunt; idque reduces apud Ordines testaturos. Iam Auriacus iustas sibi copias parauerat, in tres menses auctoratas, aut quam diu vsus foret; eā militiæ conditione, ut, quia pecunia in stipendium non sufficeret, pignoris vicem vrbes acciperent, quibus soluenda assignaretur. Collegerat equites benè instructos vii clo, pedites xv. cum his adiungere se Nassouio fratri animus erat. ac quandoquidem Hollandiæ Ordines ad destinata in medium Iulium comitia legatum postulassent, Philippum Marnixium Sancto-Aldegondium mittit, multā rerum peritiā virum, qui consilia adiuuaret. is cum xv Kal. Sext. aduenisset, postridiē mandatis exhibitis, ita Ordines alloquutus est. Satis Auriaco, à quo missus, cognitum pridem ipsorum affectum, & nunc re manifestum esse, quando tantā animi constantiā

CL. I. I.
LXXII.

cum ipso, legitimo provinciae praeside, se Albano opponerent, ad vindicandam patriae libertatem, quae ab Hispanis aliquot iam annos oppressa; quorum libidini, aut seuitiae, necdum adhuc factum satis. orare verò, ut tam praeclaram voluntatem ne mutarent. egregiâ semper erga Belgium fide fuisse, ac Hollandiam potissimum, & ceteras curae suae provincias. Idcirco doluisse vehementer, tam immania dudum passas. neque maius votum habuisse, quàm ut antiquam felicitatem restaurare aliquando posset. ideò non labori, aut impensae pepercisse. quin triennium nunc esse, cum exercitu collecto, meliore animo quàm fortunâ, vindicare libertatem publicam tentasset. ex eâque clade quicquid facultatum reliquum, id nunc postremum patriae impendere. neque per successum aduersa quicquam de libertatis studio decessisse. eundem illi animum mansisse, qui diu noctuque per haec consilia haëtenus inquires continere se non potuerit, quin paratis denuò copiis virtute inuictâ iterum euentum tentaret. quando autem tam diu oppressi antiquum animi robur reuocassent, hostemque Albanum pronuntiassent, nihil sanè prius habuisse, quàm ut spiritus tam generosos porro incitaret, & auxilium postulantibus praestaret. cumque exhausto patrimonio tam bonae voluntati vires non responderent, promissumque ab ipsis esset, si exercitum modò adduceret, se stipendia curaturos, id nunc tempus esse scirent. in promptu militem, sed eâ conditione lectum, ut priusquam moueret, prioris trimestris pecuniam praesentem acciperet. aut si fieri id non posset, representato saltem vnius mensis stipendio, de cetero vel nonnulli principes, vel

vel quædam Belgij vrbes cauerent. Horum prius impossibile; cIo. Io.
LXXII.
 alterum difficile omninò, neque vtile. namque si ad Gallie
 Angliæve regem aut reginam irent, periculum esse, ne ob-
 noxias hâc ratione prouincias sibi subiicerent: quippe, nisi da-
 tis pignori vrbibus, ne teruntium expensuros. itaque apertum
 aditum iri, ægrè postea possessa dudum loca relicturis. quod
 exemplis manifestum. quamobrem nihil aliud restare, quàm ve
 ductoribus ac turmarhis vrbes aliquot fidem obstringant. in-
 super c aureorum cIo statim expediant. hæc ab Auriaco ex-
 ponere iussim; & sperare, pro affectu in remp. quam in pri-
 mis saluam cuperent, non grauatè concessuros. quamobrem,
 quia vrgeret necessitas, & maturato opus foret, illicò
 decretum, vt c illa aureorum cIo à locupletioribus reliquisq;
 prouincialibus mutua peterentur: & corrogaretur quicquid
 auri, argente, aut ceteri mundi quisque haberet. tum tributa
 ordinaria tradere quæstores iuberentur, etiam deinceps conti-
 nuanda, & inuitis imperanda. item redditus templorū, monaste-
 riorum, aut collegiorū; & quæ prætereà ornamēto magis quàm
 vsui, occuparētur. deinde, vt pro stipendio cætero vrbes caue-
 rent, conuenerunt. Posthæc Aldegondius alia quoque
 mandata exhibet; ad quæ Ordines respondent: Au-
 riacum se Hollandiæ, Zelandiæ, Westfrisæ, & Vltraiectinæ
 ditionis præsidem agnoscere, qualem olim rex statuisset. &
 apud aliarum prouinciarum Ordines operam daturus, vt,
 rege absente, præsidem ac patronum acciperent, ceu præ-
 cipuum Belgij principem, quiq; ad tutelam eius iure & sa-
 cramento teneretur. vt autem belli naualis ratio corrigeretur,
 omnis

cIo. Io. *omnis ei potestas traderetur, isque ex auctoritate omnibus Tha-*
 LX XII. *lassiarchum summum statueret, qui de urbium maritimarum*
consilio centuriones novos legeret. cumque in prædam hæte-
nus miles arma habuisset, nunc stipendium poneretur. ac con-
stituerentur homines certi, qui de rebus maritimis cognoscerent.
 Tum ad Lumæum magistratus Dordracenus, Lei-
 densis, & Enchusanus ablegantur, qui terrestrem mi-
 litiam ordinarent, & licentiam lege adstringerent, ne
 deinceps prouinciales vexarentur. Placuit etiam ar-
 chiua aperiri, quæ in arce Goudanâ, & priuilegia in-
 spici, reliquaquæ libertatis instrumenta ad Hollandiam
 pertinentia, & in indicem relata describi, moxque ma-
 gistratibus distribui, ut secundum ea deinceps res publi-
 ca ex æquo administraretur. Hoc negotium, sed Au-
 riaco prius consulto, & permitte, ex ordine equestri,
 Ianus Doufa Nordouicus, vir ingenio & litteris excel-
 lens, ex urbibus singuli destinati suscipere iubentur.
 Visum etiam à Lumæo petere, daret ante omnia operam,
 ne quid camerae ordinum, rationum, commentariorum,
 aut curiæ actuarij perturbarentur, instrumentaque omnia,
 reip. maximè necessaria, studiosè asseruarentur. Inde
 fœdus mutuâ fide utrinque initum: neque Auriaco in-
 consulto, aut inuito, Ordines quicquam; aut Auriacum præter
 Ordinum voluntatem cum ipso rege, eiusve legatis, de rep.
 pacandâ acturum. Eam in rem fidei symbolum datæ
 dextræ; & Aldegondius pro Auriaco, à quo legatus, iu-
 ramento se obstrinxit. Decretum prætereà, ut alias
 quoque

quoque vrbes scriptis literis ad commune patriæ libe- c 15. 16.
LXXII.
randæ foedus inuitarent; quod quia vicini Delphi re-
cusarent, mandatum Leidenſibus, vrbis ſitu opportu-
nis, vt nauigationem in Waterlandiam impedirent.
ad Amſtelodamum quod attineret, Auriacus ad Da-
niæ regem vrbesque maritimas literas daret, Ordini-
numque Hollandiæ nomine peteret, *quando publicæ
libertati aduerſa eſſet, ne quæ ei in poſterum merces ſubuehe-
rentur: ac Hornam potius, aut Enchuſam, vrbesque proxi-
mas; vel Dordracum per Moſam flumen transferrentur,
ubi par commoditas foret.* Porro tunc quoque Aldegon-
dius exponit, *eam Auriaco mentem eſſe, vt religio libera
haberetur, & publicè in ijs locis, quæ decerneret magiſtratus,
ſine turbis exerceretur. clericis autem nemo vim aut iniu-
riam faceret, niſi contra remp. niterentur.* Inter hæc Lu-
mæus etiam venit, & prouinciæ præfecturam ab Au-
riaco ſibi mandatam in comitijs exponit. cumque li-
teras protuliſſet, lectis ijs, ex præſcripto geſtutum ad-
mittere placuit. Sic arma ſub Auriaco præſide pro li-
bertate Hollandia ſumpſit. Et Zelandiæ quoque bona
pars Albanum pro hoſte habere. iamque audendi ini-
tium Fliffingani fecerant, quibus miſſo in auxilium
Tſerartſio aucta virtus, adeo vt infeſtis ſignis Middel-
burgum proſecti hoſtem vltro prouocarent. at cum is
prælium detrectaret, neque tuta obſidio putaretur, re-
trogreſſi ſe per vicos diſtribuerunt, arcemque Soubur-
gum, non procul Fliffingâ, occupârunt. mox Middel-
V burgen-

eIo. Io.
LXXII.

burgenses, ne timuisse viderentur, Souburgum versus nocte intempestâ copias machinas que ducunt. In præsidio Galli erant, qui in hostem animosè erumpentes, fortiterque repulsi, cum frustra suppetias Flissingani duplici velitatione tentassent, arcem deserunt. eam Hispanus occupatam, imminentibus rursus Flissinganis, cum defendi posse desperaret, iterum dedit. Crescere illis indies copiæ, & per eas animi robur. itaq; mari bellum instruunt. & Antuerpiam profectus Theobaldus Worstius, puluerem tormentarium, quæque prætereà bello necessaria, clanculum emit. nec multo post, cum insignis è Lusitaniâ classis adueheretur, mercibus plurimis pretiosis auroque onusta, turbarum ignara, & mutationis, vi aggressi naues exonerant, mercibusque distractis ingentem inde pecuniam contrahunt, atque in suos vsus applicant. tum ut Middelburgum subigerent, urbem insulæ Walacriæ primariam, liburnicis exstructis commeatum prohibere conantur. iamque bello c. l. naues armauerant, quibus mare obsidebant. & infestis valde animis pugnabant. namq; ut Albanus, nullo personarum discrimine, milites, ciues, mercatores, ceu perduelles, supplicio extremo afficiebat: ita illi, quemcumque Hispanum capiebant, statim in crucem sublimem agebant, neq; vllum vitæ pretium erat. cumq; plures captiui essent, colligatis brachijs, binos ex urbis propugnaculo in subiectum mare præcipitabant. indigna quidem illa sæuitia, sed quam

quam exemplum irritauerat. Veriæ cum postridiè c. 15. 138
 Non. Iun. epulum magistratus haberet, in templum LXXII
 irruentes præsidarij, imagines sacras, & altaria, hæte-
 nus illæsa, subito animi impetu confregerunt. deinde
 in templi chorum progressi, in equitum aurei velle-
 ris insignia illic suspensa idem ausi, cum res ad Tle-
 rartium deferretur, ille, vt epulo intererat, vino iram
 accendente, statim se ad templum proripiens, stricto
 gladio duos improuisus occidit, porro alios occisu-
 rus, nisi interuenientes quidam impetum viri cohi-
 buissent. Id vbi cætero præsidio gnarum, adeò om-
 nium animos offendit, vt cum armis ante ædes con-
 uenirent, pontificium, ac latronem appellantes; & pa-
 ria illi facturi, ni Rollæus prætor, Herptiusque, mo-
 tum sedassent. ac profectò ex eo tempore inuisus mi-
 litibus, tandem quoque per tumultum interficitur.
 Flissingani, distractis classis Lusitanæ mercibus, An-
 glicanos ad se mercatores plures militesque pertraxe-
 runt, qui luculentâ spe stipendij militiam quære-
 re. itaque auctis valdè copijs vicinæ Flandriæ ar-
 ma inferre statuerunt; Ostburgoque & Ardembur-
 go occupatis, dedere se Brugenses iubent. sed op-
 pidani, quia res ipsorum satis adhuc inordinatas, &
 in militiâ tumultuariâ parum momenti existimarent,
 etsi inclinarent aliqui, necdum motum vllum aude-
 bant. quamobrem frustra hic conati, in templa, & mo-
 nasteria proxima, arma vertunt. inde Gandauum

clo. lo.
LXXII.

progressi, cum nihilo illic felicior successus, veriti ne interciperentur, in Walacriam reuertuntur. Ioannes Cerda Medinacælius, Albano à rege successor datus, cum nouis clo clo Hispanorum copijs in Belgium aduentabat. id vbi Flissinganis cognitum, Balduinus Eobaldus, Ioannes Morus, alijque, circa Flandriæ oram inuadunt. Necdum Cerda intellexerat tantam Auriaco classem esse, eoque negligentior hosti se obnoxium fecerat. Ducebat naues L I V. ex ijs x x v i maiores Belgis ereptæ: minores reliquæ, quas Affabres Cantabri dicunt. Has magno impetu adorti superant, fugantque. & ex x x v i maioribus vix I I I saluæ. Cerda cum minoribus aliquot, copijsq; elapsus Slusam appulit. alij Rammekenum, & inde Middelburgum euaserunt. victoribus ingens præda obtigit, in auro argentoque signato cc aureorum clo. in mercibus lo clo æstimabantur. Slusâ Cerda Brugas se contulit, inde Bruxellas ad Albanum, infausto per principia augurio minus auidus destinatæ præfecturæ; quam mox etiam deprecatus in Hispaniam recessit. quippe vir Albano dissimilis, & prudens rerum æstimator, qui turbatis bello prouincijs non sine opprobrio decessurum animaduertebat, alienæ culpæ, quam corrigere non posset, suam existimationem inuoluere inconsultum ducebat. Nihilominus naues Cantabrias x x bello parat, & Machliniâ tormenta ænea x x i i i, currusque aliquot cum pilis ac puluere nitrato mittit:

mittit: quæ vniuersa Flissingani in Flandriâ occupata c. 15. 15
in suum armamentarium transferunt. inde alijs sub- LXXII.
missis instructæ naues ferente vento Slusâ Rammeke-
num deuehuntur, tribus in itinere interceptis. illic cum
essent, arcis præsidio, vt putabatur, satis tutæ; Theobal-
dus Worstius, vir promptæ audaciæ, vi aggressus, ne-
quicquam adiuuantibus arcis præsidiarijs, omnes ca-
pit, incenditque. milites plurimi trucidati, pauci nan-
tes euasere. ac tã egregio pugnæ naualis successu, vt in
rebus lætis solet, creuit animus Flissinganis, placuitq;
porrò fortunam experiri. Est in propinquo Zuitbe-
uelâdia, & Tergoela, insulæ metropolis; inq; eâ aliquot
clam amici. Igitur, cum pridem frustra Flandriam
tentassent, ad hanc occupandam militem mittunt.
Hieronymus Tserartsius aliquot cohortes cum
machinis bellicis nauibus imponit. cumque in insu-
lam applicuisset, præmissis in proximū pagum Gallis,
oppressisq; excubijs, reliquum militem obtruncare de-
creuerat. sed illi, cognito adesse hostem, per tenebras
in urbem euaserunt. ad quam Tserartsius adductis
copijs cum deditionem posceret, ab oppidanis reie-
ctus, vt portam conuelleret, tormenta admouit. sed
laboris irritus, neque ad obsidionem instructus, saucijs
paucis, retrò celsit. discedentem erumpentes præsi-
diarij sunt secuti, vt postremum agmen carperent; ac
verò ordinatè incedentem nihil lædere potuerunt. Ani-
mus Tserartsius erat, donec necessaria submitterentur,

cl. 15.
LXXII.

eminus obsidionem facere. sed falso rumore de Frederici Toletani aduentu, qui magnas Antuerpiâ copias ducere ferebatur, metu potius quàm periculo, insulâ excessit. Id verò adeò ingratum Flissinganis, ut redeunti portam occluderent, & rei infectæ culpam imponerent. Inde per vicos circumpositos palans miles licentius agere, donec re compositâ, & stipendio numerato, in urbem admissi, iterum ad tentandam obsidionem emittuntur. tunc ut certius consilium esset, petitis à Lumæo auxilijs, cum 1x machinis, alijsque obsidionis instrumentis, insulam repetunt. cùm exscendissent, atq; ad urbem aduenissent, ducto circum castra vallo, tormenta collocat. Erat vrbs situ magis quàm opere munita; & in eâ præsidiarij Galli Hispanique 15000, sub præfecto Isidoro Pacioco. qui virtutis egregius animus ad defensionem obfirmabat, & Albanum rerum suarum certum fecerat. Obsessor hostis verberatis aliquamdiu muris, mediâque nocte facto in ruinam impetu, ab obsessis fortiter repellitur. dum ab vnâ parte impetus fieret, & præsidium distraheretur, ab alterâ conscenso muro obruere pugnantes decreuerat. sed scalis breuioribus frustra hoc consiliū fuit. sic hostium virtutem casus adiuvit. Iam septima hebdomas agebatur, & obsessis deerant multa, cùm de vrbe liberandâ Antuerpiæ consultatur. idque per aquas, si maturarent, obsessâ nauibus bellicis insulâ, perdifficile censebatur: si differrent, periculum erat, ne fractis animis, aut vir-
tute

tute oppressâ, præfidiarij sese dederent. Mondrago-
nius, vir animi ingentis, aquâ recedente tentare libe-
rationem statuit. nam olim iuncta continenti insula,
cum inundatione dirempta esset, vadum reliquerat.
idque exploratum, etsi aliquot horarum intervallo,
& trium annium profundo alueo, laboriosum satis
transitum habere iudicaretur, discrimen tamen virtus
cōtempnit. Igitur gnarus, quantum apud militum ani-
mos exemplum ductoris posset, ne quid re insolitâ cæ-
teri trepidarent, omnium primus vadum ingreditur. &
transgressus, ix tantum desideratis, quos devios inter-
iecti amnes hauserant, excitatis ignibus Auilæ felicem
transitum, & obsessio Pacieco aduentum indicat. tum
madido & defesso militi reficiendo tempus datū; quo
si eos obsessores adorti fuissent, in procliui victoria
erat; & post eam vr̄bis deditio. sed id neglectum tan-
tâ securitate, vt initio ad famam rei ludos facerent.
mox autem cognito hostem transmississe, & xv tantum
miliaribus abesse, solutâ obsidione in fugâ effusi tam
trepidè naues petierunt, vt vix tormenta bellica abdu-
cerent. quin plurimi, impedimentis desertis, dum in-
consideratè properant, fluctibus merſi interciderunt.
insecutusq; fugiētes Paciecus cum cccc à Mondrago-
nio submissis, Porresio, Balleio, & Saluaterrâ ducibus,
in extremo agmine stragem edidit. & deleti ex fœdera-
tis l̄o ccc. Huius cladis tanta omnium offensa fuit,
vt passim Tserartius proditiōis insimularetur,
cuius

c l̄o. l̄a.
LXXII.

c15.15.
LXXII.

cuius rei pertæsus, abdicatâ præfecturâ, ad Auriacum concessit. & culpam excusans, iure, aut duello, decus suum tueri velle præ se tulit. tum libello quoque edito quoscunque accusatores prouocans sistere se intra mensem iuber, coram Auriaco causam dicturus. ac quamuis nemo compareret, non tamen odium publicum, aut calumnia cessauit. In Hollandiâ Hispani Roterodamum adhuc tenebant. cumque vrbes vicinæ, Auriaci partes amplexæ, annonam interciperent, penuriâ pressi, Amstelodamo petere statuunt. Igitur Rodericus Sapata, Hagâ à Ferdinando Toletano missus, assumpto secum Ioanne Cepedâ, cum delectâ ccc manu, & magno carrorum numero, Delphos Hagamque prætergressi, Sceuelingam, pagum Oceano adiacentem, acie instructâ contendit. inde quâ littus duceret progressus, iuxta Harlemum transiens occupato Sparnodamo, vbi Robollium ductorem capit, Amstelodamum peruenit. ibique frumento conquisito, eâdem quâ venerat viâ regressus, Roterodamum illæsus redijt. In reditu pauci, milites pariter atque agricolæ, tumultuaria turba, & armorum imperita, prope Catvicum tormētis minoribus duobus adductis, & loricâ tenui in littore excitatâ, temerè se obijcere aucti, mox hoste conspecto turpiter sanè diffugerunt. Albanus, qui rerum suarum omne momentum in Montibus ponebat, urgere obsidionem; & ex Hollandiâ reliquas copias aduocare. Itaque Roterodamo etiam, & Delfs-

& Delfshaviâ, mense Iulio deducta præsidia. quod ^{c 15. 12.}
 Switeno, vr̃bis Goudanæ præfecto, Ienninus Riuius, ^{LXXII.}
 vr̃bi à secretis, statim per literas indicauit; simul obte-
 tans, *daret operam, ut boni ciues, grauiamulta ab Hispanis*
passi, clementer haberentur. Is porro ad Lumæum icrip-
 it, qui non multo post vr̃bem vacuam occupauit.
 Sub hoc tempus parum abfuit, quin Harlemum Hi-
 spanis proderetur, obnoxium insidijs propter vici-
 um Amstelodamum, quod in Albani fide perman-
 erat. Prætor vr̃bis epulum instituerat, eoque magi-
 stratum vocauerat. huic etiam, etsi inuitus, Ioannes
 Coltermannus interfuit. dum conuiuantur, horâ de-
 imâ vespertinâ accesus quidam esse ad portam Gra-
 uium nuntiat, qui intromitti in vr̃bem veller. consul
 Theodorus Rampius ire in curiam hominem iubet,
 sub puluillo, quem designabat, claues inuenturum,
 quibus portam aperiret. id Coltermannus, nisi se præ-
 sente, cum futurum negaret, ægrè dimissus Grauium
 intra vr̃bem admissum in diuersorium deducit. inde
 excubias lustraturus, in portis Sparvoudanâ & Schal-
 couicanâ, qui excubaret, vnum tantum deprehendit.
 & hæc quidem aperta erat; aduentabantque cohortes
 à Bossuio missæ, ut vr̃bem occuparent. ac fecissent,
 si horâ præstitutâ adfuissent. quâ neglectâ, casus eam,
 & Coltermanni virtus seruauit. quippe is excitatis ci-
 uium proximis portam occlusit, & cohortem Ruicha-
 uerij in armis esse iussit. itaq; exclusi Hispani Sparno-
 danum

eIo. Io.
LXXII.

danum recesserunt. Postridiè verò cōuocato magistratu Coltermannus cum Berckenrodio & Kiesio collegis interuenit, restaurandis ciuium animis, eò magis percussis, quod eodē tempore Rodericus Sapata, qui cum cohorte Hispanicā Hagā aduenerat, prope urbem ad portam australem in siluā esset. Visum autem, vt Coltermannus ad Sonoium auxiliij petēdi proficisceretur; & Berckenrodus literis ad Switenum datis cohortem vnā submitti rogaret. Ac Coltermannus quidem, vbi Enchusam ad Sonoium venit, auxilia obtinuit: missique suppetias milites Io c, sub ductoribus Lazaro Mullero, ac Cornelio Euerdingo. hisque se, præclaro in patriam affectu, ciues multi Hornani, & Alcmariani, vltro iunxere. Cum Beuervicum peruenissent, ad secundum Harlemono lapidem, Hispanos Hagā cum curiæ Hollandicæ senatoribus, & magistris rationum, commentarijs, instrumentisque omnibus, ac supellectile, ad urbem accessisse nuntiatur. quamobrem ocius à Sonoio copias maiores postulant. isque, quas recenter è Transiselaniā accepisset, à Zacharia Glisenbergio collectas, illicò submitit, dato rusticis vicinis mandato, vt annonā illuc comportarent. Postridiè Mullerus sub auroram ad portam arenariam suos ducit, misso prius oppidanis nuntio, vt ipsi quoque se coniungerent. vix aduenerat, cum cohortes v ab arce Cliuensi rectā in eum tendunt, quas aggressus nullā ferè suorum strage profligauit, ac Sparnodanum fugere

gere compulit. sed hanc victoriam clades excepit. ^{clo. clo.}
quippe qui in siluâ Hispani iam prælio fessos inua- ^{LXXII.}
lètes, etsi fortiter pugnante Mullero, vincunt, fugantq;
eoq; conflictu cæsi instar lō c c. victores Ultraiectum
profecti, vbi cohortes aliquot Germanicæ in præsidio.
sed oppidani, acerba pridem ab ijs passi, recipere in vr-
bem noluerunt. id ægerrimè ferentes in suburbia, pa-
gosq; adiectos, irâ vertunt; igne & ferro omnia vastan-
tes. sed ab Albano in Hannoniâ reuocati post dies ali-
quot discesserunt. Tum senatores curiæ Hollandiæ, &
magistri rationum, qui cum ijs venerant, in urbem im-
migrant, ibi domicilium habituri. quanquâ illis penè
ine functione munus, cum præter Amstelodamū, Mu-
dam, Wesopum, & in Brabantico limite Heusdâ, tota
prouincia defecisset: his verò plus occupationum reli-
quum fuit, cum ad ipsos etiam Ultraiectinæ ditionis,
Frisiæ, Groningæ, & Trāsiselaniæ rationes pertinerent.
Interim Auriacus acceptâ è Galliâ exiguâ pecuniâ, sed
maiore ab Habsiæ Landgrauio, oppignerato patrimo-
nio, in Germaniâ exercitum conscripserat equitum vii
clo, peditum xv. insuper Belgarum iii clo. Duces pri-
marij Burchardus Barbuis, Ernestus Mandesslous, &
Henricus frater, erāt. hunc transmissio in Gelriâ Rheno
prope Dufburgū ad Aldekercam & Essenam lustravit.
In Galliâ Ienlisius, de Nassouij, & cæterorū ducum sen-
tentiâ missus, à rege auxilia & promissa obtinuit. Co-
linius copias in limite parauerat, quas ipse duceret.

¶ 15. 15.
LXXII.

erant peditum 1 v c 10, sub Rentio, Iumellio, & Bel-
lengeruillio. equites cc cataphracti, & levis armaturæ
turmæ 11. præcursoribus Petrobuferius Genissacus
præerat. reliquum equitatum Philippus Lanoius Bel-
louacus ducebat. Monitus erat, cum discederet, iterum.
que mox per literas, à Nossouio lenlisius, *ut factò per
agrum Cameracensem itinere ad fratris Auriaci copias se ad-
iungeret: nam vt rectà Montes duceret, periculosum valdè
esse, nec sibi expedire.* Sed ille animi ferocior, cum suis
se copijs liberare obsessos posse confideret, ne in istius
gloriæ partem quisquam veniret, ceu contrario Colinij
imperio, vtile admodum consilium neglexit. Interea
temporis leuibus ad urbem prælijs certatur; & cum v
Eid. Sext. ad messem colligendam præfidiarij exiissent,
cum magnâ rusticorum manu, pugna satis atrox ob-
orta est, in quâ profligati obsessi, incumbente Bernar-
dino Mendosâ, amissis plurimis retrò cedere in urbem
coguntur. ex obsessores cæsi pauci levis armaturæ
equites. Chiapinus Vitellius, & Rodericus Toleta-
nus, leuiter vulnerati. Iam augmentum castris acces-
serat, turmæ equitum Arscotani, Mansfeldij, Bosflu-
uij, Barlamontij, Noircarmij, & Altabrugij: ac è legio-
ne Rutianâ cohortes vii. tum expectari quoque legio
Nicolai Poluillerij; & è Neapolitanâ, quæ Traiecti,
signa v. Didacus Zunica, Philippi apud Carolum
Galliæ regem orator, qui eius consilia ignoraret, sæpius
egerat, *ne auxilia perduellibus Belgis muteret;* & acrius
etiam

etiam expostulauerat, *foedus obtestans, quod violatum* clo. lo.
LXXII.
supremi numinis vindictam irritaret. nec ita meritum Phi-
lippum, qui distractum bellis civilibus contra subditos perduel-
les adiutasset. Carolus contra factum excusare, & inui-
 to se admissum: idque haud obscurum, proscriptis nuper, qui in
 Belgium suppetias irent. sed in regno necdum à turbis civili-
 bus quieto, labefactatâ maiestate, non omnia posse. multa ne-
 cessariò dissimulare, quæ mox, potentia iterum firmus, pro-
 hiberet. Ita ambiguo responso, gratiæ & offensæ me-
 dius, Zunicam dimittit. Sed eodem tempore nobilis
 quidam ex aulâ ad Albanum Bruxellas missus, per
 viam ad Fridericum Toletanum deflectens, eum de
 Ienlisij consilio, copiarum numero, & itinere toto in-
 struit. quamobrem ille triduo post cccc equites, &
 sclopetarios 10 ccc, Cameracum versus mittit, qui,
 viam inter urbem & Landrecium insidentes, hostium
 res explorarent. Ienlisius, cùm rectâ Montes ire insti-
 tuisset, per Bossuuium iter habuerat, & inde Quieure-
 gium, sesquimilliarî ab vrbe, non sine fraude, cum
 viarum imperiti à ducibus proderentur. In eo itinere
 magna passim iniuria facta rusticis Hannonijs: vnde
 animi, antiquis odijs satis infesti, longè magis exa-
 cerbati. Delatum ad Toletanum erat, Ienlisium se-
 cum equitum 1v, peditum x c 10 ducere. id, siue ru-
 mor finxerat, in talibus validus; siue astu ducis divul-
 gatum, vt hostem terreret; intrepidus tamen Toleta-
 nus, qui & optimè numerum copiarum Gallicarum

cI. I. I. teneret; & ne sine prælio in prouinciam hostem admitteret, famæ interesse putabat, aggredi aduenientem statuit. & verebatur, si detrectaret, ne metus aut desperationis manifestus, collapsam valdè patris Albani auctoritatem porrò destrueret; Auriaco sine dubio, qui cum exercitu copioso imminebat, nutantes passim Belgarum animos impulsuro. itaq; ut periclitantem Bruxellis patrem assereret, & factu optimum, ac planè necessarium duxit, vel cū periculo belli aleam tentare. Hoc consilio præmissis Bingium impedi-
mentis, cum nuntiaretur intra Galliæ limitem auxiliares recessisse, ad x v. i vsque Kal. Sext. subsistit. dein ubi compertum vix i v milliarium spatio separatos, positis propè Hanam castris, pontem moliri; legatum Bernardini Mendosæ, Antonium Figueroam, cum xx equitibus mittit, & Franciscum Ferdinandū Auilam, arcis Groninganzæ præfectum, cum Garcia Valdesij equitum sclopetariorum turmâ, qui seorsim copias hostium & consilia explorantes è vestigio ad ipsum referrent. ipse eos subsequutus est. Belgarum & Hispanorum peditatus omnis promiscuè incedebat, duce Iuliano Romero; cui Licquius, & Chenereauxius, additi erant. Vitellius, etsi ex vulnere imbecillis, à fossoribus in lecticâ portabatur. pars equitatus tripartita ad dextram ire: reliquum tribus item agminibus distinctum in extremâ acie esse. quam claudebant sclopetarij Hispani c c c c, & ala Bernardini Mendosæ, qui

qui præfidiarios, tergum fortè inuasuros, sustine-
rent. ita ad urbem vsque promotum. tum ordine mu-
tato, qui in vltimâ acie eques erat, in primam voca-
tur. sicutum ad Gisellini fanum. vbi cognito, non-
dum Gallos Hanam transmisisse, confestim in eos
equitatum Toletanus mittit, peditatum subsequi iu-
bet. Primam aciem Romerus ducebat; qui simul ho-
stem conspicatur, Ioannem Salazarium Sarmientum
cum sclopetarijs grauioribus LX inter sepem & salice-
tum collocat; qui, dum vtrinque veles concurrit, latus
infestaret. Primo impetu cessere Hispani. quibus sub-
missi è legione Cheuereauxij Belgæ CC, quos ipse
Cheuereauxius, & cum eo Delualius, duceret: & mox
totidem duce Licquio, cui comites Mota, Bergius, &
Fremenantius. hos leuis armatura subsequi, cum pe-
ditibus Hispanis CC sub Francisco Bouadillâ, Fer-
randino Agnasco, & Didaco Caruaiali. post eos
cum reliquo peditatu ipse Toletanus agmen claude-
re. Galli à tergo Alterragium vicum habebant, cui
planities non magna subiecta, siluâ vndique & ri-
uo cincta. quos à fronte adortæ Hispanorum co-
hortes II Alfonsi Monteri & Garcia Valdesij, leui
pugnâ præludebant, in primâ acie cum VIII cohortibus
Rentius erat, totidē medius Iumellius ducebat. postre-
mum agmen, quia magis hosti apertum, cum Rhin-
grauio, & Genissaco, Ienlisius ducebat. interq; dumeta
itinere valdè angusto incedens, equites C duce Rentio
de

c. l. l. b.
LXXII.

^{c10. 10.}
^{LXXII.} de hoste cognituros præmisit. in hos, simul siluâ egres-
si, decliui iam sole, cum alâ suâ Lupus Sapata impe-
tum facit, & post eū Philippus Noircarmius Sancto-
Aldegondius cedentibus fortiter incumbens in fu-
gam propellit. itaque in suos versi pedites, vnde mi-
nus periculi lenisius putauerat, turbatis ordinibus ex-
ercitum soluunt, pontem versus, quo Hanam trans-
miserant, fugientes. sed ne per hunc euadere possent,
occupatâ vltiore ripâ, Antonius Figueroa prohibuit.
itaque transitu non permissio, per Tornacum, Conda-
tum, & Athum, Valentiniana vsque effusi, dum ab-
iectis armis per siluas huc illuc passim palantur, in-
festis rusticis, plurimi spoliati cæsiq̃ue miserrimè
perierunt. Eo conflictu cecidere amplius c10 cc. in
quibus Rentius, & Rhingrauius. lenisius, Iumellius,
& Schonevallius, capti in custodiam abducuntur,
ille Antuerpiam, iste Tornacum, hic Aldenardam. ac
lenisius non multo post repente exanimis repertus in
lecto, nullo morbo præcedente, etiam in funere igno-
miniam passus est. Iumellius autem, ac Schoneval-
lius, diuersâ sorte liberati. Olhانيus faucius cum c
circiter in urbem venit, nec multo post è vulnere mo-
ritur. Bellouacus noctis beneficio elapsus, in cœnobio
Spineleuiensi à Poieto præfecto excipitur. Ex Hispanis
cæsi tantum Alfonsus Lombralis, & Antonius Zero,
cum v i peditibus, equitibus x i i. Lupus Sapata
gravi accepto vulnere euasit. Duabus horis depugna-
tum est.

tum est. in cōflictu gregarius quidam miles egregium
 virtutis specimen dedit. nam lanceâ transfixus, aliâ è
 terrâ arreptâ, quæ forte obuia, irruentem equitem in-
 trepidus excepit, strenuè pugnans, donec eiecto per
 vulnus sanguine, adhuc animi integrum, vires defi-
 cerent. Toletanus, reuocatis ab hoste copijs, sub vespere
 ad Gisellini fanum redijt. è pugnâ x Gallicæ co-
 hortēs ad proximam siluam se contraxerant, contra
 quas postridiè multo mane Cheuereauxium mittit;
 sed mox relatis xxx signis suos cohibuit. Hâc suorum
 clade deiectos oppidanorum animos fore arbitratus,
 per tubicinem dedi sibi urbem postulat; sed reiectus,
 mandatâ Philippo Lalanio obsidione, Bruxellas ad pa-
 trem Albanum contendit; cum statim post prælium
 in castra venisset Nicolaus Poluillerius, adducens pe-
 ditum signa xiii, & Hispanos i. Ultraiecto euoca-
 tos, cohortibus iv ex Ebersteinij legione suffectis. in-
 super iiii equitum turmæ, quas Nicolaus Basta, Au-
 relius Panormitanus, & Georgius Macuca pridem in
 Italiâ legerant. Albanus iii Non. Sext. indictis Bruxel-
 lis comitijs pecuniam ab Ordinibus poscit. *ex Hispaniâ misisse regem cccc aureorum clv, nec præter ista ex-
 spectari quicquam posse. quâ cum summâ si militiæ suæ onera
 compararent, nullo modo suffecturam deprehenderent. hinc
 stipendium ordinandum xv equitum clv. peditum autem
 Germanicorum xii legionibus, & cohortibus Hispanorum
 Belgarumve ccl. huc accedere cæterum belli apparatus,*
 Y *naues*

cIo. Io. naues plurimas, ac tormenta. Igitur annua vicies centena cI o
 LXXII. Et centesimam expedirēt. se ita instructū intrā bimestre Belgio
 toto hostem profligaturū esse. Mox cum Medinacælio pro-
 fectus Montes petit, ipse urbē expugnaturus. & ad cō-
 uellenda mœnia tormēta maiora xxiv, minora viii se-
 cum trahit. Bruxellas Arscotano mandat. Ante urbem
 cœnobiū Spineleuiense erat, quod cū cc defensoribus
 Poietus tenebat. id tentatū acri pugnâ. atq; egressæ ex
 vrbe cohortes à Francisco Salazario fortiter repulsæ. e-
 gregiè tamen defensus à Poieto locus capi non potuit.
 itaq; rursus mox adorti Rodericus Sapata, & Alfon-
 sus à Sotomaiore, tormenta admouent. editâque rui-
 nâ, cum impetum facturi essent, præfidiarij, non ultra
 vires periclitari à Nassouio iussi, in urbem se recipiunt.
 loco capto Molemius imponitur, cum Belgarum
 i v signis è Cheuereauxij legione. Eodem die, Esper-
 nio duce, x i i i peditum signa venire. ac postridie Al-
 banus ipse cum Medinacælio. moxq; Salentinus Isen-
 burgicus Archiepiscopus Colonienſis cum equitibus
 clo Io. Ioannes Roda cum c c c. & ab Archiepiscopo
 Treuirensi lo c missi. Vt primū aduenit, Valētinianis
 Auenisq; tormēta aduehi, Cheuereauxium Rutiumq;
 cum suis legionibus vicū Menium insidere iubet. ipse
 verò castra vndiq; cōmuniri curat, vt aduersus obseſſo-
 rum & auxiliatorū vim tuta essent. Dum vallum vrge-
 tur, leuiter pugnatum est: vulneratiq; Alfonsus Messia,
 Christophorus Coruerus, & Frāciscus Valdesius. nocte
 proximâ

proximâ xxvi tormēta admota. Intereâ Auriacus trāf-
 misso Rheno Mosam petit, positis ad Hellenradiū pro-
 pe Ruremundam castris. vbi petito cōmeatu cum op-
 pidani recusarēt, incēsis portis pridie Non. Sext. urbem
 expugnat; in quâ, indignâ militum sæuitiâ, plurimi
 trucidati. inter illos œconomus & hierophanta Carthu-
 sianorum, cum presbyteris alijs duobus, ætate senectâ
 venerandis. Paulus Waelwicens, qui episcopo sacro-
 rum minister, in cœnobio crudeliter occisus. adeoq; in
 ipso templo, nullâ loci sacri reuerentiâ, diaconus quidâ
 confossus; & ante sacrarium Reinerus Linterius. Ibi
 dum paucos dies subsistit, venere ad eū Hollandiæ Or-
 dines, cc florenorum c l o adferentes, & de alijs item
 ccc cauēre. Cumque nuntiatum esset, in eâ prouinciâ
 indecorē militem grassari, maximè in monasticū or-
 dinem, edicto publico vim repressit. simul ad remp. to-
 tam illic cōstituendam animū aduertit, præscripto edi-
 to ad diē viii Kal. Septembris. inde aperto in Braban-
 tiam aditu, ineunte Septembri Louanium versus co-
 pias ducit. portaque incensâ obuiam ab vrbe legati ve-
 nere, pecuniâ oblatâ vim & præsidium redimentes.
 inter eos, vir patriæ diligens, Elbertus Leoninus, tunc
 iuris in Academiâ illâ antecessor, & postea Gelriæ
 Cancellarius; cuius etiam ante meminimus. Machli-
 nia neutram partē amplexa, odium inter & obsequiū,
 missum ab Albano præsidium recusauerat; nec Au-
 riacum admittere audebat. hanc Arnoldus Dorpius
 Y ij capit;

c l o. l o.
LXXII.

capit; & Bernardus Merodius Rumenus cum vi pe-
 ditum signis, equitibusque lō, præsidio imponitur.
 moxque aliæ vrbes, affectu aut metu, sese dedunt. In
 Hornani ditione suffossis muris Weertium occupant;
 cuius arcem Ioannes Montelius Caias, & Franciscus
 Mendosa, seruiabant. inde in Flandriâ Teneramunda,
 mox Aldenarda, Iacobi Blommartij astu, in potesta-
 tem redigitur. & Teneramunda Dorpio mandata.
 Aldenardæ grauitæ sæuitum est. prætor, Iustus Cor-
 teuillius, capta vrbe in arcem fugerat; quâ expugnata,
 hominem multis vulneribus cōfectum per fenestram
 in flumen subiectum crudeliter præcipitāt. tum quæ-
 siti ad cædem sacrifici, & passim viri nullâ iniuriâ ob-
 noxij, auitæ religionis odio, indignè interfecti. Ioan-
 nes Apostolus, Pamela curio, qui periculo euitando
 huc confugerat, & eodem ex ordine xv alij, manibus
 pedibusque colligatis, in flumen proiecti, submersi-
 que; præter vnum, ætate debilem, Iacobum Ambai-
 num, qui fortè in ripam aduersam delatus mortem
 euasit. nec templis paritum est, aut cœnobijs. & vim
 passæ imagines sanctorum. etiam in sepulcra sæuitum,
 nec quiscere mortuis permissum. Hæc res infamem
 militiam reddidit; quique prius Albani sæuitiam de-
 testati, nunc etiam Auriacum odisse cœperunt. & qui-
 dem vrbes multæ in fidem eius se tradidissent, si id ei
 consilium fuisset. sed ille, relictis rebus omnibus, hoc
 vnum præcipuè agitabat, vt dissipato Albani exercitu,
 Nass-

Nassouium fratrem liberaret. quamobrem iter suscep- c15. 15.
LXXII
tum vrgens, dum in eo est, Diestam quoque & Tiel-
montium capit. Niuellæ, quia spe suppetiarum transi-
tum negauerat, comineatum, & annonam imperat.
Cheuereauxius cum legione suâ, & sclopetarijs Hispa-
nis 1500, Menium procedere iussus erat, vt illic adi-
tum intercluderet. sed cùm Peronam venisse hostem
accepisset, qui vicus duorum milliarium interuallo
Montibus abest, & vereretur, ne inde traiecto Hanâ
per Genapum in urbem auxilia intromitterentur, Che-
uereauxium reuocat, contractisque propius copijs
magis obsidioni incumbens, vallum ad marginem
fossæ perducit. & vndique castra anxie munit, certus
prælio abstinere, solâque morâ hostem debellare. Po-
sitis in colle vi tormentis ad portam Bertemontiam
urbem subiectam grauitè verberat. reliqua binis lo-
cis distribuit, quæ & portam Bertemontiam, & exte-
rius propugnaculum infestarent. eaque biduum to-
tum explosa proximas turres, etsi oppidò perforatas,
nondum tamen deijcere potuerunt. dein in ripâ col-
locatis viii tormentis murorum minas dextra læua-
que versum deijcit. cætera exterius propugnaculum
quatiebant. cuius parte anteriori tandem dirutâ, in
posteriori, ductâ fossâ, aliquot præsidarij mansere.
etiam turris S. Andreæ crebris ictibus perterebrata
defensores occultare non ultra poterat. contra urbani
editam interdium ruinam noctu rursus communie-
bant.

c15.15. bant. & Lanouius ante murum in munitione cc col-
 lxxii. locat; tum L alios designat, qui reliquam propugna-
 culi diruti partem tuerentur; ipse cum c è nobilitate,
 & delectâ hastatorum sclopetariorumque manu, rui-
 nam defendendam capit. dein fossam interiorem du-
 cunt, & excitatis vtrunque tumultis tormenta v, ac co-
 lubrinas 11 statuunt; quæ sine intermissione in ho-
 stium tentoria explosa plurimum ijs incommodi af-
 ferrent. insuper sæpe erumpentes opera quoque inter-
 turbabant. Cùm verò Albanus frustra aquam è fossâ
 deriuare tentasset, tandem obductas pluteis scaphas,
 quæ contra sclopetata tutæ essent, parari iubet. tum do-
 lijs plurimis asseres colligatos insternit, per quæ pon-
 tis instar miles è scaphis in ruinam exscenderet. &
 ne quem aditum auxiliares haberent, validis statio-
 nibus vallum firmat; collibusque geminis, in viâ
 quæ Genapum ducit, militem imponit. in altero
 etiam munitionem quadrangularem, ad stellæ instar,
 ex consilio Bartholemæi Campocassij Medinacælius
 excitat: in quâ posita signa 11 Germanorum, & machi-
 næ totidem: datumque prætereà Romero negotium,
 si usus foret, vt cum 11 itidem Hispanorum signis, &
 cohorte Salazarij, præsto ad suppetias esset. in sub-
 iectis vallibus equitatum collocat, iussu Cheuereauxio
 fossam Menio circumducere. Poluillerio, Licquioque,
 vt stationem tuerentur imperat. Espernio, cum cohor-
 tibus Ebersteinij, tormenta custodienda assignat.

tum

tum dispositis ita agminibus, Hispanos pedites selectos ^{cIo. Io.} ^{LXXLI.} Io c, qui laborantibus opem ferrent, ante ea procur-
rere iubet. Auriacus Peronâ progressus vi Eid. Sep-
tembris cū toto exercitu sub meridiem in conspectum
urbis venit. sed res tormētis è longinquo tantum gesta,
læso maximè ab vrbani Albani equitatu. Hoc præ-
ludio extractus dies. insequenti eodem ordine iterum
progresi prælium tentant. Albanus porrò, qui Gena-
pi muniturum castra Auriacum crediderat, occupan-
do loco Fridericum filium cum Hispanis Io c mise-
rat. quod Auriaco insperatum. cumque grauer inde
turbaretur, nec satis tuta copijs suis statio esset; pedi-
tem Gallicum, qui potissimum exercitus robur, in
duo agmina distributum præcedere iubet; & Gena-
pum iter capit; quo tunc etiam Sanchius Auila ab Al-
bano missus venerat. ibi oborta acris pugna. Prodi-
bant è vico Hispani. Ducesque erant Franciscus &
Marcus Toletani, Rodericus Sapata, Ioannes Ayala,
cum delectis c. hos cum cohortibus alijs Texeda se-
quebatur, & cum eo Iulianus Romerus, ac Ferdi-
nandus Toletanus. submissi deinde Petrus Taxis, &
Salazarius, cum equitibus cataphractis Lx, ac Ioan-
nis Croij Rutij alâ. Initio Auila Gallos propulsa-
re; mox victoriâ alternante, incumbente cum e-
quitatu Henrico Nassouio, victi Hispani, amisso
signo alæ Taxianæ. inde restaurato prælio adeò an-
ceps fortuna fuit, vt ipse Albanus, quique aderat
Medi-

cIo. Io.
LXXII.

Medinacælius, sequestratâ dignitate, ceu gregarij depugnarent. tandem datum receptui signum. & Auriacus, cui infesta valdè munitio, rursus Genapum ire pergit; si fortè Albanum ad certamen protrahere posset. sed is auxilia arcere cōtentus, incertam belli aleam iacere non sibi consultum putabat. quamobrem Auriacus frustra esse hunc conatum animaduertens, eodem die castra mouens Fermeriam abiit, tribus inde milliaribus dissitam. ibique postridie commoratus, quia fanum Floriani Poluillerius tenebat, inde in urbem auxilia mitti posse sperabat, verum eò statim Albanus Bernardinum Mendosam misit, cum III equitum alis, & cohorte I sclopetariorum; quos mox secuti Marcus Toletanus, & Rodericus Sapata, cum sclopetarijs alijs I c. & alis Hispanorum v. Auriacus iam à Floriani fano sesquimilliare abierat, cumq; occupare Ariminum vellet, vbi Mendosam conspexit, quosdam præmisit velitatos, dum tentoria ponerentur. & paullo post Albanus adfuit cum Medinacælio, Philippo Noirkarmio, & Iuliano Romero. ac Mendosâ admonente, opportunum insidijs locum, de inuadendo per noctem hoste consilium capit. Igitur negotium filio Friderico mandat; qui cIo Hispanos, vt se dignoscerent, interulas albas armis superinducere iussos, eò ducit. Cheuerauxius cum signis v i i, Licquius cum peditibus c c, in itinere vicum occuparent, quò se sui reciperent, si consilia hosti explora-

explorata essent. ipse ut cum Noirkermio locum ac-
 cessit, hortatur milites, *meminissent priscae virtutis*,
nec occasionem tam egregiam destituerent. tum non lon-
 go interuallo collocato Friderico Toletano, & Gar-
 cia Suaresio, cum c l sclopetarijs, Iulianum Rome-
 rum, Marcum Toletanum, Ioannem Salazarium, An-
 tonium Moxicam, & Rodericum Sapatam cū cccc,
 in hostium tentoria impetum facere iubet. à Friderico
 Toletano, & Suaresio ad 15 circiter passus cum alijs
 c l Christophorus Quixada & Casparus Vrea con-
 stituti. paullo propius Franciscus Toletanus, & Mar-
 tinus Erastus, cum cc. ante hos Rodericus Peresius
 cum hastatis l. Romerus, alijque, impetum primum
 facere iussi, hostem adorti stationarios trucidant. inde
 exorto tumultu, antequam armati adesse ad signa pos-
 sent, intra horam plus ccc occiduntur. iniectus quo-
 que tentorijs ignis, & inde datum receptui signum.
 Antonius Moxica cum lx longius progressus, quàm
 ut se recipere posset, interceptus obtruncatur. Existima-
 uerat Fridericus Toletanus non temerè egressuros ho-
 stes, ratus omnem Hispanorum equitatum in se duci.
 eoque consilio à Bernardino Mendosâ plures tubici-
 nes simul canere iussi erant. Verùm ubi per incen-
 dium excitatum colluxisset, deprehenso astu, auden-
 tius in recedentes irruerunt. inde, cum noctem reli-
 quam in armis egissent, postridie vasis conclamatis
 Auriacus suos Machliniam reducit. moxque ad Rhe-

Z

num

c15.15. num exauctoratis, cum præsentivita periculo ob sti-
 lxxii. pendia non soluta, Campos venit, vnde Enchusam in
 Hollandiam transmisit. Interim fratrem Nassouium
 monet, quando vrbi tam arctè obsessæ auxilia nulla
 inferri possent, vti rebus suis consuleret. Is tum æger
 lecto tenebatur. Igitur Lanouius, cæteri que Gallorum
 duces, consilia cum illo conferunt. visumque cunctis,
 vti honestis conditionibus urbem dederent. idq; factū
 x i i i Kal. Septembris. nec tam aut discessus Auriaci,
 aut rerum angustia, virtutem hominum fortissimo-
 rum impulit, quam allatus è Galliâ nuntius de latro-
 cinio Parisiensi. is Gallorum, quorum potissimum in
 præsidio robur erat, animos deiecit. Interea autem,
 dum Montes obsidentur, Hollandiæ Ordines Harle-
 mi congregati, de prouinciâ contra vim Albani defen-
 dendâ seriò deliberant. tum etiam de belli medijs, &
 Amstelodami obsidione, quam magnopere Lumæus
 vrgebat, pronis illic multorum animis, qui se prode-
 rent, simul ea tentata foret. Petebat insuper, promo-
 uendæ rei, x l florenorum c l o. & promissum ab
 Ordinibus, quantum suffecturum putarent. Placuit
 autem vt obsidio terrestris esset; cum Sonoius, alij-
 que, profligandas freto australi naues putarent. quod
 etsi utile, tamen ob ærarij angustiam, ceu sumptuosum
 nimis, omisum. quamobrem Lumæus cum legio-
 ne Lazari Mulleri, alijsque copijs, ad urbem accedens,
 capto Carthusianorum cœnobio, castra munit. id
 Boslu-

Bosſuuius, qui tunc Vltraieſti agere, obſeſſi nuntiant, & auxilia etiam petunt. Lumæus literis perbenignis ad deditionem oppidanos ſollicitabat; ſed illi nec accipere eas dignati, inſolenter in tubicinem ſclopum explodunt. tunc Lumæo tormenta maiora xii miſſa. At Bosſuuius, ſuppetias obſeſſis laturus, Vltraieſto cum cohortibus i v venit; Nardeno vnâ, tres reſiduas Amſtelodami impoſiturus. ſed Nardeno iam propinquus, cû intromitti poſtularet, lx ſclopetarij, è Bergeniſis legione, qui paullò ante aduenerant, excluſerunt. idque eum grauiffimè offendit. cumque vim tentare non poſſet, ſine bellico inſtrumento, ne cunctando tempus perderet, porrò copias Mudam ducit, vnde nauibus Amſtelodamum mox deuectæ. His ſubnixi oppidani portâ Vltraieſtinâ erumpunt; ſed repulſi, ac capti xvi. At verò Lumæus, cum de vrbe expugnandâ desperaret, mox obſidionem ſoluit; de Ordinibus multum queſtus, qui pecuniam, & promiſſum commeatum, non miſiſſent: nec ſoluendæ obſidionis aliam ipſi cauſam eſſe. ſed in ipſum, & negligentiam diſciplinæ militaris, alij culpam referebant; animis omnium perſæuitiam alienis, quâ in clerum toties uſus, & priſcæ religionis cultores. Eo ipſo menſe Auguſto, quo hæc geſta, Hadrianus Duyckius, Woerdæ præfectus, quæ vrbs in Hollandiæ limite agro Vltraieſtino obiacet, cum urbano magiſtratu in Auriaci partes

Z ij tranſit.

c15.15.
LXXII.

transit. Montibus captis Vaulxius ab Albano im-
nitur, cum Belgarum signis i v. cæteræ copiæ Rutio
se coniungere iussæ; qui cum ijs Aldenardam, Flandrię
urbem, obsideret. & præmissus Teneramōdam Mon-
dragonius. Cum Bruxellas redux paullum modò di-
uertisset, eductis i v è legione Siculâ cohortibus,
Machliniam contendit. & præmisso filio Friderico in
itinere Tilmontium ac Louanium recepit. Machliniæ
iv signa peditum, equites c c erant, quos Auriacus
discedens præsidio reliquerat. primo impetu capta
suburbia, eoq; conflictu vulneratus Ferdinandus To-
letanus, quod Albani iram acuit. & tormentis aduehi
iussis vim parabat; cū dilapsū metu præsidium,
nullâ liberationis spe, vrbe desertâ noctu euadit. Postri-
die Kal. Octobr. clerus vrbis sacro ornatu crucem vexil-
lumq; præferens extra muros processit, vt miseræ
plebi suis precibus veniam impetraret. sed Hispani
spretis precibus infulisq; sacerdotum, pars per portas,
pars mœnia transcendentem, irrumpunt; tantâ rabie,
vt immania quæque perpetrarent. In introitu cæsi plu-
rimi; imminutæ virgines, etiam sacre. nec matrimo-
nijs paritum fuit. sub parentum etiam aspectu, &
maritorum, expleta libido. nullus ordo immunis ha-
bitus. insuper direpta omnia; aurum, argentum, mo-
nilia, vestes; denique quælibet supellex. nec quicquam
miseris reliquum fuit. eaque præda quadragies cen-
tum c l o florenorum æstimata. vtque pœna, non fla-
gitium

gitium putaretur, pridie Nonas publicato Musæ edi- c15. 15.
LXXII.
 cto causam Albanus proponit. & biduo post eorum
bona deferri intrà triduum iubet, quicunque se præteri-
tis turbis implicuissent. tum Swevegemio præfetu-
 ram vr̄bis dedit. Deinde Liram Ioannes Mendosa
 cum leui armaturâ; Germanici equites Louanium
 in præsidium missi. At Mendosa, vbi Arscotum venit,
 cognito fugisse hostem, vestigia premens, in siluæ in-
 troitu vltimum adhuc agmen carpsit: & Diestam di-
 lapso præsidio vacuam recuperavit; vr̄bi aduersus vim
 inualidæ mulctam imperasse contentus. Teneramun-
 da v i i i c l o florenorum se redemit. Aldenarda Ru-
 tium accepit; quique in præsidio fuerant Ostendam di-
 gressi, inde in vicinam Zelandiam, aut oppositam An-
 gliam euaserunt. Embisius, naui in vadum impactâ,
 cum in eo esset vt caperetur, in mare desiliens suffoca-
 tus est. Blommartus, Grauius, Riuius, alij, meliore viâ
 Zelandiam petentes, noctuque in hospitio oppressi,
 cum se in vincula dedere nollent, igne iniecto periere.
 plures passim strangulati, aut gladio percussi. Anto-
 nius Vtenhouius, quia maiorum religionem mutas-
 set, ad palum viuus igne circumposito exustus. sed
 Blommartus, sæuitiæ immanis, in vr̄be captâ pridem
 crudelissimè grassatus; Grauiusque, auaritiæ inexplē-
 bilis, nec templorum sacra reueritus, & ob flagitia car-
 cerem in Hollandiâ passus, non indignum vitę exitum
 habuisse videri possunt. aliorum nulla, nisi aduersæ

Z iij

 militia,

cIo. Io. militiæ, culpa. His peractis, Albanus Mosæ Traie-
 LXXII. ctum abiit, ibique Germanici equitatus maximam
 partem, ceu urbibus obsidendis inutilem, quod tunc
 agitabat, exauctorauit. tum tormenta Licquius cū co-
 hortibus v Mosā deuehit; moxq; ipse subsequutus, cum
 Vahalim attigisset, reflexo contra Rhenum itinere, ad-
 uerso flumine ad Mosam venit. vbi Grauiæ præfectus,
 Caspar Gomesius, pontonibus magnis apparatis, pon-
 tem struxit. ibique exercitu transmissio, & tormentis,
 terrestri itinere Nouiomagum petit, Friderico filio in
 Auriacum ducere iussu, tormentisque aduerso Vaha-
 li Arnhemium missis. Illic dum est, à varijs urbi-
 bus legati supplicatum veniunt; *ignosceret crimini, cui
 necessitas, non voluntas, obnoxios fecisset. quippe Auria-
 cum vel recipere, vel pecuniā commeatuque adiuuare, per
 vim coactos: omnia amissuros, si cum armis imperanti pau-
 ca negassent. nunquam animo descivisse, & nunc fortunæ me-
 liori gratulari.* Is autem, necdum tempus poenæ oppor-
 tunum ratus, dissimulatā in præsens offensā, delicti ve-
 niam omnibus dedit. In Hollandiā Franciscus Boshu-
 sius cum nauibus suis valdè Enchusam infestabat, &
 extra portam septentrionalem domos incenderat.
 eratq; animus oppidanis infestam classem semel inua-
 dere. sed impetum hunc consilium repressit, cum pru-
 dentiores timerent, ne relictī intrā urbem, qui Albano
 benè vellent, egressos excluderent. quin operam etiam
 piscatores obtulere. sed Sonoio periculum displicuit,
 qui

qui Lazarum Mullerum misit Sanredanum, ut occupato emissario id muniret. Deinde aggeribus Waterlandiæ, Amstelodamo oppositis, milites custodes imposuit, nouumque emissarium firmavit; Hornâ, Edamo, ac Monachodamo, missis triremibus, quæ munitionem tuerentur. contra eas naues xvi ab Amstelodamensibus missæ, maiores x, minores vi. & ab urbe effusi multi, ceu certâ victoriâ prælium spectaturi. sed euentus spem fefellit. semelque victi cum pugnam postridie restaurarent, nauesque iv incensas triremibus exurendis immitterent, peiore exitu, conatus irriti discessere; ac nauium aliquæ perforatæ periere; quædam ancoris tormentisque abiectis difficulter euasere. Hinc creuere victoribus animi; & bello naues instrui cæptæ, quibus, occupato freto Australi, Amstelodamensium commercia turbarent. Non multo post res fœderatorum retro labi, Albani victorijs, & licentiâ militari, quam Lumæus non compescere. iamq; multis sub Hispanis pridem seruitus nō iniquior videbatur; & tædebat dominum mutasse. hanc ob causam rogatus Auriacus ut aduentum maturaret, ac remp. corrigeret. tum vrbanus magistratus per subiectos sibi vicos singuli inquirunt, quid quisque proximis à Maio mensibus tribuisset; quidve à ducibus, aut militibus, exactum fuisset. porro de templorum thesauris percontantur, quibus eos tradidissent. vi Eid. Octobris noua repente
stella

cIo. Io.
LXXII.

c. 10. 10.
LXXII.

stella exorta est sub Cassiopéæ asterismo: quæ nec fixa, nec erratica, crescere & decrescere visa, totos 10 XXXII dies apparuit. id phænomenon terruit omnes. euocatusque ab Albano Nouiomagum Gemma Frisius, vir tunc astronomiæ clarissimus, à Christo nato nihil tale illuxisse dicebat. alij ei stellæ comparabant, quæ ex oriente magos Bethlehemum duxerat. nec minus mira in Hispaniâ Hieronymus Nunius, linguæ Hebrææ & matheseos Valentia professor; & in Austriâ Fabricius Polus, Thaddæusque Hagesius, Viennæ prodiderunt. Eo tempore Auriacus etsi in Hollandiam festinaret, variè tamen impeditus, minus voto iter promouet. itaque Sonoio xvi Kal. Nouembris scribit, *breui affore; & per Campos Enchusam venturum. interim vrbibus animum firmaret; ac benè de rep. sperare iuberet.* etiam ad Ordines literas mittit, *ut, cum primùm prouinciâ attigisset, ocius ad ipsum conuenirent, de re summâ maturè consulturi.* paullo post cum famulatio, & exiguo equitatu, Campos venit. vnde eum Enchusani cum triremibus accersitum magnâ animorum lætitiâ acceperunt. ibique paullùm commoratus naues fabricandas ordinat, quibus classem hostilem freto australi expellerent. tum ad portam item australem propugnaculum nouum excitare iubet; quod à ciuibus tantâ alacritate actum, ut intra diem xvi, rigidâ hieme, totum absoluerent. Inde lustratis proximis vrbibus, rebusq; illic constitutis, Harlemum abiit. vbi congregati ex præscripto

præscripto Ordines aduenientem summâ cum gratu-
 latione excipiunt. Dein *studia ei & fidem* commemo-
 rant, quoque *animorum affectu*, cum *summo rerum suarum*
discrimine, patriæ libertati vitam, ipsi obsequium deuouissent.
 vix esse, vt *hostem tam potentem*, tunc etiam *viclorem*, exci-
 piperent: itaque *adflictis admodum rebus* solamen, &
consilium, daret. isque adeo animos omnium confirma-
 uit, vt cum ipso extrema pati velle diceret. Et profecto op-
 portunus aduentus fuit, cum fracta penè cunctorum
 virtus; quique hætenus pro libertate quiduis ausi, de-
 serere patriam destinauerant. quapropter statim ad
 remp. animum vertit; & militiam, Lumæi negligenti-
 â valdè corruptam, in primis corrigit. Dein literas
 cum Hispanis mutare, & com meatum efferre vetat.
 tum prouinciæ quoque curiam, dilapsis Ultraiectum
 consiliarijs, iterum ordinat: iurique dicendo constitu-
 ti, Adrianus Houffius, qui solus prouinciam munus-
 que pristinum non deseruerat, Nicolaus Valckesteini-
 us, Petrus Meranus, Theodorus Nieuburgius, Gerar-
 dus Wingardus, Cornelius Bronckhorstius. curia ipsa,
 quia Hagæ minus tuta foret, propter ingruentia Hispa-
 norum arma, Delphos urbem proximam translata.
 dicique illic ius cœptum anno sequente 1 v Eid. Febr.
 inde aucta quoque, additique Arcturus Brederodius,
 Hieronymus Borrhæus, Leonartus Casembrotius.
 Iustus Menenius, fisci aduocatus: Paulus Houius, cog-
 nitor publicus constituti. Tum rationibus quoque de-

15.15. fertis alij præfecti. & in Zelandiam, ordinadæ ibi pro-
LXXII. uinciæ, Batenburgicus ablegatur. Interim in Gelriâ
Fridericus Toletanus strenuè rem gerere. Ad primum
aduentum Lochemum capit, & Dufburgum. inde
Zutphaniâ arma promouet. ea vrbs ad Iselam sita,
opere satis munita erat. nec præsidium iustum deerat,
sed discordiâ inter ciues minus firmum. negatâ ini-
tio deditioe, tormenta xiii muris admouet. editâ-
que ruinâ, præsidarij parsque ciuium noctu diffu-
giunt. ideò cum postridiè dedere urbem cæteri vel-
lent, obsessores rati egregiam prædæ occasionem, hi
per portas irruentes, illi per ruinam enisi, cæsis obuijs,
iniectoque octo locis igne, captiuam urbem miserè
diripiunt. ciues crudelissimè habitos alios ex arbori-
bus suspendunt, alios in profluentem præcipitant. mi-
lites è fugâ retractos prono capite in furcam agunt. tru-
cidati plus 15. reliquis graue tributum imperant, tan-
tâ crudelitate exactum, vt felices illi deniq; viderentur,
quibus occidi contigisset. etiam variâ libidine virgi-
nes violatæ, ac matronæ. Christophorus Vasquius cū
præsidio imponitur. Eâ re territus Bergensis, cum vxo-
re, liberis, supellectile, ac præsidio, Campis profugit in
Westphaliâ. pari terrore vicinarum urbium muni-
tionumq; præsidia correpta. itaque homines non suâ
virtute, sed hostium absentia, antea audaces, abiectis
armis animisq; Gelriâ totâ & Trâsiselaniâ profugere.
victorq; Fridericus Toletanus, vt priorem infamiam
deleteret,

deleret, vrbes dedititias clementer habuit; nec præter ^{c I. 19.}
 mulctam quicquã indixit. Campisq; quidem ^{LXXII.} ^{III} signa
 Germanorum; Swollæ, ac Dauentriæ, cum suis cohor-
 tibus Poluillerium imponit. Vicina Gelriæ Amersfor-
 tia, in terræ Vltraiectinæ finibus, etiam se Bosſuuiio de-
 didit. cui Vltraiecti agenti per tumultum claues vrbis
 præſidarij detulere. Erant præter equites ^L, peditum ^{II}
 signa Andreæ Putmanni, & Giſberti Brouckhuſij: pro
 quibus alia ^{II} Bosſuuius reposuit. vrbe egreſſi, facto
 Nârdenum verſus itinere, illic intromitti poſtulabant,
 ſed reiecti à magiſtrato Vltraiectum diſceſſerunt. Idem
 in Friſiâ occidentali terror fuit, quam luſtus Schou-
 wenburgicus tenebat. is nuntiato aduentare Albani
 copias, cum ſignis aliquot ^{XI} v Kal. Decembris
 Franekeram deſerens Maccumam abiit, vicum in lit-
 tore freti auſtralis; quem opere feſtinato munire
 ſtatuerat, vt tutus inde in Hollandiam aduerſam re-
 ceſſus eſſet. ſed imperfectâ adhuc munitione à Bil-
 lio oppreſſus, in vicinos Tencteros fugit. mox
 quoque Bolſwerdia & Sneca deſertæ; captusque præ-
 fectus Nedervormterius Leouardiam in arcem cu-
 ſtodiendus abducitur. earumque vrbiũ magiſtra-
 tus Leouardiam profeſti claues Billio obtulere. qui
 cùm ſingulas mox intraret, ciues vtriuſque ſexus in ge-
 nua prouoluti, iunctis manibus, veniam ante acto-
 rum petiere; quam vir animi benignus conceſſit, mili-
 temque Gallicum impoſuit, Germanis viciatim diſtri-
 butis.

e15.15. butis. sed Albanus mœnia deiici, fossasque impleri, per
 LXXII. literas iussit. Ita Frisia, Gelriaque, quasi Panico metu
 actæ, sese Albano reddidere. Sed Hollandiæ, ac Zelan-
 diæ, pro defendendâ libertate, plus virtutis, ac constan-
 tiæ. Inuitauerant Enchusanos, aliasque in eo tractu
 vrbes, Campenses literis valdè blandis, vt ad Albani
 obsequiû redirent. at illi latoribus, si redirent, laqueum
 minati. Medemlaci leuiter turbatum, hâc de causâ.
 Iuuenis quidam mœnia transscenderat; idque in vrbe
 limitaneâ capitale interpretatus Iacobus Cabeliauius
 centurio, vincula iniicit; etiam intercedenti patruo, ac
 dimitti postulanti. quod atrocius ciues rati, in arcem
 captiuos abducere cupienti se opponunt. inde concitati
 milites arma sumunt: item ciues. qui superiores facti,
 partim vrbe milites expellunt, partim arma ponere iu-
 bent. Cabeliauium in curiam elapsum, arce præsi-
 dium deducere cogunt. Et discrimen habitura res vi-
 debatur. sed Auriacus, missis eò Hermannio Merio, &
 Nicolao Ruichauerio, priusquâ ingrauesceret, in prin-
 cipio tumultum composuit. Zutphaniâ subactâ, &
 cætero illo Gelriæ tractu, Fridericus Toletanus, iam
 Amersfortiâ quoq; traditâ, in Hollandiam copias du-
 cere. in cuius limite Nardenum erat, iuxta freti austra-
 lis littus, oppidulum nec situ nec munitione firmum.
 Kal. Decembris equites c regis nomine deditiorem
 fieri iubent, & Bossuuij militem admitti. responsum-
 que ab oppidanis; *hactenus à se regi suo seruatum oppidum,*
& seruam-

& *servandum etiam deinceps*. Aderat in mœnibus præmiator; ut alij ferunt, homo mentis parum sanæ, qui tormentum illic positum suâ sponte, non oppidanorum iussu, in eos explosit. illud crimen tot mox cædibus vindicatum. Postquam equites isti digressi, illicò loci magistratus quosdam emittere, qui pulverem tormentarium emerent; item alios ad Sonoium, qui cum classe in propinquo freto australi, ut auxilia implorerent. à Bartholemæo Entesio, Lumæi legato, qui haud longè cum copijs aberat, cohortes ii submitti perunt, & Auriaco Lumæoque rerum suarum necessitatem indicari. nam, siquidem longæ obsidioni impares essent, maturari auxilia debere. commodè verò liberari se posse, si Mudam Sonoius, Entesius Wesopum occuparet. missus quoque ad Mullerum nuntius, qui Schellincwoudam tunc tenebat. sed promissa ubique auxilia, nusquam prompta. ideò deiectis animis, ubi aduentare cum omnibus copijs hostem intelligerēt, cuius vim sustinere non possent, ad Toletanum mittere visum, qui urbem dederent, & gratiam præteritorum peterent. Id negotium consuli, & senatori datum; qui Amersfortiam profecti, ubi tum Toletanus agere colloquio prohibiti Bussemum ire, proximum Nardeno pagum, iussi sunt; illic responsum accepturi. sed consul, dum redit, apparatu viso territus, rhedâ descendēs, ceu onus alui positurus, periculo se instanti subduxit. Id ubi senator vidit, valdè indoluit. veruntamen vir

c15. 15.
LXXII.

c10. 10. animi præstans, qui vxorem, & pignora liberorum, ci-
LXXII. uesque carissimos deferere nollet, optimus ciuis, ma-
ritus, pater, tristis rei nuntius perrexit. & Bussenum,
vt iussus erat, Toletanum secutus, cum interroganti
Bossuio, an milites oppido excessissent, affirmaret;
alios postridie oratores adducere iubetur, atque ita di-
mittitur. Igitur ipsis Kal. Decembris venere in castra
Lambertus Hortensius, rector scholæ, vir doctrinæ
famâ clarus; alijque è senatu, & populo. qui cum To-
letanum alloqui vellent, ad Romerum reijciuntur,
cui is omnem potestatem dedisset. cum illo igitur pa-
ciscuntur, oppidum se Toletano tradituros, eâ lege, vt
ciuibus vita facultatesque saluæ essent; tantum denuò
fidem iuramento obstringerent, soli que ex Hispanis
c, quantum semel sumere possent, oppido efferrent.
vltra nulla præda esset. Hæc ter porrectâ Hortensio
dextrâ rata fore pollicitus Romerus, cum eo, ali-
quot x x Hispanis comitatus, oppidum ingreditur.
è vestigio ad tympani sonum ciues iusiurandum da-
turi in templo hospitalis conuocantur. & conuene-
runt penè omnes; cum homines antiquæ simplicita-
tis, innocentia suâ, & fide ab hoste datâ, securi, nihil
sibi mali metuerent. pauci quidam, quod euenit præ-
uidentes, inter templi laquearia, locisque abditis, se
occultauerant. Interim Hispani, desertis mœnibus,
& constrictâ glacie fossâ, transceso etiam vallo fre-
quentes intrauerant. dumq; miseri ciues conueniunt,
futuræ

futura lanienæ ignari, vxores eorum militibus adue-
nis conuiuia curabant. Aliquamdiu ante templum
cum Hispano sacerdos quidam inambulabat; qui
mox ad ciues conuersus, moriendum illis edicit. illi-
coque apertis foribus irruentes milites inermes homi-
nes pecudum instar miserrimè trucidant. Toletanus
ipse, vt suo exemplo plus miles auderet, consulem cæ-
dit. Dein igne iniecto reliquias comburunt; & vica-
tim discurrentes obuios mactant, totumque oppidum
tantum nō in sanguinem & cineres vertunt. Quidam,
olim oppidi prætor, consulq; homo annos LXXII duos
natus, qui diu è morbo decubuerat; alterque, textor
lintearius, ex hydrope æger, in lecto confossi. in Xe-
nodochio, præter duos, senes omnes annorum erant
LXXX, aut XC. nonnulli seculum superabant. nec ata-
tis habitatio: sine discrimine interfecti omnes. in
mendicum quendam stultum, & mutos duos etiam
sæuitum ægrè Hortensium Boffuius seruauit: qui ta-
men filium Augustinum, organistam, crudelissi-
me obtruncari, & occiso cor euelli, ante oculos vi-
dit. Qui inter templi laquearia se absconderant, il-
linc quoque ad cædem protracti. quamuis facile illi
quidem euasissent; si modò ianuam, per quam aditus,
obserare ausi fuissent: sat tuti futuri tenebris loci, & an-
gustiâ; quam vnus aliquis contra plures nullo nego-
tio, aut periculo, defendere potuisset. sed homines tristi
suorū spectaculo cōsternati, omnem salutis spem ami-
serant;


cIo. Io.
LXXXI.

c. 15. 15. serant; parsque nolle tot charis nominibus superesse.
 LXXII. Postquam viri latrocinio defuere, iram, & libidinem,
 in foeminas vertunt; quarum plures vario cruciatu ene-
 cant. quandam grauidam strangulatam mox in pu-
 teum præcipitem agunt. aliam, quæ pepererat pridie,
 cum partu suo oppido expellunt. puellæ xii aut xiii
 annorum constupratæ. & in mortuos quoque sæui-
 tum. nudaque occisorum cadauera, passim per pla-
 teas dissecta, ne humare quisquam auderet, pœna
 indicta. itaque per xx dies insepulta iacuere. insu-
 per omnia miserorum bona direpta: nec relictæ se-
 getes quidem nōdum excussæ, quas Mudam auexere.
 Narratur etiam aliud quiddam valdè crudele, & mi-
 raculo sanè affine. ex oppidanis quidam locupletior
 putatus, vt celatas opes proderet, crudelissimè diuexa-
 tus, cum se occultasse quicquam pernegaret; quod cru-
 ciatu omni maius, vxor eius ante oculos violatur.
 quam iniuriam multo maximam vbi conuitijs, quæ
 sola misero arma supererant, vindicaret; in conspectu
 vxoris occiditur. eamque tunc aggressi, ingenio sexus
 molliorem, ideoque tormentis minus parem, vt quod
 scire vellent, extorquerent, manibus intergo vinctis,
 pronoque capite, ex pede altero ad palum alligant, co-
 ram filio admodum puero. qui cædis paullò antepa-
 ternæ, & maternæ iniuriæ spectator, etiam vinctus, nec
 succurrere illi poterat. sed cum neque sic proficerent,
 & in foeminâ supra sexum constantiam experirentur,
 tormen-

tormentorū fessi, ceu mox fame morituram, ita
suspensam relinquunt. iamque biduum totū pepen-
derat, & cruciatu, ac inediā, tantum non eneēta erat.
Puer quoq; deficiebat; nec spes vitæ vlla restabat. cū
ecce egregiā formā iuuenis nihil tale expectantes so-
latus vinculis liberat, & exhibito pane refectos in Deo
cōfidere iubet: breui ipsis melius fore. Atque hæc talia
Toletano nondum satis supplicij visa. Bossuuius impe-
rat mœnia demoliri, & præfecto arcis Mudanæ, Paulo
Löö, negotium dare, qui rusticorum ad hoc operā vte-
retur. cumq; initio differretur, repetitis ter quater
literis, tandem extremo Decembri scribit; *nisi fieret, co-
hortes aliquot immissurum, quæ pagos circumiectos exurerent.*
Itaque, nullo ultra moræ prætextu, disiecta mœnia, &
solo æquata. Hoc crudelitatis exemplo, contra quam
Albanus putauerat, nihilo magis timeri cœpit. quin
effectum, vt Hollandi Zelandique, obstinatis despera-
tione animis, quod grauissimum inter oppressos vin-
dictæ genus, iusta contra eum odia, nec vnquam depo-
nenda, sumerent. tantā quidem omnium offensā, vt
Turcis quidem, si fors ferret, quàm Hispanis seruire
mallent. ipse clerus, quique maiorum sacra colerent,
cum religionis, aut innocentia, nullum fuisse discri-
men acciperent, pari adfectu sæuitiam tantam execrari.
Per hoc tempus naues bellicæ, quas Hollandiæ borea-
lis vrbes instruxerāt, necdum in stationes reductæ im-
pediebant, ne quæ Amstelodamensium egredi possent.

c15.15. idque vt magis etiam facerent, quasdam longo vfu in-
 LXXII. utiles ante urbem in Yâ amne saburratas demerferunt.
 mox exortum acre gelu ingens ijs periculum attulit.
 nam & glacie quasi captivæ inuasioni obnoxia esse, &
 annonæ egestate fremere miles, ac deserere eas velle.
 sed mox submissus commeatus, & vocati vndiq; rusti-
 ci, qui, quod factu vix possibile, diffissâ glacie educere
 eas niterentur. Tentatum variè, vanâ operâ. aliquando
 consilium erat, tormenta educta in aquis mergere, ne
 in hostis potestatem ea venirent. iamque ferè humanæ
 opis nulla amplius spes restabat, cum è machinâ Deus
 iuuit. ortus repentè vehemens boreas, auctis supra mo-
 dum aquis, alias certè defecturis, glaciem diremit,
 viamque aperuit, per quam naues educerentur. quodq;
 magis mirari omnes, è vestigio reflante vento, vt præ-
 sentem Deum agnosceret, iterum subsidentibus aquis
 glacies coijt. Circa hoc tempus res longè indignissima
 accidit. Cornelius Musius, cœnobio D. Agathæ apud
 Delphenses præpositus, vir optimus, innocentissimus-
 que, & literarum laude egregius, annos LXXII natus,
 dum Hagam proficiscitur, à militibus Lumæanis in-
 terceptus, Leidam abducitur in Cornelij Venij ædes,
 quas Gulielmus Oldevlietius, tabellio publicus, inha-
 bitabat. eoque duo à Lumæo missi, cum ipsius con-
 cionatore, quæsitore, & carnifice, torquendo viro lo-
 cum poscunt. cumque se Oldevlietij vxor opponeret,
 & huic rei publicum vrbis carcerem esse dictitaret, ho-
 mines

mines ebrij, incitante vino proteruiam, per vim faci- c I 5. I 5.
 nori locum capiunt. & tormentis plurimis penè ene- LXXII.
 ctum, nullâ iuris obseruantia, causaque indictâ, ad
 horam quintam vespertinam introductum ante no-
 nam properè strangulant. inde furcâ statim deducunt
 in Lochorstianas ædes. tum pudendis amputatis ven-
 trem dissecant, & vt corpore erat obeso, abdomen eri-
 piunt, ne ad sæuitiam quicquam deesset. id Lumæus,
 cum isti ordini maximè infestus, tum graui priuatim
 in eum odio, imperasse ferebatur. vtque flagitio culpa
 aliqua prætenderetur, vulgo iactatum, veneno Auri-
 acum tollere voluisse. quod crimen tamè inter tormen-
 ta exquisitissima constanter ipse pernegauit, neque bo-
 nus quisquam credidit. & ipse Auriacus, simul cap-
 tum intellexit, Leidamque ad Lumæum abductum,
 quod euenit veritus, confestim ablegat, qui dimittere
 virum iuberet. at verò ille, vbi adesse ad portam ab Au-
 riaco nuntiū accepit, vt mandatum anteuenteret, ape-
 riri eam, nisi facinore perpetrato, non permisit. quod
 Auriacus, Ordinesq;, grauiter ferre. cumque postea id
 captiuo inter cætera obijceretur, *iure factum videri* respō-
 dit, *hominemq;, qui iureiurando se obstrinxerat nunquam vrbe*
egressurum, nec minus tamen cum thesauro ingenti ad hostem
transire ausus esset, ceu periurum & perduellem, delicto pro-
prio, non suo odio, pœnas dedisse.



IOANNIS MEVRSI
RERV
BELGICARVM

LIBER IV.

Ridericus Toletanus, Nardeno ^{c. 12. 13.}
capto, Amstelodami interquiescēs, ^{LXXII.}
de Harlemo obsidendo consilia ca-
pit. Ea Caninefatum metropolis,
magnitudine nulli cæterarum in-
ferior; templo, curiâ, foroque insig-
nis; structurâque ædium satis deco-
ra. mediam Sparnus amnis perluit, qui ex Yâ proflu-
ens, haud lōgè infra urbem in lacum vicinum se effun-
dit. boream versus ad primum lapidem Oceanus ad-
iacet; vnde abundans piscium captura magnum ciui-
bus commodum affert. ad meridiem lacus ingens, qui
ab vrbe vulgo Harlemenſis dicitur. in propinquo ele-
gans silua. circum ager fertilis pariter & amœnus.
Igitur illam Toletanus, vt dixi, obsidere voluit. prius-
quam tamen aggrederetur, animos experiri placuit.
quocirca quidam ab Amstelodamensibus missi cum
literis, qui pro viciniâ, & vetere suâ amicitia, officij eos

Bb iij admone-

c. 15. 15. admonerent; redirent ad obsequium regis. cumq; ani-
 LX XII. mi magistratus angeretur, res amplissimo senatu in
 Non. Decembreis acta. & consilia varia erant, prout
 studia. Pars auxilia ab Auriaco aduocanda; pars petendam
 ab Albano veniam censebant, quando gratiae spem haberent.
 neque enim Auriaco vires esse, quas potentiae Hispanica oppo-
 neret. & peruicit hæc sententia; placuitque. ut ad Toletanum
 ablegarentur qui deliberando quatuor quinque dies
 peterent: interim rerum suarum statum Auriaco exponendum
 curarent. Legati ergo Christophorus Scagius, vir pri-
 mariae nobilitatis; Theodorus Frisius, consularis; &
 Adrianus Assendelfius, urbis syndicus: qui clam
 profecti. id ubi Ripperdæ præfecto gnarum, eo ipso
 die à meridie in hortum sagittariorum ciues cōuocat;
 quibus adfuere Lācelotus Brederodius, Adrianus Ian-
 senius, prætor urbis; Gerardus Stuuertius: alijq; ciuium
 ductores. Tum, manu imperato silentio, omnes cōpel-
 lare. Venisse Amstelodamum Fridericum Toletanum, obsidio-
 nemq; agitare. ac literas ad magistratū dedisse, quibus, si illic
 sese dederent, veniæ spem superesse nuntiaret. atque illum qui-
 dem, et si iuratum, nihil quicquam se, ac VII primis ductori-
 bus, ipsisq; omnibus inconsultis tentaturum, Theodorum
 Frisium aliosque clam ablegasse, qui de vrbe tradendā agita-
 rent, ac veniam supplices impetrarent. quæ quidem qualis
 futura esset, facile sanè considerarent, si Machliniam sibi pro-
 ponerent, aut Zutphaniā, vel vicinum denique Nardenum,
 adhuc fumans; perq; tristes viduarum ac pupillorum euulatus
 cælo

cælo Deum ultorem inuocans. Hortari igitur, ne se decipi paterentur. nihil aliud agere hostem; quàm, quorum virtutem armis vincere desperaret, eorum antiquam simplicitatem ut verbis compositis circumueniret. adhuc memores sacramenti essent, quo Auriaco pridem dixerant. id migrare, semper inhonestum: sæpè etiam perniciosum. ad se quidè quod attineret, pro ipsis, publicâq; libertate, guttâ sanguinis ultimam impedere paratum esse. hoc suum studium, seq; ipsos, ne desererent. cum finisset, pleriq; altâ voce acclamare; extrema omnia pati malle, quàm perfidi hostis incertæ clementiæ se permittere. Ita virtute oppidanorum excitatâ, Auriaco per literas præsentem rerum statum indicat. dein à Mullero petita auxilia; qui pridè Non. è suâ legione cohortes I V Jacobi Steinbachij, Christophori Vaderi, Lamberti Wirtembergensis, & Martini Prusij in urbem mittit: cum VI reliquis Leidam profectus. Hoc præsidio oppidani egregiè animati, quicquid vrbi defendendæ necessarium, apparare. quod vbi Amstelodamensibus cognitum, deserta hâc occasione castra, & Sanredamum quoque, recuperant. tum apertum maius templum, & amotæ diuorum imagines, religionemq; reformatam amplecti cœperunt. Ipsis Nonis Christophorus Scagius, Adrianusque Assendelfius, è legatione rediere. Theodorus Frisius, siue responsum à collegis expectaturus, siue futurorum metu, apud Toletanum mansit. ac reduces quidem comprehensos Ripperdæ iussu, Gulielmus Bardefius, alijq; Leidam primùm, inde Delphos
ad

clo. 13.
LXXII.

c13.13. ad Auriacum abducunt. & Leidæ Scagius, negligens
 LXXII. tiore custodiâ habitus, facile euadere potuisset; sed vir
 animi innoxius, quique negotium à senatu deman-
 datum non se detrectare debuisse existimabat, eoque
 securus, effugere noluit. at verò aliter Auriaco visum;
 qui clanculum id, Ripperdâ primisque VII ductori-
 bus ignaris, & præter iusiurandum factum, vehemen-
 ter indignari. moxque Assendelfius I x Kal. Ianuarias
 gladio percussus, spiculoque impactum caput per ho-
 ras II populo spectare datum. Scagius, uti ferebatur,
 per tormenta expressam animam in carcere reddidit.
 Auriacum, Ordinesque, res Harlempjes sollicitos
 habere. quippe urbem, quâ non alia totâ Hollandiâ
 magis contra vim inualida, sustinendis Albani copijs,
 nisi cum ingenti præsidio, imparem nôrant: & à magni
 præsidij onere alienos oppidanorum animos fore me-
 tuebant. ergo per literas exhortantur, *fortiter hosti se op-
 ponerent, ac iurisiurandi meminissent, quo sese cum socijs vr-
 bibus pridem Dordraci obstrinxissent: ipsos vicissim auxilia
 omnia, & quod liberandis necesse, curaturos. tum impensæ
 quicquid ex illo tempore fecissent, aut facturi porrò essent, id
 omne ex ærario publico reddituros.* Postridie Nonas Spare-
 woudam hostis venit. Non longè ab vrbe ad Yæ
 ostium, ubi Sparnus sese eripit, pagus iacet, inde Spar-
 nodamum dictus; quod aggere obiecto, & emissarijs,
 obruituram aliâs aquam depressioribus campis arceat.
 is locus adeò opportunus, ut, nisi eo expugnato, vix
 urbem

urbem obsidere possent. quamobrem arduo opere munierant, & quia præsidium minus firmum, Martinum Prusium cum CCC properè imponunt. Deinde alios quoque mittunt, qui, ut obsidio difficilior hosti esset, perfosso aggere aquam in campos circumiectos immitterent. sed eum non satis perforatum Hispani statim reparârunt. VI Eid. venit legatus ab Auriaco Philippus Marnixius Aldegondius; qui postridie magistratum mutare aggressus est, primò testatus, *nō se quicquam contra priuilegia niti; atque hoc tantum propositum esse, ut præsentis reip. necessitati occurreret.* Idcirco datis in custodiam, qui implorandæ veniæ auctores ad Toletanum mittendum censuerant, magistratum urbis ordinat. Quæ nox secuta est, eâ tam rigidum gelu fuit, ut constrictæ aquæ omnes grauisima etiam pondera ferrent. itaque Hispani occasionem optimam nacti, tentatum pluries Sparnodamum, anni hieme cæloq; adiuti, iterum animosè oppugnant. Fecerat glacies, ut inuadere vndique possent; quæ res præsidium ubique occupatum tanto magis fatigabat. Videbant enim oppidani, & laborantibus grauitè socijs cohortes submittebant. sed antequam subuenire illæ possent, iam munitionem hostis ceperat. In eo certamine Martinus Prusius, vir belli egregius, fortiter occubuit: & cum eo milites plurimi. multos quoque fugientes aut insequens hostis, aut hians alibi glacies interceptit. cæteri Beuervicum, aut Assendelfium, aliòve euasere.

cI. I. I.

LXXII.

cIo. Io. euasere. auxilia submissa in urbem illæsa recessere
 LXXIII. ex Hispanis, quando acriter præsidarij repugnarent
 cæsi non pauci. Rodericus Sapata, cuius ductu captus
 locus, finistrum brachium ictu tormenti amisit. III
 Eid. urbem Hispani circumsedere; & à Didaco Carua-
 iali cum Io sclopetarijs valetudinarium Lazaro sa-
 crum occupatum est. Tum deditio postulata. sed oppi-
 dani, dubiâ Hispanorum fide, cōsensu vnanimi obsti-
 nati, *potius pugnando pro aris focisq; gloriosè cadere, quàm in*
turpem lanienam pecudum instar sese dedere. Ergo propius
 copias mouet, ac castra disponit, tutiore per nebulam
 opere. Erant in exercitu toto signa peditum LXXV.
 Hispanorum xxxvii, Belgarum xxi. Germanorum
 xvi, quæ ductore Ebersteinio Hemstedam ac siluam
 tenebāt. Toletanus Cliuiam arcem occupauerat. equi-
 tes Teutonici tantum cc, & sclopetarij alij totidem.
 euocatę insuper alæ Ioannis Paceci, & Antonij Toleta-
 ni, quæ Alcmariensem viam, ac proximum littus, infi-
 derent. Ad capti Sparnodami nuntium Leidâ egres-
 sus Lumeus copias aliquot in urbem ducere, ac siluam
 occupare voluit, ignarus hostem præuertisse. qui ad-
 uentu eius cognito, peditum aliquot iii c Io, equites
 Io c obuiam mittere. ijque incautum derepentē ad-
 orti in fugam vertunt, & Io c amplius cædunt. Mu-
 nitis castris tormenta adducta xiv, quæ quâ parte
 disponi deberent, & vbi pulsanda vrbis mœnia, ali-
 quamdiu consultatum. ac peritioribus visum, *ut ab*
eâ

ea parte quâ silua adiacet, decussatim illud fieret; quia & mu- c I 5. I 5.
rus ibi infirmior, & facilior multo ascensus. sed incommo- LXXIII.
dum, quod tormenta transferri, & mutari hospitia deberent.
nec enim tam asperâ hieme sub dio, aut tentorijs, militem habe-
ri posse. Vtile consilium Toletanus non tam rei difficul-
tate, quàm contemptu hostium, omisit. quippe sic ex-
istimabat, homines militiae rudes, per mollitiem im-
pares fore obsidioni, & labori militari: præsidium ve-
rò, aliorum exemplo, simul tormenta admouisset,
dilapsurum. sed vir Hispanus, qui gentem suam nimis
æstimaret, perque tot victorias ferox, quàm malè de
Batauorum animo ac virtute iudicaret, euentus do-
cuit; cùm obsidio, quam dierum non multorum fore
arbitratur, in viii mensem protracta est. Igitur nul-
lâ ductâ fossâ x i v tormentis ad S. Crucis portam, &
munitionem obuersam verberare mœnia incipit. to-
toque triduo continuati ictus cl 5 I 5 xv. Deinde editâ
ruinâ, sedulò eam oppidani repletis lanâ saccis, lectis,
lignis, saxisque aggestis reparare. Ante omnes operæ
egregius consul Vlietius, qui cum famulo laborare
ipse maximè, & ciuibus suis animum addere.
Post concussa triduo mœnia impetum in illa facere
placuit: &, quamuis dissuadente Romero, nec pilis
ferreis, nec puluere tormentario instructi, x i i i Kal. Ia-
nuarias Hispani ac Belgæ, ducente Francisco Vargâ,
bis animosè irruentes, egregiâ oppidanorum virtute
repelluntur. Bartholemæus Campocassius pontem

eIo. Io.
LXXII.

artificioſum ſtruxerat, per quem in murum eniſi plu-
res cum Steinbachio depugnabant, interque eos Al-
fonſus Galeacius. ex obſeſſoribus caſi plurimi foſſam
vrbiſ, & pomeria proxima, implebant. & diſperſa paſ-
ſim arma, caſſides, gladij, ſclopetæ, ſariſſæ, magnam
partem in oppidanorum poteſtatem peruenerunt. inter-
fectus Lucas Soinagus cum ſignifero Andrea Brotio.
Romerus, Varga, Lama, Touilla, Benauides, Galea-
cius, vulnerati. ac Varga quidem in foſſâ relictus vix
poſtridie educi potuit. ex obſeſſis vix XII cecidere.
plures ſaucij. & Steinbachius in manu accepto vulne-
re, nihilominus ſuos excitare; *urgerent prælium, ac viri*
eſſent: ſe quidem, niſi corde perſoſſo, nunquam ipſos deſertu-
rum. Hic ſucceſſus, vt proſpera initia plurimum va-
lent, obſeſſis animos incitauit; & Hiſpani per tres
proximas ſeptimanas nullam amplius vim tentârunt,
tum recolligentes ſeſe, tum vallo ac cuniculis intenti.
Sub finem menſis Hieronymus Tſerartſius ſclopetæ-
rios auxiliares IO L introduxit, quos Cognatus,
Michaëlius, Vimiſque ducebant. Per hoc tempus
legati in Angliam abiire, Ianus Douſa Nordouicus,
Gulielmus Niueldius Arentſbergius, alijque: qui re-
ginæ Eliſabethæ patriæ ærumnas repræſentarent. *Al-*
banum præter ius omne ſasque Belgium oppreſſum ire, ideoque
arma ſumpſiſſe, vt ſe, vxores, liberosque, contra vim ac li-
bidinem tutarentur. ac ſupplicatum adueniſſe, uti ſortem
tam iniquam commiſerata milite afflictoſ, & ſtipendio, adiu-
uaret.

uaret. Anno proximo turbæ à Lumæo, & Barthole-
meo Entesio, datæ. qui annonæ ab eo præfectus, Del-
phis conqueri; *militibus non stipendia solui, neque an-
nonam procurari:* dein ad querelam conuitium adde-
re, & *proditores* Ordines appellare. cuius rei quia En-
tesius causa fuisse cognosceretur, ne quod grauius ma-
lum accideret, placuit Auriaco, vt Lumæum, Entesium-
que, ad se vocarent, & modestiam vtrique imperarent.
idque factum. sed Entesius maiore verborum licentiâ
usus, nullâ Ordinum reuerentiâ, attineri in vrbe iussus
est. quod Lumæus ad se reuocans, vi educere eum vo-
luit. Benignè Auriacus rem compositam maluisset,
præsentis temporis, & futuri, prudens arbiter. At verò
Lumæus nil rationi consentaneum velle; nec auctorita-
tem, vti par erat, Ordines amittere. ergo Non. Ianua-
rijs mandato publico armati ciues manum vtrique
iniecere. moxque, variâ Ordinum accusatione, in or-
dinem redactus, dignitate ac munere suo Lumæus a-
mouetur; & mandata eius omnia edicto publico reuo-
cantur. Mense Maio, postquàm è custodiâ emissus,
per milites aliquid iterum machinari aduersus Ordi-
nes exploratum est; igitur denuò comprehensus in ar-
cem Honingam, Roterodamo vicinam, compingitur.
è quâ elapsus Roterodamum sese contulit, remq; Or-
dines dissimularunt. ix Kal. Sext. de iniuriâ ille quiri-
tari. *eum se nimirum esse, qui suis impensis copias, naues, &
reliquum belli apparatus, in Hollandiam intulisset. qui Brilam*

c. 15. 15.

LXXII.

cIo. Io.
LXXII I.

etiam occupasset; & post Deum, primus libertatis publicæ auctor fuisset. cuius exemplo aliæ quoque in Hollandiâ & Zelandiâ vrbes Albano sese subtraxissent. quamobrem etsi gratiæ ei immensæ deberentur, contra tamen euenire; ac turpissimâ ingratitudine contumeliam, carcerem, infamiam denique pro tantis beneficijs reddi: nec legitimo tamē iudicio crimen vllum pronuntiatum. Hanc querelam scripto cōsignatam propter curiam in frequentissimâ ciuium coronâ per tabellionem publicum recitari iubet; inde magistratui offert; qui respōdens, nihil ad se negotium pertinere, rei gestæ Auriacum certiores facit. isq; seditionem veritus accedere ad illū iubet, vtq; armis positis, & amoto famulatio, quibusdam ciuibz in custodiam se permetteret, imperare: quod tamē ille reculauit. Vix enim credere, tam alieno à se animo Auriacum esse, qui id mādaret. at verò quando eleuare magistratus fidem nō omnino posset, meritò indignari. satis hætenus contumeliarum fuisse; præterito Ianuario, incognitâ causâ, munere, quod gerebat, exutum, & mutato aliquoties carcere, ceu nullius loci hominem, ac nefarij criminis reum, in custodiâ indignè habitum; & nunc etiam in vrbe agere, quæ imperio eius pareret: vbi, si quis criminis cuiuscunq; reū ageret, iure secum experiretur. quamuis quidem, adempto iam legati munere, ceu Romani Imperij comes, non vltra vlli obnoxius esset. Sed Ordinibus iure agere neutiquam visum. non quod necdum nocentem satis arbitrarentur; sed quod tali rerum statu meritas de eo pœnas sumere non consultum existimarent. Culpæ variæ ferebantur. in-

primis

primis contemptus Ordinum, & verborum magna c15. 15.
 superbia. nam iactauerat, *esse militum clo clo clo, & li.* LXXIII.
burnicas LXXX, quibus cogere in voluntatem suam Ordines
posset. tum eosdem, quia iniqua petentem reiecerant,
 proditores appellauerat. etiam crudelissimè prouin-
 ciales diuexauerat; & sacerdotes, hominesq; alios inno-
 cētes, nullâ causæ cognitione, morte mulctauerat; inter
 quos Corneliū Musium, & Iustum Tollium, vtrunque
 virtutis, & fidei in patriā, præclarissimos. adhæc nefaria
 militū flagitia nullâ pœnâ coercuerat. Ob hæc talia et si
 graua quæq; meritum, Ordines tamen discedere im-
 punè permiserunt, intercessu maximè Auriaci, qui il-
 lustri viri familiæ parcendum ratus, ac custodiam diu-
 turnam pro supplicio imputandam. Itaq; abiit, & suf-
 fectus in locū eius Gulielmus Bronchorstius Batēbur-
 gicus. Dum Lumæus remp. turbat, intētus in occasio-
 nem Bossuuius ad Delphensem consulem scribit,
gratum nuntium de Lumæo capto accidisse; quamobrem pete-
re etiam atque etiam, uti in fide erga regem perseueraret; da-
retq; operam, quo pacto Auriacum comprehensum sub certâ cu-
stodiâ in castra ad Harlemum mitteret. premium ipsi, adiutu-
risq;, magnū fore; & delictorū omnium gratiam. Literas has
 captiuo militi curādas tradit, qui eas Batenburgico de-
 fert. isq; apertas, atq; lectas, rectā illicò Delphos ad Au-
 riacum mittit. at ille confestim hominem vocat, literis-
 que à Bossuuiο lectis; atqui, inquit, *non ego te talem, con-*
sul, putāram, qui hostem ante patriam poneres. respondenti,
non

cIo. Io.
LXXIII.

non in suâ manu esse, quid Bossuuius, aut cui scriberet. sibi quidem fidem in ipsum, & remp. semper certam. igitur, ait, id operam dato, ut Bossuuium per insidias capiamus. quod ubi negaret conscientiam suam permittere; iterum Auriacus. nec Juditham tamen, ut Holofernem, hostesque Dei, perdere posset, extremum discrimen detrectasse. cum pernegaret, domi manere captivum iubet. Interim coeptam Harlemi obsidionem urgere hostis, cui quo pacto succurrere posset, seriò Auriacus deliberare. utque obsessis foribus com meatum prohiberet, missas Saxenhemum copias castra ibi ponere, & Sonoium ab alterâ parte cum iustâ manu insidere viam iubet: ne quid tamen temerè tentet, interdicit. Hispani primo impetu fortiter ab obsessis repulsi, cum spes dedendæ urbis fefellisset, ut operæ pariter ac tempori consulerent, suasu Campocassij architecti fossam rectam ducere institunt, & defixis utrinque palis transversa tigna, & repletos lanâ saccos, superimponunt; duplici artificij usu, ut contra tela defensorum tutam latebram miles haberet; & si opus, pontis instar aliquando esset. ex eâdem fossâ aliæ duæ producebantur, è quibus machinæ continuatis ictibus explosæ. Vallo iam ad urbis usque fossam ducto, cum adeò in propinquo obsessores obsessique essent, ut comminus inter se manu rem gererent, adiectum S. Crucis portæ propugnaculum de industria oppidani deseruere. Ut autem com meatum Auriacus adiuuaret, primis xv diebus rhedas frumento & pulue-

& pulvere tormentario onustas c^{vii} submisit, & auxi- c^lo. l^o.
LXXIII.
liaria signa 11, sub ductoribus Mandaresio & Caspa-
ro. Ultraiectini Toletano pilas ferreas aliquot c c c
& vasa tormētarij pulueris xxxvi viâ Amstelodamen-
si mittebant, sed Woerdani præsidarij interceptere, &
maximam partem Auriaco misere. Ringi verò Tole-
tanus, victorem se hætenus hic suspendi, & succensere
Theodoro Frisio, qui deditionem, aut expugnationem
longè facillimam pollicitus esset. atque ille iram eius
veritus, vt periculo se subduceret, clanculum conscensâ
naui Hamburgum abiit. vi Eid. oppidani, vt annonæ
subuenirent, leges frumentarias condunt, pretiumque
pani & pondus ponunt, vetantes emi plus quam quis-
que opus haberet. qui migraret, ei mors supplicium
esset. Nocte proximâ valde obscurâ missi auxiliares
c^lo c^lo, cum densæ nimium tenebrę essent, nec viam
tenerent, aberrârunt. pars que ad arcem Cliuiam venê-
re, pars in propinqua sabuleta deflexere; plerique ad
castra retrogressi: pauci admodum, igne in turri anim-
aduerso, auditoque campanæ sonitu, in vibem ægrè
peruenere. tum per portam Scalcouicanam erumpen-
tes, multos cædunt, vulnerantque. & complures fugi-
entes Sparno merfi. xv 11 Kal. Febr. caput quoddam
à corpore abscissum in urbem Hispani insolenter iaci-
unt, cum elogio; *id Philippi Regij esse, qui cum c^lo c^lo*
auxiliaribus liberator aduenisset. Hoc facinoris alio longè
immaniore mox obsessi vindicârunt; captiuis x 11 in
Dd furcam

c15.15.
LXXIII.

furcam actis, x i capita, barbâ comâque ad mendico-
rum modum rasâ, (quando ita vulgò fœderatos per
conuitium appellabant.) in vas compacta, è propug-
naculo in Hispanorum castra deiiciunt, cum hâc in-
scriptione. *Siquidem ob decimam non solutam bellum hoc Al-
banus gereret, ipsosq; oppugnaret, istud illi vasculum ferrent,
in quo x capita haberet; & pro usurâ, ne de morâ quereretur,
additum vndecimum.* Tum de rebus suis literas, & obsef-
sæ vrbis typum, Auriaco mittunt. ac postridiè aduene-
re cum frumento rhedæ LXV. quas cum auxilio Schra-
mus Brunsvicensis ducebat. quamobrem instauratis
animis, factâ per portam Scalouicanam eruptione,
Rustenburgû, quæ munitio Germanorû, inuasere. ac
primùm moletrinâ aquatili occupatâ incensâq;, reli-
quam quoq; castrorum partem diripere; cæsis omni-
bus, aut fugatis. ex obseffis signifer quidam alteri hosti
signum prius de manu extorsit, inde etiâ hominem cõ-
fodit. mox deserto propugnaculo, quod ad portam S.
Crucis, maiore molem formâ semilunari excitât, cuius
cornua vetere vrbis muro hærerent. id q; opus valdè ar-
duû summo studio ocius promotû. quippe promiscuè
adiuuare consules, ordinumque ductores; ciues, mili-
tes; viri, fœminæ; senes, iuuenes; opulêti, egeni. vniuer-
sim nemo laborem detrectare; nec ætas, sexus, digni-
tasve quemquam abstinere. Inde ex ædilium ordine
ablegatur ad Auriacum Adrianus Berckenrodus, qui
annonam, resque alias procuraret. additi comites,
qui

qui deducerent, equites aliquot, & Io c sclopetarij; qui ^{c Io. Io.}
per viam vicis quibusdam iniecto igne excubias illic ^{LXXII.}
positas disturbarunt. & diuersâ parte egressi alij in cre-
pidine lacus domos amplius c c exussere. inde in vr-
bem pluribus diebus ad mensem extremum c c i x
circiter rhedæ commeatum intulere; quibus additæ
cohortes i v Simandi, Balfurij, Margotini, & Verdu-
rij. Magistratus vrbani veritus ne per longam anni
hiemem annona deficeret, auenam ordeumque secalæ
miscere constituerat, sed id indignante populo inter-
missum. deinde pretium bouillæ carni constitutum.
mox vicinæ vrbes, Delphi, Leida, Gouda, aliæq;, egre-
gio humanitatis exemplo, per literas petunt, si qui illis
ætate, sexu, aut morbo ad bellum inutiles essent, eos
vt ad se transmitterent, paratos alere, ac curare. Pridiè
Kal. ductis cuneis iterum impetum facere visum est.
atque ita quidem instructa acies. Ferdinandus & Ro-
dericus Toletani, singuli cum cohortibus v, ad dex-
tram læuamque muri verberati partem inuaderent;
eosque cæteræ legionum suarum cohortes sequeren-
tur, ac supra fossam, pontis instar constratam, transi-
rent. Dein Braccamontius & Romerus suas etiam
legiones ducere iussi. ad S. Ioannis propugnaculum
Caspar Billius ordinatur. Ebersteinius cum Germa-
nis atque Belgis ad siluam staret. peractis precibus
signum datum est. & Rodericus Toletanus, ac Lau-
rentius Perea, primi irruunt. iamque in propugna-
D d ij culum

cl. 10. 10.
LXXIII.

culum euaserant, cum id cuneis subter ductis oppida-
ni igne iniecto euertere. quâ ruinâ plurimi periere. pari
successu Billius fuit. eoque conflictu cecidere Didacus
Perecius, Alfonsus Magius, Laurentius Perea, Stepha-
nus Illaius, militesque delecti ccc. Rodericus Tole-
tanus grauitur vulneratus. ex obsessis sauciatus Lam-
bertus Wirtembergensis mox è vulnere diem obijt. Et
obsessis duplex quidem victoria obtrigit. nam eo ipso
pugnæ tempore aliâ parte CLXX rhedæ in urbem illasæ
peruenere; quas ccc sclopetarij, equitesque LXX de-
ducebant. quæ iuxta siluam copiæ Germanorum erant
ad prælium instructæ, oppugnare com meatum; sed
conatus frustra fuit. In Brabantiâ hoc ipso mense
triste diluuium Louanio accidit. Dilia fluuius auctis
aquis alueum egressus supra muros vrbs excreuit; &
perrupto tandem aggere stragem sanè immensam edi-
dit. quippe magnum ædium numerum planè euertit:
aliæ ad XII vlnas exstantes aquas difficulter sustinere.
ingens passim pauor erat, omnesque in summa ædium
eniti, murosque ac tabulata perfringere. & scalas na-
uesque incondito clamore sibi poscere. fœminæ ac
pueri tristibus lamentis cuncta implere. vbique tecto-
rum arborumque ruentium horrendi fragores audiri.
domorum contignationes totæ, capsæ, mensæ, lecti,
culcitæ aquis ferri. & imagines templis erutæ, sepul-
crisque effusa mortuorum ossa. ac sanè periculum in-
gens erat, ne vrbs tota absorberetur; cùm effractâ alterâ
portâ

portâ magno cum strepitu se exonerat. portenti instar c I. I. I.
LXXIII.
res hæc habita, vt & micans exhalatio, quæ ceu chasma
in cœlo apparuit. Februario toto nihil ab Hispanis ferè
gestum ad urbem obsessam; & toties repulsi non ultra
vim tentare statuunt, melius arctâ obsidione oppida-
nos ad deditionem compulsuri. & plerisque videba-
tur discedendum. sed Toletanus patris monitu, qui
famæ interesse censebat, perseuerauit. Idcirco, vt naues
vrbe arcerent, ad vii moletrinas munito loco Spar-
num occupant, & tormenta campestria i i cum excu-
bijs ponunt. oppidanique iterum tunc annonam or-
dinant, ac panibus è secale & ordeo pretium minus
triente ponunt. dein incendio restinguendo scalas,
hamas, cæteraque instrumenta apparare, lumenque
pernox habere iubent. & cum rumor percrebuisset, ad
cœnobium S. Bernardi in crepidine lacus positum ab
Hispanis pontem parari, quo commeatum aduehen-
dum prohiberent; egressi vrbe x x x v i equites cum
I c c sclopetarijs, comperto nullum illic hostem esse,
captiuis duobus, ædibusque aliquot incensis, recessere.
mox in cuneos iniecto igne grauter obsessores affece-
re; ipsi autem commeatum c x i i rhedis accepere. Nec
multò post vbi gelu remitteret, solutis aquis, præmissâ
pridiè naui singulari, x L duplicarij c l c l c c x L fru-
menti modios deduxere. iterumque naus i maior,
& minores x x v i i i annonam aliam aduexere, de-
ducente Christophoro Gunthero cum duplicarijs mi-

c15. 15. litibus cccc. tum Dordracum tormenta viualia xii,
 LXXII. pilasq;, & puluerem Leida submisit. xii Kal. Mart. tri-
 remem pedes LXXXIV longam oppidani in lacum sub-
 iectum produxere, cum de successu obsessores despe-
 rarent. sed contra ab Albano submissa legio Poluille-
 rij, & è Siculâ cohortes iv, quas Toribius Zimbrodu-
 cebat. Mondragonius totidem è suâ mittere iussus.
 adhæc Bossuio datum negotium, vt instructis bello
 nauibus, quascunq; comparare posset, lacum inua-
 deret, eiusque vsum obsessis eriperet. cumque perfode-
 re alibi aggerem tentasset, fortiter obsessi repulere.
 iv Kal. acriter pugnatum. quippe missæ ab Amste-
 lodamenfibus xiv naues in lacum venerant: quod
 vbi cernus conspexit Gerardus Iunius, maioris trire-
 mis præfectus, nimis temerè solus oppugnare ausus,
 tandemque victus, ac cum paucis vulnere accepto
 scaphæ ope vix elapsus, triremem suam in hostium
 potestate reliquit. Id vbi cæteris ducibus gnarum, sum-
 mo impetu vniuersi, ac potissimum qui minori tri-
 remi præerat, Iacobus Antonius, in hostem ferun-
 tur. & captiuam duas horas nauem, victoribus victis,
 fortiter recuperant. insuper aliam, dum fugientes
 insequuntur, ipsis eripiunt. eoque prælio cæsi plurimi,
 pauci tantum aliquot capti; in ijs vir nobilis, domo
 Louaniensis, Rauescotus. victores Fucam concessere,
 & aggerem aperiri ab hoste cœptum obstruxere.
 Rigida valdè hæc hiems fuit, & ab eâ obsessoribus
 multum

multum incommodi; quos & aëris inclementia, & labores continuati fatigare. at Toletanum nil hæc talia permouere, non discedere, nisi captâ vrbe, certum. & vir animi elatioris, hætenus victor, indignari multo magis; urbem inuvalidam, quam vno octiduo expugnaturum se iactauerat, iam tres menses restitisse. quapropter nauibus, quod iam dixi, rem etiam gerere instituit. & Auriacus contra niti, ac Sonoio dare negotium, quando incertus belli exitus, sine morâ Alcmariam muniret, in quam hostis, si Harlemum caperetur, ducturus copias videbatur. tum naues quoque instruere iubet, quibus commeatum arceret. ipsique obsessi triremes binas emisere. & Sonoius existimabat, perfosso aggere, quâ Ya amnis per emissaria interiecta in lacum illabitur, munimentum aliquod ab Auriaco excitatum iri, ad urbem liberandam multum momenti habiturum. sed id factu impossibile euentus docuit. Sonoius castra Egmondæ habebat, & vicinis aliquot pagis, sed suorum immensam licentiam vix compescere satis poterat. quamobrem ipsi, & ductoribus quoque cæteris, mandare Auriacus, ne disciplinam militarem profligari paterentur. Inter omnes Michaël Crocus ferociâ alios antecellere. quem sæpe monitum, cum præter verba nil præstaret, & Scagensem curionem insuper occidisset, accusantibus cohortalibus, & ductorem vltra indignantibus, comprehendere

c15.15.
LXXIIII.

eIo. Io.
LXXIII.

dere ocius iubet; inde capitis supplicio afficit. Per hoc
 tempus pertæsus moræ & impensæ Albanus, quando
 vires non procederet, aliam viam tentare statuit, an
 blanditijs vrbes quasdam ad obsequium reducere
 posset. Igitur ad S. P. Q. Amstelodamensem literas
 mittit. clementissimum regem esse, quem calumniâ impudenti
 perduelles traduxissent; idque persuasas vrbes plurimas fidei
 se eius subduxisse. contrarium tamen satis clarè apparuisse in
 proximo agro Vltraiectino, tum Frisiâ, Gelriâ, & Transisela-
 niâ; quæ benignitatem expertæ. idem illis, si exemplum sequan-
 tur, certò promittere. falli autem, si eas sibi vires putarent,
 quibus regi, omniū principum potentissimo, resistere possent. ac
 pessimè sibi consultum ire, si, iniuriæ pertinaces, vltima ex-
 spectare vellent. Harum literarum exempla ad vicinas
 vrbes transmissa; ijsque publico scripto responsum.
 nunquam malè de rege sensisse: ideoque nec vim legibus factam,
 aut priuilegijs, imputasse. immò contra existimasse, optimum
 principem, iurisque & æqui obseruantissimum, nunquam per-
 missurum fuisse, multò minus imperaturum, ut homines pere-
 grini Belgij sui felicitatem conculcarent; cuius populum, supra
 ceteros subiectos, fidum esse explorasset; & maximè nupero
 bello Gallico, quod quadringenties centum millibus florenorum
 adiunxisset. idcirco credere, regis nomen falsò ab Albano præ-
 tendi. nec verum esse, per calumniam eum peti. quippe in vr-
 bibus vniuersis, quæ descuerint, neminem sanè reperiri, quin
 pro dignitate eius defendendâ facultates omnes suas, ac vi-
 tam denique impendere sit paratus. tantum hoc propositum
 fuisse,

fuisse, ut Albani & Hispanorum crudelitati se opponerent. cIs. Is.
LXXII.
 idque facturos ad extremam usque sanguinis guttam. tum exempla multa allegant, quæ deterreant. quod verò certissimò promittere videri velit, ludum esse, & fraudem meram. neque ipsos adeò fatuos, ut fidem omninò ullam habeant. potentiam regis quod proponeret, eam longè maximam scire, nec se profectò pares putare: at nec illum tam iniquum, ut clientes subditosque obsequij deuotos perditum ire inclementer velit. porrò ciues exhortantur, ne remp. suam deserant; immò contra annitantur, ut acceptam à maioribus libertatem posteris tradant. Dum hæc ad Harlemum geruntur, sæpius in Zelandiâ pugnatum; gensque ad patriæ libertatem asserendam animosa, naualibus prælijs multa fortiter cum felici exitu ausa est. Quâdam nocte Antuerpiam deuecti, naues aliquot ad crepidinem fluminis alligatas, catenis diruptis, abduxere. dein Middelburgum, & Rammekenum, obsedere. cumque Albanus liberandis Sanchium Auilam classem adornare iussisset, isque imperata exequens cum LV I nauibus desinente Februario oram soluisset, aduentantem ingenti prælio fuderunt. eâque pugnâ naues minores ferè omnes periere; quæ maiores, ægrè Antuerpiam refugère. Tam insignis victoriæ nuntium, datis VII Kal. Mart. literis, Auriacus Hollandiæ urbibus mittit, gratum omnibus, & Harlembus opportunum, quibus animus per hæc firmior. & ab ijs ineunte Martio res tormentis agi cœpta. Ante urbem magnam molem obsessores ex-

Ee

citaue-

15.15. citauerant, valdè sanè obsessis infestam; sed hanc Ioan-
 XXXIII. nes Cuningamus Scotus, Balfurij legatus, crebris icti-
 bus die non toto vniuersam disiecit. xi Kal. Aprileis
 instar clo clo clo frumenti modij nauigio in vr-
 bem importati. ac triduo post è præsidiarijs erupere
 lo ccc, & cum ijs egregij adfectus ciues aliquot; qui
 hostem pluribus locis adorti magnam stragem edi-
 derunt, cæsis amplius lo ccc, & tentorijs incensis
 plus ccc. abducta insuper ingens præda; tormenta
 bellica minora vii, puluerisque copia magna. signa
 ix. equi xxx. cæteri pecoris magnus numerus. Vestes
 plurimæ; & argentea atque aurea supellex. item arma
 omnis generis, militibus multis suffectura. inter cæ-
 sos Caruaialis, & Cressonerius, rei tormentariæ
 præpositus, cui successit Valentinus Pardæus Mo-
 ra. vulneratus Franciscus Toletanus. ex oppidanis
 tantum viii desiderati; in his Derdenius, ordinum
 ductor, manu strenuus: ac biduo post legatus Lan-
 celoti Brederodij, Theodorus Brassemannus. Cum
 verò iam solutâ glacie ad vrbes vicinas exitus redi-
 tusque difficilior esset, Mutinensium olim exem-
 plo, columbis vti incoepere; quæ exportatæ, cum li-
 teris subter alas affixis reuolarent. Vt autem obses-
 sis, ita quoque obsessoribus grauis obsidio, & dis-
 cedere castris certè voluissent. verùm Albanus vrge-
 re grauitè, & Toletanum filium magis etiam con-
 firmare, misso Cheuereauxio cum suâ legione; adhæc
 promit-

promittere aliam Lopesij Figueroæ, & xxv signa ^{c 15. 15.}
 Hispanorum. id enim regem Ducatus Mediolanen- ^{LXXIII.}
 sis præfidi, Ludouico Requesensio, imperasse. nec
 multò post Lopesius Acuna venit cum legionis Lon-
 gobardicæ signis xii, & alijs xiii Figueroæ. tum etiam
 Bernardinus Mendosa adfuit, ab Albano missus, qui
 eius iussu in plenâ militum coronâ Toletanum ad
 cœptam semel obsidionem forti animo exequendam
 concitaret. *nam si desereret, ipsum se, quantumvis egrum,
 mox in castris adfuturum. Et, si valetudo vetaret, uxo-
 rem suam, eius matrem, ex Hispaniâ euocaturum; potius
 quam expugnandæ urbis gloriam amitteret. igitur virtutis
 memor patrem cogitaret, & tot trophæa, quæ ne per ignaviam
 nunc corruptum iret.* Exin crebræ eruptiones, & euerfi cu-
 nei plurimi, cum multâ obsidentium strage. ac sic oc-
 cisi Ioannes Verga, primus centurio legionis Neapoli-
 tanæ, Sanchius Ledonius Braccamontianæ, Stepha-
 nus Quixada, & Bartholemæus Campocassius, inge-
 nij clarus, & castrorum muniendorum insignis. vul-
 nerati Goignius, Noircarmius, & Ioannes Ayala. i v.
 Kal. ab Amstelodamensibus instructæ naues xlii lacû
 occupant, perfosso aggere, vbi in eum Ya influit. præ-
 terea ad Fucam, vt statio illis tuta esset, locû muniunt, ac
 Gulete nomen faciunt. quamobrè obsessi, vt viam ali-
 quam vi aperirêt, triremem tertiam, ducibus Binchor-
 stio & Maureginaldo, Cagam mittunt. vnde postea v.
 Eid. Aprileis Auriaci naues c numero Fucam venere.

Ee ij cumq;

c15. 15.
LXXII.

cumque oppidani XII suas emisissent, aduerso conatu,
ægrè milite reducto, eas hostibus permisere. Nec ma-
gis tamen consternati quartam mox triremem instru-
unt, C V I I I pedes longam, eamque XVII Kal. Maias
producere. Interim Auriaci classis Hemstedam venit,
ubi cum militem exponendum oppidani rati essent,
misere, qui suppetias ferrent, I C C C L. sed hoste for-
titer repellente, cum accedere propius non liceret, re-
cessere. quo certamine Steinbachius ac Vaderus à suis
vulnerati. nec multo post alio loco C L C L expositi;
sed cum tardius oppidani erupissent, re infectâ iterum
discessum est. sed hoc egregio Balfurij facinore mox
pensatum. is noctu egressus cum Scotis suis, ciuiumq;
nonnullis, camisijs supra arma indutis, Rustembur-
gum expugnat, victorque signa captiua I V in urbem
refert. & postridie annisi locum recipere Hispani ma-
iore etiam suorum strage repelluntur. nec successu me-
liore iterum biduo post conantur. Extremo mense,
cum cuneus incensus obsessores aliquot sustulisset, ex-
plosis vicissim tormentis, interfecti Hadrianus Ianse-
nius, ordinum ductor, nobilitatisque vir primariæ,
Christophorus Scagius. ac postridiè, factâ eruptione,
stipatorum Auriaci ductor, Margotinus. Per hoc tem-
pus nummos argenteos obsessi cudunt, & insignia vr-
bis suæ, gladium binis vtrunque stellis interstinctum,
in anticâ parte exprimūt; in posticâ symbolum suum,
VINCIT VIM VIRTUS. In peruigilio Pentecostes
rursum

rursum obfessores caput à corpore separatum trans
 mœnia iaciunt, & inscribunt: *Antonij Oliuarij esse, qui*
ad Montes invadendos Ludovicum Nassovium sollicitasset. is
 ab Amstelodamensibus interceptus, dum aggerem,
 qui Nardenum ducit, ne subuehi inde commeatus
 posset, perfodere cum delectis aliquot moliretur. &
 pretium necis ab Albano positum fuerat, idque Tole-
 tanus soluit. Iam angusta annona erat, intercluso com-
 meatu. igitur ostiatim inquirunt, quid quisque domi
 occultaret. Deinde verò etiam ordinant, ac diètim vi-
 ris quidem libram panis; fœminis, puerisq;, selibram
 decernunt: scortilla, ac lixas, placentas è bunâ edere iu-
 bent; quibus reliquam quoque famem alij saturarent.
 dein cerevisiæ pretium ponunt, & floreno meliorem
 coqui verât. Nec tamen propterea illis animus fatisce-
 re, donec postea Auriaci classis profligata, captæque
 naues XXI. huc accedere, quod in Angliâ pax firmata
 inter Philippum & Elizabetham, spem auxilij in eâ in-
 fulâ impetrandi perturbaret. Tum in Fucam versa ar-
 ma; quam egregiè diu defensam, ter repulsis obfesso-
 ribus, cum commeatus pulvisque tormentarius defi-
 ceret, nec suppetiarum spes restaret, ægrè tandem de-
 diderunt. Auriacum valdè res angebat, & cura assidua
 de soluendâ obsidione. Hanc ob rem Ioannem Clu-
 sium ad Sonoium cum literis mittit, omnemque ope-
 ram nauare iubet. atque is, ut in remp. erat egregius, pa-
 rere promptus, cum copijs aliquot, & fossoribus, Die-

cIo. Io. LXXIII. mendum aggerem, qui Amstelodamum & Mudam in-
 teriacet, improuisus hosti occupat; & conuulso emissario, magnâq; vtrique ductâ fossâ, milites lōccc im-
 ponit. tum fossiores multos addit, qui locum opere festinato communirent. Deinde relictis in præsidium triremibus v, & nauibus alijs, confestim Edamum abit, auxilia iusta, fossioresque, & com meatum curaturus. ac dum id agit, Amstelodamenses, qui rei nuntium iam acceperant, gnari quantum in eo loco momentum esset, & impeditum obsessoribus com meatum deinceps fore, cum xxii nauibus hostē aggressi, triremes ii nauesque alias iv capiunt, reliquis fugâ vix elapsis, ac sub aggere se tuentibus, & auxiliarium tormentis. quamuis illi grauer quoque oppugnati, dum viâ Amstelodamensi signa iii, Mudensi i, à fronte & tergo fortiter incumbunt, ac latus vtrunque naues inuadunt. Sed his Sonoius, grauer eos laborare gnarus, mox cum xl nauibus suppetias tulit. & initio victor, in fugam Amstelodamenses egit. at cum submissæ naues maiores pugnam instaurarent, fractis animis, continere suos non potuit, quin victoriam satis certam hosti traderent. ipse solus inter confertos fortiter faciens, ac desertus, vix euasit. & indignatus turpiter suos fortunam fauentem destituisse, vt infamiam repararet, collectis ocus amplius lxxx nauibus, subuenire obsessis cupiebat. iamque in itinere erat, cum desertum à suis aggerem nuntiatur. inde, vt consilia cuiusque

cuiusque ferè ab euentu perperam æstimantur, petitus
 graui calumniâ, ceu parum prudenter, alijsq; inconsul-
 tis, rem gessisset. & iuuare profugus miles, qui querelâ
 publicâ pro se vsus, suæ ignauiae culpam ducis prætexe-
 bat. quamobrem ille rem vniuersam Auriaco indi-
 cat, idem Clusio faciente, quem consilij conscium ha-
 bebat. nec officio Bardefius defuit. ac petere Sonoius,
 mitteret Philippum Marnixium Aldegodium, aut ali-
 quẽ eius notæ virum, qui inquireret. Huic verò minus
 gratum isto quidem tempore dissidiũ, quo remp. per
 se imbecillam satis, concordia firmare opus. & iniu-
 riam Sonoio factam, meritorũ hætenus præclaro, per-
 dolebat. Igitur scriptis ad eum literis, *benè deinceps spe-
 rare iubet; gnarum sibi, quo affectu remp. amplexus esset,
 ac libertatem eius iuisset. idcirco tam manifesto discrimine,
 pro egregio affectu suo, priuatam offensam illi condonaret,
 nec tam alieno tempore laborantem desertum iret. quod si ali-
 qui temerè, per inuidiam iniurijs, innocenti culpam impone-
 rent; sibi tamen plus cordis esse, nec iudicijs aliorum ferri.*
 Istis verbis confirmator paullum Sonoius; sed non
 odium tamen eius, aut inuidia, intermittere. ac falsò
 vulgatum, vincula ei iniecta fuisse. hæc de causâ Ca-
 rolus Boifotus missus, qui de totâ re cognosceret,
 ac compositâ similitate in commune consultaret. is-
 que mox de expeditione in Diemenum aggerem factâ
 anxie inquirere, & clam Sonoio de rep. consilia ha-
 bere. tum inuito quoq; eo captiuum dimittere, quem
 Edami

cIo. Iſ.
LXXII.

eIo. Io.
LXXIII.

Edami in custodiâ attinere ipse iusserat. quod cum multo magis offenderet, ac omninò existimaret, Boi-
sotum dignitatis æmulum hoc vnum agere, vt populi
beniuolentiâ adiutus præfecturâ ipsum euerteret; de-
nuò apud Auriacum queritur; *indignum meritis præmium
reddi, & ad omnes exemplum pertinere, quibus iusta causa
muneris deferendi daretur, metuentibus, ne calumniâ simili
olim obruti, pro gratiâ offensam, pro præmio ignominiam refer-
rent.* Dein Aldegondium, & quos æquiores putaret,
per literas orat, darent operam, vt ne quid homini innocen-
ti fama sua, quâ nil carius haberet, laderetur. paratum planè
Auriaco obsequi, & prouinciâ, si publicè expediat, etiam disce-
dere; quam non nisi reip. causâ suscepisset. quamuis quidem
aliū sibi in eam dignitatem substitui, quam labore suo maxi-
mo, & periculo, peperisset; longè iniquissimum foret. quicquid
tamen huius futurum, id Auriaco totum permittere; in cuius
prudentiâ, & æquitate, acquiesceret. Sed Auriacus, qui tur-
bari illic nollet, aut hosti occasionem dari, opprimen-
da initia ratus, Petrum Ryckium illuc misit, qui, quod
facto opus, exploraret, ac Sonoium admoneret, publicæ
securitatis, & quietis suæ causâ, vt præfecturam inuidiosam
abdicaret; ac cum Veriâ, quam permittere ipsi vellet, commu-
taret. cui Sonoius; non se dignitatis auidum, ac pridem eam
ponere voluisse, nisi affectus in Auriacum, remque publicam,
retinuisset. huius rei ipsum sibi testem esse, qui pluries dimitti
orantem continuare munus iussisset. nunc autem vt illud fa-
ceret, cum famæ detrimento, nunquam imperaturum putasse.
& verò,

Et verò, si sic discedat, quam Verie dignitatem fore? id iudi- c 13. 13.
care in proclui. quamobrem valdè ipsum rogare, nuntiaret LXXIII.
rerum statum, Et intercederet, ut existimationis suæ ratio-
nem habere velit. quod si præfecturâ cedere porrò iuberet, pa-
ratum obsequi, sed deinceps aliam nullam admissurum. idque
animi honesti, fideiq;, apud æquos rerum arbitros, clarum sa-
tis indicium fore. Ita Ryckius discedens rem Auriaco
 omnem exponit; isque redire eum iubet, & Sonoio
 potestatem prorogare: tum collegas tres adiungere,
 qui cum vrbium Hollandiæ borealis delegatis remp.
 administrandam iuuant. Carolo Boifoto seorsim
 munus ordinatum. etsi nec sic tranquilla omnia, cùm
 maneret inter vtrumque æmulatio, quam diuersus po-
 puli affectus irritabat. Iam autem indies magis premi
 obsessi, & Auriacum Ordinesque liberandæ vrbis cura
 angebat. ac maturandum sanè erat, oppidanis extrema
 quæque patientibus. sed tam arcta obsidio erat, vt vix
 sperare quicquam liceret. & castra hostis validè con-
 tra vim munierat. intus magna rerum omnium penu-
 ria erat, & quæ illam sequitur, fames. ac frumento de-
 ficiente cibus esse equorum vaccarumque pelles, car-
 nes felinæ, eque cannabis semine panes. his delicijs vi-
 tam miseri tolerare. Igitur vnum hoc restabat, obside-
 re obsessores, ac com meatum intercludere. hanc in
 rem quando ingens momentum haberet Diemenus
 agger, Sonoium iubet iterum eum occupare, ac com-
 munire. dein parte ab aliâ Batenburgicum quoque
 F f mittit,

cIs. Io
LXXIII.

mittit, qui cum iustis copijs Ouderkerkam, pagum in
viâ Ultraiectinâ ad primum Amstelodamo lapidem
statim inuaderet, ac com meatum prohiberet. isq; pos-
leuia aliquot prælia partem vnâ occupatâ properè
munit. sed quia templum Frâciscus Valdesius tenebat
& cœmeterium, locumq; ante communierat, irritus hic
conatus fuit. & delecti item Io Schonhouiâ missi, quos
cohortes peditum v nauibus vectæ sequebâtur, in qui-
bus etiam com meatus, & tormēta. hi cum Breukelam
venissent, in Vectæ ripâ positum pagum, munire ocius
locum incipiunt, arcisq; oppositę Guntersteinæ xl de-
lectos imponunt. sed conatum anteuertit Ioannes Bap-
tista Taxis, qui tum Ultraiecti forte frumentariam
rem curabat. is enim, simul nuntius venit, vt inualida
adhuc initia perturbaret, assumptâ Maximiliani Me-
lodunij equitum alâ, & ii peditum signis, arcisque ali-
quot præfidiarijs, quos Ioannes Deça addebat, è vesti-
gio illuc profectus, nullo negotio hostem fudit, opera
inchoata destruxit, & liberam com meatui subuehendo
viam fecit. inde in propinquo munitione ad nouum
emissarium tentatâ, mediâ inter Amstelodamum &
Ultraiectum viâ, orta seditio militaris, quamuis sta-
tim mox composita, hoc consilium impediuit. So-
noius verò, vt iussus erat, postridiē Kal. Iunias mediâ
nocte, paucis suorum desideratis, aggerem Dieme-
num iterum inuasit; & occupatum, ac castellis vi mu-
nitum, vsque ad deditionem vrbs tenuit. sed quia
submissæ

submissæ ab Amstelodamensibus triremes v, magnus-
que aliarum nauium numerus, suorum ignauia, lacum
tamen proximum tenebant, inutilis quoque tam ar-
duus hic conatus fuit. Interim obsessis allatæ per co-
lumbas literæ sæpe animos iam paullatim labascen-
tes confirmârunt; dum breui liberationem, & con-
stantiæ quoque præmia pollicentur. ac promissis re-
creati, interdû morâ desperabant, inter spem metum-
que medijs. cuncta quidem Auriacus tentare, ac men-
tem animi in quamcunq; rem intendere; sed consilio,
quàm euentu, meliore. & iam passim prouinciales quo-
que ipsi commiserari; plurimique, vt obsessis subueni-
rent, ultro sese offerebant, nullo stipendio, sed in ciues
patriamq; affectu. Ab oppidanis nihilo segnius excur-
sionibus factis sæpius pugnatum; sæpe etiam cunei in-
censi multos subuertere. & accidit, vt aliquando Ve-
mius Cognatusq; in extremum periculum adduceren-
tur; quippe ruinâ inuoluti, ac tantum non obruti, vix
suis adiutantibus, terramq; iniectam deducētibus, eua-
sere. Per hoc tempus oblesores nouum machinæ ge-
nus struunt. ligneum castellum statuunt, malis iv sub-
nixum, quod rudentibus attractis eleuatum supra
mœnia militem attolleret, commodè inde cum obles-
is pugnaturum. id dum parant, Marcus Toletanus,
parum cautè murum inspectans, sclopeti ictu interfici-
tur. inde iii Non. Iun. Petrus Velascus cū ccc aliquot
imponitur. sed vix bis sclopetata exploserāt, cū oblesi

cIo. Ios.
LXXII.

CLV. LV.
LXXIII.

contrario ictu funes dissecant; inde nutans statim machina Hispanos oppugnantes euertit. Postridiè emissæ columbæ, quæ mox literas referrent; & in summâ inopiâ rursus ordinata annona, ac, continuato militibus pane, ciues bunâ vesci iussi. cumque Hispani insultarent; nec panem ipsis, nec cereuisiam restare, ceu abundè omnia essent, ientaculum illis extra portam Ziliam misere. tum duplices etiam nummos cufere, denis assibus, & vicenis, æstimatos. dein, cum populus quereretur literarum, quas columbæ afferrent, argumenta occultari, vt animos vanâ spe lactatos in longiores æumnas differrent, permissum illis vi viros eligere, qui allatas etiam inspicerent. xvii Kal. Iulias obsessores cuneum incendunt, quâ ruinâ ex obsessis xl periere. biduo post, deducuntibus sclopetarijs, Tserartsius & Gotinus Fucam emissi, qui Auriaco statum vrbis nuntiarent. ac vterque mox rescribunt, *ne vllomodo desperarent; commigrasse Leidam Auriacum, vt liberationem accuraret.* Eo ipso tempore vallum nouum à Margaritæ vsque ad Ioannis portam instituitur. v Kal. aliquot lccc camisiâ armis superinductâ, Fucam progressi, cum auxilium ab Auriaci classe expectassent, conatu irrito recessere. ac postridiè allatis literis excitatiore animo c lccc viri itidem instructi denuò exiere. sed neque tunc adiuti quicquam, spem in posterum amittere. Inde colloquia instituta Kal. Iulij; & auspiciati Pelicanus ac Cornelius Mathæus, ductores. cumque
prodire

prodire præfectus vrbis iuberetur, sub horam quintam ^{cIo. Io.}
vespertinam negotium incoepere, pro Toletano Eber- ^{LXXI I F.}
steinus cum i valijs; ex oppidanis missi consul Ioan-
nes Vlietius, & ductores Steinbachius, Rosonius, &
Pelecanus. sed re infectâ, vtrunque discessum. v. Non.
exerto è turri vexillo nigro angustias suas classiarijs in-
dicarunt. ac postridiè tormentis omnibus verberatâ
grauiter vrbe, sub vesperam iterum de dedendâ collo-
quuntur, nullo successu. Pridie Non. rursus è turri
signum nigrum ostenderunt, & tunc literæ aduenere,
quæ tentandam eâ nocte liberationem nuntiarent.
itaque frequentes etiam egressi, vt auxilia adiuuarent,
cum diu multumque expectassent, spe deiecti redie-
re. tum ad colloquium tertio ventum est, rem acturis
Ebersteinio, & Bosuuiio, cum iv alijs; quibus oppositi
ex obsessis Vlietius, Steinbachius, Rosonius, Soheus,
Pelecanus, & Cornelius Mathæus. sed neutiquam me-
lior euentus fuit, cum præsidarios sine armis non exi-
tuos affirmarent. Iphis Nonis auxiliares urbem ver-
sus classem ducunt, & egressi oppidani suppetias suas
promoturi. quod vbi Hispani conspexere, concitato
ad arma milite, impetum eorum reuocârunt. vii Eid.
vexillum è turri album suspendunt, & ductorem Ni-
colaum Bernardum emittunt, qui oraret; *in sequentem*
Martis diem commeatum ad speculam in faucibus Sparni
positam, vulgò Tonnâ Bataui dicunt, vt deducerent; nec
enim famem tolerare ultra posse. ac postridiè missæ literæ,
Ff iij ab ipso

eIo. Io.
LXXIII.

ab ipso quoque Bernardo subscriptæ, quibus hortari eos Auriacus, *virtutis hætenus tam insignes, saltem in biduum spem proferrent. omnem se daturum operam, quâ liberare eos posset.* itaque recreatis animis, etsi de vrbe deserendâ iam plerique cogitassent, paulisper tamen sustinere. Biduo post promissa iterat, & nocte proximâ, simulatâ ad Fucam impressione, aliò mox translatis armis, impetum in siluam facturum. quamobrem egressi c l o c l o oppidani ac præsidarij, vt à tergo hostem inuaderent. sed hîc quoque frustra habiti, animum planè desponderunt. Certè Auriaco animus erat extrema tentare; & copias ipse ducere velle, si permittere Ordines voluissent. sed illi gnari, vt fortunâ princeps vititur, ita ferè populi virtutem esse; metuebant ne, si quid aduersi accidisset, resp. tota in discrimen adduceretur. ideoque negotium omne Batenburgico commissum. Is collectis circiter c l o c l o c l o c l o armatorum, in quibus ciues Leidenses, Delphenles, Roterodamenses, alijsque ex urbibus plurimi, qui in militiam hanc ultro venerant, v i Eid. motis Saxen-hemo castris in hostem tendit. ac in primâ quidem acie c equites antecedere; dein magnum agmen Batauorum ac Zelandorum cum vii minoribus tormentis subsequi: tum Galli, Angli, Scoti, alijque. inde carri instar c c c cum annonâ, & reliquo belli instrumento. posthæc Germanorum equitum ala incedens agmen claudere. Vbi ad siluam accessissent,

sent, primâ munitione vacuâ, cùm fugisse hostem rati
porrò ducerent, minus cautos ex insidijs ille ador-
tus, præmissum equitem ocius fudit. isque per pe-
dites subsequentes, belli magnam partem insolentes,
actis equis, aciem suorum imple turbans, facilem Hi-
spanis victoriam præbuit. qui fugientibus incum-
bentes, quoscunque comprehendere possent, obtrun-
care. eâque pugnâ cecidere 1000, atque in ijs è Delphen-
si ciuitate 111. cæsi item Batemburgicus, Cloetin-
gus, & Carlous. Tserartsius saucius Leidam euasit.
pluribus beneficium noctis profuit. capti currus cum
annonâ vniuersi, ac tormenta campestria vii, in ar-
cem Cliuiam comportata. tum signa ix, quæ postri-
diè oppidanis obsessores ostentare. Pauci mortem Ba-
temburgici deplorare, qui temulentum, & cladis huius
auctorem appellare: alij contra excusare, & *fortiter
satis fecisse ipsum, sed consilia hosti prodita.* Reliquiæ
cladis in præsidia distributæ, & desertum Saxenhe-
mum, vbi posita fuerant castra. nec liberandæ vr-
bis posthac spes superfuit, etsi Auriacus tentandam
iterum fortunam esse existimaret; qui postridiè rei
huius obsessos certiores fecit. Eo nuntio seriò tan-
dem de dedendâ vrbe actum, cùm ablata spes salutis
omnis esset; & fames maxima, quâ enecti longè plu-
rimi, Saguntinam planè constantiam oppidano-
rum impugnaret. Ac initio deserere urbem, & obsesso-
rum castra perrumpere, visum erat; fœminis, puerisque
relictis;

cL. lō.
LXXII.

relictis: quibus hostem, etsi crudelem, parciturum tamen sperabant. sed consilij huius famam imbellis sexus tanto eiulatu excepit, ut spectaculum triste viros à sententiâ dimoueret. inde aliud mox decretum; ut in fronte collocatis vii sclopetariorum signis, viam vi factoris, magistratus & oppidani, qui se hosti credere nollent, cum vxoribus liberisque sequerentur. post hos nouem signa incederent, agmen clausura. & in pro-cinctu omnes esse, cum de gratiâ faciendâ allatus nuntius cohortes Germanicas aliorum impellit. ac postridiè rursum Gallorum v signa, quibus mixti oppidani, tentare eruptionem parata, pontis defectu destitute. idemque irritò conatu posthac adhuc semel tentatum. Ergo aduersa omnia experti, iV Eid. Toletani arbitrio urbem dedunt. ea que ne diriperetur, promissa c c x l florenorum cl o. è quibus c quidem cl o intra diem duodecimum, reliqua c x l intra proximum trimestre soluerentur. Res transacta à binis consulibus, item Steinbachio, Rosonio, ac Vadero. & Rosonius, futuri prudens, cum conditio displiceret, militibus suis rem exponit. ijque indignati, clausis portis, ingredi obseffores vetant. qui tamen aliâ parte admissi, ut impetum sedarent, benè sperare omnes iubent: *maiore clementiâ vsurum Toletanum, quàm promittere sibi auderent.* Id vbi Bordetus intellexit, homo Gallus, ductor militum, animo pariter & manu strenuus, qui in Montibus militauerat, ne ludibrium hosti daret, ad famulum conuer-

conuersus; *hactenus*, inquit, *fidei in herum tam præclarus*, c 15. 15.
extremum infelici obsequere. simul porrecto sclopeto pec- LXXIII.
 tus offert, & transuerberare iubet. cumque attonitus
 triste imperium deprecari conaretur, porro vrget, *ne se*
hosti inclementi trucidandum prodere vellet. Igitur ægrè
 tandem obtemperat. alij ferunt, illo obsequium per-
 negante, suâ manu verso in semet sclopeto cecidisse.
 laudando sanè virtutis exemplo, si priscis seculis obti-
 gisset. Ergo III Eid. urbem dedunt; ilicoque ciues pa-
 riter militesque arma in curiâ ponere iussi: & illi qui-
 dem in Ziliæ monasterium ire, hi in templum Bake-
 nissæ. fœminis templum maius assignatum. Germani
 ac Scoti in mœnibus manere, vnde postridie, in urbem
 ingresso Toletano, ad Catharinæ & Vrsulæ fana seuo-
 cati. quo ipso die ad ciues in monasterio Ziliæ seposi-
 tos Romerus accedens, bono esse animo hortatur; vi-
 tam omnibus saluam fore. Eid. mensis venit Amstelo-
 damo Albanus, sed circum lustratâ vrbe, è vestigio re-
 trogressus, intrare noluit. Actunc initium carnificinæ
 factum fuit, ccc Belgis gladio aut laqueo interfectis.
 tum præfectus vrbis Ripperda, cū legato, & qui Stein-
 bachio à concionibus, gladio percussi. inde CCXLVII
 merfi. xvi Kal. Sext. redimendæ ciuium vitæ prima
 c florenorum c10 exhibita, urgente maximè Philippo
 Martinio, olim eiusdem vrbis consule. & tunc extra
 portam Scalouicanam iterum in nonnullos sæuitum.
 ac postridie ccc percussi, in quibus oppidani plures;

clo. lo.
LXXIII.

& concionator, Simon Simonius. dein Lancelotus Brederodius, Rosonius, & Brilani ærarij quæstor, Scotæ ad supplicium producti. capti item, qui religionis causâ solum verterant; & in ijs Kiesius consul, Iacobus Gerardus thesaurarius, Arnoldus Coemannus, Florentius Gulielmius, alijque. nec adhuc finis lanienæ. v. i. Kal. comprehensi prætor Hadrianus Ianfenius: Ioannes Vlietius, & Gerardus Stuverius, Coss. tum senatores, & ductores ciuitatis. qui Eucam tenuerant præsidarij, ac vitam saluam fore pacti, per ludibrium fame enecti. Exortæ quoque inter Hispanos ipsos turbæ, dum de prædâ & stipendio altercantur, quæ mense proximo à Vitellio vix compositæ. Interim pluries in captiuos milites sæuitum; occisiq; vario supplicio plus lo cccc. at Hispani, ceu egregio aliquo facinore, augent numerum; & interfecta instar c lo c lo narrant. Hic exitus obsidionis fuit, pro libertate tam præclarè toleratæ; in quâ fortiter extrema omnia passi obsessi, & tormentorum c c l o o c c l v i ictus exceperere. qui antea circiter c lo c lo c lo c lo, ferro ac fame ad c lo. lo redacti. Sed obsessores hac victoria nullo modo incruenta. quippe cæsi præstantissimi belli duces numero multi, & gregariæ militiæ c c lo c lo c lo. Lazari Mulleri legio vii Eid. Sext. eieratâ Auriaci militiâ, cum vitæ gratiam impetrasset, à c l x. equitibus in Gelriam deducitur. quod vbi Sonoio exploratum, qui Diemenum aggerē tenebat, duce Gualtero Hegemanno

no III triremibus sclopetarios aliquot imponit. isque ^{c 15. 19.}
 statim nil opinantes noctu adortus, antequam sumere ^{LXXIII.}
 arma possent, Hispanis omnibus profligatis, liberatos
 custodiâ Germanos ad Sonoium protinus duxit; qui
 armaturus illos erat, valdè pronos, & vlciscendæ, ut præ
 se ferebant, iniuriæ auidos. sed captiuis adhuc ducto-
 ribus, cum acceptâ rei famâ, extremum supplicium
 Toletanus minaretur, exorato ægrè temporis spatio,
 Iacobus Steinbachius, Christophorus Vaderus, Schra-
 mus Brunswicensis, & Christophorus Guntherus,
 socius ad illos Ioannem Bebecotum, & Alexandrum
 Murdianum, cum literis mittunt, orantque; *vellent fi-
 dei datæ meminisse, nec innocentes in periculum vitæ adduce-
 rent. cogitarent periurij infamiam, & ultorem noxæ Deum.*
 his impulsî, à militiâ discessere. Pridiè Eid. solèni pom-
 pâ Toletanus urbem intrat, & dedicato Bauonis tem-
 plo, coram ipso Godefridus Merleus, primus eius loci
 episcopus, sacrum peragit, certisque capitibus ad ser-
 uandas ecclesiæ immunitates sacramento obstringit.
 Tunc intermissa mensem vnum carnificina instaura-
 tur; ciuesq; multi, cum ductoribus Belgarum, magno
 oppidanorum dolore, Scotam abducti. dein protracti
 è valetudinario milites vulnere aut morbo imbelles,
 in areâ subiectâ capitis supplicio afficiuntur. mox di-
 plomate promulgato reliquis omnibus præteritorum
 gratia facta pronuntiatur. tantùm LVI excepti, eo-
 rumq; nomina edita, atq; ex illis VI occisi. III in custo-

c15.15. diâ exspirarunt. I cum I I Sebastiani Craenhalsij filia-
 LXXIII. bus permutatus, Ioannes Vlietius, molitoris veste oc-
 cultatus, deceptis custodibus clam euasit. reliqui in
 carcere habiti, indies mortem exspectantes, mense No-
 uembri Amstelodamum sunt deuecti, illic iussu Alba-
 ni occidendi, nisi Bosuuij consanguinei, qui tunc Hor-
 næ in vinculis haberi, liberationem impetrassent. Vrbi
 captæ cum præsidio Germanorum Licquius imponi-
 tur. Sed hanc cladem mox Gertrudis berga pensauit.
 quam Poietus, cōscenso ad portam Bredanam muro,
 excubiarum raritate, sine negotio occupauit. In præsi-
 dio signa II Belgarum erant; eaque ferè obtruncata.
 ciuem neminem victor læsit, ac data Tzerartsio præ-
 fectura. Harlemo capto, castra Hispanus Alcmariam
 transtulit. Monuerat pridem omnes in eo tractu vr-
 bes Auriacus, sedulò sese communirent; ac maximè il-
 la, quæ tunc prima hostem sustinere deberet. muni-
 endarum urbium curam Philippo Vander-Ano dede-
 rat, Iacobo Cabeliauo Alcmariæ præfecturam. sed is
 cum intromitti vellet, cum vnâ saltem cohorte suâ, re-
 stitit paulisper magistratus, ægreque tandem Auriaci
 suasu intromisit. ac vix id factum, cum ecce Hispani
 pedites c l o c l o, equites c c c urbem cingunt. contra
 quos erumpentes præsidarij leui prælio mox decertât,
 & suburbio iam occupato expellentes id incendunt.
 Biduo post motis castris, exustâ Egmondâ, & pecore
 copioso abacto, rursus sc Harlemum recipiunt, ac
 cæteris

cæteris copijs, illicitumultuantibus, se adiungunt. Al-
 banus tam longa Harlemi obsidione attrito vehemen-
 ter ærario stipendia soluere militi non poterat, cui
 xviii menses debebantur. ex Hispaniâ à multo tem-
 ore nil allatum; & exiguum, quod prouinciæ tribue-
 ant: quas si paullò magis premeret, periculum erat,
 ne etiam ad Auriacum deficerent. deinde, vt breui po-
 testatem depositurus, ne tentare quidem voluit. Igitur
 publicato Ultraiecti diplomate, iterum regis clemen-
 tiam prædicat, & *paratam cunctis veniam, si ad antiquum
 obsequium redirent. quod si rebellare pergerent, extrema omnia
 expectarent.* Et quamquam blanditijs istis, aut minis,
 nihil effectum; afflictus tamen tunc Hollandiæ, & po-
 tissimum borealis, status erat. tantusque passim metus
 inuaserat, vt rebus suis conuasatis plurimi fugerent.
 Hoc cum Auriaco Sonoius, reip. causâ anxius, indica-
 et, is rescribit; *nollet animum despondere; ac virtutis sue
 continens porrò omnia accuraret. obnoxias casibus res huma-
 nas, nec ideò tamen cuiusquam constantiam impelli debere.
 ultum quidem in Harlemo liberando momenti fuisse, eamque
 rem quiduis tentasse; sed eo iam capto de rep. desperare, nec
 iri illud, nec periti rerum esse. restare vrbes adhuc plurimas,
 ngè sanè munitiores, & extrema pati certas. quamobrem
 confideret cælo; ac, si spes omnes profligatæ planè essent, affu-
 rum è machinâ Deum, periurij, & scæuitiæ, ultorem. quod
 stipendia in mensem quemque curanda putaret, id profeclo de-
 irari. quem enim regum, aut imperatorum, vnquam fecisse?*

elo. lo
LXXII.

&, nec apud Albanum fieri, exploratum; qui menses XXVIII Hispanis debeat. porro, quando freto australi occupando classem hostis appararet, daret operam, ne quid hinc ressp. detrimenti caperet. fortiter Zelandos facere, qui Rammekenum expugnassent. horum exemplo animum firmaret; nec remp. aut virtutem suam desereret. Iam Alcmariâ, ut dictum est, castra sua Hispani mouerant, & oppidanis datum respirandi tempus. idcirco literis alijs datis Sonoium Auracus, & borealis Hollandiæ Ordines, seriò monet; vterentur occasione, et Alcmariam, egregiû tractus istius propugnaculum, annonâ ac præsidio firmarent. tum seorsim magistratui quoq; scribit; necessaria omnia curarent, impensam ex ærario publico recepturi. Itaque illicò de com meatu sibi prospiciunt, & oppidanis quoq; singulis frumentum cõparandum indicunt. itidem Leidani faciunt, ab alterâ Harlemi parte pari interuallo proximi. Per id tempus Amstelodami Albanus erat. ac classem, quâ fretum australe inuaderet, instruebat. & Billius quoque, agri Groningensis præfectus, cum nauibus aliquot cespice instratis, qui subter militem occultaret, Enchusam capere constituerat. sed miles quidam, Snecâ per noctem dilapsus, insidias Sonoio prodit. atque is comprehendere quidẽ omnes sperauerat, sed vento exiguo cum tardius aduentarent, præcipite impetu effusis oppidanis, euasere. & Bosuuius arcis Medemlacen-
sis præfectum, Cornelium Risvicum, per literas sollicitat; si dedere arcem urbemque vellet, præmium benefi-

beneficij ingens, & veniam præteritorum fore. id verò cIo. Io,
LXXIII.
naturandum esse. nam Leidam iam obsideri; & decretum,
magnis copijs borealem Hollandiam invadere. igitur ocius,
quid factururus, responderet. Et ille tunc Enchusæ abe-
rat; quique literas has attulerat, se subduxerat. inde
redux, conuocato magistratu eas legit. tum, remo-
uendæ suspicioni, rei gestæ Sonoium certiore facit.
interim Zelandi Middelburgum, Arnemudam, &
Rammekenum, magnis animis obsidebant. & Al-
banus, classe instructâ liberare, commeatumque
inferre nifus, vario conatu semper tamen frustra
uit. Bellouacus, mari in illis insulis præfectus,
cum Mondragonio, paratis lxxx nauibus, men-
se Augusto iterum tentans, à Carolo & Ludouico
Boisotis, fratribus fortissimis, impeditus, muta-
to itinere ad Westcapellam militem exponit, & an-
nonam properè importat: ac Christophorum Mon-
dragonium, insignem militiæ virum, cum Belga-
rum xv cohortibus præsidio addit. nihilominus ta-
men Rammekenum, cum Arnemudam petijisset præ-
fectus, illic vim hostilem metuens, intercipiunt.
ita feruere vbiq; bellum. nam Albanus, successo-
rem indies expectans, priusquam decederet, in-
signi aliquo facinore claram potestatem deponere
cupiebat. itaque extremum contra Hollandiam ac
Zelandiam omnes vndique copias vertere. deinde ad
im fraudem etiam, ac promissa, adhibere; quibus
non

c15. 15.
LXXIII.

non minore curâ vbique se Auriacus opponere, clericorum ac profugorum pariter bonis, ac multiplici tributo populi adiutus. tum ix viri ordinati, qui illi consilijs essent, Iacobus Doufa, Paulus Busius, Petrus Wastelius, Iacobus Musius, Henricus Duistius, Gulielmus Ioannes Reinerius, Ioannes Iacobus, Sebastianus Losenius, & Læuinus Kerfmaeckerus. hisque actuarij additi, Antonius Genitsius, & Henricus Persinius. Per hæc Bossuuius classem armare, & in Frisiâ quoque Billius iv triremes. idque Auriacus exploratum Sonoio indicat, vt se contra ipse instrueret, & anteuertaret. ideoque Doco Martina, Frisico mari ab Auriaco præfectus, cum iv liburnicis Amasiam flumen occupare, vt triremes, Groningâ aut Delfssiliâ prodituras, prohiberet. sed excitata mox tempestas, flante Coro, præter cæteram hominum, pecorum, segetumque ingentem cladem, omnes totâ Frisiâ naues dissipauit, ac submersit. Dum Bossuuius bello se nauali parat, destinato Toletano, qui terrâ copias alias duceret, legatus eius Tambergius in Waterlandiâ Brouckam occupat; inde Lansmeram, Sanderdorpam, & Zuderwoudam. ac separati inter se prouinciales, intercluso terrestri itinere, nisi freto australi aduehere commeatum non poterant. iamque Harlemi, Chiapini Vitellij operâ, compositus militaris tumultus. quamobrem ad obsidendam Alcmariam denuò copias reducere placuit. & xiii Kal. Septembr. missi à Toletano equites, qui urbem

urbem cingerent. primoque appulsu impositas canali ^{c 10. 10.}
domos 11, ubi rhus coriaria parari, ut commeatum ^{LXXIII.}
interciperet, Mediuilla expugnat. sed erumpentes op-
pidani vnam ex ijs recuperatam cum 11 moletrinis
igne exurunt; alteram fortiter propugnante Hispano,
& auxilia submittente, coacti relinquere. In eâ pugnâ
Mediuilla cecidit. Milites, qui ad Scermeram posi-
ti, eo loco, quo specula exstat, metu omnes diffugere.
quâ munitione potitus hostis, ad extremum canalis
claustrum mersâ naue, commeatui importando adi-
tum obsepsit. Ad rei famam Sonoius Ruichauerium
cum suâ cohorte in urbem proficisci iusserat; sed, quia
desertum ad speculam locum Hispanus inuaserat, ex-
clusus fuit. nec multo post vniuersis copijs vrbs obse-
sa quàm arctissimè. & Toletanus ipse cum Philippo
Noircarmio, Iuliano Romero, Consaluo Braccamon-
tio, Petro Velasco, Petro Toletano, Goignio, Stephano
Ibarrâ, & Valentino Pardæo Motâ, Outdorpij erat; ac
circû XLII cohortes, quibus additæ viii aliæ ex Italiâ
nuper in supplementû missæ. tum IOL equites. Ferdi-
nandus frater cum viii cohortibus Huifwertum te-
nebat; Poluillerius cum xi cohortibus pagum Pancra-
tij. ad Koedicam Cheuereaulxius Licquiusque cum
xx. Bergæ x sub Capresio, vna cum reliquo equitatu.
Neoporti xxii sub Ebersteinio, ac Fronfbergio. vni-
uersim cxxi erant, in quibus militum xvi clo. In
vrbe autem, qui tam multis resisterent, valdè pauci; &

elc. lo.
XXIII.

vix vnus contra octonos: oppidani c l o c c c. præsi-
diarij l o c c c. ad hæc inquilini numero exigui,
& rustici aliquot, homines belli imperiti, qui ex
agris huc confugerant. Statim obsessi ad Sonoium
literas mittunt, nuntiantque; eisi undique aditu penè
intercluso, & munitione ad speculam amissâ, hostem tamen
sustinere, & extrema quæque paratos. quando autem ma-
iore præsidio, ac puluere nitrato, reliquoque instrumento in-
digerent, ut quàm primùm suppeditaret. tum consultum
arbitrari, ne ulterius hostis irrumperet, ut oppositum ma-
ri aggerem perforarent. Ad has literas ille respondet.
indolere ipsorum casu, atque ad primum rei nuntium Ruicha-
uerium destinasse, qui præsidium urbis firmaret. sed hunc,
relictâ suorum metu speculâ, introitu prohibitum fuisse.
nihilominus non labori, aut sanguini quoque suo, parciturum,
ut liberare obsessos posset: ac iam Auriaco perscripsisse,
& consilium, ac suppetias, postulasse. considerent autem,
& viri essent. quodque de maris aggeribus scripsissent, si
res exigeret, factum iri; & iam ante, ut emissaria panderen-
tur, ultro mandasse. dein ad præfectum Cabeliauium
eiusdem argumenti literas addit. Etiam vicinæ vr-
bes hortari, ne capto Harlemo consternati animum abij-
cerent; quin causam publicam cogitarent, & pro patriæ li-
bertate fortiter pugnarent. omninò fore, ut iugum Hispa-
nicæ seruitutis breui excuterent: nam cum copijs longè maxi-
mis è Germaniâ Ludouicum Nassouium aduentare. ea res
animum oppidanis confirmavit. Interim Sonoius
nil

nil prætermittere, quod ad Remp. pertineret; & om- cIo. Io.
LXXIII.
 nibus modis creditam sibi borealem Hollandiam
 communire satagebat. utque arcere hostem posset,
 quatuor locis prouinciam munit; & castellis Rustem-
 burgi, Broucæ, Schoreldami, ac Crabbendami excita-
 tis, qui diu noctuque excubarent, cc aut ccc singulis
 imposuit. dein Oterlicum, ob nauatam Hispanis ope-
 ram, cum primùm ad urbem obsidendam venissent,
 exuri iussit. & Auriacus duce Gardio auxilia misit,
 Germanorum Gallorumque cohortes viii. Hispani se-
 dulò vallum promouent, &, cum fossores deessent, ci-
 ues Harlemo euocatos circiter ccc, inclementi
 per ipsa initia imperio, cum benignè haberi miseros
 æquum esset, tristi ministerio deputant. At oppidani,
 quàm nil timerent, crebris eruptionibus sunt testati.
 inter cætera xvii Kal. Octobr. proximam vrbi muni-
 tionem validè turbant, & regressi Ioannem Hierony-
 mum captum abducunt; qui cōsilia Toletani obsessis
 prodidit. *monitum esse à patre Albano, si urbem tertiā op-
 pugnatione capere non posset, maturè discederet, & in Braban-
 tiam copias reduceret. ideoque statuisse, quatuor simul lo-
 cis impetum facere. eamque in rem pontes omnes, & appa-
 ratum pugne reliquum, præsto esse. priusquam autem op-
 pugnationem incipiat, murum urbis ad portam Frisi-
 cam, & turrim rubram, multis tormentorum ictibus de-
 ruturum. ad partem Australem pontem fossæ iniectu-
 rum; atque ad salinas nauibus rem gesturum. ac quidem,*
Hh ij si vi

cIo. Io. si vi expugnet, omnes ad internecionem cæsum iri. &
 LXXIII. postridie visa initia. posita contra portam Frisicam
 tormenta i x. contra turrim rubram vii. sed terrâ eâ
 darte argillosâ, & depressâ, crebrisque pluuijs, ac per
 emissaria aperta immissis aquis penè submersâ, mul-
 tum hîc impedimenti habuere. mox pontes quoque,
 & cætera oppugnationis instrumenta, ostentari. x iv
 Kal. Octobr. post clo clo xxxvi ictus tormentorum
 editâ ingenti ruinâ ad portam Frisicam, & turrim ru-
 bram, i ii horis post post meridiem ingens sanè certa-
 men cœpit; vtrunque animis pro victoriâ, aut libertate,
 obstinatis. vtrique maiorem oppidanis metum obse-
 fores incuterent, & vires distraherent, ad portam quo-
 que Caninefatum, & salinas, instaurare pugnam velle
 simulabant. oppugnare urbem iussæ legiones ii, qui-
 bus Lopesius Acuna, tunc Harlemi fato functus, pri-
 dem præerat. quicunque in ruinam euaserant, inter-
 fekti. i v ferè horis pugnatum est; cùm pauci, multo
 plurimis oppositi, urbem suam intrepidè defenderent.
 nec loco cedere quisquam visus, nisi cæsus, aut graui-
 ter faucius. in partem pugnae foeminæ, virgines, pueri
 denique, pari affectu accessere; & arma alacres mini-
 strâre, saxa, vncos, circulos candentes, oleum, picem-
 que ardentem, liquidum plumbum, feruentem
 aquam, & calcem viuam. bis Hispani pugnam reno-
 uarunt, & fortissimè toties deiekti. ad turrim rubram
 maiore incommodo ab defensoribus pugnabatur.

nam

nam ad salinas tormenta ii constituta terga illorum ^{cIo. Io.}
feriebant. nec quicquam tamen ideò territi, hostem à ^{LXXII I.}
fronte magnâ virtute oppugnantem constantissimè
repulerunt. cecidere ex obsessores cIo ccc. interq;
eos Didacus Felix, & Franciscus Bobadilla. Blasus
Nonius Caruaialis, cùm strenuè aliquamdiu pugna-
set, tandem sclopeti ictu deiectus, non multo post ex
vulnere obiit. tanta autem strages erat, vt Manuel Ca-
beca Iaca, instaurare oppugnationem iussus, eniti per
cadaverum acervos non potuerit. ex obsessis, quod
vix quis credat, tam feruente & longo conflictu,
xxxvii tantum desiderati. xiii præfidiarij, & op-
pidani xxiv. plures, vt ex hoste quoque, vulnerati. Exin-
de vrbe capiendâ obseffores desperare; inuito vltra pug-
næ milite. cuius virtus neque præmio, neque minis,
excitari deinceps potuit. quin nonnulli, quia ad urbem
oppugnandam iterum perducere non possent, à ducto-
ribus interfecti. Sonoius, vt obsessis succurreret, emis-
saria aperire Fridericum Seuenderium iusserat. isq; id
Zipæ, Crabbendami, & Ertswoudæ, etsi obnitentibus
rusticis, procurauerat. tum allatæ quoque literæ ab
Auriaco, quibus virtutis ergo collaudatos porrò
ad constantiam hortatur, & auxilia certa promittit; ag-
geresq;, si necessitas ita postulet, quod nocturnis igni-
bus indicarent, perfossurum. atque id Sonoio quoque
nuntiat. sed qui has ferret, cum ad urbem accessisset,
ab excubijs deprehensus, territusque, vt se eriperet, eas
Hh iij abiecit.

cl. 10. 10.
LXXIII.

abiecit. itaque in manus Toletani peruenere. & in bonum casus vertit. nam etsi literas interceptas ægrè sanè obsessis accideret; tamen hostis, qui consilij pœnitentiâ iam de discessu cogitare, eò magis, immissis aquis mergi veritus, cedere compulsus. ideoque tormenta maturè deduci cœpta, ac nauibus imposita. deinde ineunte Octobri soluta obsidio; cum Toletanus, tributis in hiberna copijs, Amstelodamum ad Albanum patrem concessit. Oppidani eâ ærarij inopiâ erant, vt pecuniam è stanno cuderent, quàm liberatâ vrbe permutarent. Eo ipso tempore Ioannes Cerda Medinacælius, qui, successor Albano datus, potestatem detrectauerat, rursus in Hispaniam concessit. destinatusque Ludouicus Requesensius, ordinis Alcantarensis princeps, Mediolanensiumque præses. Dum autem Alcmaria adhuc obsidetur, vt vndiq; Hollandiam borealem premeret, classe instructâ rem Bossuuius gerere statuit. & quamuis demersis aliquot nauibus fœderati satis obseptum exitum putarent; ac pridie quidem Eid. Sept. frustra conatus fuisset, ipsis tamen Eid. feliciter celsit, Yamque ingressus est. Ducebat liburnicas magnas xiiii. in quibus cohortes Hispanorum vi impositæ, ducibus Garfia Suare, Antonio Auila, Corcuera, Texeda, Alfonso Aiala, & Martino Oarce. adhæc Germanorum Belgarumque aliæ plures; quibus præfectus Franciscus Verdugus. Primam aciem Ioannes Simon Rollius ducebat

ducebat cum cohorte Corcueræ. cum his copijs Scel-
lincwoudam acriter oppugnatam capit, & plera-
que in illo tractu castella; ac Hispanos Germanos-
que præsidio imponit. ac Scellincwoudam Henri-
cus Brouchusius satis strenuè propugnabat; sed cum
naues deseruissent, nudamque ita munitionem ho-
stis vndequaque inuaderet, ad deditionem adactus,
Monachodamum se recepit. Ea clades fœderatos
valdè anxio; nec tamen, saluâ adhuc classe, despera-
tum. Igitur quàm festinè possent naues x x i v ar-
mant, sed tormentis parum instructas, quæ in ca-
stellis expugnatis nuper hostis interceperat. quam-
obrem ad Auriacum scribunt, & maturari auxilia ro-
gant. Bossuuius tot locis potitus, ea postridiè collu-
strauit, inde Verdugum ad Albanum misit, qui re-
gionis situm ei narraret. nec multò post ipse quo-
que subsecutus iterum Amstelodamum abiit, col-
lecturus plures naues, vt classem fœderatorum ster-
nere, & fretum australe eripere posset. Bossuuij
classem Billius adiuuare iussus, x naues iam pa-
trauerat; sed conantem Doco Martina, Fleuo an-
tea occupato, impediuit. itaque i i i Non. Octobr.
cum x x x circiter nauibus oram soluit. Prætoria
eius munitissima, & vi nullâ, vt videbatur, expug-
nabilis. tormenta imposita grandiora x x x i i.
& præter frequentem nobilium comitatum, item
nautas, milites c c. nomen illi omninò inuisum
pariter,

cIo. Io.
LXXIII.

cIo. Io.
LXXIII.

pariter, & infelix, Inquisitio; quam per vim inuectum
ibant. itaque contra foederatos profectus, quatrimum
totum leuibus tantum praelijs lacesiuit. & applicare
quidem naues, vt comminus pugnarent, foederati cu-
piebant. sed subterfugere Bosluuiani, & pugnam pro-
trahere; tormentisque instructiores, plurimis ictibus
eminus debellare malebant. ac quanquam id sollicitè
agebant, vnus tamē è foederatis, Iacobus Tilius, Schu-
lemburgij Bosluuiani nauem applicans, post acrem
conflictum expugnauit; cæsisque vectoribus L ipsum
Schulemburgium captum cum vii alijs Hornam sub
custodiâ misit. è suis vix ii desiderauit. tandem III
Eid. mensis eiusdem vtrique atrox praelium fuit. &
prætoria foederatorum in Bosluuianam inuecta, telis
omnibus, & calce viuâ è corbe mali in oculos Hispa-
norum deiectâ, vehementer oppugnauit. in principio
ad Bosluuium inclinare victoria visa; sed mox restau-
ratis animis, vbi fortius foederati incubuere, naues eius
dissipatæ, in fugam sese coniecere. vna, quâ Texeda
vectus, perforata, cum vectoribus cunctis perijt. v
quæ vadis obhæsere, interceptæ. ipse noctem insecu-
tam, diemque proximum, fortiter pugnans, cum pro-
pugnatores xv vix restarent, ægrè se hosti permisit. ita-
que captus Hornam abducitur, & cum eo primarij
viri, Cruningus, Weldamus, Pinsenius, Hardenbrouc-
quius, Numanus, Corcuera, Lopesius, Weruius,
Quesnoius, alij. capti item gregarij milites ad ccc.
è quibus

è quibus c. Hornam quoque, c. vicinam Enchusam ^{c. 15. 16.}
 auecti. vexillum prætoriae in templo ab Hornanis su- ^{LXXIII.}
 spensum; & Deo publicè per prouinciam grates dictæ.
 Bossuuius cum in urbem adduceretur, per contume-
 liam acclamare oppidani; Roterodamensis lanienæ aucto-
 rem esse, eodem animo contra ipsos nunc profectum, meritis pa-
 ria accepturum. illic in carcere per triennium aſſeruatus,
 tandem constitutâ Gandavi pace liberatur. Qui fugâ
 euaserât, huic cladem imputare, & apud Albanum ac-
 cusare. idque cum ægrè admodum ferret, à Sonoio &
 prouinciæ Ordinibus petijt, uti, refutandæ calumniæ,
 ad Albanum mittere liceret. & orationem non ini-
 quam facilè obtinuit, istâ lege, ne quas literas, nisi prius
 inspectas, daret. Sub hoc ferè tempus Albanus in Ger-
 maniâ emi puluerem nitratum iusserat; isque ad quin-
 quaginta clo pondo curribus impositus, cum in Pala-
 tinatû deuectus, à Ioanne Casimiro, & fratre Christo-
 phoro deprehensus in viâ esset, illi ignem suâ manu in-
 iecere. dein scripto publico factum professi, causam
 quoque addidere: *ne Albanus, etiam Germaniæ hostis, ad*
Belgarum cadem uteretur. is autem, ut bello profequen-
 do necessaria curaret, Ordines Belgij conuocauerat.
 quod ubi Hollandis, ac Zelandis, intellectum, literas
 suas eò destinant; hortanturque, *ne Tyrannum contra se,*
amicos & fratres, adiuuarent. quin laboranti reip. potius suc-
currerent, & libertatem Belgij vniuersi, tam fœdè oppres-
sam, vindicare fortiter auderent; nec vltra viris, & bonis ci-
 uibus,

cIo. Io.
LXXI II.

*uibus, indigna paterentur. tum Philippum quoque regem longâ epistolâ supplices orant; misertus populi fidelissimi, & obsequentissimi, cum Albani, ac tyrannidem intolerandam, vnicam belli huius causam, semel compesceret. dein conscientiae libertatem, & Belgij sui privilegia, ne euerteret. militem quoque omnem extraneum, ad securitatem publicam, reuocaret. tum principes etiam orbis Christiani implorant, fidei suæ, & obsequij, testimonium vt perhibeant: ac dent operam, ne, quod saepe per fraudem factum, huius epistolæ lectio-
ne rex prohiberetur. Extremo Octobri, cum deserta Alcmaria esset, obsideri Leida cœpta. idque Francisco Valdesio mandatum; qui cum legionibus I I & I V Germanorum cohortibus, equitumque alis VII, viâ Harlemensi ire iussus. insuper Iulianus Romerus cum alijs legionibus II, & Germanorum Belgarumque signis aliquot, littus legens Hagam contendit; quam munire fœderati properabant, sed opere inchoato oppressi diffugere. tum occupatis circum pagis, Maselantflusam etiam capit, & in eâ Philippum Marxium Aldegondium, primariae nobilitatis virum, ac summi in rep. loci; quemq; tanti Auriacus æstimare, vt Sonoium illicò iuberet eadem omnia Bossuio facere, quaecunque ab hoste ille pateretur. cum eo Ioannes Pettinus captus. & Ultraiectum vterque abductus, vt in arce asseruaretur; annoque proximo, Middelburgo expugnato, pro captiuo illic Mondragonio permutatur. In Hollandiâ boreali, post tam insignem victo-*

victoriam, hosti incumbendum rati, varia agitabant. c. 15. 16.
LXXIII.
 & inprimis, portum Harlingensem obstruere; ne inde naues suas Billius in fretum australe educere posset. sed orta classiariorum seditio consilia omnia perturbauit. huc accedere Sonoij morbus, adeò grauis, ut medici quoque desperarent. ac classiarijs semestre deberi. inde turbæ. ad quas componendas missi Henricus Meisterus, Iacobus Taiardus, & Fridericus Otho, vix tandem id effecere. tunc etiam à Gerbrando Verdunio ad Theodorum Elbertum, consulem Hornanum, literæ Ultraiecto datæ; quibus nuntiat, à Noircarmio, qui illic ageret, *monitum esse, ut bonâ fide pacis conditiones offerret. decessurum breui Albanum, nec ultra ab eo metum fore. agerent cum proceribus Belgij, subscripturo pactis rege.* Has ille literas, prius collegis suis ostensas, inde ad Auriacum mittit; & captiuo illic Bossuio etiam exhibet. isque mox, cum ad Noircarmium scriberet, *literas se has vidisse refert, & ad Auriacum missas esse. neque enim illo inconsulto quicquam omninò factum iri. gratum quidem pacis nomen vniuersis; & fortasse, si conuentus aliquis daretur, non difficilem. diffidere tantum, cum Hispanis certam ac securam fore. recentem Gallicanam pacem ob oculos esse, cuius etsi longè alia ratio existat, vix quisquam tamen persuadere contrà possit.* Dum hæc geruntur, Ludouicus Requesensius, qui Albano successor datus, xv Kal. Decembres Bruxellas venit; cui prouinciam, & exercitus, ille tradidit post sexennij ac


c15. 15.
LXXIII.

trimestris præfecturam. ac postridiè Kal. filio Toletano, equitumq; alis quinque comitatus, facto per Lotharingiam, Sequanos, & Allobroges itinere, in Liguriam abiit. & inde, conscensis Genuæ triremibus, in Hispaniam porrò profectus. vbi à rege, contra quàm multi existimauerant, perbenignè sanè acceptus. Ita cum anno Albani in Belgio imperium desijt. quod Parmēsis moderatione cum tranquillatum accepisset, abrupto rigore valdè turbavit. Erat certè vir præclaris animi dotibus, & armorum laudè inter magnos belliduces collocandus, nisi superbiâ, auaritiâ, ac sæuitiâ, gloriam omnem corrupisset. Belgium pridem florentissimum, eiusque opes, & libertatem pessum dedit; eque bonis prouincialium publicatis florenorum milliones annuos viii in fiscum redegit. tum bello ad prouincias opprimendas excitato, & exactionibus varijs longè iniquissimis, vt nonnulli computârunt, milliones Lii perdidit. Vt verò fortunas hominum pro libidine, sic & capita eorum habuit. adeoque ipse sub discessum, tanquam administratâ egregiè prouinciâ, gloriatus a libi dicitur: *uno illo sexennio suo, licitoris manu, xviii clo ac lcc mori iussisse; præter eos, quos bella, aut præsidia hauissent.* & Vergas tamen, sæuitiæ insignis administrator è Belgio cum eo discedens, dicere ausus; *nimiâ id misericordiâ perditum iſſe.*

BENIG-

BENIGNE LECTOR.

DEdi nuper Librum Vnum DE INDVCIIS,
cuius cum iam exemplaria passim desidera-
ri intelligerem, visum fuit ad prelum reuo-
care. Et facturum satis commodè me pu-
taui, si eodem hoc volumine belli Belgici celeberrimi
principium ac finem simul tibi repræsentarem. Itaque
hîc addere ad finem placuit iteratâ editione. Hoc con-
siliū meum non te improbatum arbitror.




IOANNIS MEYRSI
RERVM
BELGICARVM
LIBER QVINTVS.

In quo

INDVCIARVM

Historia.



*Illustrissimis ac Potentissimis
Dominis,*

D. D. ORDINIBVS

GENERALIBVS FOEDERATARVM

BELGII PROVINCiarVM,

Patriæ Patribus,

IOANNES MEVRSIVS

Dedico, Consecroque.

Illustrissimi, Potentissimi que Domini,



N vobis Historia mea specimen,
aut potius vestra, quam de rebus
vestris scripsi. Liber quidem mo-
le non magnus, neque inde eum
æstimari par est; sed argumento,
quo commendare se vobis nō eru-
pescit. Certè propter illud, sine invidiâ dixero, le-
getur Posteritati, & placebit. Legetur, & in ad-
mirationem lectorem abripiet, cum tam præcla-

Kk

rum

rum hunc tanti belli colophonem videbit. Obstupescet, qui quadraginta retrò annos, eorumque procellas ac tempestatem cognouerit, in hanc felicitatem enauigasse Remp. vestrà virtute atque constantiâ. Et profectò, quidnam in rebus vestris non admirandum? Non palpum obtrudam, & ab assentationis crimine me veritas liberabit. Pro libertate publicâ, quæ grauissimè præter ius fasque omne oppressa, arma cum laude magnâ sumpsistis, maiore gessistis, maximâ posuistis. Nam quid accidere vobis gloriosius poterat, quam ut bellum animo maiore quàm spe inchoatum, tam ancipite aleâ tam diu continuatum, saluâ libertate, pro quâ pugnabatur, finiretis, idque præter expectationem. Videte ordinem occultum rerum! bellum illud atrocissimum, cui se amissâ iam spe irritata patrum virtus accinxerat, præter spem omnem compositum habetis. A miraculo calamitas publica incæpit, in miraculo desijt, & se cum felicitate nunc item mutauit. Nimirum ubique animaduertitis præsentem Deum. Iterum dico, hanc Rempublicam vestram quis non admirabitur? immò quis satis? cum in illa admiranda sint omnia, initia, progres-

sus,

us, finis. Vos & fecistis fortia, & passi estis; & praeclarissima virtutis exempla, quae secula ventura acciperent, edidistis. Repraesentemus parumper praeteriti temporis intervallum, & quoduis momentum palastram dabit, in qua constantia se vestra exercuit, illa magna, illa inuieta, quae

--- per damna, per caedes, ab ipso

Duxit opes animumque ferro.

Foris semper gravissimus hostis, domi saepe etiam aduocata auxilia eripere Remp. minabantur: & cum ad opprimendos coniurasse undique omnia viderentur, animum tamen semper servastis, libertatem vindicastis, & per tam varias, tam ingentes turbas, tranquillitatem reduxistis, laetam rerum faciem reposuistis, istis Inducijs, quas exiguo hoc libello descriptas vobis exhibeo. Agnoscite hic praestantissimum virtutis vestrae fructum; agnoscite beneficium, quo patriam obstrinxistis; quod pretium non habet, quod nulla laus equabit, nulla aetas oblitterabit. Agnoscite coronam magnanimae patientiae, quae lauros omnes antecellit. Ego libellum hunc testem Memoriae consecro, &

*Posteritati. vos illum oculo benigno aspici-
te; item me, clientem ac subditum, ex vetere formula, deu-
tum. Ita vobis,*

Illustrissimi, Potentissimique Domini,

*Deus Opt. Max. libertatem, potentiam, gloriam
augeat, ac conseruet, ad nominis sui sanctissimi
honorem, & Reipublicæ vestræ salutem.*

Lugduni Bat. Kal. Septembr.

CLD. I. C. XII.

LECTOR

LECTOR CANDIDE,

HAbes ecce Rerum Belgicarum librum vnum,
 & in eo Induciarum historiam, pressim per-
 tractatam. Nam ut diffunderem me, vi-
 sum non fuit. Iudicio abstinui, & naturâ
 quoque, quâ magis placet illa adstricta bre-
 uitas, Salustio ac Tacito usitata, quam Asiaticâ quadam
 luxuriâ diffuens dicendi scribendique genus. Et notum est
 elogium Persij:

Sæpius in libro memoratur Persius vno,
 Quàm levis in totâ Marsus Amazonide.

Curæ autem mihi inprimis duæ fuerunt; & ne quid dicendum
 non dicerem, & ne quid dicerem, non dicendum. Vtrunque
 si præstare non potui, bonâ voluntate excidi; & postremum
 si caui, operæ me pretium fecisse existimo. Quippe in historiâ
 scribendâ, planè ut in vitâ agendâ, summa circumspectio re-
 quiritur. Multa enim sæpenuerò interueniunt, cum in
 Rep. administrandâ, tum in bello gerendo, aut pace componen-
 dâ, quæ historiæ dignitatem non attingunt, neque posterorum
 memoriæ mandari debent. Sic in hac Induciarum tractatione
 plurima acciderunt, quæ posteritas scire non laborabit, & ad
 historiam quoque non pertinent. Itaque satius duxi, circum-
 spectè brevis esse, quam parum prudenter in magnam molem

opus diffundere; quod garrere historiam est, non narrare. De
cetero, hoc etiam operam dedi, ut quemadmodum simpliciter,
ita verè rem gestam scriberem; & feci, idque liberè alibi, sed
ex historiæ lege, non animi adfectu. Nam mens recta, ubi
res exigit, cum offensâ quamvis, verum dicere audet. hanc
ingenuam libertatem qui ferre non potest, is se accuset. Plu-
ribus non te morabor: hoc vnum peto, uti iudicium
sine adfectu mihi præstes. Vale, &,
quisquis es,

ÆTERNITATEM COGITA.

IOANNIS

IOANNIS MEYRSI
 RERVM
 BELGICARVM

LIBER V.

BELGICO bello finiendo tentata aliquoties pax fuit, sed quam semper fraus Hispani instabilem fecit; cui decretum, virtute an dolo, euertere populum, vt interpretari ipse, maiestatis reum. Et effecit ea res, vt pacem postea saepe oblatam, adnitente nequicquam Cæsare, ceu damnosam Fœderati aspernarentur. Tandem tamen, sed vindicatâ libertate, animum inclinant, & inducias paciscuntur annorum x i r. ingenti quidem illas molimine, & dubio aliquamdiu euentu; verum enim uerò tam graue ac diuturnum bellum, tantis hinc inde animis gestum, nisi difficulter componi non poterat. Ac initio inter Ordines ipsos dissensus; & bellum hi præstare publicè, isti pacem contendebant: bono vtrique in Remp. affectu. tum in populo quoque partes, prout studia, aut consilia. Negotij autem vniuersi principia,

cipia, progressus, finisque ad hunc se modum habuerunt.

Pertæsus iam bellandi Hispanus, aduersus populum pro libertate agere quiduis & pati certum, cum arma ponere in animo haberet; gnarus, vti vetus verbum est, melius pacem sub clypeo procedere, vt cum dignitate faceret, vltimas postremum vires tentare statuit. idque cum fortiter pariter & feliciter fecisset, iamque vltius perrecturus putaretur, prudenter fortunâ vtendum ratus, pacem obtulit. Venit primò eam in rem

c15. 15.
c. VI. Hagam Comitum anno c15 15 c VI. Walrauius Wittenhorstius, toparcha Horstij; sed re infectâ dimissus, redijt definēte Decembri cum Ioanne Geuarto, I.V.L. & indicauit; *mandatum sibi, de pace vt ageret, ad quam Archiduces, fessi bellorum cladiuinque, totis animis inclinarent, idque æquissimis conditionibus, et quas reijcere Fæderati neutiquam possent. nihil ipsos postulare, nisi quod iure optimoliceret. proinde peterent, quæ ad securitatem suam pertinere arbitrarentur; ipsos omnia, si æqua vellent, rata cupere. Igitur, siue pax placeret, siue induciæ, locum tempusque conueniendi destinarent, idque gratum ipsis fore. Quod si clam quoq; et per paucos, quàm propalam agere mallerent, itidem paratos esse, acturosque optimâ fide.* Sed ne sic quidem aliquid effectum est. Nam cum literas ad Fæderatos nullas haberent, vltius progredi non consultum videbatur.

c15. 15.
c. VII. Quamobrem confestim Bruxellas profectus Geuartus literas petijt, quæ de Archiducum voluntate ad pacem propensâ

propensâ fidem facerent. his allatis, dari sibi senatum c. 10. 11.
rogarunt. eoque concesso, Fœderatis iussa exponunt, c. VII.
adhortantes; *considerarent aleam belli valdè incertam, ac
pacem tandem, aut inducias, amplecterentur: & pristinam
Belgio tranquillitatem felicitatemque restituerent. Ad quæ
respondere illi; quandiu in fœderatas provincias Archidu-
ces aliquod ius prætenderent, nihil sanè effectum iri. quippe de
libertate suâ orbi vniuerso constare, neque in eam aliud quic-
quam ipsis competere, quàm quod vis atque arma dedissent.
quin sibi potius recuperanda ea esse, quæ per vim fraudemque
repta, violato solenni edicto, quo grauissimis iustissimisque
de causis in libertatem assertum esset Belgium; quodque res
plurimæ, annis XXV proximis publicâ auctoritate gestæ, con-
tractusque cum Europæ aliquot regibus ac principibus poten-
tissimis, confirmassent. Quamobrem in præsens nullum illis
responsum dare aliud posse, quàm quod Casari, alijsque prin-
cipibus, ante id temporis dedissent. nimirum, neque piè sese,
neque honestè, neque tutò agere quicquam cum ijs posse, qui
contra edictum hoc in provincias suas prætere aliquid non
desisterent. testari porrò, non sibi imputari debere, si quæ in-
commoda deinceps ingruant, dum ad causæ longè iustissimæ de-
fensionem arma retinent. Ita dimissi discesserunt, mox
responsum relaturi. Postea per literas Wittenhorstius
ijs nuntiat; non hanc Archiducibus mentem, ut meliorem
conditionem suam faciant, aut aliquod denique in provincias
fœderatas ius prætendant; sed saluam libertatem fore. itaque,
si vellent, agere hoc pacto paratos esse. Extremo Februario*

Io. Io.
c. VII.

in Hollandiam venit Ioannes Neius, summus ordinis Minorum prefectus; & Riswici, qui pagus Hagâ dimidio milliari distat, clanculum commoratus, ideò se missum indicauit, vt exploraret, quæ causa inutilem Wittenhorstij operâ reddidisset. priuatimq; cum Mauritio collocutus, Hagam accedere iussus est. vbi, sermone cum quibusdam cōmunicato, iterum admissus declarauit: *non Archiduces ius suum hic auctum velle, non Fœderatis derogatum.* Cumq; significarum esset; *necessarium planè fore, vt statum hunc illi liberū agnoscant, pronuntientq; si effectū quicquam vellēt; vt cædibus porrò ac rapinis parceretur, operâ daturum se promisit, quū id ipsis persuaderet.* Iuit itaq;, redijtque; cū hoc responso: *Archiducibus nihil magis in votis esse, quàm pacatū semel tandem Belgiū videre, ea propter fœderatarū prouinciarum libertatem omninò agnoscere, neq; quicquā in illas iuris sibi ascribere.* eoq; nomine agere quoq; cum ipsis velle, siue de perpetuâ pace, siue de inducijs, ad XII, XV, aut XX annos, ex arbitrio Fœderatorum. & negotio pertractato **UTRINQVE VTI POSSIDERENT, ITA POSSESSORI ESSENT:** nisi cōmuni consensu vrbiū locorumve quædam permutatio instituenda videretur. Delecturos huic rei indigenas esse, quibus parem quoq; numerū ipsi opponerēt, tempusq; ac locum suo arbitratu caperēt. Vtq; melius negotiū procederet, armistitium ad proximū octimestre indictum velle, quo vtrinq; obsidio nulla tentaretur; neq; inuadere locū quenquā, aut excurrere prædæ causâ miles quoquā permetteretur: munitiones etiā nouæ nullæ fierēt. quin porrò itē effecturos, vt intra trime-

stre

re consensum Hispaniarum regis, eumq; scripto consignatum, c. 15. 151
 ut habituri. eâ tamen lege, vt intra octiduum Fœderati armi- c. 111.
 um raturum habeant: ante ineuntem verò Septembrem de nego-
 o vniuerso, eiusq; tractandi loco ac tempore, decernant, idque
 iâ scripto testentur. Fœderati cōditionibus his auditis,
 e cū Mauritio & Senatu cōmunicatâ, libertatis agni-
 onem, & armistitium, cæteraq;, placere sibi responde-
 unt. Inde vrbiū munionumq; suarū præfectos cer-
 ores statim faciūt, & arma ponere in proximos octo
 nenses iubent. tum, vt inchoato negotio daret euentū,
 acrosancto nomini suo gloriosum, rei; publicæ salu-
 arem, supremū Numen veneraturi, solennem precibus
 c ieiunijs per prouincias diem indicunt. Circa xxiv
 erò Aprilis mittunt Theodorū Verdoesium vnâ cum
 teris, quibus armistitiū octimestre probari sibi testa-
 entur; & ibidē in rem eandem literas Archiducū acci-
 ere iubēt; quas Neius mox attulit. sed solennibus neg-
 ectis scriptas cum recipere grauaretur, Bruxellas ille
 onfestim misit, qui alias conuenienter scriptas procu-
 aret. Id vbi factum, domum redijt comite Neio, cui
 ommissa interpretatio; ei;que cum senatus ægrè datus
 flet, de finibus armistitij actum, enuntiatum que, per
 ceanum ad Hesperidas vsque insulas se id porrigere. & ini-
 ium quidem futurum à xiv mensis Iunij; post quod tempus
 redas omnes, præter instructas bello naues, reddendas
 fse. tum classē quoque, Hispaniæ littus infestare iussam, si-
 mul literæ, quæ rem gestam approbarent, inde afferrentur,

c. 15. 15. *illicò reuocatum iri.* porro vt mari, ita terrâ distincti etiam
 c. VII. vtrunque limites, quibus miles contineretur. His ita
 actis, Neius abiit; magnumque toto Belgio gaudium,
 cum votis omnium, precibusque, daret Deus semel
 tandem finem bello tam diuturno, & cruento. Quin
 & in vicina regna delatus rumor admirationem non
 exiguam excitauit, cum tam subitæ mutationis causa
 nesciretur, credique non posset, adeò vel Archiduces
 debellatos esse, vel tam incautos Fœderatos, vt aut illi
 tam magna offerre, aut hi bonâ fide oblata credere
 animum inducerent. augere admirationem istam se-
 cretum rei, quæ nec per legatos explorari posset. tam
 paucorum vtrobiue negotium erat. Itaque à Gallia-
 rum rege missi, præter Paulum Buzenuallium, ordi-
 narium tunc legatum, Petrus Ianinus, & Elias Pla-
 cæus Russius, qui voluntatem erga Fœderatos pro-
 pensam commemorarent, & constantiæ testandæ, vel
 proferendo deinceps bello iusta auxilia, vel paci contra
 componendæ consilia promitteret. cuius fructum vt
 integrum caperent, auctoritate illos suâ se adiuturum.
 peterent item, vt aliqui ex ipsis deligerentur, cum qui-
 bus conferre sermones, & prouidere pariter possent, ne
 quid Resp. detrimenti caperet. Ac placuit sanè hæc
 legatio, & decretum, vti manerent promouendo ne-
 gotio, deputatique cum quibus agerent. Simile auxi-
 lium etiam à magnæ Britannia rege orare visum est;
 missique eò Ioannes Berckius, vrbis Dordracenæ
 syndicus,

syndicus, & Iacobus Maleræus, Heiesius, cum ordina-
rio illic legato, Natali Caronio Schonevallio; qui ho-
norificentissimè excepti cum mandata exposuissent,
responsum à rege retulerunt: *collaturum libenter, si quid
profuturum ipsis videretur. eamque in rem Richardum Spen-
serum, & Rudolphum Winwodum, equestri utrunque dig-
nitate, destinasse.* Per id tempus laboratum ab Archidu-
cibus, ut quæcunque hætenus egissent, quæque porro
acturi essent, rex Hispanus rata haberet: ideoque allatæ
à Birago, qui Spinolæ ab epistolis, litteræ eius; quibus
& rata habere se omnia, & regiâ fide observaturum, as-
seueraret. Eas literas, com meatu impetrato, detulit
exhibuitque Verreickius, rogans insuper, uti classem,
quæ Hispaniæ oram infestaret, reuocarent. Vbi apertæ
hæ, lectæque, fraus deprehensa est, *quam incuriâ scribæ
factam Verreickius dicere, Bruxellis quoque animaduersam
ab Archiducibus. qui tamen, testandæ fidei, quando ijs appro-
batio vniuersali contineretur, vel istâ formâ mittendas ar-
bitrati essent. nihilominus, si id vrgerent, mox alias ad ipso-
rum arbitrium proferendas. darent sex dierum moram, man-
datis alijs expectandis.* Cum obtinuisset, persuadere
postea conatus est, *ita scriptas illas esse, ut satisfacere bono
iure ipsis deberent. nihilominus misisse denuo in Hispaniam
Archiduces, qui rem Regi rectè exponerent. instabat etiam
vehementer, uti classem reuocarent; & hanc Archiducibus
gratiam facerent.* Deliberatum hic aliquamdiu, respon-
sumque; *omnibus modis fraudem in literis factam videri.*

cl. Io. Io.
c. VII.

peccatum in earum formâ, qualitate, & substantiâ. omiſſa etiam aliquot verba, neque Gallicè ſcriptas eſſe, nec ſubſcriptum Regis nomen. porrò nec ſigillo magno obſignatas, nec vniuerſalem denique totius negotij approbationem complecti; neglectamque libertatis mentionem, quam Archiduces feciſſent: ideoque ſtatui abs ſe nihil poſſe ante diem Kal. Septembreis. Formulam item exhibebant, Germanicâ, Gallicâ, & Latinâ linguâ, ad quam Regi approbatio ſcribenda eſſet, antequam agere ultra quicquam vellent. prætereà item decernendo tantum temporis poſtulabant, quantum inter ix Kal. Sextiles, & Kal. ipſas Septembres intereſſet. placere tamen in gratiam Archiducum, vt classiſ ab Hiſpaniæ orâ reuocetur; prædæque poſt ſex ſeptimanas proximas factæ reſtituantur. Cum hoc reſponſo Verreickius diſceſſit, animis omnium ſpei plenis, poſt inhibita ſemel arma, vel pace negotium, vel inducijs terminatum iri. quamvis nonnulli, rerum magis periti, aliter iudicarent; rem arduam & intricatam eſſe, animis utrinque in ſua commoda nimium intentis. nonnulli autem, quibus potentiæ Hiſpanicæ magnitudo ob oculos verſabatur, credendum non putabant, fore, vt pactis Hiſpanus aſſentiretur, verùm fraudem aliquam ſubeſſe: alij contrà, tam multi ſanguinis, & cxx millionum impenſam, tot motus militares, æris alieni magnitudinem, pecuniæ inopiam, continuam Hiſpaniæ infeſtationem, imminentem Indicorum commerciorum ereptionem, aut perturbationem, impellere

pellere animum tanti regis potuisse; maximè cum apud Fœ- c. 15. 15.
 deratos potentissima XXXVI annorum Societas aduersus In- c. VI R.
 dias occidentales institueretur, quæ res Hispanicam magnitudinem fractura omnino videbatur. Eâ de causâ sapienter Regem & Archiduces facere, qui sectari amissa desinerent, cum non aliâ ratione ad pacem tractandam induci possent; metuendumque insuper esset, ne aut suâ imbecillitate, aut vi aliquâ maiore compulsi, ad Gallum confugerent: cuius protectio periculum haberet, & cæteris aliquando Belgij prouincijs Hispanum expulsura timebatur. Longè igitur satius esse, in pace partem meliorem possidere, quàm tam locupleti accessione Galliam firmare; quæ Hispanici nominis auctoritatem ac terrorem non leuiter imminutura videbatur. In prouincijs fœderatis multi prudentes seriò rem agi persuadere sibi non poterant; itaque displicere ijs tota tractatio, & existimare: nullum alium finem fore, quam ut sub Hispani dominatum relaberentur; idque iam à multo tempore clam agitatum: & inducias, siue pacem, restaurandis viribus fieri. non facile saluum esse statum publicum posse, aut regimen prouinciarum firmum; non ingruentes difficultates cum auctoritate expediri; non tributa prorogari, si in suis ea prouincijs Archiduces minutum irent, non conseruari imperium maris, si commeatus, ac vectigalia, tollerentur. Iis verò continuatis periculum esse, ne commercia mox rarescant, quæ plerunque eò transeunt, vbi exigere minimum solet. non facile etiam armari Reip. ministros aduersus corruptelas Hispani, quæ iam tum se proderent. & perituram militiæ disciplinam;

nec,

c. 10. 10. nec, si fidem Hispanus frangat, libentem armorum populum
 c. 11. fore, pacis intervallo euiratum. Interim Hispaniæ immine-
 bat classis Belgica, de quâ reuocandâ sedulò laboratum
 erat, ut nauibus Hispanicis, in Indiam vtramque vtrò
 citroque commeantibus, secura omninò profectio es-
 set; quæ res Iunio præterito obtineri non potuerat,
 vnum hoc tantum indulgentibus Fœderatis, reuoca-
 tum statim iri, simul Philippus inchoatum negotium
 per literas ratum se habere testatus esset: quæ dum ex-
 spectarentur, nulla illi vel auxilia vel commeatus sub-
 ueherentur, & hoc reuocationis instar esse. nam ijs sub-
 ductis, redeundi necessitatem tacitè imponi. Et hæc
 quidem etsi lege istâ concessa, approbaturum tamen
 Regem, quæ acta erant, multi sanè dubitabant; potis-
 simum vbi in Hispaniâ atque Belgio, in fano Luciferi,
 Gadibusque, Vlissipponæ, Gerundæ, ac Dunkercæ,
 bello instrui naues viderent. Dum hæc geruntur, Ar-
 chiduces motus militares componere satagebant, al-
 latis pridem ex Hispaniâ loc aureorum c. 10. tum mi-
 litem quoque superuacaneum exauctorabant, Hispa-
 nicum tantum Italicumque retinentes, per præsidia
 distributum, quæ vrbes opulentiores redimebāt. Idem
 factum à Fœderatis in Britannis, cæterisque extraneis,
 quorum infrequentia signa; item in Liburnicis, qua-
 rum mox partem, continuandæ in Indiam Orienta-
 lem nauigationi, iterum armarunt. Embdâ hoc anno
 naues plures Occidentem versus soluerāt, quæ pleræq;
 in

in Hispaniâ & Lusitaniâ detentæ, tanquam quæ ad ^{clo. 13.}
 Hollandos pertinerent, aut Ennoni Comiti suo rebel- ^{c. VII.}
 larent, à quo tamen commeatum frustra ostendebant.
 & earum nonnullæ rursus dimissæ, nonnullæ graui-
 ter vexatæ, vectoribus partim ad remos abductis, par-
 tim ad operâ Regi in bello ac nauigatione Indicâ aut
 Brasilianâ nauandam. Perculit huius cladis nuntius
 Embdanos, & populum aduersus magistratum con-
 itauit, præsentem maximè illic Ennone, qui eo nomine
 in tumultus excitandi suspicionem venit, cum præsto
 haberet vtrumq; fratrem, & in propinquo præsidium
 Langanum. Hâc de causâ Fœderati milites vrbi auxi-
 liares clo clo, Ennoni æneatorem mittunt vnâ cum
 iteris, quibus testarentur: *ignarum nemini, quantâ cum
 fide ad concordiam inter ipsum, & parentem olim eius, Fri-
 siosque Orientales constituendam laborassent; cui asserendæ
 primùm Delfziliæ anno clo clo xc v, deinde iterum Hagæ
 Comitibus clo clo c iii, & mox in postremis comitijs
 v Eid. Nouembris sese obstrinxissent. Nunc autem com-
 pertum habere, Embdanorum prædiariorum stipendia ipsius
 operâ interuersa, ut motum aliquem concitaret; & quod con-
 sequens, statum vrbis perturbaret. insuper prohibuisse, ne
 publicæ pecuniæ, huic rei assignatæ, quæstori suo solucrentur: tri-
 buta quoque & indixisse sine Ordinum consensu, & exegisse:
 tum naues plurimas, Embdâ in Hispaniam profectas, de ipsius
 consilio illic detentas, merces omnes fisco addictas, nautas
 crudelissimè habitos. dein ipso conuiiente factum, ut Linga-*

c. 10. 10.
c. VII.

*norum aliorumque excursionibus Frisiae Orientalis incolae, ci-
uesque Embdani, miserè vexati in vinculis abducerentur.
Quae omnia quando palam contra pacta fierent, statuisse ipsos,
siquidem contractu solenni toties obstricti essent, providere,
ne quid tale in posterum moliri possit. Quamobrem monitum
sanè velle, uti, incommodis auertendis, ad XIV à receptis
literis diem XL CLO florenos, praesidio Embdano persoluen-
dos, numerari iubeat, ceteram pecuniam quaestori suo reddi
curet. tum praeterea indictiones praeter Ordinum consensum
factas, & quae iniuste exegisset, restitueret. porro ad navium
nautarumque liberationem operam daret, & praesidia quoque
Lingana Frisiae Orientali arceret. nisi faceret, testari serio, non
se malis imminentibus obnoxios fore; qui nihil aliud proposi-
tum habeant, quam concordiam inter ipsum subditosq; inuiola-
tam conservare. Hisce literis hoc effectum, ut in Britan-
niam Henricum Stamlerum Enno mitteret, qui Regē
oraret, uti pro ipso intercederet, ne quid seuerius statuere Fœ-
derati vellēt; Hagam verò primò quidē Dothiam Wiar-
dam, mox Gulielmū Kniphusium quoq; & Thomam
Frantzium Cancellariū, qui Fœderatis affirmarēt, extra
culpam Ennonem esse, & paratū pactis stare; Embdanos autem
vano à malā conscientia metu percelli. à quibus missi Vbbo
Remetzius, Samuel Wingenius, & Daniel Altingus,
qui decreti executionē vigerent; nam sat perspecta Enno-
nis consilia, qui vnū hoc ageret, ut perpetuò illos vexaret, mag-
nisq; impensis in aes alienum inuoluere quæreretur, ut eā ratione
civium studia in se derivaret. tum non vnā cōmeatus ma-
ritimi*

ritimi literæ, inter se contrariæ, ab ijs prolatae, quibus ^{c. 15. 15.}
 fraudis manifestum Ennonem facerent. Re intellectâ, ^{c. 11.}
 comiter utrosque Fœderati dimisere, commonentes;
pacem mutuò, & concordiam, deinceps colerent. De cætero
 Embdanis promissere, *curaturos sese, ne qua ipsis iniuria fie-*
ret. Medio Octobri Fœderatis Spinula scribit, *allatas ex*
Hispania literas, quibus rata se habere, quæ in hoc negotio age-
rentur, Rex nuntiaret. tum com meatum Neio & Ver-
 reickio petit, qui has tradituri essent. Eo dato, Hagam
 illi cum venissent, postridie admissi, pleniores, quæ ex-
 spectabantur, literas, Mantuæ Carpetanorum datas
 x v Kal. Octobres, exhibuerunt. His Philippus testa-
 batur, *quando Archiduces in negotio inchoato huiusmodi li-*
teras ab ipso promississent, quibus certò credere possent, omnia
sine exceptione à se probari; maturo consilio, & plenâ po-
testate regiâ, ad promissi satisfactionem, & totius nego-
tij confirmationem, declarare se in præsens, siue pace com-
ponendâ, siue inducijs, cum Fœderatis agere cœu omninò li-
beris, in quos iuris nihil sibi vindicaret. cuncta etiam, quæ
in Archiducum declaratione proposita, rata velle; ac promittere
verbis regijs, plenissimè ea observaturum, neque quicquam
contra facturum, aut fieri vnquam permissurum. quin immò
daturum operam, si quid contra factum fuerit, id uti bonâ fide
reparetur. curaturum porrò, re pertractatâ, ut ex ipsorum ar-
bitratu omnia observatu necessaria quàm amplissimè expedian-
tur. Si tamen de religionis negotio, aut quibusdam alijs re-
 bus, conuenire inter se non possent, atque ita vel pax vel

elo. 10.
c. VII.

*induciae non procederent, tum ius suum integrum velle, neque
has literas ratas habere.* Harum literarum geminum
quoque exemplar exhibebant, Gallicâ vnum, alterum
Germanicâ linguâ. Ad hæc Neius magnopere Regis
in hoc negotio sincerum affectum commendare, qui
de illis ipsis literis, quo magis ratæ eæ essent, & à su-
spicione fraudis alienæ, cum Senatu deliberasset: lau-
dandum isto nomine dictitans, quod interpretes ipse
sui non fucatam animi mentem clarè expressisset, ni-
hil promittens, quam quod præstare re ipsâ cuperet.
non facturus, si fraudem aliquam cogitaret. Neij ver-
ba Verreickius excepit, de Archiducum quoque fide in
re præsentî, & inclinato ad pacem animo, multa refe-
rens. ac cognosci abundè posse, cum tam sedulo satis-
factum Fœderatis per omnia cuperent. Fœderati, simul
apographa accepissent, legissentque; negligentiam de-
prehenderunt, & verba passim prætermissa, aut inter-
polata; neglectam item solennem formam, & neque
in pergamenâ scripta, nec subscriptum Regis nomen.
Itaque re cum Gallia & magnæ Britanniaë legatis com-
municatâ, indicto que in vi Kal. Nouembres conuen-
tu, interrogârunt; ecquid literæ aliæ pleniores expecta-
ri possent. cum negaretur, interque tractandum am-
bigua hæc omnia explicari, & difficultates tolli posse,
responderetur, ampliandum censuere. Itaque libratis
diu consilijs, postridie Kal. Nouembres responsum de-
cernunt; *literas, ut iam antè ostenderant, omninò delinquere;*
Et in

& in scriptione pariter atque subscriptione peccatum: tum ver- c15. 15.
 ba passim temerè omissa, aut interpolata, adeoque extremam c. VII.
 clausulam promissorum abolitionem præ se ferre; cum tamen
 Regi, & Archiducibus, atque omnibus eorum consiliarijs ex-
 ploratum satis esset, ipsos, veluti rerum suarum supremos arbi-
 tros, qui neque Regis, neque Archiducum leges agnoscerent,
 Dei Opt. Max. gratiâ, & fæderatorum Principum auxilio,
 providere facilè posse, uti benè Resp. ordinetur; nec proponi
 hanc in rem ab ipsis quicquam oportere, nisi contra fidem da-
 tam agere vellent. Et quanquam expendendum esset, tam
 dubijs literarum verbis, an negotium inchoatum prosequi con-
 sultum foret, promouendo tamen tranquillandi Belgij institu-
 to, & ostendendæ animorum ad honestam tutamque pacem in-
 clinationi, visum uti literas hasce examinandas per provin-
 cias omnes mitterent, & legatis post VI proximas septima-
 nas significarent, an operi incæpto porrò manum admouere è
 rep. putaretur. nunquam verò admissuros, quicquid aliquate-
 nus contra has approbationis literas, aut Archiducum pro-
 missa, obliquâ aliquâ interpretatione proferri posset. & si per-
 gendum fortè videretur, tum planissimè se confidere, neque
 Regis, neque Archiducum nomine, ita uti promissum erat, quic-
 quam vnquam propositum iri, quod aut statum publicum lade-
 ret, aut cum ciuium suorum salute coniunctum non esset. Ab
 Archiducibus item decimo post denuntiationem hanc die lega-
 tos destinandos idoneos, plenâ potestate instructos; & facturos
 eadem ipsos, ut quàm citissimè imponi negotio finis possit.
 Hoc responsum Neio & Verreickio datum postridie

eIo. Io.
c. VII.

Kal. Nouembres; quæsitumque, an ipsas approbationis literas tradere vellent. sed hoc illi facere posse se negabant, & nec Bruxellas referre; in quo nulum tamen discrimen Fœderati arbitrari. itaque rem differri volebant, & mandatis amplioribus tempus dari. id ubi concessum esset, profectus Bruxellas Neius, nonoque post die reuersus, mandatum sibi significauit, *ut literas traderet, & acceptilationis syngrapham reciperet, quâ declararent Fœderati, sat Archiduces promissis fecisse, & restituendas literas fore, si fortè postea re infectâ discederetur.* Hoc displicere Fœderatis, qui neque impleta promissa censebant, & fraudem in literis manifestam, nec chirographi restitutionem necessariam esse, quod negotio non perfectò per se irritum. Cum hîc Neius & Verreickius tergiuersarentur, Fœderatiq̃ue à sententiâ non desisterent, petitâ iterum ampliatiōe, & concessâ, rursus Bruxellas abiit Neius, mandatumq̃ue attulit, *uti simpliciter, & sine ullâ acceptilatione, aut restitutionis promisso, literæ illæ traderentur.* quod ubi factum, recessere. Et tunc Fœderatis visum, ut per suam quique provinciam, an pergendum in negotio instituto arbitrentur, indictis comitijs deliberarent, mox rursus ad vi Eid. Decembres conuenturi, & mandata de re præsentia allaturi. Cum in eo essent, literæ ab Imperatore allatæ, vii Eid. Octobres scriptæ, quibus ille commemorare; *nec sumptui se, aut operæ ulli peperciisse, nec patrem etiam Maximilianum, ad componendas Belgij turbas.*

cIo. Io.
c. VII.

uisse, variosque eo nomine contractus initos. quin etiam terrâ
 marique, virtute suâ & auxilio Regum ac Principum fœde-
 ratorum, defendenda libertati semel vindicata, magnæ aleæ,
 & impensæ incredibilis, bellum gessisse. nihilominus Impera-
 tori, & Imperij quoque Principibus, iisque Ordinibus, qui
 fœdus iktum deseruerant, significasse; displicere sibi magnope-
 re calamitates, quibus Belgium, & prouinciæ item finitimæ,
 vexarentur. neque quicquam magis velle, quam honestam ac
 certam pacem; quam tamen, nisi saluo vindicata libertatis
 edicto, fieri non posse existimabant. idque prolixis admodum
 verbis declarasse in literis ad Imperatorem, & Imperij prin-
 cipes, datis anno cIo Io c v. dein anno proximo ab Ar-
 chiducibus de pace ineundâ agi cœptum; ac tunc conceptis quo-
 que verbis testatos esse, non se agere cum eo posse, nisi legiti-
 mam libertatem, & tot annorum interuallo confirmatam,
 agnoscere paratus esset. atque ab illis secretò primum, deinde
 signatis etiam literis responsum esse, prouincias se hasce liberas
 habere, nec quicquam in illas iuris sibi vindicare. daturus in-
 super omnem operam, uti hanc libertatis suæ agnitionem Rex
 Hispaniarum intrâ proximum trimestre diplomate publica-
 tam faciat; idque mox ita factum esse, adiunctum literarum
 exemplar indicare. De cætero confidere ipsos, Imperatorem,
 & quoscunque Imperij Principes, pro benigno in Remp. suam
 affectu, negotium hoc totum approbaturus, & promouendo ne-
 cessaria curaturos. Desinente Nouembri à rege Daniæ, ad
 quem Reip. causâ legati, Boulenius, Simonius, &
 Magnus reuersi, multa de proposito eius in prouincias
 hasce

hasce studio referentes, & legatos mox ab eo adfutu- c. 10. 10.
c. v. 11.
 ros, qui imminentem de pace tractatum consilio atq;
 operâ adiuuarent. Ii fuere, Iacobus Vleseltius, regni
 consiliarius, & Ionas Charisius, Iurisconsultus, adue-
 neruntque ineunte Decembri; &, quæ de Rege suo le-
 gati paullò antè retulerant, affirmarunt. Mox ab Ele-
 ctore Brandenburgensi adfuit quoque Ioannes Disco-
 uius, qui mandata exponere distulit aliquandiu, dum
 eos, qui à Palatino destinati, præstolatur; sine quibus
 nihil dum agere iussus erat. x i i i Kal. Ianuarias Fœde-
 rati indicto conuentu, mandata quisque sua protule-
 runt, quæ ista erant: *Uti cum Archiducum legatis, etsi
 minus plenis approbationis literis, de pace aut inducijs tracta-
 rent; saluâ tamen ante omnia prouinciarum libertate, quam in-
 fringi nullo modo paterentur, siue statum ciuilem res spectaret,
 siue Ecclesiam, aut Religionem.* Et diu multumque libra-
 tis consilijs cum Mauritio, Gulielmo Nassouio, & Se-
 natu, legatisque Gallico, Britannico, & Danico, (nam
 Brandeburgicus, herilia, quæ commemorauimus, iussa præ-
 tendens, negotio se abstinebat.) i x Kal. Ianuarias Ar-
 chiducibus per literas indicant; paratos sese, sub exceptio-
 ne postridie Kal. Nouembres factâ, in quâ etiam tum persiste-
 rent, cum legatis Hagam missis instaurandæ pacis negotium
 inchoare; quod septem octo rerum peritis commissuri essent, si
 certiores per literas fierent, post decimum diem vicissim ab
 ipsis, pari aut minore numero, mittendos alios; qui cum plenâ
 potestate, tam Philippi, quàm ipsorum item nomine, rem

CL. 15.
C. VII.

*tractarent. quando autem armistitij finis instaret, considera-
rent, si cœpto operi insistendum videretur, an non in VI septi-
manas prorogari id expediret. quod si vellent, idem quoque sibi
placere, modò ipsi, suo & Philippi nomine, ratum facerent.*
Exemplaria literarum Neio & Verreickio data, postu-
latumq;,, vt ipsas Archiducibus traderent. &, si dele-
gandos aliquos ij censeiēt, de numero illorum, nomi-
nibusq;,, & profectiois die, statim certiores facerent,
quo maturè expediri commeatus possit. Id dum agi-
tur, vii Kal. Ianuarias Hagam venit ab Electore Pala-
tino legatus, Hippolytus à Collibus, Curiaë præses,
cum cæteris Regum ac Principum legatis consilia in
rem præsentem collaturus. Atque hic anni istius finis,
qui Europam vniuersam suspensam tenuit in expec-
tatione pacis condendæ, è quâ vtilitatem quàm maxi-
mam sibi quæque pars captabat. Fœderati liberta-
tem, & supremam potestatem, quam Philippus & Ar-
chiduces transscripsissent, vindicare summâ ope nite-
bantur; quippe id maximum pacis fundamentum esse,
nec bellâdi, eâ datâ, iustam deinceps causam fore. Hâc
spe tenebantur illi, qui in eam toto animo propende-
bant; potissimùm, cum vix fieri posse existimarent, vt
ciuitates, & quæcunque alia membra, post Vnionem
Vltraiectinam à suo corpore auulsa essent, armis vllis
recuperarent. nam vt eius ratio aliqua haberetur, ne-
cessitatem, quæ legibus cunctis dominatur, non per-
mittere. multò autē satius esse, si quæ reliqua illis belli
alea

alea fecisset, ea uti conseruarent, & honestissimâ conditione, integrâque libertate, communirent. Ex parte aduersâ etiam Archiduces, rebus suis perturbatis, subditisq; bellum ulterius detrectantibus, temporis prorogatione res suas instaurare velle videbantur: quod effectu facilius existimabant, quia bellum viribus exoticis gererent. hâc de causâ neq; pensi quicquam habebât, quocunq; modo negotium tandē inchoaretur. id sperâtes, ut potētia excellabant, ita fore, ut utilitas quoq; maior inde ad ipsos redundaret. quippe Fœderatos, iam monarchico statui assuetos, extra ipsum difficulter substitutos, ideoque turbas habituros. inde persuadere sibi, quamuis iuri quidē suo ac supremæ potestati renūtiassent, nihilominus futurum, ut postea votis potiantur. Spem hâc persuasionemq; augere prouinciarū urbiumque magna ubiq; priuilegia, propter quæ cōcordia esse certa non posset, sine supremi alicuius collegij auctoritate, ad quod rerum omnium cognitio cum plenissimâ potestate pertineret. quod quando quidē, etsi per quàm necessarium, ne feruente quidem bello, ac periculis urgentibus, cōstituere potuissent; in altâ pace, ac libertate, multò minus consensum fore: vnde motus intestinos, & perturbandæ reip. occasionem datum iri. Dum his iudicijs consilia vtrinque æstimantur, æneatores, ad Archiduces pridem à Fœderatis missi, Haggam redeunt, literasq; ab ijs afferunt, quibus sese postulatis assentiri testabantur; & negotium ijs porro demandare,

c. 10. 10.
c. VII.

quibus hætenus credidissent, eosque Idibus Ianuarijs Bruxel-
lis discessuros esse, & Antuerpiæ noctem acturos, si & literæ
commeatus, & transuehendis illis naues ad III Eid. Lilloi
paratæ starent. De cætero ex literis Neij & Verreickij in-
tellecturos, quibus prætereà rei summam commisissent. Ad
armistitium quod attineret, id quoque in VI septimanas pro-
latum velle, & Regis Hispani approbationem de eâdem re
promittere. Neius etiam, & Verreickius, itidem scribe-
re, Ambrosium Spinolam, Joannem Richardotum, & Joan-
nem Mancidiorium legatos esse, atque his utrunque se colle-

c. 10. 10.
c. VIII.

gam datum. Non satis placuit hæc legatio Fœderatis, &
inutilis videbatur, ad quam nemo Belgij procerum
mittebatur. tandem tamen, post consilia cum legatis
principum amicorum habita, admitti qualemcumq;
placuit. Ut verò in rebus omnibus semper venerari
Deum oportet, ita, pro antiquâ suâ pietate, in tam ar-
duo negotio faciendum maximè rati, in VII Eid. Ia-
nuarias preces publicas per prouincias omnes indicūt:
& summo numini pro acceptis beneficijs gratias age-
re, ac pro felici pacis tractandæ successu vota nuncupa-
re iubent. Posthæc legati, qui prono Scaldi deuehi
statuerant, mutato per ingruens gelu consilio, terrestri
se itineri accingere coacti, obuiam profectis Liram
vsque, tuti commeatus causâ, præfectis Bredano ac
Bergozomano, Iustino Nassouio, & Marcello Baxio,
Hagam Comitis deuenere, magnificè ubiq; per viam
excepti. Hagæ cum appropinquarent, prope Riswi-
cum

cum perbenignè Mauritius excepit, Henrico fratre, & Gulielmo Nassouio comitatus. Ad spectaculum concurrerat ingens multitudo, auida videre hostem paullo antè patriæ infestissimum pertæsum belli, ac nuntium pacis. Admirari item multi, & contra ciuilis prudentiæ legem arbitrari, hostem, eumque exercituum ductorem, intrà ipsa Reip. viscera admitti, vbi inquirere plenissimè posset, quis vniuersus eius status; quis ciuium sensus, aut dissensus; quod etiam robur, aut infirmitas; dein, quis animorum affectus. alij quoque, parum prudenter tam arduum negotium delegatis committi, qui mandatis astricti essent, à quibus recedere non liceret. Sed Fœderati, quibus de Reip. suæ statu, deque subditorum animis, atque affectu, melius constabat, nec tam facilè aut eorum fidem impelli, aut in patriam communem amorem conuelli posse sciebant, modum hunc optimum censuerunt. Præterea res humanas qui attenderit, vicissitudinem hic earum manifestam animaduertet; & non sine arcanâ quâdam ratione factum, vt in intimum Hollandiæ sinum pacem delatum vtrò venirent, quam olim patres nostri cum tot supplicationibus in vltimam Hispaniam frustra quæsitum iuissent. Et Fœderati, quo certius ipsis res procederet, anteqnam illi aduenirent, cum Galliæ magnæque Britanniæ legatis egerant, vt cum eorum Regibus fœdus aliquod iniretur, si qua forte pax fieret, saluâ prouinciarum libertate, hanc vt ipsis certam præ-

Nn. iij starent,

c. 10. 10. starent, & si quid contra ab Hispano aut Archiducibus
 c. VIII. tentaretur, id modis omnibus prohiberent. adeoque
 his conditionibus inter Gallum & Fœderatos conven-
 tum fuit; *ut, si, pace semel constitutâ, vis aliqua fieret,*
auxiliares decies c. 10 suo stipendio ille mitteret; & plures
quoque, si usus foret; idque tertio quidem mense, postquam
transgressores denunciata esset: vel statim quoque, si inua-
sio manifesta, & auctoritate publicâ grassaretur. vicif-
sim autem Fœderati quocunque bello auxiliares quinquies
c. 10, aut liburnicas totidem vectoribus armatas darent.
 Sed cum Britanno decerni nil potuit; & impediabat
 partim commerciorum respectus, partim dispungenda
 adhuc æris alieni reliqua, quorum prius monopolij in-
 star esset, commerciorumq; libertati valdè aduersum:
 alterum maioris momēti, nec ita obiter transigendum
 censebatur. Ineunte Februario à Landgrauio etiam
 Hassiæ legatus venit, Ioannes Burgius, qui heri sui erga
 prouincias has affectum benignis admodum verbis
 nuntians, operam quoque, & consilium, offerebat.
 Tunc Fœderatis negotium inchoare visum, missique
 ad Spinolam, & cæteros legatos, qui & salutem nun-
 tiarent, & percunctarentur, *an quæ ad ipsos manda-*
ta haberent, an verò cum delegatis tantum agere vellent.
 Ii autem respondere, *mandata ad ipsos nulla esse; id so-*
lum cupere, uti salutare liceret. itaque admissi, & salu-
 te dictâ, cum de inchoando negotio admoneren-
 tur, Richardotus inquit, *paratos esse, & quamprimùm*
etiam

etiam *velle*. Sic digressis deliberare Fœderati, quibus c. I. I. I.
c. VIII.
suorum instantem pacis, siue induciarum, tractatum
committerent. & delecti, Gulielmus Nassovius, Frisiæ
præfectus; Walrauius Brederodius, Brederodæ, & ali-
bi, dynasta; generatim prouinciarum omnium nomi-
ne. Speciatim verò è singulis singuli. E Gelriâ, Corne-
lius Gentius, Loënæ & Meinerswici dominus, Burg-
gravius & Iudex Nouiomagensis; ex Hollandiâ, Ioan-
nes Barneveldius, Eques, Tempele & Roderisæ domi-
nus, Aduocatus prouinciæ, magni sigilli, & archiuorū
præfectus: è Zelandiâ, Iacobus Maleræus, item Eques,
Heiesi dominus, pro Mauritio, Veriæ & Vlissingæ
Marchione, primū in nobilitate Zelandicâ locum te-
nens: ex Ultraiectinâ diœcesi, Nicolaus Berckius, pri-
mus cōsiliarius; è Frisiâ, Gellius Hillema, curiæ Senator:
è Trans-Iselaniâ, Ioannes Slothius, Sallicij dominus,
& Vollenhouæ satrapa: è Groningensi ditione, Abelus
Conderius, Elpeni, Fani, & Cantij dominus. Omnes
viri & auctoritate clari, & multo rerum vsuperiti. Hi
cum destinati essent, postridie Non. Febr. habitus pri-
mus conuentus fuit, in quo exhibita vtrunque manda-
ta, atq; ita discessum. Biduo post conuentum iterum, &
causari Spinola, *non ampla satis mandata esse, quæ Fœdera-
ti attulissent, astringique eorum potestatem, præter eiusmodi
negotiorum legem. atq; huic respōsum, planè nodum in scir-
po queri, neq; difficultatis quicquā rem habere: quippe Ordines,
qui in rem præsentē essent, confirmare omnia posse. contra verò
eadem*

c. 10. 10.
c. VIII.

eadem sese optimo iure obiecturos. ad quæ respondere illi; cum plenissimâ potestate aduenisse, eiusque rei mox fidem facturos. Tum rogati, an veluti cum provincijs liberis agere iussi, affirmarunt, quemque vellet titulum permitti. & hic cum interpellarentur, cur Archiduces neque insignibus provinciarum fœderatarum, neque titulis abstinerent, excusabant; nihil hoc iuri, aut libertati ipsarum detrabere. eadem Hispaniæ, Galliæ, & Britannicæ magnæ reges committere; quorum ille Hierosolyma, Nauarram istæ, hic denique Franciam titulis illustrandis ascriberet. Exemptum hâc disceptatione tempus fuit, solutusque conuentus, & reiectus in III Eidus. tuncque propositum, uti iuri in posterum omni in provincias fœderatas, Tenēterosque, & Linganos, renuntiarent. quâ de re cum ampliaret, de petitionis huius iniquitate multa apud legatos questi, ac sententiam Archiducum scitati, ipsis Eidibus responderunt; accipere se conditionem, eâ tamen lege, si in cæteris quoque rebus, & negotio Indiarum, conueniretur: ubi sperabant paria facturos Fœderatos, & aliquid Philippi certè Regis Archiducumque gratiæ daturos; maximè quando amici deinceps futuri essent, & Hispaniæ quoque commercia, quæstum maximum allatura, harum provinciarum populis permittenda. Cumque hîc disceptaretur, unum hoc Regem permouisse inquiebant, ut tam magna ipsis offerret. Mirari multi conditionem istam admitti, & existimare, cum tam magnificè talia promitterent, vel non præstanda ea videri, vel maius aliquid sperari, quo impetrato, minimè gratuita Fœderatis

deratis libertas foret. Et è Britannia nuntij quoque af-
ferebantur, Hobokenum, Archiducum illic legatum,
dixisse Regi, *in hac libertatis pronuntiatione nihil sanè mo-
menti esse. confidere Archiduces, maximas eam turbas datu-
ram; adeoque, concessâ libertate, in pace facillimè se effecturos,*
quod negatâ tam diu in armis frustra contenderant. XV I
Kal. Martias amnestia sancita fuit, statutumque, ne
pignora vlla caperentur, nisi priuati æris alieni causâ.
item, vt libera cuius vtrunque essent commercia, &
pari cum indigenis sorte; nisi quod Indias Spinola ex-
ciperet, actotum illum tractum, obnitentibus vehe-
menter Fœderatis, & dictitantibus, contra prouincia-
rum ac maris libertatem id fieri. Sic in ipso statim
principio satis clarum, non gratuitam Fœderatis liber-
tatis restitutionem fore; cum sperarent aduersarij, hâc
potissimum ratione futurum, vt potentiam ipsorum
detererent, suam augerent. Commouit ea res animos
multorum, qui existimare nihil aliud agi, quàm vt li-
bertas, tam speciosè concessa, per hos quasi cuniculos
subrueretur. quin Societas quoque Indica Orientalis
conuenire frequens, & cum Fœderatis, tum principum
legatis ostendere sollicitè; *rem periculi plenam esse, nec tam
ad ipsos, quàm ad Remp. vniuersam pertinere, ne postulata
Hispani obtineant. Vnicè hoc pacto opes publicas sine impen-
sâ publicâ augeri; & tam multas naues bellicas, tormentis mi-
litibusque instructas, occupari. idque adeò vnum esse, in quo
ceteros ferè Reges principesque superarent; qui nunc ideo Fœ-*

c. 15. 15.
c. VIII.

deratorum amicitia aestimarent, mox despecturi, simul redactos
eò videret, ut aliquando aut prodesse aut obesse non possent. Li-
beras hasce Belgij provincias propter situm, & incolarum etiam
indolē, consistere nullo modo posse, nisi emporia sua portusq; pere-
gre aduectæ naues locupletent. item quādo Hispani potentia non
Belgio tantum, sed Europæ quoq; reliquæ grauis esset, nullā ra-
tione magis securitatem publicā præstari posse, quā si potentia
tam immensæ fundamenta subuertantur; quod futurū, si thesau-
ri eius Indici in Belgas, cæterosq; Reges ac Principes, deriuetur.
Obiectū quidem fortassis iri; nō necessaria Indiarum commercia
esse, patentibus Hispanijs, quas pax decreta aperiret. sed his in-
promptu responsū: parū tuta illic cōmercia, & facile infructuo-
sa reddi, idq; experiundo satis didiciße. deinde inconsultū nimis
videri, hosti reconciliato, & cui fides haberi certa nunquā queat,
in potestate tradere tam magnas opes, tām multas naues, tot tor-
menta bellica, tot peritos vectores, quibus pro libidine mox abu-
tatur. curandum prætereā, ne principes Indici, qui Belgarum se
fidei benignè cōmisissent, in Hispani iterū seruitutem redigantur,
quod Belgarū laudem ac gloriā vehementer imminueret, & in-
crementum maximū afferret potentia Hispani, qui ingens operæ
pretium putaret, si Indias ipsis de manibus eriperet: in quibus
cum per opulentissimas passim oras volentibus incolis commer-
cia exerceant, tueri ea constātissimè, nec Lusitanis concedere de-
beant. quod si semel foriè remittant, ita in posterum prospicētu-
rum, ut de restauratione frustra sint cogitaturi. Amicitiam, con-
uersationem, & commercia, pacis esse beneficia, quæ nullis de-
negentur, nisi hostibus. nulla exempla exstare pacis cum excep-
tione tali, quæ relegationis instar esset, & tantum in hostes,

aut facinorosos, decerneretur. itaq; Indiā prohiberi, manifestam ^{c. 15. 15.}
 iniuriam esse cum fraude coniunctam. verbis in speciem magni- ^{c. VIII.}
 ficis libertatem pronuntiari, re ipsā verò denegari, adeoq; serui-
 tutem grauiorem inferri, quā vnquā sub principibus vllis pas-
 si essent. quamobrem pacem bello deteriore tentari. dein ecquā
 fronte mercatoribus solertissimis, rei; maritime peritissimis,
 commercijs istis interdici, aut maris vsum eripi posse, quod iure
 gentiū omnibus pateret? Euerti funditus Remp. totam sine hoc
 neruo, quo vno hactenus se potissimū sustinuisset; & tātum vires
 illius accidi, quantū istum. ex armari CLXXX naues maximas,
 in quibus ad nouē CLO vectorum. infructuosos reddi quotannis
 XLIII milliones florenorum. Hæc qui attendat, facilè certè iudi-
 caturū, callidè planè agere Hispanum, qui concedat libertatem,
 nihil nisi nomen futurā, ac dignitatem potentiā cassam. Magnā
 cōtentione res agitata, & tribus quatuor cōuentibus dis-
 ceptata, animis vtrinq; obstinatis; donec Fœderati, non
 discedere à sententiā certi, cōponendo dissidio tres ratio-
 nes proposuerūt: vti vel commercia Indica pace indul-
 gerēt, vel inducijs permitterēt, vel bellū vltra tropicum
 cācri continuārēt: vbi, saluo siue pacis siue induciarum
 cōtractu, fortunā porrò cuiq; suā & vires experiri lice-
 ret. Primā & vltimā reiecerūt; illam, quia expresso man-
 dato prohibebātur; hanc, quia principes suos pacē velle
 dicerēt, non bellū, aut eiusmodi tractatū, qui ita pacem
 cōstitueret, vt bellū tamen nō finiret. istā accepturi vide-
 bātur, si inducijs desinētibus Fœderati quoq; cōsiliū hoc
 omitterēt. verū id illi cū negarēt, & liberā tunc cuiq;

clb. 15.
c. VIII.

potestatem decernerent, nullo effectu diremptum colloquium, communi utrinque apud ^{latos} regum querelâ; cum illi dicerent, indignas principibus suis has conditiones, quibus, vel si captivi essent, grauiore imponi à victoribus non possent: hi è contra, ea à se flagitari, vindicatâ libertate, quæ agrè subiugati concederent. Tandem cum frustra moueri hunc lapidem Hispani viderent, de inducijs tractandis consentiunt. cumque negotij ^{uniuersi} omnia capita Fœderati simul proponenda censerent, illi, iniquum, & inauditum, respondere: quin neque mandatum habere, & imparatas denique esse. quosdam ex ipsis Gallicæ Britannicæque paci pertractandæ interfuisse, neque quicquam ibi tale postulatum; paratos singillatim agere, quod in eiusmodi negotijs solenne: & de collimitijs primò, de commercijs, deque restituendis bonis fisco addictis, & sic deinceps. Hic Fœderati; nihil iniqui postulatum hoc habere, cum ipsi eandem quoque legem sibi dicerent. non eò fieri, ut inter se fallant, aut quicquam excludant necessario tractandum, cuius addendi semper utrisque potestas foret; sed ut summam semel sciretur, quæ vniuersæ actionis præcipua capita essent futura. Hic cum deliberandum statuerent, digressi mox redierunt; restatiq; liberum deinceps fore, ea addere, quæ addenda necessario viderentur, quædam utrinque capita exhibuerunt: Fœderati plura quidem, sed simplicia, & perspicuo valdè sensu. Ut commercia utrinque in Belgio secura essent. Pignora capta remitterentur, neque alia in posterum ullâ caperentur. Limites constituerentur, & loca quædam
permis-

permutarentur, aut muris deiectis panderentur. Rhenoberka, ^{CLV. LV.}
 & cætera castella, Rheno aut Rora imposita, defererentur. ^{C. VIII.}
 Sententiæ, & proscriptiones, fœderis, religionis, aut belli causâ,
 retractarentur. Dominia, res soli, actiones quæ principis Au-
 riaci, heredibus restituerentur. Item bona, quacunque fisco ad-
 dicta aut ascripta in Belgio, ducatu Luxemburgico, comitatu
 Burgundico, & Ambarris. Naves onerariæ detentæ post 1 X
 Kal. Quint. anni CLV. LV. C. VII. dimitterentur; bona quæ
 hæc de causâ distracta restituerentur. Eorum quæ fiscus accepis-
 set, aut bellum inutilia fecisset, usuræ redderentur. Dispositio-
 nes testamentariæ, odio religionis, fœderis, aut belli, in præiudi-
 cium cuiusquam factæ, rescinderentur. Æs alienum, publicæ
 fœderis causâ contractum, ad utrosq; pertineret. Miles exoti-
 cus, qui in Philippi & Archiducum stipendio, veluti diffiden-
 tiæ fomes, auctoramento solueretur. In conscientiam nautæ-
 ram, negotiatorum, cæterorumque provincialium, ne inquirere-
 tur; religio quæ in nauibus suis libera cuique foret: neve eius cau-
 sâ ex mercesve fisco subiicerentur. Hereditates ab intestato
 hinc inde legitimis heredibus obuenirent. Vetera urbium
 priuilegia, quæ ante bellum exstitissent, illa sæ ubique permane-
 rent. Si induciæ turbarentur, tum nautis, mercatoribus, insti-
 toribus, reliquisque incolis, uti saluis nauibus mercibusque
 recedant, semestre indulgeretur. Si quid hic committeretur, id,
 actione integrâ, resarciretur. Captiui omnes sine luitione di-
 mitterentur. Actiones ciuiles, non publicè alienatæ, ob præteri-
 tum bellum, sine ullâ præscriptionis exceptione integræ mane-
 rent. Quæ tractarentur, omnibus modis certa ac rata essent;

c. 10. 10.
c. VIII.

atque in eam rem ut *Cæsaris*, ita principum Imperij, & Regum quoque Galliae, Britanniae, & Daniae auctoritas imploraretur. Principes, Respublicae civitatesque amicae ac foederatae, hoc tractatu comprehenderentur. Lusitani principis negotia componerentur, praesensque tractatus ratas haberetur, ac promulgaretur. Haec Hispani cum viderent, numero illa multa dicere, ac longi temporis negotium esse. & Richardotus ad mentionem de aere alieno, publicae foederis causam contracto, pecuniae penuriam obtendebat, & ararium bello exhaustum. Porro capita ipsi quoque quaedam reponere, multo quidem pauciora, sed obscura, & multi sane argumenti: De limitibus, bonorum restitutione, commercijs exoticis, & quandam monetam, pariandis privilegijs & immunitatibus Anglicanorum commerciorum, negotijs religionis, & vicinorum principum. In his Foederati, caeteris summatim perstrictis, cum religionis expressam mentionem, itidem ut in mandatis, animaduertent; & incertum haberent, an de restituenda maiorum religione agerent, an verò de indigenarum hinc inde constituenda modestiam, ut sententiam dividerent petierunt. nam hoc quidem ut civilis prudentiae scitum egregium, & imperij quoque communis firmitamentum; ita illud libertatem suam palam imminuere. Sed verò tergiuersari hic Hispani, facturos sese, cum ad caput isthoc, quod inter ultima, peruenissent. Postquam autem tradita haec capita, eò consilia dirigere videbantur, ut recederent aliquantisper, de Foederatorum mente, & provincialium quoque inclinatione, quam ex multorum collo-

colloquijs didicerant, Principes suos edocturi. & manifesta res fuit, tum ex sermonibus familiarium, tum ex duobus proximis conuentibus, vbi multa de commercijs Indicisq; & Europæis obtestati, post longam disceptationem, formulas seorsim præscribi petierūt, in Hispaniam, & Brabantiam mittendas; vt, quid Regi atque Archiducibus videretur, proprius cognoscerent. eam porrò in illis moderationem requirebāt, ne quid animos ipsorum offenderent, aut existimationē læderent. quandoquidem autem rerum Antuerpiensium minus periti essent, Martinus Faillius, & tres quatuor alij mercatores, ipsis vti permitterentur, quorum cōsilio in re propositā transigendā adiuuarentur. Re deliberatā, ad Indiæ nouennalem, & ceteram Europæ negotiationem stabiliendam, pecuniariam cautionem adhibere visum fuit. itaq; placuit, *vt hic Hispani aureorum quindécies centena cl 5, ipsi in Hispaniā quinquies centena consignarent.* Id decretum mox exhibitum, & ampliare Hispani, ipsi quoq; præscriptum aliquod offerentes, *de commercijs Antuerpiensibus, & ceterarū prouinciarum ad Archiduces pertinētium.* cumq; diu multumq; disceptatū esset, *de liberā mercium euectione & inuectione, item de iure stationis,* vtrinque prolata res est: & testati sunt Hispani, nisi consulto Rege suo transigi hoc negotium nō posse. quando autem armistitij terminus instaret, in bimestre aliud extendēdum videri. quod cōcessum. Conuentu proximo valdè impugnare Hispani, quod de Indicā negotiatione Fœderati propo-

cl 5. 15.
c. viii.

cl. 10.
c. VIII.

proposuerant; & conuenire se in ea non posse, pernegare: ac multo magis de tropico cancri mentionem nullam admittere, nimias in Hispaniâ turbas daturam. aliam itaque rationem ipsi concipere, illam sibi maximè utilem, & quæ post nouennij tempus commerciū omne interuerteret. quam Fœderati, etsi quidem improba-
rent, recipiunt tamen, ceu de eâ deliberaturi. Vbi de præstandâ securitate negotiorū agi cœptum est, Hispani obijcere, *pecuniariam cautionem in negotijs istiusmodi inauditam sanè esse, neque admitti ab ipsis posse, vacuo per bellum arario.* de negotiatione Europæâ pauca admodum verba facere, mercatores Antuerpiâ præstolantes, quibus com meatum impetrare impensè laborabant. Fœderati, cum Indicæ negotiationis modum improbari Hispanis viderent, ne negotium intercideret, quod feliciter cœptum erat, & communi omnium spe propellebatur, tempori cedere satius rati, vti huic fastidio obuiam irent, seriò iterum deliberarunt; &, perpenso rei momento, quicquid libertate saluâ fieri posset, remiserunt. vbi tamen variij sensus, multis consentibus, *quicquid signatè expressum non esset, damnum istud publicum fore, vti in contractibus eiusmodi vsu ferè venire solet.* quippe qui potentiores, si quæ fortè obscuriora, ea pro se interpretari, ac pro suâ mente omnia agere, frustra obnitentibus alijs, qui viribus impares vim pati coguntur, cum arma non habeant cum potentiâ, aut consilio. id suâ in rep. euenturum, cuius tam diuersa membra; quorum aliqua, quia extra iacturam posita,
odio

odio sæpe aut inuidiâ, aliorum iniuriam libenter negligent. De Belgicâ negotiatione, & cæterâ quoque Europæâ, item actum est; detractumque, quicquid permittere res videbatur: & mercatoribus Antuerpiensibus tribus quatuor decretus etiam com meatus, sed non Faillio. Cum autem Hispanis ne sic quidem satis fieret, deliberando tempus indultum est. moxque Fœderati, exploratâ aduersæ partis sententiâ, ut omnia se ex æquo & bono velle testatum facerēt, denuò rem in incudem vocant, mutantq; quicquid possunt. Interea queri multis verbis Richardotus, nimirum rigidos ipsos cesse, ac negotij suscepti Spinolam seque pœnitere, in quo operam perdituri videbantur. si pertenderent, actum profectò nihil iri; & pacis componendæ gloriam, quâ nil in rebus humanis excellentius, amissuros. tum hortari, mutarent propositum, & Hispanis aliquid concederent, quibus nisi sua approbarent, frustra futuros. omnibus modis dandum operam ad promouendum potius negotium, quam impediendum; quod rigor iste minaretur. Hæc homo facundus, & affectus mouere solers, penè cum lacrymis proferebat. nec oratio frustra fuit, impulitque animos ad maiorem moderationem, maximè arbitrantibus multis, urgeri rem præsentem debere, atque ad finem perducì, ut pacis commoda, & libertatis pretium apparerent. satis patriæ factum esse, si à Burgundicæ domus prætensionibus liberam in pace tandem collocarent. Moderari itaque magis placuit, & factum hunc in modum. Vti prouincialibus, quemadmodum inter mercatores solet, ad nouem induciarum

615. 15. duciarum annos libera in Indiâ commercia essent, in ijs & ide-
 6. VIII. licet locis, quæ Hispano non parerent: à cæteris autem abstine-
 rent, nisi præfectis permittentibus, aut cogente necessitate. tunc
 pro amicis habendos esse: idemq; in locis Fœderatorum Hispani-
 nis quoq; ius futurum. & citra quidem Bonæ Spei promonto-
 rium initium forent Kalenda Sept. anni post secularem octavi;
 ultra, noni. isto nouennio nil hostile quenquam ausurum. atque
 hanc legem non ad Hispanos tantum pertinere, aut Fœderatos;
 sed ad amicos quoque partium principes: quorum nomina intra
 triennium illi Hagæ, isti Bruxellis tractatui inferenda edere
 tenerentur. si quæ contrà damna fierent, ea illic, ubi aut illa-
 ta essent, aut qui intulissent habitarent, reparanda esse: neque
 hoc nomine pignora ulla capi posse. exacto septennio, Bruxel-
 las utrique destinarent, qui rem totam benignè transfigerent.
 De negotiatione Belgicâ aliquid item propositum; uti
 Archiducum & Fœderatorum subditi liberè agerent utrobiq;
 & pari iure atq; immunitate naues Antuerpiâ aut aliunde ve-
 nientes redeuntesq; onera liberè efferrent, aut referrent; &
 vectigal tantum penderent, commeatumq; pariter cum subdi-
 tis, sine vlllo nauium aut mercium discrimine, saluo tamen iure
 stationis vinariæ, quod ante bellum obtinuisset. in fluminibus
 item Hollandicis Zelandicisq; commorarentur, venti aut comi-
 tatus expectandi causâ. merces quoq; vel reciperent, vel expo-
 nerent, quocunq; modo, & per quoscunq; vellēt, planè quemad-
 modū ante bellum. qui iter facerēt, cum sarcinis omnibus parem
 ubiq; immunitatē experirentur; nec deflectere ad telonia coge-
 rentur. merces, quæ in apothecas reponerentur, aut institoribus
 trade-

traderentur, ob nauium defectum alio tempore transportanda, non plus oneris sustinerent, quam quæ statim de naue in nauem transferrentur. specialia beneficia, priuilegia, immunitates prouinciarum, urbium, pagorum, collegiorum, personarumque, quæ ante annum dclolxvi, neque his capitibus derogarent, sine nouâ confirmatione manerent. vectigalia neque maiora, neque alibi exigarentur, quam ubi & quomodo ante motus hosce receptum. pignerationes in Hispaniâ Belgiove antehac concessæ reuocarentur, nisi denegatâ palâ iustitiâ. Et hæc quidē ita decreta, Hispanisque exhibita, qui acceperunt, sed cū Rege communicanda; cui rei dati dies xxxviii. & profectiōē Neius suscepit postridiē Kal. Aprileis. Hinc multis visum, longi operis rem fore, & in dies plures differendam: creditumque, nihil interea actum iri, & Hispanos per eius absentiam negotium ducturos, dum de Regis voluntate certi essent. Inter hæc in prouincias Fœderati discedunt, Batauorumque comitia dirimuntur. & increbescere rumor cœpit, venisse ab Hispaniâ literas, quibus Philippus nuntiaret, prouincialibus hisce Indiâ se, & toto illo tractu, interdictum esse; item, instauratam hinc religionem maiorum; quæ nisi obtineret, irrita omnia habere, & tractatum inceptum abrumpere. Hâc de re turbari multi, & de summâ rep. agi existimare; cuius maximum periculum esset, antiquum cultum in templa reuocare, & commercijs Indicis cedere. pro quibus varia inter prudentes arbitria, & tuendis multa argumenta. Tam dubio statu Fœderati de Britannico fœdere satagunt, quo res suas confirmarent, si pace aliquando constitutâ fidem

15. 15.
6. VII.

fallere Hispanus vellet. iamque rationes subductæ erant, ac liquebat reliquum æris alieni, ingens hæc-
nus negotij eius impedimentum, videbaturque sanc-
ri posse. Quanquam autem iam Neius in Hispaniam
venisset, regemque 1 x Kal. Maias conuenisset, nihil-
dum tamen referebatur; & xxxviii diebus profectio-
ni destinatis alij totidem additi fuerunt, prætendenti-
bus maximè Hispanis *morbum Neij, tum Lermæi ab aulæ
absentiam, & Regis in promovendo filio occupationes.* Interim
conuentum iterum fuit, propositumque ab Hispanis,
*ut commeatus abdicarentur, ad pristinam formam vectiga-
lia reducerentur, Brabantiaque & Flandria restituerentur; se
pro hisce Lingam, Salios, & Grollam reddituros.* Sed re-
spondere Fœderati, in ipso principio cautum vtrinque;
VTI POSSIDERENT, ITA POSSESSVROS ESSE.
*hic contra iri. prætereà iniqua postulari, & pro plurimis muni-
tissimis que urbibus ac locis, quæ obsidionem quàm longissimam
sustinere singula possent, attegias tantum tres promitti, quas
xxvi diebus expugnassent. nil profuturum libertatis titu-
lum, si firmissimis urbibus propugnaculisque priuentur, &
commeatus intermittantur, qui ad Reip. defensionem neces-
sariò pertinerent.* Summâ vtrinque contentione res agi-
tata, & disertis verbis dicere Fœderati; nullo se modo ac-
quiescere postulatis posse. interesse Reip. suæ, vt tam insigniter
semel munitam porrò tueantur. commeatus quoque ne abdic-
rentur, per rei maritimæ collegia non licere, quæ constare aliter
non possent. Contra obniti Hispani, eam omninò Princi-
pibus

pibus suis mentem esse, uti suprema in hac loca iuris dictio hoc ^{c. 15. 15.}
tractatu ipsis cederet: & , auertenda fraudis suspitioni, placere, c. VIII.
ut ius praesidij ijs locis in proximos aliquot annos habeant, ad
Reip. securitatem. atque hoc magni beneficii instar esse, quod
tam benignè Belgium suum cum Fœderatis partirentur, dum
ea ijs loca permetterent, quæ munitissima bello præterito exper-
ti essent. quod verò ad commeatus attineret, omninò hos in-
termisos velle; quippe pacis non belli auctores esse, ac proinde
abominari, quæcunque nomina bello inuenta ingratam semper
eius memoriam repræsenterent: neque item grauiora commer-
ciorum onera tolerare posse, quàm quæ fuissent ante annum
 C I O I O L X V I. Dum hæc disceptantur non vno
 conuentu, nullus adhuc de Neio nuntius; & elabi tem-
 pus, cum indignatione populi, cui interea quæstus exi-
 guus præ quàm bello. itaque Fœderati statuunt, ut ar-
 mistitium, quod Maio mense terminari, in anni finem proroga-
 retur; Belgicorumque commerciorum ratio propius expendere-
 tur; & bonorum fiscalium venditorum ac non venditorum
 restitutio distingueretur. Prius illud detrectare sanè multi;
 quippe eneruari militem tam longâ armorum desuetudine, eludi
 libertatis vindicias, & , si per hanc occasionem copiarum aliquot
 exauctorentur, exarmari temerè prouincias, quæ ad armistitij
 confirmationem nihil haberent præter sola promissa Archidu-
 cum, eorumve, qui in Regis sui gratiam, ubi vsus foret, fidem
 fallere non vererentur. porrò impares bello instaurando reddi,
 multo magis paci condendæ, cuius arbitrium fere penes poten-
 tiores. Nihilominus indicto conuentu in x i i i Kal.

c. 15. 15. lunias, quæ cōmemoravi placita Hispanis proponunt:
 c. VIII. ijque capita aliquam multa vidētes, *plurimum dierum opus*
esse inquiebant; sed armistitij prolationem admittebāt.
 cum testari Fœderati, *res suas hanc incertitudinem minime*
ferre; ac decernendum semel tandem ante finem Iulij esse. nisi
fieret, negotium omne intermissuros: nec diutius passuros, ut
patientia sua ipsi pro libidine abutantur. Interim ob prolata
 arma gaudere maximopere Hispani, qui ad bellum
 imparati, ne pridem parta rursus amitterent, tueri ea
 cunctando quærebant; expectantes dum, aduecto ex
 Indiâ auro, ipsi vires recuperarent; Belgæ autem, flac-
 cescente indies quæstu, publicè pariter ac priuatim ex-
 haurirentur. Et iam nonnulla de pace desperatio
 erat, quam auxit aliquantum Verreickij discessus, qui
proposita pridem capita cum Archiducibus communicanda in-
quiebat, ideoque Bruxellas proficisci debere, breui reditu-
rum. Suspecta hæc profectio fuit, & quæsitus causæ
 prætextus credebatur. redijt tamen, ut promiserat, in-
 eunte Iunio. Inde in conuentu, cum de limitibus age-
 retur, dixerunt Hispani; *velle sese, ut Fœderatis in ea,*
quæ in Brabantiâ Flandriâque oppida tenerent, ius summum
esset, ipsi in subiectum territorum haberent; & vicissim in Lin-
ganos, Salios, Trans. Iselanos, Zutphanienſesque pari modo su-
preme potestatis ratio commutaretur. Mox cum de bonis
 fisci mentio fieret, reddi omnia vtrinq; cupiebāt, nec minus
 clericis, quàm qui extra clerum essent. eâq; in re quod homini-
 bus priuatis ius foret, idem concedi Archiducibus, quibus domi-
 nia

nia sua restitui oporteret, liberè per quoscunq; prefectos admi-
 nistranda. ipsos quidè ius supremum in vnitas Belgij provincias
 permisissè, sed dominia, ac patrimonia, non donassè. Hic Fœde-
 rat; manifesta sibi ipsorum cōsilia, quæ eò tenderent, vt in sum-
 mamegestatem provincias inuoluerent, ac desertas vrbes redde-
 rent. quippe ciues, qui plerunq; bona sua in subiectis agris habe-
 ant, vt frui ijs commodè liceat, facile nundinis, & id genus be-
 neficijs, eò pertrahi: atq; ita ipsas quæstu priuatas necessariò de-
 solari. porrò supremam potestatem & dominia distinguere
 velle, hoc verò esse Reip. maiestatem prostituere; quod, nisi ex-
 tremam passi, non solerent. Cum Hispani animaduenterent,
 tam cordatè dignitatē suam tueri Fœderatos, vt remit-
 tere aliquid viderentur, à territorij iure, quod saluū sibi
 volebant, nihil recedentes, alterum de dominijs caput
 distinctione mitigârūt. & vetera quidem cum supremo iure
 permittere, noua autem restitui velle. ea verò esse, quæcunque
 ad duces, comites, dynastasque Belgij speciali aliquo titulo per-
 tinere constaret; quæ singillatim recensere detrectabant,
 mox facturi, cum de singulorum iure dissertare insti-
 tuerent. Sed id Fœderatis improbatum, existimātibus,
 in re tam magni momenti clarè omnia ac perspicuè proponen-
 da. Cum discedere à sententiâ Hispani nollēt, & Fœde-
 rat; cōstanter vrgerent, pluribus colloquijs nihil aliud
 planè actum, quam de cæteris capitibus quæ sententia
 partium esset vt inquirerent. ac deprehensâ Hispano-
 rū in multis tergiuersatione, testabatur Fœderati, non se
 circūduci amplius velle: aliquid proximo Iulio statuendū, pro-
 inde

c. 13. 13.

c. VIII.

clo. lo.
c. viii.

*inde bonâ fide exponerent, an principes suos aliquid in hoc negotio decerni velle censerent. idque cum illi affirmarent, multi præterea sermones fuerunt, maximè de exaucto-
rando milite extraneo; in quo cum legem nullam ne-
que accipere ipsi, neque Fœderatis quoque præscribe-
re velle dicerent, & responderetur, cæteris transactis
non hoc nimis vrgendum fore, à colloquio discessum
est. moxque affuit Verreickius, confestim Bruxellas
proficiscendum sibi inquiens, vt cursori Hispanico
quædam aurei velleris, cuius ordini ipse ab actis, ci-
melia traderet, quæ Rex poscere ad festi celebritatem
ornandam, quo ordinis eius principem constituere
filium, & regnorum suorum heredem pronuntiare de-
creuerat. Suspicionem laboravit profectio, & non pauci
admirari, quæ res Philippum ætate viridi, ac liberis
quærendis maximè idoneâ, in cogitationem eam ad-
duceret, tam certâ in filio maiori successione. adeoque
auxit suspicionem æquè inexpectatus Ianini discessus,
licet antea item tentatus, qui Regis sui iussa obtendēs,
seriò Fœderatos admonebat, *vti Remp. saluam presta-
rent, fœdusque Britannicum accurarent, nec pacem ullo mo-
do negligerent, si honestam eam, accertam, obtinere possent. In*
Frisiâ turbatum paullulum supra diximus, manda-
tumque Ennoni à Fœderatis, vt præsidio Embdano
floreorum quadraginta clo expediret, naues præterea
in Hispaniâ per vim detentas relaxari curaret. Ad pe-
cuniam quod attinet, ea soluta. De cætero ipse Hagam
instituto*

instituto itinere, vbi Delphos peruenisset, occupati ^{c. 15. 15.}
 Hispanico negotio Fœderati, *alienum tempus esse* nunti- ^{c. VIII.}
 ant, *nec rebus eius vacare posse*. effectum tamen per Win-
 wodum, vt Hagam Embdani euocarentur; quod illos
 perculit. ideoque conuocati ciues sacramento inter se
 dicunt, à tractatu Hagiensi haud recessuros, nec pro domino
 Ennonem vnquam agnituros, nisi damna illata sarciret, & bo-
 num deinceps principem ageret. Huius sacramenti sui cer-
 tiores Fœderatos faciunt, iterumque ad causam dicen-
 dam Enno admitti petijt: sed fratris Gustauī morte
 impeditus, Frantziū ac Wiardam oratores mittit. Ia-
 nini discessus multorum animos variè habuit, maxi-
 mē cum nuntiaretur aduenisse in Gallias Petrus Tole-
 tanus, quem magna conaturum multi prædicabant.
 Interim v i i i Kal. Iulias vbi conuentum iterum esset,
 actum est de urbium, territoriorum, ac collegiorum priuile-
 gijs; item de limitibus, utque mari, ad securitatem utriusque
 partis, bellicæ naues ad tertium vsque milliare ostijs alterius
 portubusque abstinerent; terrâ verò ad mille decempedas nulla
 in finibus castella excitarentur. in Brabantie & Flandriæ
 oppidis magistratus à Fœderatis per decennium proximum
 constituerentur, saluo tamen iure dominorum, ad quos ea perti-
 nerent: pax autem si quæ sanciretur, à quatuor præsulibus, to-
 tidemque baronibus, ac magnis vrbibus, quæ de eâ acta essent,
 subscriberentur; atque vniuersi ad asserendam iuramento sese
 obstringerent. si quid contra tentaretur, trimestre utrinque
 instaurandæ concederetur. Quin etiam incolarum com-
 modis

cl. 15.
c. viii.

modis consultū cupiunt, utq; rebus ordinandis, pace ruptā, semestre haberent. Sed hæc omnia proposita tantū, non decreta, colloquiumq; ad Kal. Iulias reiectum. tunc de negotio religionis disceptatum, & modestiā utrobique indicendā: postulatumq;, uti Fœderatorum subditis idem in Hispanijs iuris esset, cæteroq; Belgio, quod Britanni, pace per Comitem stabuli Castellani constitutā, obtinuisent. Sed hîc quoque nil effectum, excusantibus Hispanis, iussa sibi expectanda, mox per Neium afferenda. Momentum habere res hæc visa Fœderatis, reputantibus insuper quæ Peckius, Archiducum in Gallijs legatus, ad Regem & Suillum verba fecisset; nunquam Hispano id animi fuisse, ut Fœderatis ius supremum transscriberet. eā tantū fine factum, ut ad colloquium inuitaret, & imaginariā libertatis gratiā paci viam sterneret. ac quamvis ius suum suspendi ad tempus aliquod per inducias permisisset, non aliā tamen lege permissurum quicquam fuisse, quàm integro Indiarum commercio, & restituto per Belgium uniuersum pristino sacrorum cultu. Satis provinciarum statum per legatos didicisse, & pace aut bello, facile superiorem fore, laborantibus ipsis ærarij inopiā, dissidio intestino, & principum vicinorum offensā. Hæc ex Arsenij, sui illic legati, literis intellexerant Fœderati, cui Villaregius quoque dixerat; per Italiam, Hispaniam, Galliasque passim iactitare Hispanos, multa se etiam supra spem tractatu isto consecutos. tum Petrum Toletanum aduentare, ex Hispania magnatibus vnum, omnibus modis annisurum, ut,

confir-

confirmatâ inter Galliam & Hispaniam amicitia, animû regis ab ipsis diuertat; eamq; rem Pontificem quoq; , & Jesuitas, adiutare. Eadē Cæsari in Germaniâ exposuisse legatum Hispanicum Brederodius nuntiabat. Sic Fœderati, quæ Hispanorum in tractatu isto pacis cōsilia essent, vndiq; discunt. & dum de longâ Nei absentia solliciti cogitationem suspendunt, Toletanum Lutetiam aduenisse intelligunt, neq; Neium, quem expectarant, comitem habere. igitur maiore curâ incumbunt, & ante deficientem Iulium finem negotio imponere satagunt. sed testari iterum Hispani; eiusmodi cunctationes aulæ suæ proprias esse: nec tam citò expediri eum posse. quamobrem prorogaretur tempus, & sex aliæ septimanae extremo Julio adderentur. Factum id à Fœderatis, vt fidem suam, sinceritatem, ac patientiâ omnibus manifestam facerēt, quamuis reditum esse ipse Spinola vix speraret, multa Regi, Archiducibus, sibiq; falsò persuasisse hominē dictitans. Fregit longa hæc absentia patientiam legati Danici: qui, cum neque à Fœderatis, neq; ab Hispanis induci vllis rationibus se ad manendum pateretur, imposturam stomachatus, Kal. ipsis Augusti discessit. Iam in Galliâ Toleranus mandata exposuerat, & Ianinum rex remisit, qui legationis causam Fœderatis declararet. neque enim aliud agitari, quam vt cœptum pacis negotium perturbaret; sed ab istâ cogitatione valdè se alienum esse; ac testatum, pacem Belgij inter primas curas habere. quamobrem lentum hætenus negotium maturarent, & vel qualemcunque

Io. Io.
s. VIII.

*tandem finem imponerent: Eâ de causâ in xiii Kal. Septem-
bres conuentum indicunt, & de religione maximè,
commerciorumque libertate, ac limitibus, cæterisque præcipuis
capitibus, definiri aliquid postulant. Respondere au-
tem Hispani, etiam sibi id mandatum; & Regi atque Ar-
chiducibus placere, uti in prouincias vnitas ius supremum pe-
nes Fœderatos maneat, dum modò ipsi veterem sacrorum cul-
tum restituant, & Indiâ utrâque in posterum abstineant.
de cæteris conuenienter responsum arbitrari. cumque in sen-
tentiâ perseuerarent, dirempto conuentu, reque inter
Fœderatos, Mauritium, Senatum, principumque lega-
tos deliberatâ, abrumperè tractatum irritò hætenus
conatu placuit. itaq; ad x. Kal. Sept. Hispanis edicunt;
damnosa toties, viuo adhuc Philippo II, de pace colloquia ef-
fecisse, ut plus xxv annis, etsi mox Philippo ipso offeren-
te, eiusque legatis, intercedente etiam Cæsare, alijsque Europæ
potentissimis Regibus ac Principibus, accepta ante damna me-
tuentes, nullam pacis mentionem admittere vellent. itaque
mense Januario anni præteriti Archiducibus respondiisse, quod
pridem Cæsari: neque honestam, neque certam pacem iniri-
cum ijs posse, qui libertatem iure vindicatam, assertam armis,
auctoritate confirmatam, imminutum palam irent. Abomina-
ri porrò quæcunque eâ causâ ærumnæ Belgium affluxissent, &
deinceps afflicturn viderentur. Non se ullius mali aucto-
res; culpam penes illos esse, qui, nullo iuris diuini aut humani
respectu, oppressos ipsos omninò cuperent. Postea promississe
Archiduces, saluam libertatem fore; nec iuris aliquid præ-
tersum*

tensum iri, quo vel pax inuiolabilis, vel induciæ longi tempo- c. 15. 15.
 ris fieri possent. Cumque initio concessum esset per inducias c. VII.
 VNVMQVEMQVE, VT POSSIDERET, ITA POS-
 SESSVRVM ESSE: pace verò, quicquid præterea pa-
 cisci possent; de commercijs verò Indicis, cum constanter cede-
 re ijs recusarent, rem Archiduces mutasse, pronuntiasseque:
 siue pace, siue inducijs, eodem omnes iure vsuros; nisi communi
 consensu loca quædam permutanda viderentur, nullâ India-
 rum exceptione. atque ita, fundandæ paci, inhibita arma, a-
 strictamque vim militarem; idque ratum ternis literis Phi-
 lippum ipsum habuisse. insuper exposuisse sese, facile sibi, veluti
 liberarum provinciarum dominis, Dei, Principumque fœdera-
 torum auxilio, Remp. suam ordinare, & providere, ne quid
 detrimenti capiat. atque hîc primas religionis partes esse, in
 quâ innouari quicquam proximo tractatu præter pacta permis-
 suri nunquam essent. Deinde summatim totius negotij
 perstricto progressu, ac fraude ostensâ, per quam sim-
 plicitati suæ rectæque fidei illussissent, ceu læsâ per sub-
 dolam cunctationem patientiâ, palam edicunt; non vl-
 tra trahendum videri. sese quidem optimâ fide cuncta egisse;
 & ad pertractandum negotium animum pacis perquàm cupi-
 dum attulisse. contra tam præclaræ voluntati suæ ipsos hæte-
 nus defuisse, qui nihil minus quàm pacem animo agitarent: idq;
 per summam conditionum propositarum iniquitatem explora-
 tum satis esse. Quapropter decreuisse, ne in posterum patien-
 tiam profituerent, artes suas sibi haberent; ipsos tutius liber-
 tatem in armis asserturos esse, quam callidè illi per pacem euer-

c15.15. tere conarentur. Ingratum Hispanis hoc edictum, de que
 c. VIII. præcipiti eius rigore apud cæteros legatos vbi multa
 questi essent, ij vi Kal. Septembres in confessu Fœdera-
 torum declarare; omnia se, vt iussi erant, etsi frustra, Belgio
 tranquillando tentasse. porrò in mandatis habere, si pax fortè
 non succederet, tum de inducijs, bello longè vtioribus, vti sedu-
 lò laborarent. quamobrem monitos ipsos velle, ne hoc consilium
 aspernarentur, si ijsdem conditionibus impetrare eas possent,
 quibus pacem statuissent. Vereri se quidem, nihilo faciliores
 etiam hîc Hispanos fore; Veruntamen effectum iri, et t & ipsi
 arma iustius resumant, & opera in conciliandis à principibus
 suis posita clarius tantò elucescat. itaque expenderent, quæ in
 commune consuluisent; & inducias admitterent, haud minus
 pace profuturas. deinde, aliquid etiam amicitie eorum darent,
 quorum intererat remp. ipsos quàm maximè florentem habere.
 Sic digressi Hispanos accedunt, eadem illis quoq; sua-
 furi. Vtrinq; tempus deliberando postulatum, mox re-
 spōsum à Fœderatis: placere consilium, & de inducijs agere
 paratos, dum caueretur, finitis ijs nihilominus libertatem sal-
 uam fore; aliâ conditione nunquam acturos. Ab Hispanis verò
 exceptum; non id sibi mandati esse, itaque Bruxellas misisse,
 & responsum intra quartum diem fore. eo allato mox ex-
 ponunt; non placere Regi, aut Archiducibus, vt in inducijs
 constituendis libertatis titulus concederetur, nedum religionis
 auitæ, aut Indiarum, restitutio negligeretur. misisse tamē in Hi-
 spaniam Archiduces, vti sententiam Regis explorarent, de quâ
 ante desinentem Septembrem certiores esse possent; idq; tempus
 expecta-

exspectare ipsos velle, si Fœderati moram tantillam indulge- c. I. I.
 rent. quin, si mallent, Archiducum nomine septennales inducias c. VII.
 statuere paratos, veluti presentis armistitij continuationē; quo
 cum plenā libertatis assertione semel decreto, eius mentionem
 repeti nil necesse: quam si urgerent, alienis Hispanorum ani-
 mis, negotium difficillimum fore. quod verò ad commercia
 Indica pariter atque Hispanica attineret, Archiduces pro-
 mitterent, operam se daturos esse, ut ad præscriptum indu-
 ciarum tempus decreta de ijs rata Hispanus haberet, de cate-
 ris capitibus rationi consentanea statuerent, si bimestre tan-
 tū concederetur percunctando, an commercio Indiarum Fœ-
 derati per indugentiam Regis, an verò per vim atque arma
 usuri essent. quod si audire propositum hoc nollent, tum pro
 ipsis intercederent, uti ad extremum Septembrem manere
 liceret. Legati cum prius obtineri posse desperarent,
 posterius petierunt. idque concessum satis grauatè,
 testantibus Fœderatis, maluisse se, uti Bruxellas profecti
 Hispani iussa illic Regis sui exspectarent. sed in Regum
 principumque confœderatorum gratiam passuros, ut ad proxi-
 mas Kal. Octobres Haga subsistant. hanc supremam tempesta-
 tem fore, neque ulterius moræ spatium impetratum collum-
 iri. Frustra esse, qui circumducere ipsos vellent; satis ex-
 ploratum habere, fraudes meras agitari. speciosis initio
 promissis adductos, ut aures animosque ad pacem inclina-
 rent: nunc nil minus cogitari. pacem in inducias, illam in
 armistitij prorogationem commutari, nullā libertatis men-
 tione, in quā summa rei verteretur. nollent certè existimare,
 aut

e Io. Io. aut prudentiam ipsis deesse ad deprehendenda tam callida con-
 c. VIII. filia, aut animum ad recipienda arma; quæ ut ægrè sumpserant,
 ita nisi cum laude & gloriâ essent positura. Indignari etiam
 Mauritius, qui etsi amantissimus pacis, animū tamen
 ab hoc tractatu alienum semper habuit, quia dissi-
 dium intestinum, & alia quædam mala metueret, ceu
 negligentioribus armorum, & defensionis suæ, omni-
 bus deinceps futuris. Præterea dolum verebatur, cui-
 dêter aliquo modo hac cunctatione proditum. quam-
 obrem datis ad vrbes singulas literis seriò omnes ad
 fortitudinem ac constantiam exhortari: *nunc enim illud
 tempus esse, cum deserere Resp. non deberet. neque ijs auscultan-
 dum, qui inducias aut tam utiles prædicabant, ut contemni
 non deberent; aut ita necessitatem publicam exaggerabant, ut
 fere defensionem omnem superaret. Satis adhuc virium re-
 stare, neque indecorè cum hoste propterea paciscendum, ad pro-
 uinciarum perniciem, quæ quavis necessitate grauius sit afflic-
 tura. proinde patres suos imitarentur, qui vel in maiora peri-
 cula olim adducti, nunquam tamen consilia huiusmodi admit-
 tere voluissent. Vindicias quoque libertatis considerarent,
 quæ ne dubijs verborum latebris eluderentur, prouiderent.
 summâ hîc claritate opus esse, nec disceptari ab hoste debere, si
 sine dolo agere censeri vellet. Interim mandata Hispani
 ab Archiducibus noua accipiunt, tentantq; per Richar-
 dotum legatorum animos, inquires; iussisse Archi-
 duces cum Fœderatis, veluti nullius iuri obnoxiijs, inducias
 septennales fieri, liberis per Europam totam commercijs, et
 saluâ*

saluâ vtrunque partium possessione; sperare etiam, approbatu-
 rum id Philippum, etsi mandata ab eo nulla. Sed ubi li-
 bertatem commerciorum etiam extra Europam, &
 per vtranque Indiam, cum plenâ iuris cuiuscunque re-
 nuntiatione vrgerent legati, cæteroquin Fœderatorum
 persuadendorum spem nullam esse, ijque hoc mandati
 datum sibi negarent, edixerunt, ne quid amplius spera-
 rent, vanum cæterum conatum fore, neque permoueri
 à se Fœderatos posse. quo intellecto, colloquium apud
 Verreickium habent, & discessum statuunt. Itaque sa-
 lutato prius Mauritio, & legatis, pridie Kal. Octobres
 Fœderatos quoque adeunt, ibique Archiducum since-
 ritatem, & propensam ad pacis negotium voluntatem,
 magnopere extollere Richardotus; Fœderatorum con-
 tra abruptum rigorem & duritiam accusare, hortariq;:
*benè rem perpenderent, & oblata rectè considerarent, neque
 ita temerè reiicerent, multis mox precibus impetranda. præcipi-
 tis consilij certam semper pœnitentiam esse. deinde, si redinte-
 grando bello causam præberent, rationes ijs reddendas tot immi-
 nentium ærumnarum.* Contra obijcere Fœderati; *optimâ
 fide omnia egisse, & pro vetere gentis suæ simplicitate. ipsos
 potius in culpâ esse, qui præstare libertatem, initio verbis tam
 speciosis oblatam, nollent; sine quâ admissi nunquam fuissent.*
 Hic interloqui etiam Spinola, & post pauca eius verba,
 de suo quoque erga pacem publicam affectu, dictâ
 vtrunque salute, discessum est. Sanè inuitis Hispanis
 hoc fuit, petierantque à legatis, vt suo nomine decem

cl. 10. 10.
c. VIII.

tantum dierum moram impetrarent; eamque ad rem etiam in Galliâ apud Regem Toletani operâ vfi erant, sed nullo successu. Itaq; eo ipso die, apud Mauritium pransi, post meridiem discedunt, relicto à Richardoto mandatorum, quæ ab Archiducibus habebat, exemplari; quod consultò, an imprudēter factum, varia coniectura erat. Interim verò dum ita ab armis cessabatur, militi tamen inter se grassari licuit. atq; ita Sidleniscius, Grauiæ præfectus, dum prono Mosâ Vornam deuehitur, captus Siluam ducis abducitur. Wernerus Bosius, militaris senatus præses, Geldermalsâ è conuiuio domum rediens, per viam oppressus, cum accipere vincula nollet, vitâ dedit, vir belli peritus, animoq; promptus ac manu. Adolphus Nassouius, è Lutzemburgensi agro reuertens, & Rhenobercam prætergressus, salutato militari more præsidio, dum in propinquo pago noctem agit, periculi securus, inopinatò opprimitur, & fortiter magis quàm feliciter pugnans, sibi mortem nō ingloriam, suis victoriam acquisiuit. Quamuis autem iam discessu Hispanorum spes de pace vniuersa concidisse videbatur, non destiterunt tamen Galliæ ac Britanniæ legati, & quādo de pace irrita consilia omnia essent, inducias suaserunt. Cumq; periculosas eas Fœderati existimarent, scrupulum eximere Ianinus fategit, & diffidentiae iustissimas causas opponentibus respondit: *quod si fidem Hispani fallerent, velle ac posse regem suum quemlibet cum ipsis tractatum inire, ac Remp. saluā præstare.*

stare. quin per literas ipse Rex suadere enixè, uti inducias c. 10. 15.
c. v. 111.
ne reiicerent, quas pacisci saluâ libertate possent. Idem etiam
Britannus facere, interminari quoque visus, nisi consilio
parerent, auxilia deinceps nulla illic habituros. Mirari multi
vehementiam, quippe pacem non tam seriò agit at am, in quâ
tamen plus securitatis esset. eâ enim semel constitutâ, sine nouâ
aliquâ offensâ, aut violatâ etiam fide, bellum instaurari non
posse; quæ res indignationem animis populi diffidentiamque
afferret. contra in inducijs fieri, quibus finitis sine probro, aut
calumniâ, arma recipere permissum esset. tum in integro omne
ius, ceu nunquam abdicatum, esse. insuper metuendum etiam, ne
rectè exactis, populus fidem ab Hispanis seruari expertus, ani-
munum ad illos inclinaret, & excussum semel iugû facilius recipe-
ret. Sed hæc dimouere legatos à proposito non potuerunt,
eoq; res ab ijs perducta, ut de inducijs ad xii annos sta-
tuendis, secundû xv illa capita, quæ exhibuerant, porrò
ageretur. prolatoq; armistitio negotium ijs, quibus an-
tea, demandatur: idque x Kal. Ian. inchoatum, spon-
dētibus legatis, curaturos Reges suos, uti effectum pacta ha-
berent. Hæc de causâ Mancicidorius iter in Hispaniam
fecerat, & reuersus à Philippo mandatum attulit, ne in-
ducia longæ fierent; tantum ut hætenus armistitium proferre-
tur, & commercia in Hispaniâ libera essent: extra Europam,
atque in mari mediterraneo, arma porrò grassarentur. Ea res
Zelandis placuit, sed non alijs. & dissidium ingens
erat, adeò nōnullis ad pacem aut inducias pronis, qua-
si extra illas saluam Remp. habituri non fuissent. Huc

cl. 15. 15.
c. VIII.

accedere, quod duodecennes inducias provincialium omnium animis tantum pacis atque amicitiae mutuae studium imposituras existimarent, ut ad arma resumenda adduci in posterum nunquam possent. Alijs grauiore periculo laborari videbatur. quippe Archiducibus facile auctoritatem per praesidia vindicare, & obedientiam subditis suis extorquere; quandoquidem ex eorum nutu & voluntate Ordines provincialium penderent: at Foederatis metuendum, ne constantia populi labefactaretur, aut diuiderentur animi: quod facile sanè euenturum in Gelriâ, Trans-Iselaniâ, & ditione Groningana, ubi per vim imperata arma, & penes nobilitatem maxima potestas; quae agris tutandis, in quibus ferè omnes eorum facultates, & periculo euitando, partes mutatura. Huc accedebat provincialium in pecuniâ deinceps conferendâ discordia; & in maximum sanè discrimen Resp. adducta videbatur: neque dissidium duntaxat animorum erat, sed ira quoque, & exasperatio, grauissimi semper mali irritamenta. iamq; Archiduces id quod optauerant consecutos existimare aliquis poterat, fractâ illâ antiquâ concordia: & actum fortassis de Rep. totâ erat, nisi eius Fortuna, cõciliatis iterum animis, iam nutantem sustinisset. quamobrem consensus communis fuit, affectus priuatos publicae utilitati donare, & conditionibus aequis animum ad inducias vertere. Brabantiae etiam, Flandriaeque, ac caeterarum provincialium Hispanicarum Ordines, Archiducibus repraesentabant, maximam bellicalam, militum non soluto stipendio intolerandam planè licentiam.

centiam. dandam fessis ærumnarum aliquam quietem, & re-
spirandi tempus. satis hætenus grassata arma, & conculcata
leges esse: illis modum tandem statui, his decus suum reddi oportere.
præterea, finire tot annorum miseriam, seculi totius beneficium,
& immortalem principum gloriam esse, quam trophæa nulla æquarent.
Hoc rerum statu Germaniæ principum legati discedunt, ceu pacem iussi, non inducias adiuuare.
Circa hoc tempus in Britanniam appulit, à Philippo missus, Ferrandus Gironus, eques Melitensis,
qui de operâ Belgicæ pacis negotio impensa magnas Regi gratias ageret;
quod in Galliâ Toletano quoque mandatum. Interim sedulò laborari ad conciliandas
partes, & legatis suis mandare Foederati, proposita capita ut refingerent,
viderentque, si quid in verbis sine Reip. fraude mutari posset: ut Anuerpiam profecturi
legati Regum euentum denuò tentarent, & explorarent, an vel isthuc modo
ad rem ex æquo & bono tractandam permoueri se Archiduces paterentur.
Ac post multam disceptationem profecti illi quinto Eid. Februarias
Antuerpiam venerunt, ubi colloquia habitata plurima, nec paucæ difficultates obiectæ:
iamque res in præcipiti esse, cum ecce præter spem quodammodò
Fortuna publica animos coniungit, decretumque, uti ad pertractandas
inducias legati utrinque Antuerpiæ adessent. Et aduenere non multo post à
Foederatis, quos Spinola, Mancicidorius, & Verreickius per quàm honorificè
exceptos in ædes Fuggerorum


c. 15. 16.
c. VIII.c. 15. 16.
c. IX.


cl. 10.
c. 1 x.

rum deducūt, vbi hospitia designata. Conuentum illic aliquoties fuit, atq; paucis post diebus factæ xii annorum induciæ, certis legibus, quas Rex, Archiduces, Fœderatiq;, ratas se per literas habere testarentur. easq; solenni formâ scriptas, Archiduces quidē & Fœderati intra primos iv dies, rex Philippus intrâ tertium mensem daret. idq; simul ab Archiducibus Fœderatisq; factum foret, tum induciæ cōstitutæ promulgarentur. Atq; ita terminatum bellum est, quo aliud grauius historiē nō habent. Comparemus enim, quę omnibus ante seculis gesta, istud vincet. Primam sibi armorum laudē Roma vindicat, totius orbis imperio nata, & diu varieq; pugnavit; sed viribus semper æqualis hosti, sæpe superior. Fœderati cōtra omnibus modis lōgē inferiores; & quos contemnere hostis poterat, certē metuere non debebat, nisi quatenus oppressum per omne nefas populū iusta ira ac desperatio erigit plerunq; & potentē facit. Varia illis rerū & præliorum fortuna. aliquādo victores, sæpe victi; ita tamen, vt virtus ipsis sua constaret, & animus vetus tuendæ libertatis, quem vis nulla, nulla pericula, aut ærumnæ perculerunt. Mactæ constantiā istā animæ excelsæ! vos Deus & virtus vestra seruauit, ac cum istâ externorum principū auxilia. Positis verò hunc in modum armis, & assertâ libertate, Fœderati, quibus inter reliquas virtutes prima pietas, pridie Non. Maij per imperij sui prouincias grates Deo agēdas, & supplicationē decreuerunt, vt stabilis ipsis tranquillitas ista publica mane-

maneret, & mox pace aliquâ certâ firmaretur, integrâ ^{c. 15. 16.}
religione, magistratus auctoritate, & prouincialiū con- ^{c. 18.}
cordiâ. Et meritò gratias agimus tibi, Æternū numen,
quippe abs te factum est istud, & visum est mirabile in
oculis nostris. At vos Heroes, & Reip. huius dij Sospi-
tatores, Ordines Fœderati, vosq; eorū legati, Gulielme
Nassoui, Walraui Brederodi, Corneli Genti, Ioannes
Barneueldi, Iacobe Malderæ, Gerarde Renessi, Ioānes
Slothi, Gelli Hillema, Abele Conderfi, saluete. saluete il-
lustria nomina. Gratias vobis agit immortales patria
vniuersa pro beneficio incōparabili, quod à posteris in
Æternitatis tabulis perlegetur. Vos etenim in inducijs
hisce constituendis fide summâ laborastis, & negotij
vniuersi molem maximè in vos inclinatā sustinuitis,
prudentiâ admirabili, patientiâ incredibili, constantiâ
ineffabili; & quam nunquam Inuidia concussit, aut Ca-
lumnia. Saluete iterum, Heroes præstantissimi, qui
odij atq; gratiæ popularis pariter securi, rectam virtutis
viam insistentes, non spe aut metu impelli vos posse
ostendistis. neq; ante quiescendum existimastis, quàm
quietem ipsi, post tot annorum bella, patriæ communi
vestrâ operâ redditam esse videretis. Affirmo vobis,
in memoriâ hominum erit virtus vestra; &
tam præclara in Remp. merita nulla
vnquam ætas igno-
rabit.

F I N I S.





F609

S379b

